

筆記小說叢書……明
談孺木著

東林雜俎

新文化書社印行

棗林雜俎 (下冊)

明 鹽官談遷孺木著

彤管

孝慈高皇后無子

考陵享殿。太祖高皇帝高皇后南向。左淑妃李氏。生懿文皇太子。秦愍王。晉恭王。次皇曰妃曰氏。生楚王。魯王。代王。鄧王。齊王。谷王。唐王。伊王。潭王。又次皇貴妃曰氏。生相王。肅王。韓王。藩王。又次皇貴人曰氏。生遼王。又次皇美人曰氏。生寧王。安王。俱東列。順妃生成祖文皇帝。獨西列。見南京太常寺志。孝陵闈人俱云。孝慈高皇后無子。具如志中。而王念洲先生最博核。其別集同姓諸王表。自懿文成祖外。秦愍王。晉恭王。禰周定王。權俱母高皇后。楚昭王。趙母昭敬太亮妃胡氏。齊庶人。博母定妃達氏。潭王。梓俱達氏出。趙王。杞母曰氏。魯荒王。權母寧妃郭氏。蜀獻王。椿桂谷庶人。德俱母惠妃郭氏。湘獻王。栢母順妃胡氏。肅莊王。樸母曰妃邱氏。遼簡王。樸母曰妃韓氏。慶靖王。樸母曰妃余氏。寧獻王。權母曰妃楊氏。岷莊王。樸母曰妃周氏。韓憲王。松母曰妃周氏。瀋簡王。樸母曰趙氏。安惠王。隆母曰妃曰氏。唐定王。桓母賢妃李氏。鄂靖王。棟母惠妃劉氏。伊厲王。舜母麗妃葛氏。吾學編諸書俱同。抑未考南太常志耶。享殿配位。出自宸斷。相傳必有確據。故志之不少諱。而微與玉牒牴牾。誠不知其解。或曰宋史杜太后生懿王光濟。太祖太宗。秦王廷美。變王光贊。而廷美傳云母陳國夫人耿氏。非杜太后也。鵬鳩之德。均愛七子。可以知高皇后矣。而高皇后無子何諱他王母。以諸書及太常寺之志較之。多不合。楚魯代鄧齊谷唐伊潭九王同母亦奇。高皇后遺履。藏奉先殿。修尺寸。組

雙鳳首。綴大珠。歲六月六日曝之。

女官黃惟德。南海人。洪武廿年選入宮。命爲司寶。初名陳妹。永樂初賜今名。信任益隆。宣德七年乞骸南歸。 皇太后命留。又爲詩賜之。皇明列聖御寰宇。偉烈宏謨冠千古。重惟仁化本家邦。內廷百職需賢良。咨爾惟德女中士。自少從容知禮義。一從應召入皇宮。夙夜孜孜勤乃事。昔時黑髮今如霜。歲月悠悠老將至。九重聖主天地仁。欲使萬物同陽春。體茲德意賜歸去。乃心感激情忻忻。黃海超邁十萬里。潞河宮棹春風裏。賜衣宮錦溢光輝。親戚相迎人懣喜。喜爾富貴歸故鄉。我心念爾恆不忘。絲竿題詩意難盡。目極天南去雁翔。其姪女卽大學士梁儲母也。亦累贈至一品夫人。同時有葉女官者。番禺人。少有淑質。通列女傳。洪武廿四年聞其孝敬。選入宮。擢爲女官。因召其父碧山。弟祖道。詣闕賜宴。俱授錦衣衛鎮撫。賫以幣。復其家。又有王司綵者。番禺人。永樂二年選入宮。爲女官。時年少。擢妃方見幸。特推同輩之愛。固辭曰。臣妾。嫠婦也。安敢充下陳哉。 上重之。從其意。司綵有文學。能詩。蓋宋昭容之流。而持操過之。所作宮詞。至今人猶傳誦。

洪武廿年。詔選民間淑女入宮。分司六尚。番禺陳二妹。字瑞貞。仲裕女也。貌端莊。與焉。入見使並六尚事。陳善六書。曉大義。精女工。嬪嬙皆師事之。人稱爲女中君子。二十四年命爲司綵。賜歸省。仍給祿。眷甚。歸家。閭閻嚴肅。人罕見其面。有司候饋。皆辭卻之。 文皇卽位。以司綵熟知典故。召復原職。年四十。以病終於官。遣中使護喪歸葬。

永樂中賢妃權氏。順妃任氏。昭儀李氏。婕妤呂氏。美人崔氏。俱朝鮮國王李芳遠所進。權妃稷粹。善吹玉簫。見幸。永樂八年從征。還至臨城薨。諡恭獻。芳遠驛送妃父永均至。食光祿大夫祿。特遣歸。正德中卒。白金米布。賻賜有嘉。權氏薨時。後司綵王氏作宮詞。瓊花移入大明宮。旖旎濃香韻晚風。願得君王留步輦。玉簫嘹唳月中明。蓋指權妃也。

安妃姚氏

憲廟安妃姚氏。嘉興人。家貧。習緝繒貿市。目無忤視。嘗盥。見醜水中。有日月雲霞五色扇夾侍。甚怪之。應選入宮。髮素種種不盈尺。登舟過平望。一夕髮長委地。今地名曰八尺。後進位安妃。生壽王。妃弟福圓。拜錦衣衛指揮同知。子錦。孫承勛。累蔭千戶。嘉興府志今秀水太子太保工部尚書姚思仁。卽姚妃後。按宋陸游入蜀記。過平望二十里。曰八尺。則前說殊謬。且麗人之選法必應圖。玄夷之髮。其光可鑑。安事種種爲也。

宮人戴氏書

戴氏。湯溪人。選侍坤寧宮。三見御。弘治十年。太監寧某來縣。宮人手書寄問母弟安否。離別思憶之情。悽然滿紙。今其書具存。并有宮中小圖等物。湯溪縣志

沈瓊蓮

弘治間女學士沈瓊蓮。字瑩中。烏程人。寄兄詩。疏明星斗夜珊瑚。玉貌花容列女官。風遞鳳凰天樂近。雪殘鳩鵲曉樓寒。昭儀引駕臨丹辰。尙寢薰衣燕紫檀。肅肅六宮懸象魏。春風前殿想鳴鸞。又宮詞十首。

香霧濛濛罩碧窗。青燈的的燦銀釭。內人何處教吹管。驚起庭前鶴一雙。倦把青絨繡紫紗。聞針時復卜燈花。明朝天后長生誕。可有恩波徧及麼。昔蕊花封小字絨。寄聲千里落雲帆。一春從不尋芳去。高疊香羅舊賜衫。天子龍樓瞥見粧。芙蓉圍殿試羅裳。水風涼好向西坐。專把書經教小王。曉臨鸞鏡整疏粧。高髻巖新一尺長。花影瑣窗人下直。開籠自放雪衣娘。明窗棗兒淨爐薰。開閱僊書小篆文。晝永簾垂春寂寂。碧桃花映石榴裙。海東青放渡遼煙。天上羣鵝得白專。勅諭廳房高索價。聖王廿載絕游畋。

御柳青燕子愁。萬條齊水弄春柔。東風不與閒人贈。誰去江南口口洲。
尙儀引見近龍牀。御筆親題墨瀋香。幸得唱名居第一。沐恩舞蹈謝君王。
翠絲蟠袖紫羅襦。偷把黃金小帶舒。中使傳宣光祿宴。內家學士作新除。

右沈氏董穀碧里雜存載其一云送弟溥。又誤爲周氏。吳興藝文補。載藝文八首。

恭恪惠榮和靖皇貴妃鄭氏

鄭貴妃父承憲。貧甚。以女許孝廉某爲妾。臨別悲慟。孝廉因之。遣還。不責聘。鄭感甚。脫隻履于孝廉。矢報。已入宮。大得幸。念前事。忘其名。命小瑞售隻履於市。索值若干。無應者。時孝廉計偕聞而往。合其履。妃泣告於上。非若人妾不及執巾櫛矣。亡何孝廉謁選。得善地。歷口口鹽運使張道濬說。貴妃生福王。嘗洵有如意之愛。上書其名於金盒。屬妃藏之。約他日東宮之徵也。辛丑十月。皇后子受冊東宮。貴妃不懌。持盒泣訴。上啓之。書字皆蝕。歎曰：此天也。錢謙益相國說

端氏

天啓初選宮。南都以於氏端氏應。并入內。偶啖麵。端氏一箸。於氏再箸。嫌其失儀。出之。於氏尤妍麗。

孝節貞肅恭莊毅烈皇后周氏

周皇后父奎。寓京師。奎徵時。寄食。爲人篋庫。元配生子鑑。繼丁氏。生子某某及后。後廢中宮。以鑑從長。不許。初信王選婚。終安布素。維得紘服。念其父貧。輒資之。初不意關雎之味也。既信邸入正大位。后生東宮及定王。貴妃田氏。生永王悼靈王。貴妃漸寵。謀奪嫡。一日永和宮婢口口。於金稜視下。誤觸定王。田氏居永和宮中宮弗善也。上嘗召貴妃。妃例御鳳輿。小瑞昇之。是日昇以宮婢。

上問故。曰小璫多恣肆無狀。問其實。曰問坤寧宮小璫狎宮婢。故遠之耳。上色動。卽搜其處。大得狎具。蓋宮人各侶其璫。所謂對兒也。上驟怒。立遣諸小璫。司禮太監口口。請少寬之。如三殿下何。小璫某年十八。美姿制。時俾中宮宮命於外家。幸不值。中宮因懟恨成疾。嘔血。有老宮人謂曰。田氏宮中獨無對兒乎。亦可搜也。果大得狎具。上疑始釋。都督田弘遇聞之大恐。嗾貴妃上章引咎。上意解。令省愆。例閉中門從旁出。且以章示中宮。示無嫌也。其章出御史湖南劉興祥筆。蓋弘遇所囑云。貴妃省衍亦屢矣。壬午貴妃薨。明春弘遇進其少女。年十三。見寵。欲卽進封。司禮太監某言貴妃以選入。非外進也。乃止。賜珠簾等有差。亂後走天津。珠簾猶存。今爲朝士某妾。崇禎庚辰。上因皇五子之變。特命各郡縣崇祀九天僊母廟。

以上俱宮闈。

孺人范氏

臨江府志。范氏。清江人。博通經史。洪武初召爲女使。授孺人。爲宮中姆師。一日。高皇問前代何后最賢。家法何代最正。對曰。惟趙宋諸后多賢。家法最正。命錄進。更誦聽之。凡降內制。多范爲定詔。賜歸老於家。

翁氏女女師

普江御史翁慶。巡按四川。不避權貴。又勅往武當山獻玄武神眼珠。賜一品服。亡何坐累下獄。慶無子。長女詣闕上書請代。仁孝皇后召入宮。留之三月。爲宮中女師。人以比緹縈。

林淑圓

莆田林淑圓。按察使林時之女。時觀政刑部。坐累下獄。發北京營建。淑圓年七歲。輒登聞鼓訴冤。

仁廟暨國於其幼。飯之。釋時。從任陝西。封左臂如粥。愈母疾。長嫁西安左衛指揮使費銘。年七十。

妙錦皇姑

徐中山達第三女妙錦。文皇帝欲娶爲繼后。女不可。因不嫁人爲尼。嘗論革除事。謂建文君當坐殿上。以待燕王至。苟不讓則死之。何必自焚竄。每語遜國事。未嘗不痛哭也。

玄君

正一真人張氏母妻。封玄君。

何夫人紫金掠

左軍左都督何文輝。夫人豐氏。嘗入內。呼爲媳婦。賜紫金掠一個。玉響杯一隻。玉掠髮釵一副。至今爲家寶。紫金掠溫潤水。蛇毒。將此掠水解毒。嘗記文輝子儀。口口衛指揮使。

郭真順

郭真順。潮陽人。適周伯王。明初官兵下嶺南。指揮俞良輔。征諸寨未下者。伯王居溪頭寨。真順遮道上。詩良輔曰。將軍開國之武臣。早附鳳翼攀龍鱗。煙雲慘淡蔽九野。半夜出捧扶桑輪。前年領兵下南粵。眼底羣雄盡流血。馬蹄帶得淮河水。灑向江南作晴雪。湖陽僻在南海濱。一載不斷干戈塵。客星移處萬里外。天子太念遐方民。將軍高名邁千古。五方健兒猛如虎。輕裘緩轡踏地來。不減襄陽晉羊祜。此時特奉明主恩。金印斗大龜龍文。大開藩衛制方面。期以忠義酬明君。宣威布德民大悅。把菜一壘誰能奪。黃犢春耕萬壟雲。鰲龍夜臥千秋月。去歲壺陽戍守時。下車愛民如愛兒。壺山蒼蒼。壺水碧碧。至今歌咏之。欲爲將軍紀勒績。天家自有麒麟筆。願爲壺民歌太平。磨崖勒盡韓山石。良輔覽。大悅。

金濂出妻

戶部尚書金濂。妻董氏。永樂七年。妻兄董英。瞰其在學讀書。盜其家物。後濂聞知。搜得出官。械英決罪。妻亦遣嫁。

會稽范氏二女

會稽范氏二女。居賀家湖。正統七年生。好讀書。姊適江氏。匝月而寡。次許傅氏。傅夭。二女守志別業。垣圍其室。并田十畝。種稷有時。父率傭以入。否則閉戶相對。引溝灌田。凡三十年。共卜葬止水墩。以遺產祠之。今過者遺穢。輒得祟。會稽縣志

項襄毅胡婦

項襄毅大司馬忠初以刑部員外郎。從駕土木。陷胡中飼馬。與胡婦善。挾而南。走四晝夜。食盡。胡婦度不兩活。乃併糧自殺。項得入宣府。後祀婦家廟。

婦人生鬚

弘治六年某月。應山人張本華婦。崔氏。生鬚。長三寸。見實錄。

嘉靖癸丑。青浦鱸鱸鎮。有婦人忽生髭鬚。時縣差以串攝其夫。從壁間窺之。以爲男也。夫亦無獲。携婦以歸。邑市聚觀甚衆。明年遂有倭變。青浦縣志

萬曆二十一年。嘉興包彥平。館華亭余塘宋氏。其隣侍姬鬚長五六寸。二十餘莖。時年六十。自三十三歲始生鬚。拔去仍出。至五十歲而止。包彥平集

女化男

正德七年。平涼府太平橋下。女子高四姐。儻予故廬居。化爲男子。生鬚。名高雷。今六十餘。有二子。趙時春。平涼府志。

崇禎戊辰。華亭莫氏女。化爲男子。遂儒服。裹巾。庚午嘉興屠用明。見於陳眉公座上。既去。眉公指之曰。此卽莫氏女變男者。

貞女節婦解

淨靈州曹氏。聘於王守仁。未嫁而守仁死。曹氏聞之。慟哭不食。遂縊死。趙中丞時春駁曰。在家從父。女與未婚之夫胡死哉。自經溝瀆耳。作貞女節婦解。未娶曰士。未嫁曰女。士納采女家。受之氏名通焉。曰聘。未有夫婦也。士奠雁女家。受之。父命之東階。母命之帷。庶母及門內施鞶。申之以父母之命。姆奉登車。士御輪焉。先歸而待諸里門。至則揖之人。共牢而食。合卺而醕。成婚禮焉。故曰夫婦。始易士女之名也。婚昏也。陰陽交際之時。人道生焉。是同生死。故婦從一而終。曰節也。聘而未嫁。非婚也。女非婦也。待母而行。行不踰闕。以順父母。故曰貞。貞者順正而固也。女德也。故婚姻之禮不備。則貞女不行。行則非貞矣。士未迎。父母未命。姻弗待也。而奔以哭士而事其親。于律無服而強持服。聞哀生於情。情生於禮。此之何禮也。而于士何情也。不備禮而行謂之奔。褒奔婦則逆義。違親命則傷孝。是宜爲國大禁令。取之而與節婦同論。甚非禮也。故曰大不可。

按凌谷先生持論太苛。予傷曹氏之志。語曰。陷水可脫。陷文不活。特錄其文。以告淑媛。毋俾曹氏重枉也。

葬婢再生

嘉靖初南充劉氏婢么女。父嬖之。母妒。臨葬推入之。三年後葬母開穴。么女伏棺上。不死。出言與其父處。如恆。特若夢中。無少苦。

張安人柩白花

泉州張守化贈君婦陳安人卒。棺之前和發白花。重樓數朵。高大可半尺。香如蓮。

韓烈婦

萬曆庚寅五月祭亥。德州韓承業婦王氏殉節。初承業沒。戊子孟夏誓殉之。七日不食。姑強之食糜。遂絕鹽茹。每晨哭。燃香誦佛不絕聲。居二載。忽治葬。留偈几上。跣坐室左。戒人無近。俄口出火下垂。色白如輕雲。鼻流玉筋。良久火徧體金色。焰至數丈。光達十里。而香。火盡遺骨如生。所坐土結蓮花千朵。事聞。撫按爲立祠表門。

秦昭奴

定遠合肥間有亭。曰響道。旅店之東房。萬曆末秦昭奴題詩二首。序曰。妾本燕人。幼依表兄李內官處。撫育教訓。頗習詩史。年十八。嫁爲江南士人側室。雖愛有所鍾。而分制於嫡。春燈秋月。獨宿多愁。長途旅館。孤衾更慘。夜深滴淚。和墨成吟。亦以寫斯幽怨云爾。逐日一程又一程。風沙拂面鬢雲輕。鴛鴦有伴非吾伴。愁向孤衾數漏聲。其一日日長途馬上塵。佳人薄命怨青春。小星千古稱賢淑。坐對寒衾淚滿巾。其二後書秦昭奴記。時某年月日也。跋曰。昔王昭君適胡。曹大家能文而寡。妾文不逮曹。而境未適胡。而有夫無夫。咫尺胡越。意頗似之。用取小字。以識深愁。後之文人君子。倘憐而表章之。君施惠不酬。妾感且不朽。昭奴又記。熊人霖南榮集。

陳氏遣荒詩

萬曆戊子。金陵嫠婦陳氏。作遣荒詩。年來水旱作災屯。疾疫家家盡掩門。兒女莫嫌全食粥。眼前不死亦天恩。

吳江張烈婦

吳江諸生張士柏。娶沙溪陳俊女。士柏夭。遺女三歲。其兄士松。利婦產。以鄉人徐洪義子張程字之。婦不聽。乙亥十二月既朔。羣黨夜突入。脅婦往。死拒之不克。士柏從孫女。故適徐氏。因迎于家。越六日。陳訴縣侯德清章日烓。日烓枚其媒。徐義以婦爭之。強刑其指。拳曲不受。遂囹婦。謂在徐洪宅連。夕。無可白也。已婦出獄。忿甚。丙子三月。訴按臺。不得理。四月既朔。訴臺於松江。臺欲下吳江令。婦計迫。卽自刎。郡人義之。厝東禪寺旁。道祭相望。日烓竟憂死。徐洪等各伏罪。

錢塘劉氏女

錢塘江澚劉元輔女。字諸生吳嘉諫。未行。年十九。夜嘗度簫。鄰人張阿官。故亡賴。聞聲依和。又偵女貌。夜躍上樓。穴窗偪女。女大呼賊。元輔驚起。繫阿官髡之。未及旦。阿官兄子養忠。知其故。糾黨斬門。且鳴金號于衆曰。元輔實以女偪。而又葬之。女聞之大恚。自經。訟於郡守光山劉夢謙。而阿官謀於訟師丁玉蘭。賂元輔以女承污。則罪不死。郡守疑之。陰訪其女。故潔。得元輔私狀。阿官論如律。初嘉諫弔其女。剃眉投盂水中。不散。謂處子也。拊屍大慟。而丁玉蘭忽晝見女。自搏叩頭立死。上虞倪尚書元瑤。傳劉氏。不言善簫。

命婦能詩

福清林鴻官膳部郎中。婦朱氏。能詩。嘗作詩勗鴻。年十九卒。鴻終身不娶。
仁和陳德懿。南康守敏政女。適都御史李昂。通達往輿。尤工詩詞。有集四卷。當塗鄒養貞。國子監承

侯口婦。封孺人。博學能詩。有士齋集三卷。子韶。弘治丙辰進士。官編修。仁和楊文瀾。工部員外郎應擢女。爲餘姚孫陸繼室。能詩。子鋌。編修。誥封夫人。詩稿附文恪公集行世。

武定橋烈婦

永樂初誅建文遺臣。以妻女發教坊。配象奴。有一婦題詩帶間。赴武定橋河死。詩曰。不忍將身配象奴。手提麥飯祭亡夫。今朝武定橋頭死。要使清風滿帝都。或云。此松江謝氏婦也。

華亭王鳳嫻。進士張本嘉妻。本嘉知宜春。卒官。艱辛自誓。撫其子汝開。舉于鄉。爲懷慶同知。封孺人。有焚餘草。雙燕遺音。行世。

上元倪岳家宰婦口氏。有口口集。

翰林陳沂繼室馬間鄉。能詩。書法蘇長公。善山水。白描橫幅。年近八旬。不廢吟咏。有芝居集。

楚女晚蘭。和新嘉驛女子詩二首。驛舍題詩今尙存。斷煙荒草鎖重門。多情况有千秋月。夜夜牆頭照墨痕。碎壁沉珠最可憐。牆頭題恨墨猶鮮。妖魂欲問歸何處。不化鴛鴦化杜鵑。

鄞縣陳東。官河南提學副使。婦董氏。少宰珉之女。能詩。凡后岡稿成。轉共評定。今董氏詩不傳。

吳江沈宜修。字宛君。副使沈琬之女。工部郎中葉紹袁妻。生二女。仲季蕙綢小鸞。並嫻文墨。中庭之咏。不減謝家。嬌女之篇。有逾左氏。二女並未字而夭。宜修亦蚤世。紹袁彙所著。曰午夢堂集。行世。

吳縣范允臨。官福建參議。婦徐媛。字小淑。工詩文。有絡緯集。

三水文氏翔鳳之姊。適葛氏。有君子亭詩賦三百餘首。手鈔書六十卷。少寡。自誓作九騷九篇。詞義典雅。稱其風烈。文翔鳳婦武氏。粗識字。翔鳳稱其能詩。有文武合刻。武恭人沒。繼鄧氏。翔鳳齒。淪

艾。婚夕。翔鳳大書頰鸞倒鳳於室中。鄧氏能詩。甲戌翔鳳得風疾。壬午春卒。甲申鄧氏事李自成。今沒入范文程家。

麻城王銍龍。禦史鳳詔女。適劉守蒙。十一年守蒙夭。忍死事姑。誓不踰闔。父疾篤。欲見之。不歸甯也。少讀書。過日輒誦。老而詩益工。年七十九。日不見字。猶使甥輩讀書坐側。聽之。李贄倡龍潭菴。高談佛乘。風動四方。銍龍獨不往。欲索寸札酬答。亦不許。其春日詩。桃花暮雨煙中閣。燕子春風月下樓。幽閨永夜燈前淚。孤枕頻年夢裏愁。秋月詩。霜飛衾薄紅棉冷。雲斂天高綠樹寒。病起詩。對鏡面黃如菜色。看書目眩似花生。

海甯朱淑貞。尚寶卿祥之女。適周濟官光澤教諭。幼聰穎。博極羣書。年八十卒。有靜庵集十卷。

桐城張乘文。官山東布政使。方孟婦。字如耀。能詩。庚辰濟南陷。乘文死之。孟式投池中以殉。少讀書。有婦德。有級闈閣前後集八卷。

鄞縣金文貞。適王口門子。登進士。官副都御史。封太淑人。有蘭莊詩集。

漳浦黃道周。官禮部尚書。婦蔡氏。工文翰。

朝邑屈安人。適韓邦靖。詩文唱和。如良友。邦靖早世。安人後十四年而沒。有異工書。康海乞序其母詩。後之。此條疑有誤。

女士

太倉薄少君。庠生沈承妻。承有雋才而夭。少君哭詩百首。踰年值忌辰。酌酒。一慟而絕。天台貢士裘致中妻潘氏。號碧天道人。有碧天稿。其題桃源洞曰。千年老樹萬年山。洞口漂娥白玉顏。劉阮當時那得見。浪傳浮跡在人間。其一天接青山路萬重。僊家洞口白雲通。聽殘一夜溪頭雨。流出桃花幾片紅。其二

黃安人。遂甯人。尚書珂之女。爲修撰楊慎繼室。慎戍滇南。博通經史。工筆札。攜之戍滇南。後慎奔父喪。安人留于蜀。應家政。閨門整肅。詩不多作。慎有詩答婦。又別和三詞。皆不及也。

寄夫詩

雁詩曾不到衡陽。錦字何由寄永昌。三春花柳妾薄命。六詔風煙君斷腸。日歸日歸愁歲暮。其雨其雨怨朝陽。相聞空有月環約。何日金雞下夜郎。

黃鶯兒詞

積雨釀春寒。見繁花。樹樹殘。泥塗滿眼登臨倦。江流幾灣。雲山幾盤。天涯極目空腸斷。寄書難。無情征雁。飛不到滇南。

劉雪瓊。山西臨縣人。孝廉趙祐之妻。有水雲居詩。自署四維石檻花居士。

莆田黃幼藻。字漢宮。蘇州同知儀之女。適林恭卿。沈靜知禮。舅沒。竭力奉姑。所居不蔽風雨。近戚罕而。卒年三十九。所著有柳絮編。

蘭溪舒大猷。萬歷口口貢士。婦陸靜。專工小詞。以脂筆書字。落紅滿楮。

閩縣儒士鄭坦妻鄧鈴。字德和。坦卒。封耳雙自誓。詔旌其門。萬歷中嗣子雲鎬貴。贈宜人。有風教錄。山陰王素娥。能詩文。善女紅。適胡節。節死于燕。娥誓無他志。年四十一卒。

陸卿子。吳人。尙寶卿師道之女。適太倉趙宦光。宦光家廬墓。與卿子偕隱寒山。卿子能詩文。有雲外閣考槃玄芝諸集。

李玉英。錦衣千戶李英女。父死。弟承祖幼。繼母焦氏。有子。謀奪廢。毒殺承祖。出其妹桂英。而誣玉英以奸。指其送春別燕二詩爲證。論死。玉英奏辨。世宗察其枉。得釋。

文侍

吳人陳寬孟賢侍姬。曰梅花居士。掌文墨。

華亭王一鵬訓導。善畫。居柳上。供侍姬供筆墨。

直閣尙書口口張天駿。有青衣口口善書。

金陵史忠癡翁侍姬何玉僊。能書繪。解音律。號白雲道人。閩人周玉簫。武弁方輿妾。與上議撫紅夷。忤大帥。繫獄七年。遣玉簫。玉簫誓不去。及事解。詣闕。遇國變。又不得歸。玉簫感慕痛沒。有詩一百三十首。行世。

妒內

都督蕭如薰夫人楊氏。才而妒。無子。不容納筵。如薰與長安張生喜。言及嗣息。悵然曰。吾殆斷矣。張曰。將軍當置別館于此。從之。果得子。補諸生。娶婦。楊夫人尙不知也。

義妓陳氏

萬曆乙卯。楚掾某狎姑蘇妓陳氏。傾囊。姆厭之。陳私留掾。身託疾他避。求里中豪貸掾。得嫁之。而所携囊頗饒。毫不累掾也。歸楚後。同掾謁譚。北道鄱陽湖。同舟徽人。窺陳色藝。間許掾千金。掾以情告陳。陳歎曰。君裝薄。果進其千金可耳。俄千金具。別掾更登徽人舟。望掾帆發。漸不復見。拊膺嗟喟。投水死。明年掾還。渡湖中。感陳設祭。俄風晦舟沒。

蘇州義妓

蘇州姬某乙酉國變。譜所善客以死事。俱狎笑之。中秋買棹。召客泛太湖。皎月空明。鷗鷺首。甚適。忽顧影感歎。置觴。投深流處。不及救。

難婦

不畫雙蛾向碧紗。誰從馬上撥琵琶。驛亭空有歸家夢。驚破啼聲是夜笳。其一日日牛車道路賒。徧身塵土向天涯。不因薄俗生多恨。青家啼鵲怨漢家。其二驚傳縣史點名頻。一一分明漢語真。世上無如男子

好。看他髡秃也驕人。後跋云。吳中孀婦趙雪華。題在剡城縣李家莊鎮亭壁間。宮人廣陵張氏。過崇德縣石門鎮。題壁四首。或云投河死。詩云。

身隨劫數從奴虜。愁聽胡笳聲可哀。柔腸已碎如針刺。况值蕭蕭夜雨來。其二深閨日日語鸞鳳。愁被干戈出畫堂。弱質那經羅虎口。可憐魂夢繞家鄉。其二 繡鞋脫却換宮靴。女易男妝實可嗟。扶上玉鞍愁不穩。淚痕相逐馬蹄踪。其三 口口口口口口口口口口。車騎嶙嶙野店來。憐我故鄉生死別。花枝已向別園栽。其四

妾本虎林女也。所逢不淑。再罹干戈。臘月甚寒。挾之北上。終日坐破車中。啜啜筋骨欲脫。寒風慘烈。塵沙眯目。寒馬悲鳴。淒其欲絕。真蔡琰車中。明妃馬上。所不能彷彿者。幾欲自經。念妾本良家。流落至此。曾與魏里曹生。訂終身交。自謂才士必不棄予。死之無名。何如忍以相待。已復念此。乃又強食。偶從將士閱省錄。知曹郎已鄉薦。旦夕公車至此。恐謂妾已死。遂爾捐棄。故乘暇竊書此詩。令知薄命妾。猶然西湖月下心也。當妾與曹郎晤時。六橋明月。十里湖山。澄波渺然。萬籟蕭寂。妾吹簫忽悲泣。曹郎舉酒酹天曰。勿憂。終當助汝以金屋。妾改顏謝曰。無媒妁何以先是。曹郎嘗懷一扇。妾甚愛其扇上詩。爲桐山方生名玄成者作。有云。蒼壁倚千尋。空江自古今。浪翻丹口合。廟枕碧流深。等句。妾賞其壯涼高逸。是時曹郎即出其扇曰。汝佳此人詩。此人吾好友。海內名士。卽以爲媒妁可乎。妾拜受之。至今數濱死。不去袖中。又聞此生亦登鄉薦。倘曹郎不及見此。萬一桐山生寓目焉。謂妾尙存。亦不負當日以胥長生待先生意也。西湖薄妹宋娟。和淚書。

風動空江羯鼓催。降旗飄颺鳳城開。將軍戰死君王係。薄命紅顏馬上來。其一 廣陌塵沙滿鬢雅。北風吹雨落鉛華。可憐明月篋篋引。幾度穹廡伴暮笳。其二 春風如繡雨如煙。良夜知心畫閣眠。今日相思渾似夢。算來可恨是蒼天。其三 盈盈十五破瓜初。也作明妃別故廬。誰散千金效孟德。鑲黃旗下贖文姬。其四 南莊勝處妾常憶。借問軒車早晚游。美景難忘竹廊下。好風爭奈柳橋頭。其五 冰消見水多于地。雪霽看山盡入樓。若待春深始同賞。鶯殘花落卻堪愁。其六

妾命如朔風。飄然振落葉。不入郎羅帷。乃逐塵沙陌。妾本良家兒。流落平康劫。十三工秦箏。十五好筆墨。樽前柔歌聲。淚濕江州褶。人謂妾顏美。妾謂多生孽。武林遇曹郎。心知不徒說。忽爾天地崩。遂令山川別。一爲俗羈絆。再爲干戈繼。嗚嗚大車中。塵土滿髮髻。又猗那一羊裘。皴肌冷如鐵。晝則強歡笑。夜則潛哽咽。誰爲文姬哀。文姬猶返闕。誰爲明妃怨。猶得封馬鬣。而我薄命人。終當染鱗血。所不卽就死。心爲曹郎結。曹郎爾多情。豈忌西湖月。曹郎爾多智。豈不諒我節。曹郎爾任俠。忍妾委虎穴。曹郎爾多交。交豈無豪傑。媒妁扇上詩。顛沛不忍徹。忍死一相待。悲酸難再說。又聞桐山生。風流當世傑。爾旣善曹郎。何不一救妾。

丙戌秋金華陷。婦某。俘入杭州行營。庚寅六月。其夫跡之以五十金贖。不許。遞至百五十金。終不許。婦疑淚語其夫曰。第藏其金。天下多好婦。何我爲。其人益至二百金。終不許。婦乘間引刀自刎。營卒怒。剖腹搗其陰。俄雷震死。

新樂縣南關旅壁。題曰。妾本淮上弱質。僻陋而無心。戊子遭兵燹。滿之狂丈夫以我北去。壬辰復挾我南征。過此偶遇之於盱衡之間。情溢于露。氣幽於蘭。嗚呼。此誰之美也。嗟余薄命。感而賦此。北去南來空自猜。編愁爲口幾時灰。妾心最慕漢天子。自將單于不敢來。造次相逢若有私。自成那復畏人知。胸中歷歷不然事。可得對床說與伊。

冬兒

良鄉伎冬兒。善南曲。入外戚左部督田弘遇家。弘遇卒。都督劉澤清購得之。以教諸少四十餘人。其最姝麗者。登兒也。甲申澤清欲偵二王存否。冬兒請自往田氏探之。遂男飾而北。知二王已絕。遂南。澤清鑑淮安。書佐某。無罪殺之。收其妻。澤清降北虜。攝政王贈宮女三人。皆嘗御者。澤清不辭而嬖之。亡何內一人告變。攝政王錄其家。及所奪書佐之婦。澤清供書佐有罪。故殺之。婦明其非罪。且云澤清私居。寇角巾。謂事若迫。不如反耳。澤清誅。冬兒下刑部。尚書湯曰。嘗飲澤清所。出侑酒。故識

冬兒。因曰。爾非劉家人。遂免籍。更嫁吳駿公。作臨淮南伎行。臨淮將軍擅開府。不關身強鬪壽舞。白骨如何棄戰場。青娥已自成灰土。老大猶存一伎師。柘枝記得開元譜。纔轉輕喉便淚流。尊前訴出漂零苦。妾是劉家舊主謳。冬兒小字唱梁州。翻新水調教桃葉。撥定鷓鴣絃授莫愁。武安當日誇聲伎。秋娘絕藝傾時世。咸里迎歸金犢車。後來轉入臨淮第。臨淮游俠起山東。帳下銀箏小隊紅。巧笑射棚分畫的。濃妝毳仗簇花叢。縱爲房老腰肢在。若論軍容粉黛工。羊侃侍兒能走馬。李波小妹解彎弓。錦帶輕衫嬌結束。城南挾彈貪馳逐。忽聞京闕起黃塵。殺氣奔騰滿川陸。探騎誰能來薊門。空開千里追風足。消息無憑訪兩宮。兒家出入金張屋。請爲將軍走故都。一鞭夜渡黃河宿。暗穿敵壘過侯家。妓堂仍訝調絲竹。祿山裨將帶弓刀。醉擁如花念奴曲。倉卒逢人問二王。武安妻子相持哭。熏天貴勢依椒房。不爲君王收骨肉。翻身馬上遇南兵。退駐淮陰正拔營。寶劍幾曾救死士。明珠還欲致傾城。男兒作健酣杯酒。女子無愁出曼聲。可憐西風怒。吹折山陽樹。將軍自撤沿淮戍。不惜黃金購海師。西施一舸東南避。崩濤急浪。梅村集作鄂州崩浪。大于山。張帆振柁無歸處。重來海口豎降幡。全家北過長淮去。長淮一去幾時還。誤作王侯邸第看。收者到門停奏伎。蕭條西市歎南冠。老婦今年頭總白。淒涼閱盡興亡迹。已見秋槐落故宮。又看春草生南陌。依然絲管對東風。坐中尙識當時客。金谷田園化作塵。綠珠子弟更無人。相憐只有樓頭月。梅村集作楚州月。落清江冷長笛聲。聲欲斷魂。

秦良玉

山陰朱燮元。總督雲貴川廣。石砭宣撫司女土官秦良玉。雅度侃議。謙從俱美少年。朱公子壽宜訪之。酒間微諷。良玉笑引南宋山陰公主云。陛下後宮百數。妾惟駙馬一人以答。

良玉屢勒兵討逆。天啓辛酉永甯宣撫司使奢崇明。叛據重慶。厚遣良玉求助。良玉追其使。提兵進攻。多斬獲。

忠順夫人書

萬歷十九年七月六日。欽封忠順夫人。卽三娘子。上經略總督鄭洛書曰。蒙差通官韓大友等。賫書到帳。分付我盡知之。回套之事。我恨不能卽速登程。奈因頭畜疲弱。不能起身。每想老大人宣大督鎮之日。曾受無窮恩典。時刻思念。惟天可表。因洮河失事一節。實口西反背。皇上洪恩。有負大人抬舉。將華夷大事一日有失。幸蒙大人枉駕河西。多承俯就其事。乃不幸中之幸也。今蒙老大人書諭。由扁都經過套。恐懼漢夷生事。彼此壞名節。本上會同吉囊由肅州邊外於川底行走。已差人稟知。四月起身。我思肅州邊外。路途遙遠。况老老人在彼多有勞苦。意要從鎮羌經過。恥媿不敢開言。如肯憐閱。暗賜一音。我自存主意。彼此方便。我目前西海之地。因爲失事。致將我自愧。未敢計些須之物。今備絲銀十兩。萬望老大人神力。轉買各色梭布八十匹。茶籠八斗。白綾汗巾五十方。珊瑚二兩。硫黃焰硝四兩。砂礪十個。涼扇十把。書柬紙一百張。若肯賜發。我世世不敢忘。謹具此啓。再拜。又銀六兩。買梭布十疋。餘銀買茶。大廟堂鄭老先生大人臺下。

彤管志餘

彤管自宮闈淑媛外。無可述矣。義伎難婦。非法也。蓋傷其志。閱其遇耳。豈足語風教哉。更有流聞。似不欲棄。并附之以資嗚喙。

嘉興某善射。道山東。遇女子。單騎行劫。接其矢反射之者三。女子呼曰。君無相苦。當下馬。少有所語。語曰。吾閱人多矣。願事君奉箕帚。某從之。挈歸。作孟子湖暴客。久之入燕不返。沈天生比部。嘗識其人。

甲申九月。友人趙昌齡。出杭之湧金門。至剩園。見題壁云。芙蓉花發滿堤紅。盡道芙蓉勝妾容。昨日妾從湖上過。行人何不看芙蓉。

金陵卞荆璞。全母寓武林西湖上。作西湖遇雨詩。重雲負我買名湖。博得蒼烟入畫圖。柳去六橋春色斷。雨來三竺遠山無。滄桑變換笙歌歇。人事淒涼風月孤。我欲才情寄蘇小。西陵珍重舊時鱸。荆璞能

書咏。第其人不足道。口口寄情蘇小矣。

志怪

萬歷庚寅。隰州有民婦。居山中。日汲澗水。忽聞鳥呼曰。山要開。山要開。日呼于耳。婦不以爲異。一日飛集肩而上而呼。婦歸告其夫。夫曰。明日若呼。當應之曰。開便了。果呼果應。山旋崩。出藏經一部。皆宋牋繕寫者。卷末書興國材興國院造。紙墨如新。聞諸有司。散各名山。攜李王大同寺僧朝五藏。亦隨往捧誦而歸。

魏文紳

沙縣魏文紳。官知縣。善禱雨。其術用大蝦蟆一隻。作火字四十九道。納之腹中。立壇瘞之山上。三日而雨。至暴雷震電。雨罷。于瘞所失蝦蟆所在。但不敢嘗試。一日卽龍硤立壇。二日夜大雷雨。天明視之。前池水皆涸。魚無大小。各剖爲二。文紳懼。遂不復試。

技餘

石續

東昌某宦牡丹下。噴噴有聲。坎之得物。目煢煢。不食而息。曹縣石續曰。此視肉。古帝王葬中物。擴氣見矣。亡何某公卒。充貳守錢某。毀壇城壩淫祠像。臂流血。駭之。續曰。蝙蝠血也。時仲冬。搜得數斗。

曹縣志

鄧雲翁種牙方

嘉靖閩縣鄧雲翁。遇異人得種牙方。患者飽食後。吞藥七丸。復漱末藥湯。諸牙立下。以生鼠去皮。和藥搗爛。依牙之序。逐枚蘸鼠種於原孔。至死堅如少壯。或老人牙脫。以他牙種之。亦如生成。

張雷王八十

沁水張雷。操術甚祕。嘗元夕同友觀燈揚州。且卽還舍。暑行求瓜濟渴。生人不出。袖出碎紙。俄犬兔相逐斷其蔓。主人大悔。則呼犬兔於袖。瓜蔓如初。後遇蛇當徑。方咒禁。蛇宛轉問爪角俱出。長十餘丈。雷擊立死。特術不成。觸忌神佛也。

王八十。善召鬼。能攝肴酒待客。己未嘗沾也。或夜致麗人。如李夫人帳中所見。手之卽滅沒。所經墟墓。言逝者貌飾俱合。友某求其術。約齋三日。俄私食脯。被雷震。裸灼雪中。以友誤我。幾讎死。卒亡子。沁水縣志

牟康民

內江牟康民。少年抱異術。不知所從授。萬歷庚申正月。投牒於巡按御史黃陂吳之皞云。明年辛酉九月。蜀變方作。方伯朱公能平之。今聞其入賀萬壽。乞留任待拯。以拯我西人。其另擇賫捧者。方伯朱公。蓋右轄山陰爨元也。之皞故好數學。年十四。補諸生。高等。累舉不第。從豫章術士游。年四十五。聯第。至是覽牒而異之。方伯當入賀。見之皞於夔州。勉留之不得。蓋朱母夫人明年八十。使道兼壽也。之皞歎曰。蜀人無福。請後期。朱曰。今秋入賀還。因歸省。明年正月進觴。三月當看花錦城矣。之皞許之。灑別以叱馭是望。明年春朱轉左轄赴蜀。出黃陂。訪之皞里第。時之皞按蜀竣。過其里。饒朱於郊。出康民所投牒授之曰。事甚異。君至蜀當物色其人。而朱未卽信。迨九月重慶之變。亟遣使報劉養鯤武聲華。馳訪康民山中。距內江邑三十里。茆舍三楹。不受徵。第曰。有朱使君在何患。成都百日之圍。可堅守也。及圍解。又徵之。辭曰。牟生不是今朝人。凡警輒遣使叩。叩輒驗。朱進巡撫。後憂去。己

已三月拜總督之命。開府黔中。康民先寄札云。使君重蒞黔蜀。誠地方之幸。八月安奢俱靖。從此造福十年。但乙丙年。罡星正照燕都。仲冬金人內入。畿南白骨如麻。天下漸擾。又云燕京黃氣已盡。戊寅入大劫。倥偬三十五年。民不聊生。丙子十月。又札云。康民已心厭凡世。遠遁深山。不復再候。明年丁丑八月。使君剋度不佳。當乞休綠野。以保餘齡。否則戊寅之變。將返樸還真耳。少師疾跡康民。不知所往。先是秦撫劉漢儒。學使何閩中。招康民署中。補諸生廩食。日長臥。語多不效。乃放歸。康民自稱又呆子。所著兵機籌等書。

萬歷末方士

孝威程芸閣大司空註云。萬歷末值方士京師。言萬歷當四十七年。秦昌一年。天啓七年。崇禎十八年。甲申夏程始述于人。第疑崇禎差一算。明年五月。弘光皇帝出奔。甲午都人擁立王之明。云故東宮也。勅封中城獄神爲王。仍稱崇禎十八年。事尤奇。

蔡鼎

永春蔡鼎。諸生也。好易學。著易蔡等書。博通象緯。來長安。出入塞上。爲大司馬幕府客。然不能用也。既久之。乃南還。其友人南雄推官泗州黃廷才。預廣東秋闈。語同事羅定知州上海包爾庚曰。閩人蔡鼎。近言崇禎歷不十八年。國運中絕。其怪妄如此。時並笑之。明年癸未秋。鼎游口口。時金華令江陰徐調元。合樂饗之。演浣紗傳奇。見句踐青衣渡江。鼎輒泣。徐令慰藉曰。戲耳。先生毋自苦。鼎曰。事卽見之矣。欲求青衣渡江。可復得哉。舉族北轅。今日之淚。殊不能禁。徐令退後。請其說。鼎曰。予燕中望氣三年。氣且漸竭。昨歲宿蘆溝橋三夕。諦觀天象。竟無可爲。灑泣去之。金陵有王者氣。揚州鎮江多氛稜。蘇常杭嘉等耳。金華禍在日下。恐千人不足殄也。徐各私詫異之。居亡何。東陽許都口口口滅數千人。明年燕災。又明年吳災。始追憶其言。包長明記

薄子理

吳人薄子理。性敏悟。書不再閱。能縱橫成文。嘗意製木童。令司啓閉。奉客盤匱。靈動如生。其議北方屯田。田不必開井。但相土高下。去沙五尺。置乾草。仍覆以土。經日啓視其燥濕。探水脈開池。功省利倍。屯政舉矣。

空玄附天主教

佛蛻

釋迦佛真身。在錫蘭山國。

無量壽佛真身。在廣西全州。

吳康僧會真身。在海鹽金粟山寺。明初移南京天界寺。上四字疑有誤。

梁番僧知樂三藏真身。在韶州月華寺。

唐長耳和尚真身。在錢塘西山法相寺。

湘潭縣湘山有唐僧真骸。至今存。土人祠禱輒應。口禱思固存稿。

阿羅漢

真臘國大竺僧陳如。自西域來主其國。至其酋姓斜科。名實多思那者。日漸強盛。嘉興嚴從簡殊域周咨錄曰。杭州淨慈寺裝羅漢像五百。以僑陳如爲首。今觀陳如特夷狄之主耳。但教人事佛。實非所謂白晝昇天。降龍伏虎。有諸佛靈異者也。今乃崇奉香火。以爲尊神。則其誕漠可知矣。

目蓮石塔

永年縣城口二十里。目連村有寺。一小石塔。爲目蓮和尚墓。

阿育王舍利

鄆縣西五十里鄆山。晉太康二年。僧慧達。忽見從地湧出阿育王塔。其狀青色。似石非石。高一尺四寸。廣七寸。露盤五層。四角挺然。中懸金色小鐘。不盈三寸。舍利綴於鐘下。圓轉不定。其光搖曳。若即若離。隨人隱見。繞塔四周。俱是鏤空諸佛菩薩金剛聖僧八部等像。神工聖蹟。非人力可及。梁武帝造木塔籠之。今名廣利寺。萬曆丙子。平湖陸家宰光祚瞻禮。初見舍利大如芡實。已如彈丸。已大如瓜。最後大如車輪。五色變幻。光彩射人口。泰和郭孔泰孔陵瞻禮舍利。初視若黍米。已如菴。如蓮子。同觀者或見如新菱。兩角垂絲。絲綴如北殊。或見如葡萄色。或見如桃瓣。或見如金蓮花。瑞相種種不一。又秀水朱侍郎大啓禮拜。見如菘豆許。色口口如水晶。踰頃忽微紅色。次早諦觀之。無有也。弘光初奸僧竊舍利去。今綴以珠無異。北殊疑有誤。

達磨石像

嵩縣少林寺達磨面壁處。崑山魏恭簡督學河南。以面壁石與影石不同。謂其妄。命登封令侯泰鑿之。今影石如故。雖鑿不爲損。

玉石佛像

弘治間慶雲縣人。掘地。得玉石佛像二。一北齊天保八年造。一武平六年造。座上皆刻造佛文字。併與造各人姓名。自北齊至今。幾二千餘年。而時像既沒復出。物之隱見。信有數存焉。慶雲縣志

甯夏銅像

甯夏古靈州。城東北鐵柱泉旁。有窟。人莫敢入。景泰間李某。同一僕熬燈以入。行二十步。推開一石門。有銅鑄佛像。旁有二僧屍。覆以錦衾。其面如生。而金貝之類。環其左右。恣取之。將出。風颯颯。燈息門閉。鼓鉞齊鳴。李恐懼欲死。盡棄諸物。俄於旁窟匍匐而出。明日集衆往掘之。堅不能入。機械如洛陽也。甯夏鎮志

宋濂前生書華嚴經

宋景濂先生生時。母先夢僧云。永明延壽。手持血書華嚴經。求借汝一室以完願。後先生至蘇州半塘之聖壽寺。恍惚前寺得經於藻井上。則前元聖壽寺僧善繼所書。書法如趙魏公。端楷不苟。八十卷如一手。多名僧題跋。今在杭州。赤山埠西六通寺中。見馮祭酒夢積日記。按宋慶歷八年。張方平。以端明殿學士右建議大夫。知州事。公爲政清嚴。一日游瑯琊山藏院。輒俛仰。因勅從吏助取梯。掖陟梁。得經函。函有書寫口伽經。半披玩。忽悟前身故僧也。寫未竟。逝。乃爲終之。書法宛然不殊。號二生經。時時爲人誦經首偈。偈云。世間離生滅。猶如虛空華。知不得有無。而興大悲口口口蘇東坡。東坡序之。仍爲寫刻浮玉山龍游寺中。

藏經

國初重刻大藏經。板留大報恩寺。四方僧衆。咸許崇傳。見永樂十一年。義烏王祿。華陽教寺閣記。今南京刊板。藏禮部。僧衆非厚費三四百金不能得。北京刊板。在內府。非特賜。則奏請。餘不能得。藏經舊刻六百三十七函。梓于永樂庚子。正統庚申成。萬歷初。慈聖皇太后續刻四十一函。起華嚴玄談會玄記。至第一希有大功德聖記。普陀山志

觀音夢感經

仁孝慈懿誠明莊獻配天齊聖文皇后。嘗夢白衣大士。口授數千言。覺而記之。自製序入大藏。

佛牙

佛定尚書徐太室學模集云。守荊州。見房陵二聖寺佛牙。形模詭異。香氣襲人。其詩云。房陵佛牙如掌大。妙香伴供彌陀座。三水口口文太青翔鳳集云。見南京西天寺佛牙。頗疑其非實。蓋如來佛四十二齒。若長二寸。博寸許。則面當如車輪矣。此必異獸骨也。予於南京天界寺見佛牙。二寸。博寸許。瑩潤如菜玉。而竊謂太青所論。大有理。至房陵佛牙如掌。則又大於西天天界二寺所供矣。按佛國記。佛有四牙。廣半寸。長半寸。一牙在呵條國。一牙在天上。一牙在海龍王宮。一牙在乾陀國。國王使大臣九人。守保之。月朝。捧擎牙出。夫牙廣長各半寸。意得其真。今所見。侈矣。

寶金和尚

國初寶金和尚碧峯者。留千佛袈裟衣一襲於繁峙之普先寺。云人衣之則死。草履之則活。嘉靖癸丑。北虜入寇。披於馬上。馳驟往來。亦未見有驗。繁峙縣志和尚營上書求增建職司。大理寺卿李仕魯言。天下學校尙未建。儒風尙未振。而先爲異端樹赤幟。非所以垂遠也。忤旨。乞歸。譴死。

僧娶妻室

鳳陽大龍興寺。卽臬覺寺。一曰於臬寺。太祖勅僧律。一曰有妻室僧人。除前輩老僧。蓋囚元末兵亂。流移他方。彼時皆有妻室。今已年老毋論外。其後進僧人。有妻室者。雖在長上輩比肩。及在下諸人。皆得凌辱。亦無罪責。今僧俱童娶。又無差累。

邵武汀州。僧道皆娶妻。寺僧數百。推一人削髮。餘如民俗。雲南大理府。山僧有妻子。亦讀儒書。

莆田林兆恩懋助。究心儒學。兼通道釋。學者稱三教先生。嘗詣京欲上章婚娶二氏。弟子安溪黃本。移書止之。有曰即得行。甚善。顧此時詣關上書者。皆黃紙符篆者流。吾師欲以婚娶二氏易天下。不惟不足以明三聖人之道。適使疑夫子兆恩。乃止。

鐵塔

當陽縣。玉泉寺。鐵塔。鐵鏤。俱隋物。

釋迦塔

應州治西物宮寺。遼清寧二年。田和尚奉勅立。有釋迦塔。高三百六十尺。圍半之。六簷八角。上下皆巨木爲之。層如樓閣。玲瓏宏敞。稱宇內浮圖第一。塔後大雄殿九間。通一茨梁。

周氏豐潤人。宣德間生。幼不茹葷。長崇釋教。誓不出戶。年七十餘坐逝。隨吐火自焚。得舍利數丁粒。其神向北而去。人多見之。

寶光寺泥丸栢

懷慶府城。東北四十里明月山。高峻舒豁。山皆古栢。無他木。云元泰定丙申。僧寶相創明月寺。乃以泥丸栢子。持彈弓四擊巖谷中。今翳鬱成林。障蔽天日者。皆泥丸栢也。明月寺。天順戊寅。賜額曰寶光寺。

智慧菩薩尼僧

四川城。周繞師女。生而不葷。好誦經。年十九。或議婚。輒面壁坐。經句不起。誓絕粒食。成化五年。促其父母送至江村口白馬寺樓上自焚。結袈坐滅。歷暑不朽。神顯靈異。鄉人遂妙沙築其身。製塑成佛。

。號智慧菩薩。梓人多事之。最有靈驗。四川通志

黃明女菩薩

臨汾泊莊村審洪管女。生崇禎三年二月。生時。母張氏夢詞樂迎菩薩至其家。後嫁適王勳里人張問道。俄感疾。三年不痊。因還母家疾。如故。遂禮佛跌坐。順治七年正月二十五日云得道。八月望日云在神前考過。受西方佛。封黃明立菩薩。命作籠。置空地西向。二十八日午刻。云。火光菩薩。太陽真人。俱來相助。至期。火光自七竅迸出。焰高二丈餘。有白蛾從火內飛出。翩翩直上。觀者數千人。忽聞空中樂聲。異香三日不散。初指於村西立廟。經始之日。忽南壁上生栢樹數十株。長二三寸許。有跡在焉。

達觀和尚

達觀和尚。真可宿吳江村庵中。且語主僧曰。昨爾婦訴冤。宜自省。其僧嘗少娶。以冤死。大竦異。命卽禮懺。訖。出佛前朱几次之。主僧如其言。朱几鑲以石。得赤蛇。卽婦孽也。嘗宿華亭徐氏所。曉起語主人曰。昨夕女婢訴銀壺之柱。銀重十八兩三錢。見在某室。可覆按也。因人其內。指對兒床頂上。果得壺。如其重。吳中書記

和尚寓嘉善東門外景德寺院。大悲閣圯。卜葺之。未利。云後自有入。甲辰五月。錢相國士升明經時。夢和尚爲祝髮。加僧帽。出法華經示之。展卷。赤光熒熒。將後。猶未知所謂達觀也。先癸卯冬。帥化去。已相國父疾。迎醫于嘉興楞嚴寺前。偶憩經房。問法華經幾卷。曰七卷。主僧出和尚血書法華經。頓悟前夢。道念始切。其冬手書法華經一部。及解組。重修大悲閣。得和尚白題像。摹刻於石。見記中。又手書法華經一部。相國自說又曰。邑人盛懋相問秋闈事。師曰。老鸛窠頭立。懋相不解。曰待子來。萬曆丙子登科。神祖手書金剛般若經。汗漬欲易之。命曹內閣問和尚。寺僧曰。御汗一滴。萬世津梁。無窮

法藏。從此放光。上大悅。

愁山和尚

沙門德清。于膠州旁山。舊觀音菴地。建海印寺。德清初與內監張本善。本奉太后慈旨。資藏經。分散名山。而寺上無名。本遽填海印寺。與之。道士耿義蘭爭其地。具奏。下法司。擬本。以詐旨論死。德清謫戍。膠州寺亦毀。師嘗注老子。至天之道。其猶張弓乎。思之未得。乃借弓懸壁間。忽悟張字與弛對。時射高而有餘。消下而不足。祇歸無用。及張而用之。則迎高舉下。損射補消。上下均亨。可以命中。天道全以動爲用。主施而不主受也。

關頭陀

萬歷間。關頭陀。不知何許人。能分身現刑。一日至湖州菱湖鎮。向小兒乞火。置掌中。卽熾。并其身骨俱燼。

密雲和尚

密雲和尚。住鄞縣天童寺。法席甚盛。猿嚙圓瓜。師歎曰。業畜何不他飲。而必瓜之是及也。明日。羣猿臥瓜側。不復嚙。

僧大香反史詩

周公正權流言曰。王莽虛恭下士時。決使當年身不死。要留忠僞與人知。

僧佛日送雲

仁和塘棲鎮。僧佛日。住黃鶴山。已隱西湖之十八澗。開法雨泉。披榛數一丈。見石壁鐫佛日字。胡太史仲胤計偕登舟。僧挈榼送之。滿貯白雲。啓則濛濛。流巖於篷櫂之間。郁郁勃勃。所謂祇可自怡。不可持贈。又轉作一解。

祖師像

國初。禁中有祖師畫像。八十八尊。供牛首山之祖堂。萬曆。日南沙門達觀。以新安丁南羽摹之。分送五臺峨嵋南嶽。錢塘黃詞部汝亨。臨之。送天竺寺。嘉善高相國臨之。送景德寺。

像不惹塵

弘光初。游姑蘇之北寺。有不惹塵觀音殿。像設如新。西陽雜俎。部下佛寺神像。往往有烏雀不污者。鳳翔山人張盈言。或有佛寺金剛。烏雀不集者非其靈驗也。蓋由取土處。及塑像時。偶與辰王相相符也。

求履僧

嘉興李孝廉士晉。有僧募履。命僮索之。僧笑曰。果履乎。李未解。僧問其衣何物。曰紬。僧笑曰。羊質虎皮。李色駭。僧曰。能從我游乎。曰請俟異日。因入取履。僧不復見。

僧誑

南都有僧。突達官前驅。搗撻之。忽云打不得。我建文皇帝的裔也。欲啓其囊。又云中有內府勅。開不得。遂下僧錄司。其僧猶端坐抗語。因送禮部。都下喧傳。各衙門會訊。莫敢誰何。內一人強健。解囊。則法華經一部也。蓋犯道畏責。作在誑語。蒼雪上人說。

臨川陸端伯司理杭州。素佞佛。瓢納雲集。有僧漢人求閉關靈隱寺。約某日回首。須二缶合瘞。司理如其言。遺隸守之。屆期。夜挾刃欲逞。隸亟縱去。其隸予所識也。

張真人印劍

廣信龍虎山。正一真人張氏。寶劍。二玉劍一。印四。一白玉。方鈕徑寸。二狹幅。朱文。上帝舊書。一銀方如玉。世廟所賜。一白玉。雙螭紐徑寸。四闊幅。文如小玉方。國初所賜一金鈕。如番蓮蟲起。雲雷篆。今真人府燬。器具存。

神樂觀歲給

南京神樂觀。歲給乾魚萬斤。鮮三千斤。米三千石。小麥千石。黃豆二百石。芝麻五十石。日舞生三百三十餘人。歲支夏布三疋。棉布口疋。絹一疋。棉半斤。

張三丰

張三丰。俗名獻。字玄玄。號三丰。又號斗蓬。又呼瀛海蓬。閩人。又云羊城人。七歲能弈。卽無敵。十歲習儒業。失怙恃。長入番家。華林遇至人。偕棲三十年。出山混俗。歸閩補刑曹吏。閩人未知也。未幾因劫獄連坐。戍貴州平越衛。同解將及境。師浴于河。溺焉。明日自水出。袖各司回文批帖。解者探囊中。原文已無矣。始神之。受重醜而別。至平越。千戶張信。少敏慧。善弈。師往校焉。稱國手。一日殘局。終宵抗衡。因記之。各就寢。張夢老嫗。汝基當如是而後勝。晨起。不數着。而師負矣。師大笑曰。驪山老母。大是饒舌。繇是人知其異。遠近播傳。師將遠游。辭故人。十餘家皆餞于一日。席皆有師。人愈異焉。別張信曰。吾爲葬若父。命信取骨自負。指岩窟。密曰。汝勿懼。往擲置之口中。旣入。見石牛欲相啖。畏而掛角。出以告師曰。大至封侯。斯亦足矣。復授鐵椎。命往擊洞門。石磴。且曰。擊不過一二椎。至

斷而已。張力不勝。擊至七。方斷。見金魚飛去。歸白之。師曰。惜哉。汝八日。止存君一人。十年後。位至封侯。十二年間。當會於武當。言訖而去。永樂靖難。信以功封隆平侯。至十二年。果賜祭武當山。見師山中。石岩炊瓦釜。形質憔悴。破衲腐穢。傾米飲爲茶。送一棗。張不飲。袖其棗而別。下山。視棗已長尺餘。驚訝。復上山尋師。已遁矣。追悔莫及。師曩居平越高真觀。今有禮斗亭。浴池。石碁局。山中嘗有人聞聲咳聲。响振岩谷。後移居武當。往來天柱五龍南岩紫霄諸名勝。洪武庚午。拂袖長往。不知所止。郭子章點記。

按他書云。張三丰。遼東懿州人。名君寶。一云寶雞人。

范達

范達。河內人。有奇骨。讀書。過日不忘。成化間。乘家從異人游。遂爲武當山提點。邑人某至武當。見達乘肩輿。丰神飄逸。羽從數十人。與達語移時。問其家事。蓋已悉。又數年。見達童顏猶昔。行步如飛。不得近彼。名其故居曰仙人府。

桃林老道人

正德時。口口劉閣。剿盜漢中。牛山之燕子嶺草菴。有老比丘。自稱元時人。白首童顏。問其年不記。出度牒。紙厚。方七尺。字如縈蚓盤蛇。蒙古書也。對人跌坐。又至桃林困。澗繞草舍。一道人。年九十餘。邑不稿。云採桃實自給。左右言其素豐求餉。明發稿二千入以金。歸而復召此二人。皆不知所往。

朔蓬頭

朔蓬頭。夏縣人。如意里朔德之遠祖也。里界聞喜間。就大溝上架木橋。後出避方外。明正德中。有道人蓬頭平橋邊。云朔氏。指其宅墓故址。且言村巷某處。舊有確石。掘二尺許。得之。人自驚異。居數

日。儲於張鸞家種田。忽不見。

道人題壁

嘉靖初。吳江平望鎮殊勝寺。有道人題壁。我自蓬萊跨鶴歸。山僧不遇意徘徊。時人莫解菩薩寺。三十餘年化作灰。後燬於倭。

張福

張福者。淮陰鹽徒也。性悍恣。不下人。一日乘涼樹下。有老僧同坐。老僧忽舉手擊張一掌。衆皆爲僧危之。謂此惡少。奈何犯虎口哉。張默然。僧又擊一掌不應。至三擊。則叩首曰。吾解師意矣。僧曰。爾來至一巷。與樹對坐旬日。語張曰。若有得矣。須歸富貴人有善根者爲外護。若妻子。請謝絕。勿念也。張歸舍。其妻方與他少年淫媾。其人自床投地請死。張曰。若有緣也。無恐。不知若有室乎。少年曰。未有。張曰。子請遂以爲妻。又呼其子。與隣老無有子者子之。曰。頭去。無來迹我。乃竟往。投萬總戎鹿園。萬問之。曰。若何能。曰。請爲閣者司出入。萬因置之門。萬本大家。男婦嘗數百人。出入無忌。張日危坐於戶。至晚必報主人。今日某出。某某入。有戲豫。無禮違法者必告。居三日。萬氏門肅然無譁。又數日。萬知其愿確可託也。命之守書舍。司金錢出納。則銖兩無爽。有不經者必裁節之。一日萬自外歸。見張坐其所處。呼曰。若胡敢踞我坐。張起而對曰。將軍胡無平等心也。萬登坐。覺坐席熱如火。心異之。又一日萬自外來。則張寢其床。萬又呼曰。若何乃爾。則又曰。主人何無平等心也。萬登床。覺床如火坑。大異之。時有吏部郎過淮。得瘵疾甚危。萬以語張。張曰。請爲療之。乃相與背坐。吏部即覺背如火焚也。旬日而療愈。盡往京去。一日張請於萬曰。小子修玄。有微效矣。請一靜室。求一姬爲伴。萬乃呼婢數人。使擇。張曰。是皆不堪。請將軍所幸姬。萬難之。已度其人。非酒色徒也。何難一姬以妨大道。竟與之。張乃挈一姬一婢入室。鑿壁而進飲食。居八月。以姬還萬。詢婢曰。彼日與姬對坐。相去函丈。

。未嘗近也。姬亦素好道。平日閉戶焚香。掃地而坐。每以悟真篇問張。張不答。亦竟無一語也。張自出關。則請主人白布數丈。金二兩。又書字一紙。緘之。與銀布同置一廂。請以某日開。萬如其言。居亡何。詣萬前曰。小子歸矣。叩頭而出。萬望之不得。使人亟追之。其行如飛。不能及也。至故所。遇老僧處。跌坐合掌而化。萬乃開其所緘廂。則上書曰。小子以某日行。請以布歛。以金製龕。主人親封之。萬乃歎息。恨失至人也。居有頃。前吏部郎。自長安以請急歸。來謁萬。萬曰。若知張福化乎。吏部郎曰。吾於濟上遇之。談笑竟日。胡遽有此。萬亟開龕。則僅有布在。其骸不見矣。萬詰僮嘗見之。淮徐間。萬本名將。晚歲好玄。每日靜坐守中。張謂此有爲。非無上道。萬每叩其有別術。不語。但曰。天下無有富貴神僊。孰能乘三公。而薦天下賢者以澤蒼生。孰能乘萬金。而施貧者。以脫人于死。孰能割恩愛。塊然獨處。而與虛白爲對。無是三者。請勿語道。少司馬許公孚遠。亦識其人。津津稱之。曰。故有異人也。馮時可二氏餘談。

馬自然求載通志

鹽官馬湘。字自然。世爲小吏。自然獨好經史。工文字。嘗遍游方外。至湖州。醉墮雲溪。經夕而出。衣不沾濕。指溪水能令逆流。唐口口口口口口葬於其家東園。明口東川奏劍南梓潼縣。有道士馬自然。白口口口口杭州發其塚。止存竹杖。今塚不存。有石井在海寧縣西北十二里。云自然所鑿。嘉靖戊午武進薛應旂。督學兩浙。修通志。意廢僊釋不錄。七月二十四日。有神降箕。曰。丹陽道人馬自然。煩大夫幸毋舍我。薛曰。欲入志乎。自然曰。遂不敢置。杭州府志

高石峯

柳州東門。高石峯口口好道。棄家。游桂林蒼梧間。簡率少文。晚隱端州。石室。十年。入廣州。教人以死心。孝廉李潔問上弦兌八。下絃良八之功。曰。亦用之。或詢以歲里。曰。多事。生弘治庚申。終天啓壬

戊。九月。年百二十三歲。

呂僊自序

萬曆初。葛守禮。殿士儋。楊博。王家屏。諸大考。會燕邸齋素。求呂僊。篋書本唐之宗人。名瓊。字伯玉。配金氏。生子四。甘美豐充。年五十登第。授縣。不意有日月當空之禍。凡我同宗。觸之者滅。予甚恐。棄四子。携妻山下築于洞。僅兩口。故氏呂。名岩。字洞賓。後妻亡。號純陽子。

道士火遁

山陰王楮學。萬曆乙未進士。是春讀書京師西山。夜對燭。俄閃爍有聲。見人自燭出。可三四寸。盤走几上。尋登坐。則修一二尺。如道家裝。侍兒驚匿。亡何。又盤走地上。儼然人也。語王曰。毋我避也。且乞茗。囚共語。鳴雞而別。漸縮如初。入於燭。明日訪京邸。中貴云。是日大內齋期。或道人火遁也。王終南海令。其甥朱若一說。侍兒尙存。

麻城道士

麻城道士口口以道術著。黃州守某憂子婦困磨。布幣求療。道士方象奕。奕畢。語使者曰。爾第去。無恙。第胎衣中還一碁子。使者反。果產。胎衣中碁子在焉。包令編說

清河異人

萬曆七年。十二月。有異人經清河縣之唐家口。坐而化。謠傳爲我佛涅槃。遠近喧傳。男女焚香者數千人。大爲地方憂。時令。向日紅入朝。明年三月還任。時衆已漆其屍而神之。立廟。日紅陽爲祭文。默約值一枯竹曰。屍誠神。三日生吾竹。仍爲廟。否則不廟也。越三日。竹尙枯。乃毀而瘞之。謠言頓息。然

人竟不解其故。或曰病也。清河縣志

荀道人

姑蘇荀道人。不知其所自。敝糲行乞。歷暑寒如一。冬月鑿冰而浴。人咸異之。嫌其垢不欲近。而就問多驗。弘光二月坐逝。鼻垂玉柱尺許。時予客蘇郡。值華亭朱向書國盛。國盛好養生家言。云嘗就問道人。誠異人也。

燭鑒

柄相末路

嘉靖戊申年。大學士夏言臨禍。貽憲副吳學愚。賢培。吾擇培得汝。門楣光矣。患難賴汝扶持。累汝受驚苦多矣。無以爲報。但我有志。恢復河套。實欲自盡犬馬之忠。不虞至此。今復何言。今日死矣。身後惟有平生奏疏詩文諸稿。望子爲我編校成書。諸序并年譜。乞借雄筆以賴不朽。諸稿有文五春一經手亦已囑之矣。我平生大節。賢培所知。得禍之詳。賢培所悉。他日世有公論。不能無望賢培紀錄。願留心。千古之託也。處分家事。別有遺囑。賢培亦與。但望教道諸子姪輩。各宜守分。仍道我苦處。俾勿起爭端。以召意外。且以彰吾之過也。遺言賢女安人。我止有汝一人。又不得一見而死。千里遠來。何以爲情。哀哉哀哉。身後望汝歲時墓上看看。奶奶今不知生死何如。又不知去配所否。今不能作書。或已死已去。不可及也。生離死別。家散人亡。可憐誠可憐哉。勿復道。勿復道。汝夫婦各要和睦。世上事。汝今知之。懽樂難得也。口擲筆身逝。勞形生何爲。忘情死亦好。游神入太虛。相伴天地老。吳春山東按察副使

萬曆十二年。故太師張居正。子禮部主事敬修。自縊遺詞。

四月二十一日。聞報。二十二日。即移居空宅。男女驚駭之狀。不忍言。至五月初三日。丘侍郎至府。初四日。即差官提張敬修而審。其中細微曲折之情。不及言。但其大注意。在屈坐先公以二百萬家資。又要我拔承天夷陵本縣三家。要坐曾確菴家寄銀十五萬兩。坐王少方家寄銀十萬兩。坐傅口川家寄銀五萬兩。他云依說便罷。如不從。則當奉天命事。其間恐嚇人之語。令人膽破魂飛。嗟嗟。此三家者。皆怨仇。禍患與張門同之。以數十萬爲寄。何其愚哉。或當事者。處心畜謀已定。區區何能分解。而威勢所使。只得欺天枉人從之。夫數十萬銀。吾意三家縱濫。亦何能有如此之積。天上飛來之禍。何愛片言之重。只得從口事之意。蓋料三家。斷不能完結此事。吾日後何面見之。區區微衷。不能自白。恐後世以敬修爲何如人品。今又以母子叔侄。恐團聚一處。有串通之弊。乃如五月一口口出婢。追令隔別。不得相聚接語。而母南子北。夫東妻西。又懼會審之時。嚴刑拷訊。羅織鍛鍊。後日事又大司慮者。今幽囚倉屋。風雨蕭蕭。青草鳴蛙。無不助予之悲悼。人非本有。豈能堪此凌鑠。告知神明。決一瞑而萬世不視。嗟嗟。人豈不貪生畏死。而敬修遭時如此。度日後決無生路。孔子之聖也而死。顏回之賢也而死。况平日于生死利害。審之熟矣。今屈死黃泉。勢不容已。承家祀祖。并奉祖母二母饋粥。則有諸弟在。子母哀受辛苦。子妻素賢明。善持閨內。有古烈婦風。吾此舉不能自保。可憐我幼兒女皆六歲。口口稚子。言至於此。痛心酸鼻。不能終其說。他如先公功罪。與近遼瀋誣陷事情。則自有天下後世公論在。敬修不必言也。獨空坐二百萬。又欲屈坐曾王傅三家三十萬。欺天枉人。不得已託言片楮。沒齒以代剖心。此書各司道一口。非肯爲溝瀆之行。五月十日寫完。以期必遂。而夢兆稍吉不果。至十三日。各欽差上司會審。叔侄俱嚴刑拷訊。倡勒扳扯他人。亡慮數十家。扳而合諸公意。即首肯之。不合其意者。叫另開來。合則從。不合則夾打。令人魂落無生氣。嗟嗟。此古今宇宙未有之情。父母遺體。生平眼不見刑具。脆薄之軀。豈能勝之。各位上司奉命而來。如得其情。則哀矜而勿喜。可也。何忍遽至於此。嗟嗟。此數之莫能逃也。即令扳各家。倘臨時對理不驗。何以見諸公面。且諸各扳扯亦多人。皆平日所未聞者。吾輩寧死。皆能扯他人。以解己之禍。甚矣上天之愚弄人也。而又使五叔侄輩自愚。何忍

任巡按作活閻羅也。有父母妻子之念。何忍殺人媚人以如此之酷烈也。今不得已而死明心。萬分出於不得已。若三十日拷訊口詞。鄉里三尺童子。憐之知之。不必多言。有便乞傳山西蒲州張相公。說張門事已完結矣。無煩挂念。願他輔佐 聖明天子。於億萬年也。

譚遷曰。讀夏氏張氏兩書。令人凄然以泣。方其秉國之鈞。百吏震竦。氣勢迥出山嶽。一朝失據。步入西市。諸子爲囚。富貴安在哉。今貴溪江陵之論定矣。功九而罪一。敬修慚死。亦知洪朝選劉臺之冤乎。昔關將軍沒後。時在荊州玉泉山現靈。有僧呼之曰。顏良文醜頭安在。敬修書成之日。洪劉之冤案結矣。丘侍郎橋。齊人之有聲望者。懸贓酷拷。貽楚患數年。卒無子。亦未嘗無天道焉。

崇禎十六年。五月口口大學士周延儒。放歸。復見徵。知不利。憂泣。或請解於宮中。賂嘉定伯周噉十萬金。噉達之 中宮。以覲久不至奈何。請授指 東宮。東宮每晨謁。至是啓曰。近來久不見周先生何也。上曰。爾何自知先生。曰。父皇嘗稱周先生。故知之。上曰。此非好人。今不得稱先生。上心知其指。尋賜死。迨曙。錦衣衛口口口同法曹至私邸。排闥而入。相國披裘起。裏絨巾。家僮見耳目有異。各驚匿。求青衣未得。緹校脫而衣之。拜命飲泣。求筆墨占句。倉皇不屬。使者促之。掣筆就縊。

狂誕

餘姚諸燮子相。嘉靖乙未進士。除兵部主事。以簡伉忤時。謫茶陵州同知。量移潮州通判。轉邵武同知。寬簡御下。勤於勸學。氓士皆悅。燮素深經學。脫略自喜。家居惟授徒自給。後客嚴陵。大醉。般礴。裸游桐江。噉噬其陰以死。

崑山王逢年。游京師。爲相國慈谿袁煒掌記。時飲于市。遣使四索。因諷之。怒曰。爾時文登第。玄文拜相。乃窄籠天下士乎。去之。逢年嘗僞撰黃憲天祿閣內史。隆慶初。逢年坐事死。

吳縣張獻翼幼子。太學生。能詩。好游仕路。狎聲伎。慕古稽阮之習。與友人張孝資。或紫衣挾伎。或跣乞市中。或歌或哭。獻翼贈孝資詩。中年分義深。相見心莫逆。還往不送迎。抗手不相揖。荷插隨。吾

行。操瓢並吾乞。中路饋吾漿。攜伎登吾席。蒿里聲漸高。薤露歌甫畢。子無我少雙。我無君罕匹。獻翼每念故人及亡伎。輒爲位。置酒。向空酬酢。孝資誕日。生祭。自爲尸。獻翼率子弟衰麻環哭。上食設奠。孝資享之。翌日行卒哭禮。設伎樂。哭罷痛飲。曰收淚。自是率以爲常。萬曆甲辰。年七十餘。挾技居荒圃中。殺于盜。沒。後人惡而諱之。

緯候

五行

儀封王子衡廷相曰。甲乙丙丁。子丑寅卯。大撓作此。以紀歲月日時。非有所謂甲乙屬木。子亥屬水。之說。然亦偶爾宗之。卽以當年爲甲子歲。仲冬爲甲子月。冬至爲甲子日。半夜爲甲子時。不知幾歷千歲。後人乃以五行分配之。此半塗立論。無所本始。不待智者而後知矣。且夫五行之氣。無則已矣。有之。則一日之內。無不全體俱在。安有今日爲木。明日爲火。又明日爲土。爲金爲水乎。何春止爲木。夏止爲火。秋止爲金。冬止爲水乎。何土爲旺於四季。而餘日土氣卽絕滅乎。答何粹夫論五行書。

新都楊用修慎曰。今之易卜。以甲乙起青龍。丙丁起朱雀。戊己起勾陳起騰蛇。庚辛起白虎。壬癸起玄武。蓋不通理者遷就之弊。戊己同爲土。豈其分爲二。騰蛇爲北方水獸。何以移之中央乎。今定其次。戊己共起勾陳。而壬起騰蛇。癸起玄武。得其當矣。何也。北方之次。於卦爲艮。有終萬物始萬物之意。於方爲北。又爲湖。於人身有腎有左右。於卦爲習坎。於器爲權衡。于物爲龜蛇。於色爲玄黑。於官爲修熙。於四德爲貞正而固。亦兩事也。於太玄罔蒙直會冥以配四時。而冬兼會冥。且壬爲陽水。以騰蛇之雄配。癸爲陰水。以玄武之雌配。不易之道也。此悞千餘年矣。卜之不驗。豈不繇此。

東粵李潔曰。久晴遇丙丁必雨。久雨遇丙丁必晴。而庚甲次之。若遇丙丁而不變。是謂日月不換。丙乃天地之病。故病從丙也。北方淫雨。百姓卽請官吏祈晴。仁政之先務也。南方往往太遲八月有二。易緯

以。名氏春秋以方。烈風多起於戊日。而箕宿次之。

雄日

甲子值單日爲雄。雙日爲雌。日中有樹似松名空青之林食其葉者身爲金光

子日

正月上旬無子日。大臣不安位。魯周說稽

上戊上丁

李夢陽曰。口口辛社稷上戊。孔子上丁。戊在丁後。故先丁。如十日丁。則一日戊。當先戊而後丁。以丁不常十。故人鮮知一日之戊。弘治間。吏部主事楊子器上言。戊從初日之丁。則次戊。非上戊也。時無諳禮者。竟寢不行。

制日伐日

入山當以寶日。及義日。專日者。大吉。若制日伐日。必凶。靈寶經奇門書云。假如甲子日。子水生甲木。下生上也爲義。乙丑日。乙木克丑土。上克下也爲制。戊辰日。上下無犯爲專。庚午日。午火克金。下克上也爲伐。丁丑日。丁火生丑土。上生下也爲寶。晉時拜官封爵用寶日。上任用義日。五雜俎

立春

立春日。邑首甲糧長二人。夜半於縣治前。畫地植草。如耕種狀。值人畜卽止。以下歲。多驗。萬曆中嘗失期悞春田。官呵之。答曰。諺有之。不種田時乞白米。歲果稔。

成化元年。崇禎元年。並元旦立春。華亭陳繼儒眉公橋帖。歲朝春百年難遇。聖天子萬壽無疆。立春日望三素雲見。修真八道祕言。

上巳

三月巳日始爲上巳。非三之日也。

黃梅雨

周處風土記。夏至前雨。名黃梅雨。杜工部梅雨詩。南京西津道。四月熟黃梅。湛湛長江去。冥冥細雨來。茅茨疏易濕。雲霧密難開。竟日蛟龍喜。盤渦與岸迴。按玄宗幸蜀置成都府尹。號爲南京。讀其詩。梅雨與江浙不異也。今俗作徽字。

競渡

黃州俗。五月十八日。有龍舟之戲。設屈原像及祇候。俱連機捩。服飾極麗。金簪玉帶。費管二三百緡。土人舁舟送之江中。順流至其灣。土人先泊舟掠以爲常。

火把節

雲南。六月二十五日入夜。家家束松明爲庭燎。雜以草花。高丈餘。燃之。殺牲祭祖。老少圍坐火下。飲酒達旦。自官署都邑。以及鄉村田野。無不皆然。謂之火把節。又謂星回節。相傳漢夷會阿南夫爲人所俘。誓不從賊。以是日赴火死。國人哀之。因爲此會。一云孔明是日擒孟獲。侵入夜城。父老懼呼。設庭燎迎之。海程記或云。弔忠臣王禕。非也。

中秋十六日

四明中秋宴飲。以十六日。初。宋相史彌遠官臨安。還家度節。阻風至是夕始到。遂沿爲俗。

九日

御袍。重陽所服。製爲菊朵。

大小清明

福建將樂歸化人。以三月爲小清明。八月爲大清明。展墓者間小廢。毋敢大廢。

朔望行香

洪武十七年。勅每月朔望。祭酒以下行釋菜禮。郡邑以下。詣學行香。按朔望行香之禮。古未有也。北齊。每月朔。祭酒博士諸生展拜階下。郡縣朔朝。是時未燕。今謂所香也。然朔望行禮則始於此。其後遂以朔望行香。朱子曰。謁宣聖焚香。不是古禮。捻香不當叩頭。只直上捻香卽出。忽叩首而拜。由是言之。則宋亦然矣。但儀節與今不同。今只行拜禮。東陽王嘉忠澄海縣志

天門

鄒洗馬德溥。疾篤。幼孫方六七歲。同二三女童。見天門開。空中有大白鶴。背跨冠緋秉笏者。兩翼金甲神。挾侍弓刀。鶴飛欲下。又旋轉再四。須臾入室不見。僅白雲從庭左角。自地及簷而去。不旬日鄒逝。

姑蘇沈文字。雖優人而事母至孝。當語子曰。萬歷癸丑七月三日。露坐中夜。俄天門開。流光晃耀。朱几上鱸膾。歷歷在目。亟呼母出視。母命拜。良久而隱。戊子九月二十五夜。漏且盡。天門開。有火龍自東向西北。又一龍相接。掉尾。落數小星。

月

崇禎乙巳。十一月口日。邑人洛塘周氏出葬。夜分。月中界盡如十字。人皆見之。庚午。七月六日。有小星入月。良久乃出。自東而西。去月二尺許。竟不動。

風

崇禎辛未。六月庚戌。臨潁有大風。林氏杜氏等。家產俱飄半空。銅鐵器碎盡。甌器獨全。庚辰七月。天津巡撫李繼貞。閱武。帥旗不風而動。明年三月亦然。且作笙簫聲。見邸報。石尤風。李義山詩。來風貯石郵。

二雨辨

無錫邵文莊寶。二雨辨云。雲興于山。勃然滿盈。卽蘊而降以雨者。山雲也。謂之山雨。雲興於海。倏然彌漫。既翕而盛以雨者。海雲也。謂之海雨。海雲之雨。乘風以行。雷鳴則止。山雲之雨。挾雷以動。風吹則散。此其大凡也。海雨夏少而秋多。山雨夏多而秋少。亦各宜之。易是爲變。而無雷矣。天台王子奉云。雨師屏翳。風師蜚廉。雷師豐隆。

雀餉

餘杭徐司理茂吳。卒之歲。甘露降於後園。新安吳山人德符。充曰。恐是雀餉。果應其兆。

雷

嘉興吳太宰鵬。家內樓。雷震死凡。金玉銅瓷之器。俱一細孔如粟。海甯轉塘徐氏。有婢抱主人兒被震。

死。雖兒無恙。後若干年亦殤。姑蘇人某。雷蕪其袴。外衣毫不損也。雷神亦善戲矣。
 萬歷戊辰。六月二十日。福建平和縣東廂外陳孫家。有兒在輿中。雷震其輿而碎。兒仆地活。
 天啓乙丑。廣州濠弦里方氏婦張。孀居。元夕觀燈。俄黑犬隨歸。二月夜。忽電光燭一空。婦携幼孩坐榻。犬若懼甚。依人。時見數神。若十四五歲童子無髮者。環榻二三尺欲前。踰時忽捕犬去之。
 清朝辛卯。四月九日。蘇州張某。雷焚其廩米如粉。時米貴。某索高價也。

江南二十八景

華亭顧東江先生清云。江南二十八景。梨花滿放。梅萼盛敷。茶荷初肥。桃柳相媚。枇杷摘金。楊梅獻紫。牡丹鬪色。芍藥繁粧。海棠曉睡。薔薇晝香。菱荷新發。菱芡初嘗。蓴鱸正美。林酒始釀。稻花成雲。麥風如浪。鱖魚薦鮮。紫蟹滿膏。橙黃橘綠。蒲長葦茂。菊圃千名。杏園一色。松花成餅。佳子爲漿。蘭蕙列庭。水僊置席。鶯啼春樹。鷺映秋波。陸平泉曰。尙有二景。棠花如縵。稻米如玉。馬元成集

日本小歷

弘光初。有携日本小歷一紙來者。並夷字。首題寬永二十一年。及大將口等字。彼遐裔何嘗奉正朔也。

男產

嘉靖乙酉。橫口農人孔方。產兒。候旬西樵野記

萬歷丁巳。正月二十八日。奉化縣後楊村。男子張一。產兒并活。亡恙。張妻舒氏未妊。同盧某負販。或曰。兒之孕。盧爲之也。

又大同中翰馬呈德婦。萬歷癸卯孕。庚戌免身。凡妊六年。子三歲。能誦詩書。見謝肇浙江五雜俎。

人疴

崇禎庚辰。吾友王介人。至徐州。豆作人面如畫。至於虛畝。攜歸。見之。又太行山桑柳並生。三四寸。裸而黑。榻燈上。口嘖嘖有聲。

雞腹小兒

嘉靖二十六年。太倉州塗松鎮洗氏。殺一雄雞。剖腹得小兒。五形皆具。太倉州志

飛蓆

嘉靖三十四年。會稽有物。方長如尺牘。飛空中。映日作金色。數鷹繞逐之。有囚劉朝忠祝曰。果祥也。則墮。已漸近。果墮。則縣令古文炳草蓆也。官命禳之。會稽縣志

大明門黑氣

崇禎己巳夏。卜者周午陽語曰。賀中冷世壽曰。黑氣蒙大明門久矣。非休徵也。及十月遵化失陷。烽火徧於都門。

鳳陽鼓樓

壬午。鳳陽鼓樓忽攝去。成平地。太守往驗。坐良久。倏晦冥。聲如風霆。樓復故。鄞縣錢光輔記

集異

丁亥八月晦。是夕天上嚙嚙有聲如潮。十餘刻乃息。又是月七日午刻。日旁有一星。明日亦如之。

十月松江黃浦。鱧魚大上。至妨穢。

嘉善東門民家。雞翼生爪。各邑多有之。江陰獲雉足如鴨。

戊子冬至前一日。薄暮。鳳凰自海鹽過海甯。向西北而去。萬鳥從之。約二十里。斜橋趙氏蒼頭見之。

庚寅。四月六日。有隼龍墮蘇濟野關。見邸報。

九月十七日。錢塘北高峯崩。明日。靈隱寺鑿土。得口僧口口墓。

十月朔午刻。日食既。望日。嘉興東門外雨絮。友人金蘭孫龍友。舟行親值之。夜月食。二十四日。夜。

黑虹竟天。起西南。指東北。若開闔者三。

辛卯。五月二十三日。大雨。海鹽東門外漂一樹。亘數十丈。

七月。甯波府有異獸。兩角。驢面。馬鬣。豕蹄。尾短僅三寸。如鹿。色黃。自祖關墮於老龍灣。躍岸。郡

人驚逐。越城而奔。至湖西氏家。復逐之。遂出西門。走二十里。獲於高橋。送郡守轉至海道王爾祿。觀

者如堵。皆莫知其名。或云山羊。以糞似之。數日死。人啖其肉。味類鹿。是日定海城。獲一鹿。亦以進。

八月。大星隕於海。

名勝

石經山石經

順天府山縣西南五十里。石經山。峯巒秀拔。故曰小西天。隨大業間。僧靜琬。懼本教有難。不能流通。發願募工鑿石。刊造一大藏經。積於此山。以備其後。至唐貞觀初。僅成大涅槃一部。法師卒。其後人遞刊遺餘部。歷遂金始完一大藏。貯於岩洞者七。地穴者二。洞鑿以石門。穴鎮於浮屠。自來兵燹不之及。一統志

硤石山

澤州城南三十五里破石山。高數丈。頂平若砥。從橫十餘步。相傳慧遠隱此。著涅槃經成。擲其筆曰。若疏義契理。筆當住空。已而果然。因名擲筆臺。

金窰山朱書

豐潤金窰山極險峻。山腹石壁間。宛如門扇而不可開。上有朱書數行可辨識者。惟縱有黃金人不見七字。其書雖極力磨洗不滅。人以爲金鑛所在。豐潤縣志

邯山

漢地理志。邯山在東城下。金地里志云。邯鄲有邯山鎮。卽今城東代召鎮是也。又水經云。牛首水出堵山。東經邯戰阜。卽張宴所謂邯山在山東城下者。以今觀之。東城之下。不惟無水。且無山矣。然則三說何以云爾也。嘗謂水經之言。謂邯戰阜卽邯山。此說深爲有理。蓋土高曰阜。不必其巍然巖然。而古人皆謂之山也。夫求一阜於千百年之下。能保其不爲平地哉。况山夷則水竭。而邯山之下卽有邯水。亦漸漸乎其漸涸也。余觀浮鄉縣有所謂浮丘山者。今亦漸平爲地。大抵皆邯山之類耳。邯鄲縣志

二郎山

遼東。錦州城北三十里。二郎山破石多如彈丸。可入砲而輕。督師孫承宗戲曰。二郎神好用彈。想其餘物。

二郎神爲清源妙道真君。卽嘉州守趙昱斬蛟者也。未詳何代何封。稱爲二郎。

倚陽山

林縣倚陽山。桃花洞。北齊高歡。冬月被兵圍於此。期以桃花開。兵解。已而桃花果開。圍遂解。後洞口

桃花。冬月盛開。今不存。林縣志

水神山

山西孟縣東北十里。相傳昔周世宗女。秉性貞烈。不欲適人。潛於是山樹下涕泣。渴而思水。扣地得泉。自溢於樹。鄉人因立廟祀。曰水神山。

火山

太原河曲縣西五里。古稱火山。山上有孔。以草投孔中。煙焰上發。可熟食。不生草。

呂梁山

永寧州東北百里呂梁山。俗名穀積山。與交城接界。呂不韋曰。龍門未闢。呂梁未鑿。河出孟門之上。

石鏡山

富國縣石鏡山。有石如鏡。足以鑑物。黃巢寇官欽過此。照見其狀如獼猴。大怒。積薪燔之。石遂無光。久乃漸復。富國府志按石鏡山不一。吳地記。臨安縣東五里石鏡山。有石鏡。徑二尺四寸。甚清。具見人形狀。

陰陵山

陰陵山。今全椒縣東南二十五里。九鬪山。云楚兵敗。欲東渡烏江經此。與漢兵一日九鬪。其小石尙有礪劍跡。有迷溝。爲田父給極。今三汊河有霸王廟。所產艾草皆低頭。爲羽曬甲壓之云。全椒縣志

齊雲山善惡

休甯縣。齊雲岩。嘉靖中改稱山。立玄天太素宮。曰善山惡山。善山爲君。惡山爲夫人。分祭則災。合祭則福。

天臺山僊女

天臺二僊女。宋景祐中。曰明炤。採藥。見金橋跨水。光華炫目。有二女戲於水上。殆水僊洞府也。天臺縣西七十里明岩。岩西有泉。蔽崖而下。渙若垂帘。寺僧亦用竹縷引之。從高下墜。號曰永索。天台縣桃源。千山萬山。人煙斷絕。其中古桃樹。年深化爲精魅。常迷人。宋王介甫夜坐。梅月照軒窗。讀易。忽有一姝。容顏姝麗。見介甫。自言知易。遂相與談論。畫前妙理。實能發人所未發。介甫喜甚。問得報司馬君實來訪。介甫出迎至軒中。彼姝卽隱身不出。及司馬出。彼姝復來。介甫怪而問之。對云。妾乃此梅花月之妖。君實正人。妾不敢相見。介甫爽然。

僊居山蚪蚪篆

僊居山。縣西四十五里。險絕難升。上有石壁。刻蚪蚪篆文。晉義熙中周廷尉。領郡。造飛梯。以蠟模之。莫識其義。後守阮錄携衆往觀。雲雨累日不見。僊居縣志。

雲黃山

義烏縣南二十里。雲黃山。傳大士餒虎。餘餓化爲石。青白而紫。有陶氏居山下。嘗資給大士。遂視之曰。它日以飯石琢數珠。瞻汝冑。自茲授記。惟此一氏家能之。女已嫁則不能。他人倣效。石卽穿裂。義烏縣志。傅翁。義烏稽亭里人。因取魚食嵩頭陀曰。試自照水。乃見員光寶蓋。卽悟前因。因其開道場。頭陀指山下雙樹曰。此可以結庵。苦行七年。忽三佛來自未方。有金色自天而下。集於其身。從是身嘗出妙香。聞空中聲。梁武帝召赴一次。人重雲殿。不拜。徑登寶榻。與帝問答。詔還山。號曰善慧。

玉華山

蘭谿玉華山。庚寅。七月。忽裂二三里成潭。又距丁餘里。曰橋下湖。有巨魚如巨土人毒以巴豆不得。

伏龍山

襄陽城西三十里伏龍山。爲隆中。諸葛氏草廬也。今有祠西八角智井。頗宏敞。明襄簡王葬處。竟乏嗣人。謂武侯之英爽可畏。又南陽距城八里。云八里岡。亦曰隆中。岡勢蜿蜒如帶。高僅數丈。亦有祠。嘉定徐宗伯學謨俱游之。謂襄陽可據。宛人不能攘而有之。蘇子瞻詩。誰謂襄陽野。生此萬乘師。蓋指伏龍山云。見宗伯集中。

玉泉山

荆門州。玉泉山。有關侯祠。祠下方二十步。皆黑土。相傳。侯嘗住兵作書遺其子平。書罷。以研汁擲地。故至今。土爲之緇。其青龍刀豎石罅中。以手摩之。輒動。然千夫之力。不能舉也。

孔子山

及學士大夫皆曰古跡。實然。歲上元夜。家置一鑪。當戶高五六尺許。實以雜石。附以石炭。夜煉之。達旦。焰光上燭。天爲之赤。至於今不廢。是謂補天。文裕語太宰喬莊靖字曰。女皇察物。宜先民用。故制此通昏黑之變。補烹飪之宜。蓋曰補天之所不及耳。儼山集

崖山

儼山集

太原縣東有崖山。天旱。土人燒此山以求雨。俗傳。崖山神娶河伯女。故河伯見火。必降雨救之。今山上多生水草。

羅浮山

羅浮二山相合。屬博羅縣。取道增城則近。其上多奇植異卉。有松尺許。叵置數年。植之復生。有竹葉符。每竹止二符。乃篆書仁字。色白。浣之不脫。五色鳥。特集人肩上。虎不噬人。有王野人園。花實森茂。春冬亡間。游人任摘。持歸卽迷道。而園原無定在也。又有仙樂。風月靜夜每聞之。道士擬製。今冲虛觀所奏。頗得其聲。李潔

銅鼓山

貴州。威清衛西四十五里銅鼓山。諸葛亮南征。於此獲銅鼓。故云。土人云。山有洞。藏武侯盔甲。先代有可入處。今石門榛蕪。人或臨之。蛇蜂交集不可入。每值陰雨。聞者如銅鼓。鏗然作聲。貴州通志

金陵岡

金陵岡在應天府龍灣。相傳秦始皇埋金人於此。碣曰。不在山前。不在山後。不在山南。不在山北。有人獲得。富了一國。殆以此地氣盛。誘人鑿之耳。其愚黔首若此。而亡秦者。泗上亭長乎。予嗟夫祖龍之愚。應天府志

飛來峯

錢塘靈隱山之飛來峯。元僧楊蓮華加。徧鑄佛像。至明嘉靖日。太守福清陳仕賢。以楊友郊僧開僧三石像。斷其首。瘞盆中。以役實異。覺佛像。近來有續其首。以佛故亦多事。陳仕賢嘉靖壬辰進士。

回雁峯

衡山回雁峯。相傳雁不渡衡陽。然衡陽之南亦有雁。但過此則漸稀耳。或曰峯勢如雁翼之回。衡陽府志

六直洞

山陽縣。六真洞。元真人。丘處機。劉處玄。談處端。王處一。郝大通。馬鈺。

燕子洞

貴州平越府。有燕子洞。紫燕千百爲羣。潛藏於此。冬不北鄉。洞口二丈。其土疏而黏。黑而肥。土人用之糞田。進洞口二里。持炬至大洞。源泉混混。聲如鳴金。有時響聲如擊楫。時有黑衣人乘務出人。豈燕子聚精耶。黔記

燕子岩

林縣。燕子岩在炭場北。秋冬燕子墊其中。彰德府志

七盤坡

藍田縣。東南有七盤坡。古武關之地。

鵝公坡

番禺。鵝公坡。每風月夜集。遠聽如鵝聲。就近則無有。練要堂集

櫃兒崖

四川桐梓縣。七疊溪之櫃兒崖。崖門有櫃。相傳其中器物皆具。昔人嘗借用之。後有失其藝甌者。遂路隔不能達。萬歷間。劉洪引砲碎其一角。次日復完。蝶卷存稿

石峽

渾源州南。磁窰口。硤石上。有張君祥。劉仇。扇風葫蘆。人過之。雖暑熱。卽有風生。

四道三谷

何景明雍大記。予從入蜀漢道觀之。其西南曰褒谷。從褒入。南曰駱谷。從洋入。東南曰斜谷。從驛入。其所從。皆殊。舊志謂首尾一谷非是。其殘道有四。從成和階文出者爲沓中陰平道。鄧艾伐蜀由之。從兩當出者爲故道。漢高帝攻陳倉山。從褒鳳出者。爲今連雲棧。漢王之南鄭山。從城固洋縣出者爲斜路道。武侯屯渭上山。此四道三谷。關南之險阨攻取。所從來固矣。

長平坡

磁州。城南三里長平坡。廣袤八十里。白起詐坑趙人於此。

大庾嶺

南安府城。西南二十五里。大庾嶺。磅礴高聳。南接南雄。唐張九齡開鑿新路。兩壁峭立。中路坦夷。一曰梅嶺。以漢將梅銷得名。銷從吳芮定百粵有功。封臺侯。臺嶺卽梅嶺也。後因銷將庾勝兄弟居守。又名大庾嶺。嶺下舊有驛。宋郡守趙孟適書扁。有女子題壁曰。妾幼時。侍父任英州司馬。及歸。聞大庾有梅嶺。而乃無梅。遂植三十本於道。因題詩曰。英江今日掌刑回。上得梅山不見梅。輟俸買栽二十本。清香留與雪中開。宋鹽官張九成。明口口張孟奇。俱補植數百本。

僊人籬

貴州城北八十里高崖之上。相傳昔有黃冠結屋其上。今籬尙存。歷歲不腐。

天花里

正統元年五月六日午刻。鄞縣隱士盧德全家。天花如雨。飛滿庭中。其形若米。色若玉。積深尺許。七日始化。郡守鄒珞。名其鄉爲天花里。

永義鄉

嘉靖壬子。廣東峒寇作亂。平之。設廣甯縣。有民馮世瑞納款。立永義鄉居之。

仁義鄉

繁昌縣。唐南陵地。開元中於南陵仁義鄉置石碌場。因其地產。百姓輸納。

捲簾莊

諸城縣北四十五里。捲簾莊。在漢王山西南。地周五六里。雖深秋嚴冬。亦不見霜。諺云。捲簾莊。秋冬不下霜。

謊糧墩

全椒縣。西南五十里。謊糧墩。在蘆陂澗東。舊傳吳伐楚。吳糧盡。飯子胥以土爲墩。覆米其上。故名。今觀其形。碁布星列。約五十餘所。亦奇觀也。全椒縣志。

鯀隄

鯀隄在清河縣西南三十里。延袤千里。自順德廣宗界東。相傳鯀治水時築也。清河縣志。

博浪沙

博浪沙。據史在陽武縣東南三里。今在東門內。開封城北。亦曰博浪沙。陽武縣志。

紅土

宣府蔚州衛城東南三十里。太白山。多奇山。其紅土爲印色。傳爲周穆王乘八駿游此。馬斃。其血化爲紅土。蔚州志。又貴溪縣龍虎山。有五色土。張真人以書符籙。

河南新鄉縣。東北近於衛河。有紅土岡。其地有雨。水如血。俗傳紂血流漂杵於此。

山都

汀州郡治初造。大樹千餘。其樹皆山都所居。有三種。下曰豬都。中曰人都。其高者爲鳥都。卽如人刑而卑小。男婦自爲配偶。豬都則身如豬。鳥都人首能言。聞其聲不見其形。人都或時見形。當伐木時。有術者周元大。能禹步爲厲術。以左合赤索。圍木而砍之。樹仆。剖其中。三都皆不能化。執而煮之牛鑊內。圖書。

鐵城

蔚州府洪武七年立。甲於諸邊。號曰鐵城。周七里十三步。高二丈五尺。堞六尺。址闊四丈。堞口七百十有八。門樓三。各五間。角樓四。各三間。俱高三層。靖難時炮擊其一。又回祿災其二。後不復補。昭

臣節。傲天變也。蔚州志

碗子城

澤州南九十里。太行山絕頂。今屬懷慶府河內縣。羣山迴環。兩岸相夾。中立小城。隱若鐵甕。經行者須扶策徒行。卽宋太祖肩石之處。正統間。留山衛指指胡剛。鑿石平險。以免推車之患。

沁雪石

趙子昂鷗波亭。前有石二。曰沁雪。曰垂雪。垂雪流落雲間。已不可考。沁雪石。在常熟縣署中。有鑄字。或云沁雪。子昂妾也。錢侍御偕乘邑侯女疾。嗾巫言。石爲祟出之。得歸錢氏。在徐上舍處。嘉興東門內。范氏舜蛟石。亦子昂鑄題。今在金氏。

憂懼石

永樂初。尙書夏源吉。治水江南。立石嘉善西塘鎮福源宮前限水。水止限下則懼。過此則憂。

中丞石

福建長樂縣十都。有中丞石。昔有爲中丞者。未遇時。過此誓曰。不爲中丞。不過此石。後果然。因名。閩書云。長樂縣二十一都。石上刊中丞二字。唐潘獨坐南歸憩此。里人鏤之。

棗陽石

棗陽縣石。有青。有白黃。其白者向北拱。如遇朝廷採用。先期鶴鶴畢集。居民知必有大工。

撥刀石

當陽縣。關羽祠。有拔刀石。相傳武安屯軍祠下。土方二千里。黑如墨漬。

望夫石

望夫石。人稔知之。肇慶府四會縣西二百里。有新婦石。夫爲商不歸。久望遂化石。宋林小山詩。瘦骨凌層立海湄。綠苔曾是嫁衣。江郎去作三衢客。目斷天涯竟不歸。

天涯海角石

成都有天涯海角二石。天涯石在中興寺。故老傳云。人坐其上。則腳腫不能行。至今人不敢踐履。海角石在羅城內西北隅角。高三尺。以有廟。今不存。

雙魚石

涪川江心積石。入水千餘丈。夏漲不復見。冬春如梁可游。深處鑄有雙魚。見則年豐。唐宋元題名甚衆。。四川通志

文石

雲南點倉山北麓。石。白質黑章。膩若截肪。脉爲屏幃。其最佳者。蒼素分明。山川遠近。雲林晝暖。若天生圖畫。不脛而走。四方好事者爭購之。相傳李衛公平泉莊醒酒石。卽此也。滇程記

僧化石

南甸州東十里。昔有僧自大理至此。坐化爲石。後兵燬。止存其首。土人祀之。

鳳凰石

萬歷癸巳。詔採雲南鳳凰石百餘。有花草鸞鶴形者。然僅三四尺而止。

關索石

貴州永寧衛南二十里。道旁關索石。云關索南征。惡此石截道。以戈椎擊之。石破爲二。一留道旁。一飛墮道旁。因名落石。今刀痕依然。

清涼石

五台山。清涼石。方九步。相傳可容千萬。

松花石

博物志。松木石氣。石裂而受沙。卽產松。松三千年。更化爲石。

太和伯陳萬言家。有木假山。乃先祖所得。以其狀奇巧。置於庭。一旦化而爲石。文理猶木形。未幾長女被選母天下。求名作記詩。陸采騷勝紀譏

石箭

福建同安縣石箭。長二丈五尺。周四尺七寸。見存。又文王射於豐。有石箭在同官縣。文王山。長二丈五尺。圍四尺七寸。見存。

石木魚

高昌雙嶺下。石木魚。長二丈餘。鑿六十八孔。鐫古彌陀佛名。

石樹

雲南普定進山四十里。有玲瓏石樹。一爲桃。綠幹紅花。一爲李。青幹白花。

石鏡

輝縣西北七十里侯趙川之中湖寺。有石鏡半規。能照山河人物之影。俗稱透靈碑。今昏闇云。昔有上官欲昇歸。至盤山頂忽闇。乃復送至寺。

石田

貴州城南二十五里。相傳有隱士習黃白冲舉之事。甚篤。忽有道士從假牛。耕石田種玉。隱士與之。方耕治。隱士妻來索牛。道士怒。遂舍之。至今石上耕治之跡宛然。俗名鬼打耙。

水晶營

盱眙縣東南十里。外延亘百餘里。以接山陽。相傳隋煬帝陸地行舟之道。今皆軍民雜處。農莊於其間。遠而望之。霧縹霏翁。水光滉漾。如潮海停波。而蓬嶼星列。儼若帆檣。往來飄泊。每晨灑露。其景愈鮮。陰雨迷茫。猶多變幻。斯輿皆知其名。盱眙縣志。

地鏡水影

濟南東七十五里東平陵城。西北有陰地數畝。天色澄霽。亦若雲陰。追視則無。齊乘。

鹵城影

繁峙縣東一百里。故福都。周圍三里百有十步。東南西三門。其地多鹵。故名鹵城。俗傳朝霽。雲霧中呈現樓堞。門內似有人焉。現則多雨。豐年之兆。人在西則見。在東不見。遠分則隱。其景有奇。

。其隱見亦同。今不復見。蓋見則因也。

田目

區田。

圃田。種蔬果。

圍田。築土作圍以繞田者。

架田。架猶筏也。亦名封田。

口田。築土護田。似圍而小。

梯田。謂梯山以田。

塗田。低水處潮水沙泥。

沙田。南方江淮間沙淤之田。

雄田。交阯謂腴土曰雄田。

表田。公用田。樣田。甯夏新志。載食貨。有表田一頃。供總府進表之用。公用田五頃。供官軍藥餌各衙

紙燭。樣田四頃。供祭文廟之用。餘衛同。

響地

襄宇記云。棗水出襄國西北石井岡傍。有響地。圍百步。人馬上行。轟轟有聲。掘之有火出。今無聲。邢
臺縣志

里牛

廣南府人。謂里爲牛。地凡四十八牛。世經堂集

苧蘿村

華亭費元成。行游石湖至紫薇村。遇一野老。年踰八十。言此苧蘿村也。西施生於此。後有富人居此村。曰何必尙循亡國女稱乎。改爲紫薇。其家盛植紫薇耳。石湖北有一溪。古名若耶溪。吳亡後。改越來溪。世以浙東溪村名同。因以西施爲越所獻。其實吳產也。元成後問劉子威鳳。子威曰然。嘗見楊君謙溪囊手鏡。載其事。

佛蹟

山西繁峙之五臺山。清涼石。浙東定海之落陀山盤陀石。形模俱不甚廣。登陟雖衆。了無礙處。任受人。必不登牛馬跡。

城郭氣

臨洛趙簡子墓土氣。成樓臺。

恩縣白馬營。在縣西五里。相傳爲唐時故鎮。二三里外。夏秋間晨望。如城郭掩映。林木蒼鬱。日出卽不見。歲約數次。

汶上縣。西南周三十里。每秋水泛溢。一望無際。遙視村落。在烟波杳窈。口口常有城樓入馬之狀。出於水上。謂之水市。闕亭在南。望湖中水際。時見煙雲樓臺之狀。

靈璧縣。沫清湖。天色晦暝之際。陰陰有城郭狀。

霍丘縣。大業陂。天晴日霽。陂中或見城郭之影。

東阿縣桃城鋪。鋪旁一丘。高可數畝。每陰雨後。煙霧中隱隱有市行車馬之形。

嘉靖二十年。景州城東八里鋪。平原廣闊。每晨日出之時。望見城郭巍然。樓櫓俱備。日高而沒。不知

何祥。古書云。廣野之氣成城郭。江湖之氣成樓臺。或者此與。景州志
 口口元年。正月十一日午刻。河南滎澤縣東南三十里。郭村。忽現大城。雉堞樓櫓畢具。南北人共見而
 駭之。總督張紹彥以聞。謂天官書。廣漠之氣成城郭。今河南茫無人影。誠廣漠之氣也。邸報
 鉅鹿縣北十里許。古鉅鹿之故址也。今廢。相傳侵晨霧露時。城之規模隱隱可見。良久乃滅。

海市

海市見於登萊。然不獨登萊也。凡濱海皆如之。人不經值。故無得而稱焉。海鹽周翁。家澈浦西門外。
 嘗曰萬厓中。於葫蘆山觀劇。忽海上現城郭樓臺。女牆內行人如織。或負戴。或荷蓋。可二十刻。頽其
 一隅。餘漸淪沒。浙江觀察。中牟張天機石平。嘗行部海鹽。登城樓。望見海中有浮屠高三十仞。白雲
 滄滄從之。初謂絕島所未有之奇也。已而石塘闌沸。人皆走且呼曰。海市矣。海市矣。未幾赤壁矗起。
 撻城約若塔牆。少間色變。白色樓數十間涌出其際。窗櫺玲瓏。金碧如畫。忽蒼烟飛來。複閣盡沒。
 而修竹萬叢。松柏槎枒。層城睥睨。橫亘異狀。煙盡。樓脊盡出。頓還舊觀。乃有長橋出於水上。隱隱歷
 歷。車馬雜聲。樓船旗幟。似有人際介而立。其餘若鼎若瑞者。幡蓋者。盤盃杯槍者。日之所接。手之所
 指。蓋不可勝數。而又倏忽盡矣。石平爲吳太史駿公述之。見太史記中。

嘉靖四年。四月二十三日。福甯州海中。浮來五山。自筆架山外而至。峯巒突兀。上有草木人馬往來貿
 易。闔城聚觀。自午踰中。乃沒。蓋海市也。

劉炳文海舟紀程

萬曆乙未。浙帥劉文炳。提舟師。從海道。趨登州。備倭。四閏月始至。紀云。乙未上元。從台州開帆。百
 里至金鯨山。高宗南渡避金處也。歷老鼠嶼出琛門。風適猛烈。兩礁夾起。東西磯。牛頭聖堂兩門。尤
 爲險阻。而五嶼羊嶼皆山黃珠茶鹽兩山。皆四面巉剝。總莫繫泊。飄逐空洋。夜半颶發。船各渙散。詰

且於靈門山聚合。出金齒門。因潮浮至箬竿山。復依南田壘。夜觸韭山。船多破損。收回五爪山修險。至點燈礁。犯及亂礁洋。爲藏龍藪。倏爾驚觸。震蕩翻激。水赤天昏。龍鬚捲水。至半空而倒瀉。船皆碎毀。幾爲魚鱉。出自馬礁。過大漠坑。依險而泊。由浪槓頭轉歷升羅嶼。得登普陀山。傍依金鉢盂。儼然峙焉。出此渡橫山洋。入五爪湖。移往廟子湖。隨風逐浪。直蹴陳錢山。其下有大毒。信宿而往回。顏盡變。且多患瘡疾。及下八山浪崗馬蹟李塔壘。舉皆沙石亂列。其水有綠。有黑。有淡。有辛。有苦。有臭。有清澈見底。蝦魚可數。有淺灘如湖。蛟龍鱗角顯著。俄爲颶風打出窮洋。直抵倭國五島山。轉經漁山假泊沙。俟風息。驅灘山過鼠狼湖。及上川下川鷹巢頭諸山。再入西洋壘。則謂之落濤。船凡撇入。十無一回。乃乘颶風逐羊山上。有聖姑礁。盤礴巍峨。宛如裝砌。許山聯脈金山衛。其柘林乍浦激浦。延袤千餘里。又皆控扼三吳者也。復順流而東。七了諸港。岐分錯雜。室礙莫前。崇明縣孤懸海外。而大陰新安諸沙。生聚甚夥。福山直對三月沙。傍通揚子江。與狼山相望。若東洲河。七星港。豎河口。黃涇河。不下十餘口。海潮漲浸。直達維揚。轉而西行。有三種。大橫。深禱。非予。四口。張方。大樓。瀝水。姜系。掘港。五港。一望無山。其川山窪。川漁窪。三寨窪。狂瀾澎湃。殊甚險剝。水紋斑斕。因號虎斑水。僅得開山。無纜可泊。至射陽湖之雲梯關宿焉。適反風。解纜自辰至申。激漲頽波。極目無際。漏下三鼓。得抵鷹山之灣。問其程則餘五百里。越明日。朔風。舉帆。踴躍碧虛。蹀躞於黃混水。號曰望吳洋。依憑延真島。此皆從來人跡不到之鄉。但見靈猊老菴。三五噴沫相聳。大者方丈。高厚六尺。殼背亂纓。長日虎口。就磯舒伏。迤邐於白山高公諸島。登竹島之巔。四顧廓廓。惟東海所城甚邇。其夜三面受風。避入杜林山。因陟雲臺山。古三元修道上昇處也。翼日西北作雲。東南吼風。巨浪掀翻。桅檣斷折。凡三日夜。不知疾行幾千里。漉漉汙呷。風雖少平。餘波猶湧。東方既白。迸崖滴水之灣。隸山東境上矣。去安東衛僅百里。須臾潮至開行。二三日海天一色。並無畧嶼可以停舟。野宿洋飄。如浮萍無定。泊裁堂山至拓溝塔埭杜家港諸洋。越日入膠港。補繕壞船。過東島。依田橫島夜泊福山島南。山若有神。上無草木。中有穴洞。悲鳴有聲。曩日至草島嘴。去大嵩三五千里。風浪瀾漫。海面愈險。值有巨高

島嶼皆爲崑崙山。依傍海陽。所距咫尺。莫能躋焉。夜野半。有人魚網上市。採水不絕十餘丈。乃莫耶島也。與遼東連界。海運所經故道。至聿青島明光山不半湖已達塔島。覓泉取水。相望佛山。濤沫灑灑。宛如一掛珠簾。頃刻抵洛里。去香山僅幾里。上有古蹟塔。甚崎嶇。附葛攀藤。一步一蹶。得造其絕頂焉。其上復有南天門。巉峴秀拔。凌接雲際。東隈一洞。幽雅修潔。昔王陽真人煇煉於此。騎白鶴飛昇。有雲光宮在焉。傍多山峯名子心。吞霞襲人。丹井碧泉。崢嶸特角。天然雲房石室也。登舟行於馬大嘴見一巨魚。橫於亂礁上。長百餘丈。其脊如山。口闊無鱗。令刃其脊。總數百人僅開一肋。肉不堪烹。可熬油棟骨一節。計千餘斤。而肉內小刺。亦逾尋丈。潮回日落。携刺數根而西。遇颶風。至甯津所。戍卒蕭條。煙火不過百餘家。西有岩石。參差十數里。乃西楊舍人之墓。每每作祟。覆雨翻雲。秋則遠去。掠人田禾。春夏於此。邀劫過船。捩舵放舟。越三五百里。遙望大洋。突起數丈。如銀砌石粧。近如噴雪飾粉。俗呼爲白蓬頭者是也。其山脈綿亘。暗藏水底。密邇成山。鬱鬱數百里。皆雄崖劍峯。萬里海濤。銜注會集。秦始皇造石橋。渡海觀日。神人驅石。鞭之見血。至今山石皆紅。內有成山衛。出此險道。洩口宵行。至威海衛所。開泊劉公泊。其島尚有居址。似舊有遠人在焉。不移時入大空島。島多浮石。卽頑鈍砒砢。浮水不沉。轉入甯海州外洋盤旋落子窩之里。若清泉寨。寄山所。又其扞屏遞過福山縣入龍山港。至拷拷島。乃雲晴雨止。轉泊八角山。則見斜曠凝耀。磯嶼煙籠。如若樓台錯列。繼若城郭周圍。俄而人馬縱橫。又俄而旗幟掩映。出沒無定。變換不常。或告曰。此海市也。傍有長山島。有黑島。上多巨蛇。產金沙。少選抵蓬萊閣矣。自浙適齊。計日四越月。計程七千里。自浙江達直隸。延袤二千七百里。自直隸金山衛抵東海所。計一千八百里。自東海抵蓬萊。計二千四百里。謝肇淛海圖略

古赤壁

古赤壁。嘉魚縣北六七十里。巖石雄崎。卽周瑜破曹處。樵豎時得遺鐵沙礫間。北岸烏林。曹所戍守也。懸岸鏡額。蘇子瞻署之曰赤壁。其左就湮。僅見與弟宇。嘉靖辛亥華亭莫如忠登其上。記曰。長公鏡

石稱與弟云者。固嘗借子由來。表赤壁所在。章矣。而賦作於黃州。要以卽事寓言。不害爲情之所託。俟好古者之自定也。

物產

五方之產。名山多金玉。嶺表多璣翠。玳瑁。豫章多漆。荆南多丹銀齒革。原缺三十三字。金治七一。

銀升。宋時產銀之監三。冶場。天下八十四。

銅山四百六十七。宋銅場三十五。

鐵山三千六百六十。宋鐵務二十。

名勝

黃河

河南北諸水源。濤而暴漲。每遇發時。浪高數丈。排山倒岳。杠梁舟楫。皆不易施。然其淺可立而待也。故俗以徒涉爲便。許松泉謂孟子不知子產乘輿之事。亦有理。陸嚴山外集。

九河

保定地卑。水自西北來者九。曰蘆溝橋拒馬夾河琉璃胡良桑乾烏流白澗白溝。是爲北九河。非禹疏九河也。從雄縣而下。匯於毛兒灣。

運河

鎮江至杭州運河。相傳隋煬帝鑿。濟甯楊士聰游武進成墅。讀遺碑。成墅支河。自六朝已有之。此言必有所據。夫使運河未通而先有支河。此謂涓者將安所歸。則知自古而然。非自隋始也。或因而濬之耳。見玉堂菴記中。愚按夫差鑿邗溝以通江淮。能致力江北。豈蘇常近地。獨不通舟楫耶。攻楚攻齊。轉餉一二千里。必非陸輓。則運河爲夫差時無疑。

鹽池

解州鹽池。蚩尤所窟穴。平時淺波。歲九月九日先後數日。嘗大風雨。爲化鹽之候。彼二十里之聚。各儲草薦木屑。竹枝樹梗。敝履壞絮之屬。一切雜投。狂風一夕。作凍。明日視之。滿皆鹽花矣。味甘鹹。甚瑩潔。始祭蚩尤之旗。官收其半。民取其餘。無不滿意。甯夏鎮城南北各三十里。俱有鹽池。其產不多。官亦不禁。不知於古何名。河東邊外有花馬紅柳鍋底三池。以境外棄。今鹽池之在三山兒者曰大鹽池。故在鹽州城之西北者曰小鹽池。其地曰李羅等。池最多。皆分隸大鹽池。其鹽不勞人力。因風而生。原額三千二百餘引。弘治九年。延綏甯夏二鎮。輪招馬匹。尋乃奏革。正德初。總制楊一清奏。如河東運司例。每引收銀一錢五分。增課五萬二千引。

潮汐

招遠楊太史觀光曰。地之有潮。卽在人有天癸之說也。潮之理。每歲升降於二八。二八爲一歲寒暑之分。每月升降於初八二十三。爲朔望之分。每日升降於朝夕。朝夕爲晦明之分。八月潮生而天交於地。二月潮生而地交於天。天交於地而秋冬閉。胎息之象也。地交於天而春夏啓。長養之象也。天地男女。一而已矣。

崇禎戊辰潮溢。吾甯邑人望城外如火。蓋陰火潛然之謂也。

南亂北亂

平涼府沙棠川。出崆峒山之後峽。匯於崆峒之東麓。曰南亂。金佛峽水。循府川而東至龍音寺。出與崆峒前後峽水而爲涇。過府城西北。曰北亂。詩註。曰亂。截流橫渡也。平涼府志

王甯窮汭記

涇州諸生王甯記曰。汭水紀於禹貢。廣韻。汭音儒。說文。汭从水从内。訓曰。兩水合流之謂也。又曰。小水入大水之名。質其實。雍豫二州。有專名之者。有通名之者。專名者以義也。通名者以類也。以類通名。如會於渭汭。東過洛汭是也。蓋渭自鳥鼠而東逝。涇出筓頭而北來。二水至高陵而匯於河。經龍門東至豫州。洛山熊耳東北入河。既皆小水入大水。且兩流合爲一。以故不曰涇渭。而曰渭汭。不曰河洛。而曰洛汭。由是推之。則凡諸州之水類於是者。皆不拘於定名。而得通稱爲汭也。以義專名者。涇屬渭汭是也。汭在華亭城東三里。乃兩水合流。其北源西出小隴山之馬峽。俗呼北河。南源西出隴山之仙姑峪。俗呼南河。北河環朝那山前。蓋山有古朝那王廟。其西北有湫。東去縣東三里而別稱爲兩山。南源環王母山。山顛有古王母宮。東去四里別稱爲儀山。俗呼爲凹頭山。儀州實以是名也。儀兩兩山。南北對峙。豁開如門。故兩水合而東流。名之曰汭也。又二水交流而下。亦專名爲汭也。汭匯爲深潭。潭名合水。水之北岸一臺。高廣平夷。荆榛瓦礫錯雜。相傳禹王廟也。北涉兩山之巔。遙見東南隱隱峯巒。侵入太虛。隴州吳山也。沿汭峽。峽有三十里。皆斷崖摧壁。神禹疏鑿之跡也。峽行十五里南嶼有女神之廟。扁曰抵汭元君。土人呼底茹娘娘。汭讀爲茹。茹孺同音。廟東十五里至石堡。汭北受柴邱水。源出朝那湫山之陽。而陰卽爲涇水。又東五里至安口峴牛心山。南受武村水。汭至是益大。北有斷萬山。白馬鋪嶺柴邱而來。南有五馬山。白石櫃寺武村而至。兩壁削立。巉巖百仞。東汭於中。雪浪湍激。經行五里。爲屯城。唐李元諒屯兵扼吐番者也。屯東爲崇信川。汭水益大。深不可涉。行旅皆袒而濟。又東三十里。北過崇信縣城。崇信人曰汭水。遠北又東七十里。東過涇州。過凹山。乃屬於涇。弘治戊午。督學副憲虎谷王公。按涇州。試諸生竣。乃涉水登王母宮。甯從行。王公束眺曰。北流而濁者何水

乎。甯對曰。涇也。南流而清者何水乎。對曰。汭也。公曰。是禹貢雍州屬涇之汭乎。周職方其川涇汭乎。昔公劉有汭。鞠之卽吾過豳西行三十里。涉一大河。北入涇。是何名乎。甯曰。靈臺之達溪也。公曰。朱子注。茵。鞠之卽曰。豳地日廣也。試日廣求之。斯地有百泉乎。甯曰。去華亭西北三十五里。朝那山。湫陰。有泉百餘。爲涇源。乃百泉也。有溥原乎。甯曰。亭口靈臺之西。汧陽隴州之北。華亭龍泉之東。有廣原。唐尉遲敬德破突厥。郭子儀破吐番之西原也。李元諒開美田千頃。號曰良原。今爲溥潤原。公又曰。此與吳山南北乎。甯曰。正相南北。公曰。必茲西去百里外。有兩水合流者。可謂之汭矣。若其窮之乎。甯計華亭至涇。程一百三十五里。果符公言。還白之。公曰。朱子注詩。言汭水出吳山西北者。以名山而志名水。窮汭沂流也。今遂謂出隴州。東入於涇。今隴水乃沂入渭。去涇遠矣。且將置溥原於何地乎。趙中丞時春曰。甯之論汭。謂小水入大水是矣。然達溪雖經流。靈源出武村西南。遶門川諸水。含良原靈諸溪以入涇。皆汭也。

禹汭

松潘亦有禹穴。禹生於此。其水皆丹。攜李徐道荆親見。向予言之。陳眉公太平清話

呂梁洪

萬曆癸卯。鑿徐州呂梁洪。得唐尉遲敬德所題名。相傳孔子觀呂梁。非其處。

鴈湖

廉州府城。西北七十里鴈湖。每秋冬有雙鴈游於其間。爲其罕有。故名。

月湖

寧夏衛。月湖廣斥。無水草。遠望整然畢照。俗呼稱衍古戰場也。

醋溝

唐岑參詩。鴈塞通鹽澤。龍堆接醋溝。郭緣生述征記。醬魁城至醋溝。凡十里。

陰司溝

襄城縣北四十里。潁橋。鄭莊公見母處。有遂道在焉。俗呼陰司溝。

八功德水

南京靈谷寺。琵琶街側。有池云八功德水。余嘗過之則澗。按八功德水。見天竺國。一清。二冷。三香。四柔。五甘。六淨。七不噎。八除病。

皇后水

武安縣西八十里。太行山中有池。夏涼冬溫。世傳宋太祖下河東。將引皇后入晉陽。后病瘡。掬此水浴之。遂愈。至今人稱皇后水。武安縣志

冰柱水

宣府懷安衛城西南三十里。虎窩山崖水出。盛夏結爲冰柱。至隆冬反釋。

瀘水

諸葛孔明五月渡瀘。瀘水卽黑水。非瀘州也。其水色黑。故曰瀘。沈黎古志。孔明南征。緣今黎州四百餘

里。至兩林蠻。自兩林南琵琶部。二程至焉州。十程至蘆水。蘆水四程至弄棟。卽姚州也。金沙江。在滇蜀間。一在武定府元江驛。一在姚安之左卻。據沈黎志。孔明所渡當是今之左卻。瑟琶一作虱琶。兩林。今之印部長官司也。

愛陽河水

宜府愛陽河。在炭山西北二十里。本牧地。深二尺餘。下有頑水。黑色者數尺。水上有浮草。性涼。宜牧馬。其地生黃花。大如錢。人馬踐踐萎悴。明日復生如新。

石槽水

高陵縣。清真觀。在縣東南二十里吳村西。魏文帝嘗過此。有石槽圍方不及二尋。水常盈。以飲隨駕馬千餘匹。不減涓滴。文帝異之。主觀者對曰。臣有飲馬珠在內。故水不竭。頓首獻珠。今石槽存。

須水

滎陽須水。須音會。今寫作須。讀作需。訛。

粉水

粉水原出房縣。蕭何夫人於此漬粉。鮮潔異常。

鶴川水

雲南鶴慶刀劍。取麗江之古宗鐵。灌以鶴川。利可剗犀。屈之可以繞指。

龍潭

天啓丁卯。立秋日。天臺石梁下龍潭忽涌金錢二枚。各重一兩六錢。而鑄太平通寶字。攷縣志。朱太守鎮潭物也。遂名塔曰聖祥。

清池

滄州清池。凍冰結花。四散離披。有松竹牡丹車馬人形等異狀。詩曰。雨木日中皆佇立。結冰池上盡離披。出周府博平王錦囊。

清池中。蓮蕊取之研如泥。凡繪圖寫畫。光焰勝金色。以上滄州志。

化癭池

武安縣西栢林里。有池周十八畝。癭者飲之可化。

珠池

廉州府城東南八十里。有平江青鸞楊梅池。雷州有樂民池。俱產珠。

明時。率十五六年。或十年。一採。始得美珠。邇者三年一採俱碎小。藩臬有司。頗受詰責。

嘉靖二年採珠。至十二年復採。僅隔十年。海北道僉事翁薄。嚴立採法。四閱月方才封。用口銀七千餘兩。除織造螺筐起蓋廠房。夫役俱役民。不預造報者。不下二千餘兩。僅得珠四千餘兩。所得不賞所費。尚且碎小口廬不堪。二十四年。九月又採如前。知府胡鰲建議。謂前採納。至今僅隔一年。螺珠未生。縱有一二生息。俱係嫩小無珠。恐復虛費。又攷洪武二十九年詔採珠。至永樂十四年始復採。又至天順三年詔採珠。弘治十五年復採。正德九年詔採珠。則以爲頻數矣。嘉靖五年詔採珠。其年十二月大雨。池水冰結。樹木皆枯。民多凍死。螺筐夜有火光。人皆異之。九年又採。二十三年連採。此採之所。以少也。正德九年採珠。惟樂民池無珠。

蘇池

眉州三蘇祠有二池。遇賓與。蓬開並蒂。必有登科者。

舜井

舜井在歷城山下。綠床朱綆。婦子牽挽數十步不止也。深十五丈。左圓右方。或棄物於井。則從西出。

倒井

諸城縣北五十里城陽社井。欲臥斜入。如人攀倒而然。泉甘。冬夏不竭。

聖井

鄆縣西北二十里。聖井。其水常溢。遇旱。取水祈禱有驗。先期齋宿于廟。次日詣城隍廟。焚告詞。又次日與衆步迎城隍如聖井廟。拜訖。令嫠婦潔者七人。各持新帶環井洗箕。以箕揚水如飛雨狀。仍各大聲云。東海老龍七個女。刷子簸。就下雨。如是者數次。始陶井。時大伐鐘鼓。衆伏地號呼。如哀如訴。待新泉涌出。取注瓶內。仍徒步捧歸。朝夕行香。雨後。送入井。謝之。鄆縣志

丹井

四川德陽縣江干有許旌陽丹井。江水撼射。井屹然不崩。歲旱江竭。井溢如故。子章蜀草

柳翠井

仁和縣。泉亭山柳翠墓。普濟菴有柳翠井。

肅府井

甘肅。肅王府有井。嘗涸。秋子果熟以牲禱。井泉溢。煎果作紙味酸。解渴化痰。果盡復涸。又酒泉。倉無鼠。曹縣藍亞中集

火井

臨邛縣火井。夜時光映上照。民欲取其火。先以家火投之。頃許如雷聲。火焰出。通耀數十里。以竹筒盛其光藏之。可拽行終日不滅。井有二。水取井火煮之。一斛水得五斗鹽。家火煮之。得無幾也。杜詩。負鹽出井此浚女。正指是井。蜀井大都艱於得鹽。而此井獨易。

鹽井

蜀中鹽井。始於李冰。大都竹井。井形大如竹。僅可容竹也。其鑿之甚艱。其入之甚深。其汲之甚苦。水出山石。澹上鹽下。有鑿至五六十丈而淡出。百丈而鹽出。鐵釵漕釵刮筒吞筒等器。纖悉甚備。不比晉齊燕。取水成鹽之易也。四川通志

喜客泉

句容茅山喜客泉。闊二丈。深三四尺。清冷見底。客至。拍手浩嘆歡笑。泉底噴味。如珠串啞啞。向人浮出。相戒默然無言。泉亦沈靜。

澹泉

海鹽尚胥橋北。河中方丈許。沸涌味淡。蓋海眼也。或繩探之。莫測。土人沈氏。偶筭中之。反濯一木爲

梁。又縣城西。天寧寺有澹泉。鄭端簡澹泉本此。澹字疑誤。

酒泉

東昌。往平縣。西北丁家岡。甘泉宜釀。

肥泉

水經有肥泉。如國地志有肥壘城。其地在今東垣之境。泉水詩曰。我思肥泉。茲之永嘆。釋謂衛女思歸。肥泉。爲白衛而來所渡水。今此水當在邢衛之間。予往經是縣。泉水。又不多見也。但觀其土壤沃饒。優於鄰境。肥之名其以是與。陳棗廣平府舊志。

膽泉

鉛山縣西七里。銅寶山。有貌平坑。石竅中。膽泉流出。浸鐵可銅。又鵝湖鄉。去縣治七十里。有溝漕七十所。取本地水積爲池。隨地開溝。碎鐵鋪之。浸染色變。鍛則爲銅。又德興縣北銅山下。一名銅泉。浸鐵數日。類朽木。刮其屑。鍛銅。福建。下杭縣紫金山。胆冰池。亦如之。宋游經言胆水可浸鐵爲銅者。凡十一所。古坑有水處曰胆水。無水處曰胆土。胆水可浸銅。胆土可煎銅。

婆婆泉

廣西慶遠府思恩縣北五十里。有水常隱。不見。遇行人渴飲。婆婆則涌出。飲足復竭。度遠府志。

燕泉

郴州城西有泉。春燕來水盈。秋燕去水平。故何孟春尙書。號燕泉。

聖泉

貴州城西五里。泉出石罅。匯爲方池。一日百盈百竭。弇州錄名百刻泉。郭中丞子章往觀。條盈條竭。偶雨集井溢。僕天趣歸。言百。舉成數也。一統志稱聖泉。長史劉汝楫記曰。宇內名泉。若湯泉火井瀑布。突諸類。泊陸羽所品次。靡可縷指。特壤界色味稍殊。而無潮汐。惟漳浦蠟湖。侯官潮泉。鍾山應潮。建州潮泉。固亦消息有期。而此地瀕海。乃緣海爲潮汐。泉不得與也。若池陽潮泉。章貢三潮。安甯海眼。樂平鳳游。荆門蒙泉。郴州潮泉。吾鄉龍驛潮井。去海懸絕。似與聖泉爲伍。第彼潮候。僅再至三。亦未有百刻消長。別具一囊籥者。則聖泉之靈且異。在別境。甯復有此乎。

喊泉

武夷山喊泉。當製貢茶。太守禱畢。大呼天子要茶。泉卽溢。復呼太守要茶。泉復溢。否則涸。按何喬遠閩書。建安縣御泉。一名鳳凰泉。一名龍焙泉。宋上供茶取此。深僅二尺許。有暗渠通溪。泉日夜從渠出。而舊志謂喊之則出。造畢則竭。蓋神異其說。以表美云。

趵突泉

濟南府。呂祖廟前趵突泉。三穴。並湧高數尺。如隱雷。蓋沈水下流也。崇禎乙卯正月。濟南陷。泉勢亦滅。

靈泉

岐山縣東。五里周公廟東。西有靈泉。相傳世治則出。世亂則竭。其出必風雨數日。唐太宗二年出。賜名潤德。後復竭。雍熙二年復出。金末復竭。元至正十七年復出。其後仍竭。明弘治十五年。九月甲子。

雷風又作。山澤震裂。泉乃復出。

溫泉

泉貴甘冽。至於溫。異矣。又並泉也。一溫一冷。猶是泉也。條溫條冷。不異之異乎。博物志。凡水源有硫黃。其泉則溫。或云。神人所暖。主療人疾。後周王褒溫泉名云。白礬上徹。丹砂下流。乃知溫泉。必白礬。丹砂。硫黃。三物爲之根。乃蒸爲煖流耳。明廣陵御史桑喬曰。雷火所灼。其氣亦硫。豈以雲雷之中。而亦有硫哉。蓋極陽之氣也。夫溫泉亦極陽所聚。蘊隆口如五行變化。奚所不至。蕭山之墟。有涼谿焉。可云其下有冷石邪。愚深服其辨。而溫冷變換。又所未解。政聖人之不論不議也。概見一統志。間有遺採。偶彙之。似終未盡。

北京

順天府昌平縣。西北二十五里。湯洛山下有溫泉。又東南三十八里。湯山下湯泉。四時常溫。浴之愈疾。

遼化縣西北福泉寺。山下寬平約半畝。泉水沸出。溫可浴。

真定府。平山縣西四十里。溫泉。

阜平縣西北八十里。湯池。俗傳昔有吳王經此欲浴。池水忽執。王惡之。勞卽有冷泉噴出。至今兩泉。一溫一冷。

順德沙河縣西北七十里。湯山下湯泉。可愈疾。

永平府撫寧縣東北七十里。溫泉。浴之愈疾。望之熱氣氤氳。

延慶州西北三十里。佛峪山下有溫泉。

保安州城南十五里溫泉。

萬全都指揮使。宣府城東六十里。湯池山有溫泉。愈疥癬。又西南順聖廢縣東二里。溫泉下流。半里滲地。

赤城堡龍門鎮。宣府城東百四十里北鄉赤城寺側。山根湧出。暴熱而流。有一冷泉。浴之愈疾。雲州保寶濟鄉暖湯。一處出泉。凡七十二眼。

南京

應天府上元縣東。六十里湯山。湯泉六穴。以煮豈穀。終日不熱。草木灌之愈鮮茂。劉宋江夏王義恭銘曰。秦都壯溫谷。漢京嚴湯泉。炎德資遠液。暄波起斯原。又府城東北四十里。水西一壑。冷熱相半。熱可淪雞。中皆有魚。魚交入輒死。民引熱水溉田。一歲再熟。又府東南鴈門山。上有溫泉可浴。

江浦縣西三十里湯泉。一名香泉。其泉有二。相去百餘步。南唐韓熙載記其泉。能蠲除疾疹。又溧水縣西南香泉同。

廬州府巢縣東北十五里半湯山。有二泉。名半湯池。一冷。一熱。合流。其初冷熱仍異。數里之外始相混。魚自冷泉觸熱。即承回。

舒城縣西南七里。湯泉。冬夏常熱。可以烹茶。

英山縣東西皆有湯泉。四時沸騰不竭。

安慶府望江縣。菩提寺北。司馬龍井。冬溫夏冷。可以愈疾。

皖公山上湯泉。四時如湯可浴。

徽州府歙縣西北百二十里黃山第四峯。有泉沸如湯。常湧丹砂。浴之能愈風疾。

和州北三十五里。平疴湯泉。其色深碧。沸白。香氣襲人。愈瘡疥。太子泉。即湯泉之一。梁昭明太子嘗浴此。

含山縣。永興院。半湯泉。

山西

太原府定襄縣東北二十里。聖阜山有溫泉。龍朔中嘗賜錦幡李治。有碑記。遼州東八里。溫泉。冬寒。熱氣上騰五六尺。口沁水南一里。暖泉。隆冬不冰。

孟縣北百二十里。溫泉有三穴。一穴出盤石中。尤熱。舊經云。北齊濟南王有疾。於此沐浴。遂愈。其水南注滹沱河。一出縣東二十里。名溫地泉。孝義縣西九十里。高唐山之側。溫泉。靈液淡淡。和氣如薰。經嚴冬積雪。不冰。

大同府治。東北火井。南北七十步。廣減尺許。深不見底。炎熱上并。常若雷霆。以草爨之。則烟騰火發。又東北去火五六尺湯井。廣輪如火井。熱勢亦同。以草內之。皆沾濡露結。故俗以湯井爲日升井。

靜樂縣東十五里北山下。石縫中溫泉。流入礮河。

蔚州府西三十里暖泉。夏涼冬暖。可資灌溉。

奇嵐州城南山下溫泉。其穴數十。引爲水磨。

永甯州城西崖下。溫泉湧出南流。與川水合。

寧鄉西南百里。暖泉村。其泉有氣。又名牛尾泉。西北流入黃河。

五台縣東南四十里。有溫泉。東流入清水。

山東

兗州府。曲阜縣南七里。溫泉。

沂州東北。郟城縣西北。俱有溫泉。

青州府。安丘縣西七十里。溫泉。

登州府城南七十里。溫泉。又棲霞縣艾山。甯海州嵒山。

福山縣西三里。奇泉。自石孔出。味甘。冬溫夏冷。

招遠城東。二泉並出。一寒一溫。

寧海州東四十里。龍泉。文登縣西七里。湯泉。又東北六十里。溫泉。谷寒溫二泉。並廢。萊州卽墨縣東四十里。溫泉。烏墮楓爛。旁有冷泉。

遼東都指揮使。司溫泉凡六。一都司城南五十里。一城東南五十里柳河。一西南七十里鞍山。一曹莊驛東十五里。一寧遠衛東南二里。一廣陵前屯衛北七十里。

河南

河南府城南。溫泉。冬溫夏涼。又新安澗池嵩縣俱有之。

南陽府城北二十五里。紫山。有水冬夏常溫。曰陽谷。

裕州歷山七峯。山各有泉。冬暖。

汝州西南六十里。溫湯泉。有九眼。東南流。注廣城澤。可療疾。唐武后嘗幸此。有溫湯碑。又有寒泉南流。

汝寧府。固始縣西南山中溫泉。其熱如湯。其色綠。

商城縣南。溫泉。能已瘍疾。

涉縣西北三十里。溫泉。今淤塞不存。

陝西

西安府。臨潼縣東南二里。驪山溫泉。下乃鑿也。秦始皇於此砌石起宇。漢武加修飾。唐時建溫泉宮。

藍田縣西南四十里。石門湯泉。曰武功縣太乙山。有水沸涌如湯。可療百疾。

鳳翔府。寶雞縣。太白山下有溫泉。可治百病。世傳清則疾愈。濁則無驗。

平涼府北城之關。有溫泉。卽古柳河也。深數尋。溢出灌溉諸園圃。冬煖不冰。趙時春平涼府志。曰平涼府。爲川者二十而贏。爲泉而冬不冰者以數百。而冰者不與焉。

鎮原縣。鹽池東有泉。冬溫。又有泉可植蓮。皆東入高平鄉。

隆德縣城東百步。溫泉出石穴。寒沍不冰。萍草冬青。下有廢蓮池。圍可二里。

靈台縣保山之陰。溫冷泉。半溫半冷。浴之愈疾。

靜寧州城東五十里。有煖泉。冬凍。又城東三十里。乾磴川有溫泉。

延安府治南。泉有七眼。味甘。冬溫夏涼。遇大寒。流溢不凍。甚濟居人。

甘泉縣南四十三里。溫泉山下有溫泉。

陝西行都指揮使司。永昌衛城西南三十里。暖泉。二穴湧出。四時常溫。東北流入水磨川。

寧夏靈州守禦所。西南一百餘里。山東滾泉。自地湧出。高丈許。其沸如湯。

寧夏韋州煖泉。在鹽池西南。

浙江

金華府。東陽縣東南四十五里。夏山上有池。冬溫夏涼。

台州府仙居縣東南二十里。黃赤湖。修廣皆數丈。水四時如沸。夏飲寒浸毛骨。冬飲則如湯。相傳宋時

嘗有龍出沒云。

桐廬縣北十五里。神泉。冬溫夏涼。病者飲之或瘥。祈禱多應。

江西

南昌府。寧州西。黃龍山下。冷暖二泉同出。相去數尺。

奉新縣。九仙山。湯泉。湧出道間。一溫一沸。

南康府。建昌縣西八十里。湯泉愈瘡疾。

廬山主簿山。在胡郎廟南數里。山下有溫泉。穴口圍一丈。湧出如湯沸。冬日恆熱。

建昌府。新城縣東四十里。溫泉有硫黃氣。浴之愈疥瘡。

撫州府。臨川縣城西三十里。溫泉中有伏石。分爲二流。其陰水差寒。其陽水常沸。

吉安府。龍泉縣。湯泉凡三。一縣西八里。一新田院側。一朱砂巖下。

袁州府。宜春縣城南三十里。有溫泉。泉有魚。投以生卵卽熱。

贛州府。溫泉。凡九。在信豐者一。在寧都者二。在安縣龍南者三。皆溫如湯。而寧都尤熱。

九江府。德安縣三十里。廬山下湯泉。石池五。南一池極熱。手不可探。北四池稍溫。沿之有硫黃氣。

湖廣

武昌府。蒲圻縣南五里。湯泉。冬夏常沸。

襄陽府。光化縣南五里。溫水河。舊有一泉。其水溫暖。今河尙存。

房縣東湯泉。中有硃砂。

德安府。應城縣北六十里。京山有溫泉。淵靜如鑑。聞人聲則湯奮發。其熱可罍雞。又應城西五十里玉

女泉。其泉熱沸。

隨州城西百二十里。大洪山。西北有煖水。

蘄州城北百四十里。泉沸如湯。有硫黃氣。

岳州府。平江縣北九十里。幕阜山。有溫泉三穴。

長沙府。攸縣東六十里。溫水泉。冬溫夏涼。又縣東百二十里。有煖水石泉。宜冬浴。

衡州府。來陽縣。平陽五都。有二泉。其水春夏溫和。冬滾沸。

永州府。零陵縣溫泉。

常德府桃源縣西北百二十里。湯泉。又有冰泉。人曰陰陽泉。

郴州興甯縣東北五十里。石牛山。其巔有雁池。冬月溫燠。雁嘗食息其中。郴州北二十里。平地泉湧出如湯。沐之愈病。

桂陽縣北三十里。白芒溫泉。冒風者浴之多愈。

宜章縣東二十里。溫泉池。又縣西六十里。有桃花湯。其水冬夏常煖。

四川

成都府新都縣。溫泉。冬月。未至數里。遙見白氣如烟。

順慶府儀隴縣火井。天寒焰從地出。

叙州府富順縣火井。

重慶府城西南百六十里。溫湯峽。泉自懸崖而下。涌出。四時騰沸如湯。

合州東五里溫泉。

夔州府。開縣三潮溪。冬熱夏涼。又縣南溫井。冬夏常溫。

潼川州蓬谿縣西二百里。官館鎮之北。伏龍山下。火井地窪。若池以火引之。有聲隱隱發地中。少頃炎

熾。夏月積雨停水。則焰從水上。水爲之沸。而寒如故。冬月水涸。則土上有焰。觀者至焚其衣裙也。又

印縣西八十里。火井。博物記云。井深二三丈。以竹木投取火後。人投燭井中。火即滅。絕不復燃。

東川軍民府。西南三十五里。湯池水出石竇中。熱如沸湯。清徹如鑑。

四川行都指揮使司溫泉二。曰寧番衛城東百四十里。曰越巂衛城東二十里。四時溫煖。可愈疾。都

司北七十里熱水池。四時常熱。流入溪河。合瀘水。接金沙江。

福建

福州府。域東崇賢里。湯泉。味甘而性和。熱甚硫黃氣。謝肇浙江雜俎云。吾郡城內外溫泉。共十五處。

汀州府城東四十里湯泉。
興化府。莆田縣城西南。大溪中。湯泉有三穴。如井熱甚。漢時胡道人棄丹於地。水遂溫。浴之多壽。以上見一統志。而莆田又錦江西桃源溫湯池。又上杭橋西北岸溫泉。潮退可浴。餘縣搜附於後。

南安縣城山。溫泉。有四。三熱一溫。

德化縣湯嶺。湯泉出焉。

永春縣湯泉二。一在湯邊。一在登瀛橋北。

安溪縣湯泉六。

大田縣湯坑。湯熱可浴。

沙縣熱水池。其水夏冷冬溫。

永安縣。湯池六。熱水口。苦竹村池。仕洋湯池。溫湯池。龍峯湯池。

上杭縣。溫泉二。小拔湯。

長汀縣南何田市。湯泉。周數十丈。熱能熟生。名無垢泉。又一在縣南安仁院。石竇湧出。可溉田。

清流縣溫泉。三。池溪嵩口北原。可以熟卵。

連城縣湯泉。

永定縣湯泉。三。大洲湯泉出地中。下洋湯泉出石壁。李田湯泉。熱能熟物。旁有溫泉。可以和之。

龍溪縣。溫泉。舊西廂城址下。

漳浦縣。梁山南北兩麓。各有溫泉。

龍岩縣。溫泉在塗潭社。四時可浴。一在小溪社。熱氣尤甚。

南靖縣溫泉四。永豐里二。歸德里一。清甯里一。

長泰縣湯泉二。
 平和縣。溫泉二。清甯里。新安里。
 甯洋縣。湯池。

廣東

廣州府。清遠縣東九十里。湯泉。有石如錢出。泉熱可熟物。
 韶州府城。東南五十里。湯泉。能熟生物。每霜雪時。泉氣上蒸。赤魚時見。人不能獲。又曲江縣西北四十里。泉有三穴。四時沸涌。可以芘烹。又樂昌縣東北四十里。溫水。冬夏常溫。愈疾。又乳源縣西北二里。石穴中溫泉。又靈君山周山嶺。溫泉二。
 瓊州府。感恩縣北七里。溫泉。夏冷冬沸。能愈風疥瘡氣。
 高州府。溫泉三。曰府城北一百七十里。曰信宜縣治南。曰石城縣北五十五里。

廣西

柳州府。來賓縣西北一百里。雙泉。冬溫夏涼。
 象州東三十里。溫湯泉。其水常熱可熟物。
 萬州城西溫泉。

雲南

雲南府。安甯州北十里。湯池。雲南溫泉非一。此爲甲。色碧如玉可鑑。
 臨安府治。溫泉。每春莫。郡人浴三日。謂祛時疫。又西北四十五里。及建水石屏阿迷三州。通海河西
 嶧峨蒙自四縣。俱有之。

鶴慶府城東南溫泉。每歲三月浴之。愈瘡。

麗江軍民府。通安州。阿失村有溫泉。

廣西府。彌勒州西十里。阿欲部山下溫泉。

蒙化府城南。甸尾山下溫泉。相傳蒙納奴邏母病。浴之愈。

沅江軍民府城西北十五里。溫玉泉。石間迸出如湯。

北勝州溫泉二。曰州城枯木村。曰州南沙田村。

馬龍多郎甸長官司北五十里。微崇山。溫泉。其熱如湯。

尋甸軍民府南五十里。溫泉。俗呼熱水塘。

金齒軍民指揮使司。城東二十里。哀牢山下。有石狀如鼻。二泉出焉。一溫一涼。曰玉泉。又西二十里。

虎障山下溫泉。

隴州宣府司。湯泉。從石罅出為河。熱甚。

貴州

貴州普安州。溫泉有二。一在城東南八十里。一在樂民千戶所西。水溫可浴。

水異名

茵。水厓也。茵之言內也。水之內曰隩。水之外曰鞠。韓詩。茵隩之。即隩與鞠同。九臯九折之澤也。水隩曰潛。隩。重廡也。水之夷上洒下似之。許氏。曰岸上面平夷。而其下為水洗蕩齧人之也。水中高地曰坻。水草交曰蹠。水會曰濠。一曰水外高。有瘞埋之象。

營建

山陵

孝陵。應天府朝陽門外鍾山。○懿文太子祔葬于側。世稱東陵。○孝陵後有小阜曰大山。萬歷間。金壇于玉立欲治葬。以科臣論止。空其穴。後誠意伯劉昭。葬其父盡臣。孝陵享殿。○太祖高皇帝。孝慈高皇后。左淑妃李氏。曰妃曰氏。皇貴妃孫氏。皇貴人口氏。皇美人口氏。右碩妃生成祖文皇帝。

孝陵道中。觀音閣後壁。瑪瑙石。高丈餘。衡丈有口尺。光潤如玉。出青龍山。永樂間採置。

長陵。昌平州城北。天壽山。自紅門進御道。凡二十餘里。舊名東柩子山。永樂七年卜建。賜曰天壽。世

傳燕山寶氏舊居。無据。千峯萬壑。交鎖周密。嵯峩森翠。後視高山數重來。跌斷。明堂平闕。羅城諸

小阜尤密匝。祔葬十六妃。

獻陵在長陵右。祔葬四妃。

景陵在長陵左。祔葬七妃。

裕陵去昌平三十五里。獻陵之西。祔葬十八妃。

茂陵去昌平二十七里。裕陵西北。祔葬十四妃。

秦陵在茂陵西。無妃祔。

康陵去昌平三十五里。秦陵之西。九龍池環其前。松園繞其左。

永陵去昌平十八里。長陵之東南。規制巍廠如長陵。而巧麗過之。俱襄陽白石。兵部員外郎餘姚略用

卿所擇。祔葬妃三十。嬪二十六。

昭陵。

定陵在口陵口大峪嶺。徐尚書學謨議擇。時通政參議梁子琦等難之。爲輔臣申時行王錫爵等所斥。崇

禎初。尚書姚思仁督理。多朽石。甯無罪地脈哉。吾甯陳與郊以給事中。巡工。言壽宮五室。中三間待

馭。四隅維以鐵索。各大銅缸注油。左右室通門。待中宮及嗣帝所生母升祔。○神廟閱壽宮。自坐石室

飲酒。
慶陵。

德陵石橋。高不五尺。長不五丈。砌石無甚費。而耗二十餘萬金。享殿寶城尤不費。且陵地窄甚。僅當西山之脈。在永陵左。相距不百步也。蔣德景云。

德陵窆日。石梁中斷。諸臣亟培土。不敢以聞。諸陵明有碑題。口宗口皇帝之陵。稜恩門內。有碑俱無字。閑以木柵。

思陵在紅門西。三里。與諸陵隔河。諸陵俱河北。思陵獨河南。卽故皇貴妃田氏園也。

候氣室

順天府治。有候氣室。每立春。先期五日。奏遣欽天監習占候者二人。往設硝實灰。如舊法。占畢。還奏。

槐廳

全州蔣相國冕治第南門外。巨槐一。曰槐廳。

明德堂

天下泮宮。俱明倫堂。獨應天府學明德堂。以宋文祥手書故。

梅熟堂

鄆縣東北三十里。大梅山護聖寺。漢梅子真舊隱也。寺有梅熟堂。先是梅甚巨。稱爲梅龍。孫權伐而三之一。會稽禹廟梅梁。張僧繇所畫龍飛去者。有梅核半。可容粟一斗。正德間盜失。

六老堂

南康六老堂。因五老峯。祀宋守朱元晦。曰六老。

來玉堂

王元美弇山園中堂成。適汪伯玉至。名曰來玉。董玄宰做之。樓成。適陳仲醇至。曰來仲。

晾鷹臺

南海子方百六十里。殿旁晾鷹臺。臺臨三海子。渡以七十二橋。

銅雀臺

曹瞞臺於鄴水。與西門豹祠相近。今水中隱隱三臺址。蓋銅雀金鳳玉井云。二臺久沉。一臺址稍高。

厄臺

陳州厄臺。孔子絕糧處。崇禎時。流寇佯資諸生其上。圍斬之。又遺厄也。

主人臺

穎州東二里岳廟前。元末。每旦。彩雲騰覆。明興。太祖嘗幕其上。天下大定。雲散。土人呼主人臺。穎州志

鶴臺

崇禎甲戌。湖廣松滋縣。得石碣。晉羊叔子所書鶴臺二字。

摩旗臺

全椒縣西北四十里。宋將焦光贊。結寨於焦山上。營壘皆石砌。高數尺。圍可六里許。東有搖旗。北有摩旗臺。雨洗後。嘗出甲葉鐵鏃之類。石窖中。米麥至今猶不腐。全椒縣志

梳粧臺

皇城北苑中有廣寒殿。相傳遼蕭后梳粧樓。成祖定鼎北京。勿毀。以垂鑒戒。萬曆七年五月七日。樓傾。梁上金錢一百二十文。云至元通寶。則樓創於元初。非遼時物矣。張居正雜言

六相樓

四川達縣。本宕渠。故地。洪武庚辰進士。鄒州曹嗣宗。丞達縣。修六相樓。祀唐李嶠劉晏元禎李適之韓混宋張商英。嗣宗終廣東按察僉事。

瑞光樓

鄞縣南二十里樑社。元末永嘉。高則誠明。避亂寓於沈氏樓。作琵琶記。夜按拍而歌。蠟炬二枝相照。光忽交合。名瑞光樓。遺址存。

四雨樓

姑蘇廣福山。周天球治園。有四雨樓。桃梨海棠。各栽一面。謂海棠濕透胭脂雨。梨花一枝春帶雨。桃花亂落如紅雨。其右臨水對山。曰珠簾暮捲西山雨。

朝天宮

南京朝天宮。古冶城也。後殿黃垣。據高垣之上。太祖嘗更衣於此。俗傳葬其下非。

鐵柱宮

南昌鐵柱宮。東南隅。方丈甃池作石欄。鐵柱微露。乃石耳。非鐵也。陸儼山豫章漫抄

雙魚宮

錢塘洪侍郎瞻祖。游江西玉皇山寺。見石盆中金魚八枚。游泳必雙。異而問僧。謂僅四頭。因登席簪視。果然。平視又如前。僧曰。此名雙魚宮。乃旌陽真人所遺仙跡。遊覽志失載。

白塔

四川白塔。初來安縣北六十里白塔寺。路通盱眙。有磚塔一座。雷擊。掣其末三層。遺在泗州境伏虎山。今存半塔。創始雷擊。俱不知其何年月。

鎮河塔

涿州桑乾河中。以有塔。名鎮河塔。嘉靖元年。塔崩。內有古錢。皆飛空如碟。自後河水不時泛溢。涿州志

應州木塔

應州佛宮寺。木塔。四層六簷八角。高三十六丈。遼清寧三年。田和尚奉勅募建。塔後殿九間。通一酸茨梁。洪武元年。四月八日。塔頂佛燈連明三夜。文皇帝北征。幸其上。題峻極神功。後武廟巡應

州。題天下奇觀。應州志

按佛法。佛菩薩塔高十三層。辟支塔應十一層。阿羅漢四層。餘隨品級減之。此八種塔。並有露盤。佛塔八種。菩薩七重。辟支六重。四果五重。三果四重。二果三重。初果二重。輪王一重。凡僧但無葉火珠而已。後世建塔。不原佛制。聖凡相濫。紕謬至多。

虞仲

太伯逃荆蠻。自號句吳。從歸百餘家。立爲吳太伯。太伯卒。無子。仲雍立。是爲句。仲雍傳三世。至周章。武王克殷。大封同姓。封周章于吳。封其弟虞仲于周之北。故夏墟列爲流侯。是爲虞。司馬貞曰。夏墟。在河東太陽縣。據志書。平陸卽古太陽縣。至唐開元。始更今名。其廟爲太伯明矣。或者謂太伯以次而傳。至周章是爲南之吳。虞仲。始受周封于夏墟。是爲北之虞。然則虞祖虞仲。曷以廟太伯哉。曰不然。武王大封同姓。周公于魯。召公于燕。叔鮮于管。叔度于蔡。及神明之後。封止一國一祖。而受二封者。惟于太伯見也。武王之意。以荆蠻吳夷。其禮鄙俚。不足事太伯而報其德。再封于虞。得處先聖王之舊邦。且邇中畿之地。得用中國之典禮。其於太伯之德。庶幾乎報矣。明初夏縣王翰平陸縣太伯廟記

妬女祠

平定州東九十里承天鎮。俗傳妬女。介之推妹也。舊經云。介山氏之廟。唐武后幸河東。道出祠下。懼風雨。欲開道以避之。狄人傑曰。一人行幸。風伯清塵。雨師洒道。何妬女之辭。遂止其役。駐蹕祠下。風停雨息。

孟母故宅

榆次縣古城西南隅。蓋孟子鄒人。其母并人也。其地有三徙鄉。

蘭交

榆次縣東南四十里。相傳蘭相如所居故里。當秋深。地無霜。五穀登衍。人異之。

姜女手跡

曲沃縣西南三十里。侯馬鎮南河西堰中。世傳姜女托堰哭夫。手印于堰。至今土雖屢傾。遺蹟猶存。

殘苦廟

介之推。從重耳出亡。追者甚急。之推以其子林代死。重耳入晉。之推妻及林妻。尋推。聞焚死于綿山。俱投井死。鄉人卽其地立廟祀之。曰。殘苦廟。在曲沃西關外。

瓜子纏

翼城縣東南五十里。北陽阪下曰瓜子纏。相傳老子食瓜處。子落皆成石瓜子。其形宛然。

大禹廟

龍門大禹廟。俗傳食豕肉。詣廟必風。壁畫精工。與岐山周公廟壁畫並稱。

秦伯廟

平陸縣秦伯廟。

南岳廟

衡州南岳廟。古松百餘株。銅香鼎甚巨。不可圍抱。銅鐘重九十斤。有大祭。則鐘聲先振。

御題祠山廟

廣德州北五里。橫山張真君廟。明初高皇帝南征過之。題曰。天下英靈第一山。白雲爲闕石爲關。將軍幸得來瞻此。暫解干戈勳笑顏。

江神廟

湖廣魚鎮江神廟。有神木。江夏賀栢國逢聖歸楚。木出於江。蒼古挺拔。鎖以鐵索。

白起廟

武安縣西關。白起廟。正統間。縣丞李昇。以起殺降挾詐。遂毀其廟。

長平驛

山西高平縣。古長平也。耕人嘗得遺鏃如綠玉。長平驛。卽元平章賈魯宅。堂三楹。梁柱俱桑木。甚巨。賈氏裔猶存。

煖舖

都御史葉成。巡撫宣府。於沿邊孔道設煖舖。卽唐人邊舖也。

鐵柱

雲南大理府。緡州東南九十里。白崖城。蒙氏建極十三年四月鑄鐵柱。名曰建極。又鑄笠覆於頂。土人

號天尊柱。歲貼金其上。祭之邀福。

與言書院

去陳州百里曰五鄉。介項城上蔡間。今更曰潔已鄉。立與言書院。

冰廠

蘇州冰廠十有六。清人始至。問廠何爲。曰藏冰者。謂伏兵也。焚其五。始悟。

魚骨橋

海門縣。禮安鄉。以大魚骨作橋。長丈八尺有奇。元至正中。潰入江。萬曆戊戌。隨沙漲起。呂四場民獲之。廖令口移建儒學前。色黝黑。有鐵釘痕。毫無朽蝕。揚州府志

廣濟橋

湖州廣濟橋。宣德間。知府王源建。歲摧稅萬餘金。

皇過此橋

崇德縣。皇過此橋。以宋高宗南渡。過此故名。見縣志。萬曆橋北。沈望雲伐竹得磚。葬石刻宋寧宗姑墓。駙馬黃氏。鹽官人。始知爲皇姑子橋。

倒流橋

常陽縣北。漳水上。倒流橋。相傳曹操追劉先主。張飛據橋大呼。水爲逆流。魏人不敢迫。承天府志

萬安橋

泉州萬安橋。俗呼洛陽橋。長三百六十丈。萬歷口丹陽姜志禮守泉州。修萬安橋。得石刻曰。同節來修。卽公號也。又鄞縣蔡錫。永樂癸卯鄉試。入宵監。仁廟以學行授兵科給事中。出守泉州。欲修萬安橋。發石刊曰。石頭若開。蔡公再來。檄海神。遣醉卒自投於海。若有神擊之者。俄易書一醋字。必八月二十一日酉時也。事載錫家傳中。今廟像皂服。行人過。焚草履一輛。福州臺江大橋。長百餘丈。

仙橋

雲南白崖川。獨木橋十餘所。木大如指。長三尺。或五六尺。巖險不敢着足。樵人捷足過之。亦不損折。其木非常見之材。每望夜一易。不知其因。明日但見新製。曰仙橋。

楹帖

直也如弦。縱道邊夫復何憾。比而得獸。雖邱陵亦突以爲。願清

靜亦靜。動亦靜。五臟克消夫慾火。榮亦忍。辱亦忍。平生不履於危機。程鑿

徒有寸丹獻帝闕。竟無尺素達權門。程鵬

堂上雙親壽。朝中一品家。嚴訥

無毀無譽。三代直道而行。知止知足。四時成功者退。申時行

財不求贏。敢爲子孫益。過位嘗險。分當思齒角。難兼陸光祚

節義重丘山。始不渝。終不渝。功名赴流水。寵不驚。辱不驚。嘉靖三十二年沈丘毅諭山陰行符鵬

世多君子扶臬極。天放閑人養太和。鄭伸

偶爾謝上大富貴。歸來作平地神仙。中丞王瓊

頭上青天。一點浮雲淨盡。庭前白日。五更夜氣流行。訓導湯傳芳子起元

天無私。地無私。日月無私。風不出。雨不出。寒暑不出。沈思孝

得意嘗自笑。無音使誰知。鄒以讚

凡事再思斯可矣。與人三反何難焉。都諫武安米之韓

泮水樂饑。讀天下書。不談天下之事。康莊擊壤。生聖人世。願爲聖人之氓。朱鴻謨

出入起居。得罪天地時。十常八九。子臣弟友。可對聖賢處。百無二三。吳先生寓梅日乘

見故人而一笑。自有餘懽。念生平之百爲。亦無可恨。李庭機

居深山之中。隨俗所使。生聖明之世。與天者游。鄭元標

少作書生。未見升堂入室。老爲廟祝。粗知掃地焚香。李贊

養其氣以剛大。尊所聞而高明。李騰芳

試看階前皆樹玉。莫嫌腰下未橫金。

天上圖書分册府。雲中雞犬半仙家。王思任

誤改文字身空老。起販魚鹽計已遲。陳元素

人前屋漏。日異雞鳴。

每思於物有濟。恆愧爲人所容。陳龍正

自拋官後睡常足。不讀書來老更閑。祝以黜

實在能還雅。庵成可讀書。先存一府君

鐵牛碑

濟南府儒學內。有碑高三尺。刻曰鐵牛碑。碑旁地。露錢錐不五寸。就側四掘。終如故。或曰鐵牛。鑄七

十二泉者。

宋文貞公碑

沙河縣。宋文貞公瑗碑。斷沒土中。正德丁丑。縣令方思道。冶鐵二百斤。貫而續之。今存。不甚剝蝕。

毛文龍碑

平遼總兵官。佐軍都督同知。毛公功德碑。天啓四年。七月。朝鮮立。奮忠贊謨。立紀明倫。靖社功臣。輔國榮祿大夫。兼議政府左贊成。判義禁府知書筵春秋館成均館事。弘文館大提舉。藝文館大提舉。金鑿撰。通政大夫。行曹參議。李瀟書。崇政大夫。行兵曹判書。兼同知成均館事。金尙客篆。嘉議大夫。平安道觀察使。兼兵馬水軍節度使。平壤府尹。巡察司。李尙奇立石。碑文不載。銘曰。噫噫往歲。羯虓造口。聳我清邊。鯨吞豕突。急莫之遏。全遼石壤。壘土無堅。編籬槍攘。厥墟腥羶。公時憤切。忠膽激烈。敵牙張拳。獨立一叫。揭義爲號。趨者爭先。曷投曷倚。俾賊顛息。以犁以宰。謂我共濟。克協大計。鷓首東偏。獲醜復鎮。軍聲始振。天討行焉。出入遼瀋。形格勢禁。罔或恣前。恫疑縮頸。不敢西逞。關防賴全。瞻彼椴島。洪濤森漲。處得其便。洋洋妥帖。履坦不跲。就堯如天。激以忠義。其歸如市。累累連連。曰公父母。開口望哺。餘喘其綿。匪公是任。吾其左袵。長城屹然。得人死力。功章寵錫。褒詔頻宣。神旗豹尾。以降闡寄。節制其專。大業未了。概見其效。四海望延。吾言不失。有待史筆。有賁凌烟。撫實載石。先最其績。後矧其傳。興安縣。岑山右魚峯之仙宕寺。有創修木碑。係天順七年。其聲樸樸如古琴。其文斑剝斷連。亦如古銅琴文。錢塘黃汝亨貞父云。目所未見。

定霸城

保定有定霸城。宋楊延朗所築。金時以其碑他用。獨其土存。嘉靖中。霖雨。潰其西北。得人骨數百具。

。植立土中。髑體各載兜鍪。旁侍兵仗。石刻云。活樂惰工百戶徐瑾一行兵役。見者竦然。長安客語。

軒轅陵

平陽太平縣東三十里。上魯村東。汾河內有石棺。以鐵束之。隱現不同。世傳爲軒轅棺云。

顓頊塚

晉初。烏程得顓頊塚。又衡山崩。見顓頊塚。中有營丘圖。九首鳩杖。見顏真卿石柱記。濮州東北。相傳顓頊建都。因有帝塚。故名。

緜墓

郟城縣東北七十里。羽山。卽殤緜處。有墓。

禹陵

會稽城南數里。禹陵。窆示高可六尺。形如權。堅栗青色而澤。有白脈隱起。甚細。如絲絡。偶撼之則動。而不可拔也。今戊子夏。毀於盜。三千年神蹟。頓失其重。聞者惋惜。

唐堯土階

唐堯土階。故里在臨汾縣城南十里。帝姓伊祁氏。故里名伊村。村築土堡。宛然茅茨土階之蹟。唐堯氏陵。在臨汾縣城東七十里。部行里。俗謂之裀林。又謂之神陵。高百五十尺。廣二百餘步。旁皆山石。惟此地爲平土。深丈餘。山後有河一道。俗呼陶唐飲馬泉。有金泰和二年碑記。相傳唐太宗征遼。曾駐蹕此山。因謁堯陵。遂塑已像。明嘉靖間。知縣趙統重修。陵東原祀丹朱。西祀唐太宗。統撒太宗像。每歲

祭。丹朱耐享。升堯諸臣之上。竊嘗攷舜巡狩于湘。其陵在九嶷。禹會諸侯于塗山。其陵其會稽。惟堯之巡狩。不見經傳。此陵爲堯陵。相傳自古。無疑也。然明初詔下。訪歷代帝王陵墓。山東東平州。有以堯陵聞者。至今載之祀典。而在臨汾反遺。何也。豈昔之搜訪未至耶。抑詔下之日。而臨汾尙屬元耶。那雲鷲臨汾志

。堯年十五。封唐侯。二十登帝位。壽百十有八歲。帝王世紀云。堯葬濟陽城陽西北。是爲穀林。呂氏春秋曰。堯葬穀林。皇甫謐曰。穀林卽城陽。堯都平陽。于詩爲唐國。由此觀之。城陽卽今之平陽也。濟水出王屋山。在平陽東南。今之城陽。皆尙屬平陽郡。雖去平陽郡百餘里。而臨汾東亢村所出有濟泉。至今相傳通濟源。茲言夫豈無據。况濟多穴地伏流。千載而上。陵谷代遷。焉知堯之時。臨汾非源耶。今堯陵在臨汾東南。視王屋山實合古之城陽西北。古曰穀林。而今堯陵俗名爲神林。尤一驗也。後人乃謂山東東平州。濟水在焉。而遂以堯陵名。何耶。

關龍逢塚

安邑東北三里有雙丘。相傳夏大夫關龍逢塚。土人云。關雲長其後裔云。

齊桓公墓

崇德蔡新。令臨淄縣。夢貴人緋服傳騶而至。揖曰。公行去邑。當以東壁遺金贈公。晨起。靡舍東廡。坎其地。嶒嶸中空。如下天狀。掘石版曰。齊桓公墓。規制深廣。石室若王者之居。屍色如生。器具皆黃金。旁金山銀山各一。蔡取其山。燈缸將滅。爲添油加築。不三月罷官。崇德縣志。按史記桓公屍蟲出於戶。安得云。屍色如生也。其厚葬或有之。

衛靈公墓

相傳衛輝府治後。衛靈公墓。古有紫金碑。雷轟之。又觀城縣東南四十二里。高宛縣東北二十五里。亦有墓。

雙娥堆

蘇州。承天寺門外雙娥堆。爲吳王夫差愛姬。從孫武子學兵法爲隊長。笑而見殺。此其墓也。東北小池。衡不過二丈。長不過五丈。乃錦帆涇故水。僞吳張士誠所浴。

李牧墓

平陽太平縣西五里。孝子村。趙將李牧墓。其子李榮廬于墓側。稱子墓。

陳仲子墓

長清。於陵仲子墓。張令文龍。令徹孔廟大羹一孟。及棗栗享之。長清縣志

介林墓

介之推子林墓。曲沃縣南三里。河底村。

王剪墓

王剪墓。富平東四十里。每六月朔望。墓若海市狀。城郭依然。車馬交錯。關中塚墓記

鄭玄墓

臨晉縣口三十里。至今荆棘不生。狐狸不穴。

青塚

荆門州青塚。土人哀昭君招魂而葬。因名。實在大同城西北五百里。古豐州灘西六十里。

孫嵩墓

安邱縣南四十里。孫嵩墓。元人于欽作齊乘。寓宿太虛宮。夢趙先生入謁曰。聞君修齊志。僕有良友蘇安邱。其人節義高天下。今世所無也。請載之以勵衰俗。欽覺而語梅仲昇。以爲鄉人趙伯善。共訪之。伯善愕然。及閱趙岐傳。始悟爲孫賓石也。齊乘

嚴子陵墓

尉氏縣東二十里。蔡堡有嚴子陵墓。

司馬遷墓

韓城縣南二十里。芝水之南。西麓有漢太史令司馬子長之墓。墓有古柏。墓土嘗開。土人柏根懸其棺。因磚封焉。子長自敘云。五世皆葬高門。今去芝水數里。又西北五里姚莊村。有蘇武墓。墓柏俱南向。

高陵

蘇州盤門外三里。武皇帝所葬。孫堅曰高陵。妻吳夫人。子長沙桓王策。皆附焉。元至正二十三年。崑山盧熊公武。與同郡沈徵君伯熙父訪徵君。因言子向曾過此。聞父老言。地屬沙湖。金氏墓上。有木如蚪龍。然每陰雨。若見物操舟蕩漾之狀。人或逐之。不見。尋伐樹掘地。得金船。長二尺許。其怪遂息。

黃耳塚

松江府治南七里。普寧尼寺。有晉陸機黃耳塚。機入洛。有快犬爲傳家問。後死。人義之。埋此。今殿西北隅。有土隆起。古木盤覆。卽其處也。明袁海叟詩。家養有恩終不背。交遊何事獨相欺。

郭璞墓

唐乾符間。衢州刺史季穀。置紫龍山。得二石。長六尺許。取置文會閣前。宋淳化間。郡守慎知禮移植于此。積土爲峯。歲久遂訛傳爲郭璞墓。有傳璞言五百年後。太守爲吾守墓。紹聖中。郡守孫賁知非璞墓。發之得二石。移置堂中。宣和郡守高至臨復移歸故處。相傳峨嵋山正對府治。不利于郡。故置此石以壓之。因培土爲峯。而名以小娥眉云。田藝衡傳。

太康瓦券

萬歷元年。會稽李光簡塚地中。掘得杯及瓦券。券曰。大男楊紹從土中公賈塚地一邱。東極闕澤。西極黃藤。南極山背。北極於湖。直錢四百萬。卽日交畢。日月爲證。四時爲伍。太康元年九月二十六日對共破剪。民有私約知律令。玉茗堂集按今葬例。買土立券。古人已然矣。

張賓墓

內邱縣南十三里趙張賓墓。周圍皆鐵。高三丈餘。廣十餘畝。石勒厚葬以報賓也。

李太白墓

常塗李太白墓。有祠。葦如筆竹。葉皆有金星。

寶峯寺古墓

弘治癸丑春。泰和羅鶴子應。讀書城南寶峯寺。見司禮少監胡善治掘墳寺後山。得古墓。有墓志。僅元和四年數字明白。棺槨俱無。惟脛骨尙存。其長過今人十三。古人多長大者。後世氣薄。故生物短小。

南漢劉氏塚

廣州城東北亭洲。有土穴。耕人梁臺過之。投石。空空作聲。乃納以雞籠。夜鳴。知無恙。於是發之。數金人各重十五六斤。正虛金像二。冕坐若帝后。各五六十斤。地若金蠶珠貝鑲之。鏡一。光照白日。硯一。硯池玉魚游動。他珍異亡筭。先攜鏡歸。光動隣舍。急碎之。鄰人覺而往爭。遂聞官。盡搜盡之。內棺掘毀。稍存骨齒。墓碑隱隱可讀。南漢劉氏塚也。陝子壯練要堂集

瀧陵阡

吉安永豐縣。有瀧陵阡。卽歐陽公葬祖父處。國朝口間忽失處落。廣信永豐縣人怪之。後又還吉安永豐縣。時有謠曰。吉永豐移廣永豐。永豐二字適相同。人民城郭依然是。只少當年六一公。

蘇文忠墓

邲縣蘇文忠文定二公墓。文忠卒常州。嘗愛邲之山。移葬此。後文定卒。亦葬焉。明萬歷甲申。有盜發之。縣令濟南張篤行。加封樹焉。去墓半里有廢塚。石半露。按之則文忠之曾孫婦。亦掩之。俄夢文忠遺青衣致謝。問文忠公何在。曰臨汝。至彼可相見也。後篤行以事至臨汝。曾得先生墨跡一卷。大異之。恍悟前夢。石識其事。邲縣志

蘇穎濱先生。子遲守婺州。愛其山水。因家焉。葬穎濱衣冠於蘭溪之靈洞山。遲子簡侍郎。簡子林。今其家藏穎濱遺墨。及四代告身。

琴操塚

臨安縣玲瓏山。琴操塚。殘碣。東坡居士書。萬歷十七年被發。

方臘祖塋

嚴州香山前爲獅象石。方臘祖塋處。後毀其石。

鐵棺

秦興縣南。華嚴寺。有鐵棺。長九尺二寸。前後狹。相傳宋建炎間。薛慶嘗遺其徒搥之。中有物相觸。鏗然聲。以鐵椎擊數百不損。鼓鑿浴之不液。乃止。揚州府志

劉刺史墓

義烏縣南。東平山。有宋平昌刺史劉公墓。隆慶戊辰長至日。裔孫尙恭重修。墓碑掘數尺。見墳臺。臺上有碑。方尺許。刻晦翁卜墓數云。天聖戊辰葬此邱。蔭十八紀出公侯。子子孫孫垂不替。繩繩武永無休。五百四十一年損。十六七歲裔孫修。戊辰戊辰新一石。重修重修千百秋。祕書郎朱熹書。刊石。呂祖謙爲之記。記難具載。其要云。右數八句。爲卜劉公之墓。天聖六年十月二日卜葬東平山先塋之原。公諱豪。字有閑。裔出漢光武。封太孫。於烏傷。國除。因家縣治南。遂爲烏傷人。逮晉寧公萬章。始爲王官。唐曰珊者。翰林學士。南門劉氏。非他族比。公以文學遷平昌刺史。致仕。曾孫輝燾同登乾道進士第。游東萊晦菴二先生門。故晦菴卜其祖墓之蔭。有裔衍家昌千載之久乎。因識大略而納墳臺上。以俟後日之驗云。按天聖戊辰。至隆慶戊辰。年數良是。而長至又值戊辰。仍孫劉公仕鵠在宋。贈武節侯。修墓孫。果十六七歲。吁。數亦奇矣。義烏縣志

黃元菴墓

山東陽穀縣。景德鎮。有黃元菴墓。其墓靈異。土人患瘡毒。插花於墓祭之。卽愈。中河志

蕉花女墓

長清蕉花女塚。女最孝。母疾思麥。時未登。女向麥泣。移時麥黃。奉母得愈。今塚旁麥先稔。田畔有御製碑。上書孝經。長清縣志

張王墓

福建興化縣。丁溪草堰間。有張王墓。相傳張士誠父。沿海民竄。咸以正月望前聚禱。因而彼此搆鬪。勝則一年大利。卽至死傷。毋許告訐。近有司嚴禁之。稍戢。

孫一元墓

孫大初墓上有挂瓢堂記。李夢陽撰。劉麟書。

鄭曉墓

海鹽鄭尚書墓。在甸塍山。先是尚書執法削籍。其葬從庶人禮。隆慶初。復官贈諡。終不改其舊。予嘗拜墓下。歎先輩素風也。

邵灣古墓

壬辰春。海鹽邵灣山。祝氏宅後。有積土。坎之得古墓。各碑刻曰。永安六年。歲在癸未九月十日。造辟日造。五官郎中山義尉丹陽楊口。碑面俱有雲雷紋。穴頗深廣。左右有羨門。予往訪之。始徵古製。

虛糧塚

新野縣東三里。近衛河邊。亂塚相連數十。傳聞前代屯兵之所。曰虛糧。

器用

研

王官谷西山。有秦王研。研大如礮盤。無口。下如尖底磴。春秋秦敗晉師於王山谷時所遺者。司馬圖記見
呂東野溼野集

潁州東六十里。古夷陵也。舊志古列國縣君邱釁。土傳夷陵縣。掘地得磚。作研堅潤。潁州志
俞侍郎士吉。奉使得研。上篆永樂二年。旁書海東潰磈。說格

古鐘磬

太原交城縣西南汾水上。金大定中。汾東山岸崩。得古墓。有鼎十餘。鐘磬各數十。鼎大者幾三尺。凡十有二。其中實物猶存。鐘小者僅五寸許。大至三尺。凡十有二。蓋音律之次。後世之制以厚薄。而此以大小。其制皆周器。非秦漢以後所作。今器不存。而墓址猶在。

琴

高陵魏氏。唐鄭公之後。藏有遺琴。後訟失之。呂涇野集

禮科公署有書室。琴懸壁間。係舊物。李樂見聞雜記

正統末。籍太監王振。玉琴長三尺餘。

四明沈嘉則豐對樓詩集。云吳仲足攜族子德望所藏銅琴示我。爲賦銅琴篇。曰九字。蓋子平生耳目所未視也。

青銅合禮黃金相。軫以白玉排雁行。絲彈蜀繭啼鳳凰。誰其作者古帝王。按圖攷識題大唐。璽文雙象鳴玉方。玄宗協律精宮商。豈當在御樂且康。伊昔抱至置我牀。青天拂匣開錦囊。白日倏忽相低昂。翡翠照燦琉璃光。丹砂點漆流星芒。纖指觸絃響嚶嚶。蒼梧飛雲頰不揚。見者黯黯頰而長。延陵考國推太章。裔孫寶祕什襲藏。明珠大貝俱尋常。荒墟對積經千霜。鬼神呵護不敢傷。天地不得闕厥良。復使人世窺虞唐。我欲薦之登明堂。九原誰再起師襄。夔孔同室國祚昌。皇帝萬歲永無疆。

仙針

蒼梧縣人梁大用。遇異人。授以鐵針三枚。并針灸書。遂爲名醫。永樂中。郡守羅觀。訪其子孫。得一針以進於朝。

鐵塔鐵鑊

當陽縣。玉泉寺。鐵塔鐵鑊。俱隋物。青州城內。日口寺三鑊。大者受四十石。次受三十石。有釜受八石。似甕而有耳。寺原孟嘗君宅。

金釜

臨潼縣南一里。驪山。綿亘而東五十里。東有金釜山。石罅中有金釜。抵之則動。取之不出。

石杯

青田縣五色石杯。巧工琢造。歲應上官。不啻千百。民甚苦之。古人拔茶樹桑。以茶且累民。况石杯於器無益。有一製必貽一害。在司牧者念之耳。

大名府譙樓鐘。云。魏太武物。守潔則聲宏。否則咽滯。前守惡之。棄置通衢。且半裂。樂護蒞任。適早祭而懸之。扣之不揚。護不懌。夢大衆誼于鐘所。乃再扣之。聲宏。裂處尋平。

正統中。河決滎陽。東昌水中大鐘二。范縣令鄭鐸得其一。款識永安四年。

曹縣城門四。各有鐘。相傳鐘懸則大水。遂寘之。崇禎戊辰四月。盧令柱礎不聽。盡懸之。果大水。乃徹曹縣志

歐陽修歸田錄。太常所用王樸編鐘。皆不圓而側垂。後胡瑗改鑄編鐘。遂圓其形而下垂。扣之掩鬱而不揚。今見南京神樂觀編鐘形不甚圓。

鼓

鄧縣東鄉全尚書。忠故居。石鼓二。萬曆乙卯。石中如蟲嚙聲。翻視之。石多蝕。搜得石蟹一。蟹足尙動。觀者異之。

成化初韓襄毅雅。南征大藤峽賊。斬峽之大藤。中空鞞革爲鼓。置參府前。聲甚震。立使某移于行臺。扣之無聲。歸卽如故。

圓花鐔

崇禎元年。四月。湖廣通山縣。三都水衝出古銅鐘。重十八斤。周製也。有圓花鐔三字。聲極清遠。

唐鏡

唐鏡。背有字云。花發無冬夏。臨臺曉夜明。見鄭以偉山上山稿。

辟塵鑪

錢塘縣。西山龍井寺。辟塵石鑪。不知所自來。近失去。

張山丰食器

張山丰居穎州迎祥觀。遺像一。食器一。容斗許。暑貯肉不腐。混元衣一。久而如新。好事者易其領。輒收。冠一。質古有摩雲態。穎州志

天啓改元

魏元法僧口蕭莊南詔晟豐祐先已用之。又太和舊志。元至正戊戌。紅巾徐壽輝陳友諒陷江西。下吉安。泰和稱天啓。則天啓之號。前代已四見矣。

銅法馬

萬歷間。秦和人。掘地得法馬。形如月。鑿十字。重四斤。天啓三年造。背鐫吉安路郭尚書。子章攷梁王琳立永嘉王蕭莊。稱帝改元。時不稱吉安。亦不稱路。路自元始。豈天啓間造法馬。至元始續刻吉安路耶。

貢金

楊升菴滇略曰。語云。金生麗水。今麗江其地也。其江曰金沙。源出吐蕃。經鐵橋寶山永甯北勝以達東川。江許沙泛。金麩雜之。貧民淘而鍛焉。日僅分文。售蜀賈。轉諸四方。其稅屬之土府。漢不得有也。朝廷歲貢滇賦。金五千。其直可四分緡。皆蜀賈有力者。先期問直於官。而走四遠。哀人之。間有逃且死者。累及姻族。桁楊累累。至於黔巫瘴癘。十死一生。又不具論也。

雲南銀鑲共六十有二。置場委官。歲約二萬緡。然脈有盛衰。課隨盈縮。

窖金

薊州獨樂寺額。相傳李太白書。萬歷間。重修。得窖金。上覆以錢。石刻唐安祿山物。並入官。

銅冶

海內銅山四百六十。唐鑄於陝宣衢信銅冶九十六。宋鑄於諸路銅冶百三十有六。歲課至五百四。九萬貫。韶州永通一監。歲造八千萬貫。

紫石英

諸暨縣東五里。烏帶山產紫石英。嘉靖中。縣令黎秀。命父老。凡上官來取者皆引至他所。使無得。因呈曰。合浦之珠。以吏貪而徙。暨產石英。乃自本職到任。數採無得。此不職之效也。採者以息。久之。遂迷其處。紹興府志

鐵獅

滄州鐵獅。周世宗北征契丹駐此地。有罪人善冶。輸金鑄獅。鎮城贖罪。高一丈七尺。長一丈六尺。夜被州人搖去尾。腹鐵至今缺乏。

銅獅

雲南都司公署前。大銅獅二。極瑩淨。無點斑。

關將軍印

景泰中。安州二田夫。得古金印。曰壽亭侯印。知州楊集上於朝。南宮集弘治間。都憲河間張汝器。口口開漕河於揚州。得古印四。一壽亭侯印。一鎮江府御前往劄都統制印。一鄂州筦內觀察使印。一都巡檢使之印。皆蟠螭紐。制作古雅。程篁墩敏政過淮陰。汝器質之。曰韓世忠嘗爲鎮江府御前往劄都統制。岳飛嘗爲筦內觀察使。都巡檢使亦宋官。萬歷末。烏程沈相國淮得漢壽亭侯玉印。印中空可貫紐。下刻闕羽之印。玉質蒼古。捨西湖孤山廟中。嘗見之。

宋徽宗崇寧五年。做秦璽蟲魚篆。作璽。方四寸有奇。蟠紐。方璽上員下方。名鎮國寶。天啓四年。九月四日。磁州東八里。臨漳縣務本村。漳河北岸。田夫邢某見岸崩。得玉璽。以呈河北道張夢鯨。里百二十兩。方各四寸。而厚一寸二分。蟠紐高一寸八分。篆受命于天既壽永昌。是璽與至元所獻不同。豈徽宗十四璽之一乎。又熊獅所獻陝西璽亦同。

木牛

成化二十一年。戶部左侍郎。隆慶李衍。總督陝西邊備兼理荒政。發廩賑饑。作木牛。取牛耕之耒耜。易製爲五。曰坐犁。曰推犁。曰擡犁。曰抗犁。曰肩犁。可水耕。可山耕。可陸耕。或用一人。多則三人。多者自舉。少者自合。一日可耕三四畝。作木牛圖布之。

遺印

永樂間。應州掘地得金城縣印。應州本漢館陰縣。後改名金城縣。今儒學。舊縣治也。天順七年。口口口得行軍萬戶之印。

成化六年。蘭陽縣得宣差副總兵之印。尙書戶部郎中之印。背鐫天興六年行宮禮部造。

弘治十六年。河南府得銅印三百於壞垣。俱元物。詔毀之。

正德末。銅城府得勒金長官司印。篆文八畫。

嘉靖二十年。廣平府推官王堯日。督民於清河縣浚城濠。得古印六。篆可識者二。曰都將領印。曰達魯花赤之印。上之撫巡。藏於庫。

隆慶三年。六月。豐潤縣。掘得。玉田縣稅課使印。

萬曆二十八年。隆慶州永甯縣人。築墻。得古印。爲金左丞完顏綱物。綱與元人戰於縉山。收績失之。見金史。

崇禎甲戌。南昌得統軍元帥之印。謂太祖物。推官李嗣宗。以太祖初稱統軍右副元帥。見皇明通紀。非也。予按龍鳳口年。丙申三月。我克集慶。徐達湯和爲統軍元帥。二公並至南昌。必其所遺。

戊寅。三月十四日。滋陽縣浚井。得管軍萬戶府銅印。旁鐫中書禮部造。龍鳳五年六月。又薊州得古印。

已卯。十一月甲戌。固安縣發井。得鎮遠軍節度使銅印。背刻宣和四年十一月少府監鑄。

藤船

南夷船。俱縛以藤。用松膠和漆塗之。永安州。歲辦松膠若干。張岳交牛紀聞

空青

空青是黃石子。大如拳。諦視之。膚裏沉沉有青色。匠氏以金剛錐錐之。滴翠水如漿。平湖沈長水太史見之。

荒銀

南夷中多用荒銀。

琥珀

萬歷甲午。詔雲南布政司。取琥珀二百斤。一時騷然。永昌府帑。舊貯二十餘斤。以上供搜括。數年竟不能充而止。民破家亡算。

祖母綠

孛婦吞祖母綠。易產。仍出自兒手。山陰白洋氏驗之。

青鳳子

青鳳子。狀如鵝石。色甚青瑩。婦人佩之。能令好顏色。新安楊不棄得之水濱。中易以千金。內爲禁中寶重。

蓬萊閣石鏡

登州蓬萊閣石鏡。遇形畢照。崇禎壬申。孔有德兵亂。經火稍晦。近聞復明。

緬鈴

緬鈴。相傳鵬精也。鵬性淫毒。一出。諸牝悉避去。遇蠻婦。輒啄而求合。土人束草人。絳衣繡花其上。鵬嚙之。不置。精溢其上。採之。裹以重金。大僅如荳。嵌之於勢。以御婦人。得氣愈勁。然夷不外售。取之始得。滇人僞者以作蒺藜形。裹而搖之亦躍。但彼不搖自鳴耳。滇程記

榮植

古木

通都交區。巨材連抱。匠石積睨其下。十不壽一。谿谷味深。墻抵辰陬。木雖專其年。民無得而稱焉。亦未始幸也。今採之往牒。据其見居者。或病以漏萬。固所不免矣。

北京

京師皇城內。西苑之高玄殿。古楡一。松四。並金時植。嘉靖中。封松指柳使。其俸米專餽孤貧。

皇城西。顯靈宮之靈官祠。古柏二。雷披一枝。折而不殊。二百年葱綠焉。園子監古松。並元許衡植。

京師外城。天壇拗楡。錢。凡楡春。錢天壇楡之錢以秋。

山川壇。假松。以風拔橫枝距地不三尺。楮以木。人通行其下。

內城成國公朱氏園。右堂古槐。云四五百年物。身大于屋半間。頂嵯峨若山。極樂寺。剔牙松數株。斑

剝若鱗。大可七八圍。

萬壽寺松。高數丈。大合抱。

外城大慈仁寺。報國寺。綵松二。其右尤奇。幹數尺。株橫數丈。

外城左安門外。韋公寺。西府海棠二樹。高二尋。游人最盛。寺南觀音閣。蘋婆一。枝高五六丈。花時鮮治。

京城西北十里靈通觀。古柏一。徑大十圍。

京城外二十里承恩寺。戒壇松二。古穆天矯。過報國寺。

大功德寺。古木數十章。半朽腐。大可七八圍。

石經山石壁。古柏一。丈尺有咫。根無寸土。萬歷初。上過之。御書靈根古柏。盧師山清涼寺。隋仁壽

中。盧師自江南來。居崖下。崖上一柏產石面。長尺不凋榮。是盧手植。西山妙高峯下。法雲寺銀杏二。

大數十圍。

香山鮑家寺。有松十株。皆數百圍。

壽安山臥佛寺。古婆羅樹二。根盡出。纒纒露筋。合抱三人有餘。
仰山隆恩寺。松一。

潭柘山。京城西北八十里。潭柘寺。諺曰先有潭柘。後有幽州。則潭柘最古矣。令枯柘長不能丈。其枝晚發後凋者也。柘。枯而不朽。

昌平州。天壽山古柏。相傳竇禹鈞家物。樹中枒。可布三四席。今稱竇家槐。按禹鈞周之練議大夫也。故居在薊州城東。而此槐係之竇氏莊。或其餘裔耶。

薊州。西北盤山東崖。古松一。

平谷城東延祥觀。柏。不知所自始。元至正丁亥。真人丘長春至盤山。過觀中。見枯柏曰。憐惜憐惜。去後。柏仍葉茂至今焉。觀東北十五里漁子山。世傳軒轅氏陵。或曰軒轅臺。

房山縣北馬鞍山。松二。其枝覆十餘丈。

涿州西南十五里。樓桑村。漢昭烈帝故居。道有大桑。高十丈。層陰如樓。其陰百畝。其椹爲珍餽。桑側古廟。唐乾甯五年立。並列關羽張飛像。先主王者服。張飛亦涿人。城西五里有張氏洗馬潭。樓桑村南三里酈亭。酈道元故居也。靈椿寺椿。其影每日中天。雖日月東西。略不移動。

文安縣城東靈集寺後古檜並峙。云漢人所植。

保定縣柏塘。有古柏數圍。倒植河中如橋。旅渡迄今。名柏木橋。

任邱縣北三十五里。莫州城。又東北三里。扁鵲墓。有古樹數株。

甯津縣北三十里。曹氏莊。藥王廟前。大麻子樹。不知植於何時。嘉靖七年。居民伐樹。掘地下。得石刻云。迤南大麻子下斬廉剛。剛。廉頗子也。樹自戰國時已有之矣。

行唐縣西北三十五里。柏山。古柏大數十圍。柏上鐵環。相傳竇建德椽以繫馬者。

鷄澤縣。儒學一槐。有兩枝。末合爲一幹。或以爲連理。

清河縣。龍王廟。左右古槐。枝幹曲卷。下垂至地。若龍爪狀。人謂之龍爪樹。宋太祖嘗避暑其下。解衣

覆上。其性遂下生。有惡少輩。利其財而伐之。斧斤方加。而疾作遂止。傷痕赤津津。後漸生根葉。繼生成樹。無復龍形矣。今堂與樹尙存。

開州口口口古桑。圍可十丈。云三代物。

陽和衛。有武宗手植桃。

遼東廣甯衛。醫巫閭山。有北鎮廟。柏甚古。

萬全都指揮使司。龍門衛。城西一里。大松山。有古松。永樂中。駐趾其下。

南京

皇城西華門外。舊丞相府。有五穀樹一株。兼五種。爲五穀豐歉之徵。其年麥熟。則樹發麥芽。黍熟則生黍葉。五穀皆然。

魏國公徐氏西園。括子松。元時物。

永慶寺。卽鐵塔寺。古梅。唐時物。

鍾山西。徐達墓有松一。旁結大毬如瓜。最奇絕。

石灰山。百法寺。法堂前。有奇樹。

弘濟寺。府東北四十五里。娑羅樹二。永樂中。太監鄭和攜自海外。

牛首山弘覺寺。文杏一。唐懶融大師手植。圍可二丈。經火猶活。山東北。鄭太監墓。紅豆樹。

祈澤山。祈澤寺。攝山棲霞寺。各文杏二。六朝時物。俱數人合抱。

溧水縣。東南三十三里仙杏山。其巔有杏林。及仙人跡。

句容縣。茅山。有許旌陽手植檜。

蘇州閶門外。三里。半塘寺。銀杏大五抱。新安潘之恆曰龍樹。

陽山晉柏一。幹如龍鱗。大四圍。

光福山。山茶一。圍可六尺。

銅井山。顧氏園。寶珠山茶一。可合抱。口司徒廟。古柏二。又口口文杏。口其一圍三人。洞庭山角菴山茶一。餘畝餘。四季承發。云角里先生手植。又黃家堡古桂。

常熟縣。虞山致道觀。七星檜。梁天監中張道裕。道陵十二代孫手植。今存其三。其雷震風劈者尤詭異。餘皆後人補植。

華亭縣北二十五里。佘山。五代朱承進墓。有垂絲柏一株。甚巨。

華亭縣。口北禪寺。宋時回先生過之。手樟樟於雲堂。去後數年。樟瘁。回復造焉。問樟公何在。取瓢中藥丸一。瘁根下。樟復榮。葉俱顯瓢痕。始悟呂仙也。

亭林鎮。縣東南三十五里。陳侍郎顧野王故居墨池旁古松。云野王手植。鍾賈山壽安寺。陳氏墓。垂絲檜二。徑餘四尺。崇鬱壯茂。蓋數百年物。

上海縣西北十里。靜安寺。陳朝植雙檜於殿前。宋政和間。媚臣朱勳圖以進。徽宗欲攜之。暴風雷雨。忽碎其一。今殿右尚存。元成廷珪詩。香骨自來生左紐。苦心未忍棄前朝。明心寺。縣西南六十里。古檜二。宋元豐間植。

江陰縣西三十里。申浦。李扎墓有巨樹。三人合抱。產果曰雞距子。以形似名也。止此一本。又揚州口口寺一本。餘天下所無。

宜興縣。保安寺垂柏。運數抱而中剖。

玉女潭縣南三十五里。張公洞西南三里。古檜一株。根柯鬱蟠。瀾磈如石。唐獨狐及詩。日日思瓊指此。善卷寺縣西南五十里。古檜。蕭梁物。

鎮江府西南七里。招隱山招隱寺。銀杏樹圍五人。云齊梁物。

丹陽東北三十五里。經山寺。銀杏圍七人。相傳晉時植。半枯半堅。遺子所生小株。從中挺出。亦已盈斗。

揚州府城隍廟。銀杏一。當門。圍四尺。

興化縣本塔寺。黃梅初治殿。賈人以木筏載梅植殿旁。胡僧坐其下。忽不見。殿前梅日盛。偶一占年。東盛則上河豐。西盛則下河豐。俱盛俱衰。亦各驗。雀啄。則有蟲鼠之耗。

通州治西爲靜海廢縣之遺趾。有文杏數章。大可四圍。

淮安海州。大海中大松。相傳三代時物。其狀奇異。

休甯縣西四十里。白嶽山宜宮。古松一。直香爐峯。又石門一楠。其大數圍。

甯國縣。廣教寺柏。黃鸞禪師所植。寺有異行僧。樹即開異花數色。

銅陵縣五松山。舊有松。一本五枝。蒼鱗老幹。

蕪湖縣儒學柏。宋甯宗時植。

滁州琅琊山城南十里歐陽文忠祠西。一梅云文忠手植。又琅琊寺。舊開花寺。銀杏大數十圍。高十丈。豐山

滁州城西南五里。太僕寺公署雙柏。大十圍。高數丈。

全椒縣。西北四十八里。龍榆山。有榆如龍形。因名之。

蕭縣。東南六十五里。天門寺。有天棗。花實如酸棗。可食。每四月七日。其實皆熟。次日遂空。

山西

太原縣。西北晉原神廟。有古柏。桑皮黛綠。云千年物。

代州。城西四十里。斷影樹。漢文帝當迎立時。猶豫不決。遂日游移。臥於樹下。日過樹影不移。今樹已朽。而其地建白楊廟。卽此樹也。

夏縣。城南二十里。柏塔山。古柏千株。有一柏琦瑰磊獨大于衆。稱曰柏母。口如意里戒定寺古柏一。其身五圍。根盤八圍。上九枝。俱似龍形。中空處生一槐。大兩圍。枝屈曲如蛇。盤旋於柏枝九龍之上。

五臺縣。五臺山之圓通寺。去三珠泉百步。有七寶珠樹。高二丈許。幹上七枝。復合爲一。垂葉四下。

代州東北五十里。墓側有古柏五十餘株。名郅都柏。

趙城縣東八里。媯皇陵。在侯村。松柏圍二丈餘者百餘株。媯皇廟前古柏。喬偉。內一株于幹上寄生一木。大如臂。俗呼爲時節樹。柏貫四時。彼獨隨時發謝。觀者奇之。

猗氏縣城東北二里。仁壽寺。大柏四株。都御史河東序扁曰。萬古凌霄。

稷山縣東北十五里。高渠村。古柏一。大七圍。陰叡許。有力者每欲取之。輒有龍蛇雷雨之變。

蒲州。東南三十里。首陽山。伯夷叔齊墓。古柏二。其一大二十圍。高二丈餘。次殺三之。幹上交。相傍倚。

開喜縣。儒學相傳爲商桐宮地。古柏十數枝。其大連抱。其枝扶疎。多瘿。其葉細而稠。大異凡柏。

霍州東南三十里。霍山中鎮神廟。古松數株。高數丈。枝東向。槎枒詭怪。如青幢鐵幹。沁水縣東九十里。礪山大雲寺。白松三。圍二丈。明評事常倫題壁。宿此非一夕。遊此非一朝。山僧頗解狂夫。時儲斗酒來相招。殿前長松十圍大。我欲絕粒棲雲巢。此詩不見集中。

大同左衛玄帝宮。老榆盤鼎日。蕪日茂根無所繫。挺生于大鐵爐之上。相傳爲神榆。汾州府治西。仙槐樹久朽如郅都。金皇統中。有異人出貨藥投樹。復活。因號仙槐。

大同渾源州恆山之紫芝峪。古榆數千章。其最大者。名雙離村。相傳張果老所樹榆也。

蔚州北三十里。蜚狐口。兩山分張皆北向。石總無膚。有青松高不數尺。產其骨。應州城南小石寺。古龍松。合抱平頂。色極蒼翠。相傳異僧手植。蓋唐宋時物。

又城東南文殊寺。有古松。霜皮蒼翠。枝幹如龍。

嵐縣北四十里。雙松山。上有雙松。口平定州西二十五里。上有古松。松下巨石。盤踞數丈。

靈石縣東三十五里。綿山。介子推與母隱此。文公縱火焚之。不出。同母抱樹而死。其樹名黃節。惟此山獨有。大小俱半榮半枯。後人卽其地立廟祀之。天旱。禱雨多應。宋神宗封爲潔惠侯。近林人家。清明節。三日不敢舉火。廟中有牡丹數本。枝幹碩大。不知何時所種。每開時。花皆紅色。惟白花一朵。開

無定處。土人密識其枝。明歲卽易他本。人以爲神。不敢輕折。春時花開。四方觀者。不遠數百里。

山東

長清縣東南九十里。方山靈岩寺。古柏。漢時物。三人圍之不盡。

泰安州北五里。泰山。御帳坪北。一松。奇詭。元方煥題曰口處土松。宋真宗駐蹕亭。松二。秦始皇避風雨其下。封五大夫者也。生石隙中。不甚大。幹膚龍鱗。是千年上物。東獄廟。文杏一。圍三人。中空。木枯。枝葉蔽芾。廟左漢柏五。漢武帝時植。四皆連理。其一甚巨。口延禧觀唐槐一。大如文杏。亦中空半枯。

新秦縣門內靈槐。元省縣人萊蕪而枯。後三十年復縣。槐榮。

曲阜縣。西北八里。孔子墓。孔子手植檜。在廟門北。高五丈餘。圍丈有三尺。晉懷帝元嘉三年枯。歷三百九年。隋恭帝義寧元年復榮。歷十五年。唐高宗乾封二年又枯。歷三百七十四年。至宋仁宗康定元年復榮。金宣宗貞祐二年。兵火漸盡。歷八十二年。元世祖至元三年。芽於東廡頰址間。明洪武二年己巳。凡九十二年。高三丈餘。圍四尺。弘治己未被焚。今直幹含生。不朽不摧。日子貞手植楮。高四丈五尺。圍一丈。今枯株。塋中樹千數。皆異種。相傳弟子異國人。各持其方樹來種之。不生荆棘。口縣東二十里。防山顏子墓。石楠二丈。可三四十圍。每家子生。樹生一梯。家子沒。樹枯一幹。鄒縣東南二十五里。嶧山孤桐。夏禹時物。久枯。萬歷戊子。其左生株。王思任過之。尚口其半。崇禎丁丑。詹鍾玉過之無存。或以桐芽數十纂之。縣門外。孟子廟。古楡三。高數丈。徑十餘圍。枝盤曲如龍。曹縣定清寺。有枯桐一。僧伐之。止存朽根。萬歷辛卯。有道人手持木尺。禮佛趺坐根上曰。此樹由我而生。索水噴水。僧不顧也。夜半。道人歌曰。木有根兮根無枝。人有眼兮眼無珠。我來枯樹活。我去人不識。人不識。真可惜。上天下地游北極。翻身跨起雲間鶴。朗吟飛過蓬萊側。明旦起。失道人所在。越三日發萌。逾月枝葉扶疏。圍大五六尺許。遂成茂樹。

陽穀縣西北四十里。孟母廟。大槐四。宋元祐時植。

恩縣西北五十里。四女祠。漢歷亭傅清家富。無子。生女四。誓終養。同植一槐。令槐存不甚大。或後補植。

臨淄縣西北二十里。郵亭古槐十株。高五尺許。相傳宋太祖微時過此。嘗掛袍其上。曰矮槐。

黃縣東南二十里。萊山寺。西北有古木。唐初物。

棲霞縣濱都觀。枯松柏。相傳每百年。長一枝。

卽墨縣東南六里。勞山上清宮。文杏二。凸處可隱二人。

河南

鄆陵縣西十五里。甘羅墓。七棗環植。皆合抱。

延津縣門口石婆東。唐尉遲敬德造東嶽廟。殿後酸棗樹。一株合抱。高數丈。歲久不榮。挺然特立。

旁產一株甚茂。云敬德繫馬掛策其上。按延津。古酸棗縣也。宋時改延津。冢寧李載有記。

密縣東五里。天寶宮。白松。世傳黃帝三女。九歲俱辭家學道。後十七年歸省。一夕同逝。令葬於此。明年塚上生松。一株。三幹。幹白如雪。大四十圍。高八九丈。腐理整澤。楮文隨起。或曰。民間女學道不

成人仙去。葬白松下。曰縣東北二十里。修德觀。古檜。殺白松十之一。假蓋左紐。銅文。密縣志

新鄭縣隱山鄭子產祠前古柏一。陳根之上。多生稚葉。青青可愛。

滎陽縣東七里。槐一奇甚。世傳漢高祖爲王時。繫馬於此。金植秉文詩。滎陽縣東千古槐。人言曾見漢朝來。不知幾覺南柯夢。直到如今喚不回。

襄城縣南五里。首山西巔。有樹一枝。名金花樹。俗呼薺樹。大可十圍。枝葉穠蔚。數十里外。可望及之。

崇巔茂蘗枯死。或以此樹關一縣之盛衰。戊子於舊根旁。復生二株。又縣北二十里徐君墓。有樹。相傳季子掛劍處。曰靈樹。

林縣城隍廟。銀杏樹。圍二丈。高七丈。老幹扶疎。翠葉蒙密。縣西二十里。娑羅樹。其蔭及畝。今樹毀跡存。口西寶岩。黃華寺。古槐蔭數畝。口覺仁院獅子峯。其下漏天岩。有異木。折幹倒植。野人曰。交加木。口宜秀峯西慈明院。偃松二。磁州黃花谷內仙母塚大樹九。後漢仙人王津母葬於此。輝縣西北七里。蘇州山。百泉書院。自古楊十四株。大可蔽牛。殆數百年物。

縣東二里。道旁連理樹。兩椿同根。一雄一雌。下有雙塚。微露其磚。未知葬者何人。

西北七十里。侯趙川之平羅社。爲蘭相如墓。有古銀杏樹一株。

濟源縣西八十里。王屋山北。天門古松十數。

偃師縣達磨菴三花樹。以凌霄藤。附檜而生。口六祖手植柏。

方丈寺古槐。高十丈。圍三丈。宋文彥博詩。五品封槐今尙存。第未知封何日也。口縣西北比干墓。有

木大三圍。中空。身根半存。上枝茂盛。剖心視之。生氣猶存。

登封縣北十里。嵩山中嶽神廟。門內古柏。殆二百口。絕頂止三丈。圍六人。石刻漢武帝封大將軍。次圍

可四人。封次將軍。又次可三圍。俱怪偉。明喬宇曰。意天下之本。始未有甲於二木者。袁宏道曰。漢武

至今千七百年。柏在當時已受封。殆殷周間耶。

新安縣西二十里。王喬洞。洞石皆土所成。具木葉之形。洞上二本。化石而復生枝葉。與凡木類云。昔

仙人大丹成。土木皆化爲石。

郊縣城北十里溝。古姚則莊也。山上一黃棟。係手植。千餘年。柯葉茂盛。人損之。輕則傷畜。重則傷人。

。新野縣北二十里。張門村黑龍廟前。有古楊數株。俱大數圍。採青者。伐樹血出。遂止。跡存。

華山華陰神廟。門內老柏。合抱無枝葉。亦無膚。僅枯幹二丈餘。吉水李日宣勒石曰。青牛老樹。謂老

子西來繫牛處也。又北三丈許。老柏空腹。有鳥啣槐實墮其中。槐。幹且合抱。而柏朽裂半存。嘉靖

間州守某。以鐵索合槐柏束之。相傳張飛立馬看槐處。見於壁刻。

熱壓縣。終南山。老子紫雲樓下。繫牛柏。柏下石牛臥焉。又南四五里說經臺。古柏一。俗說樹死。老子針之活。

咸陽縣北十五里。周公墓。模木。其葉春青夏赤秋白冬黑。

鄠縣南八里淨土樹。俗傳西域鳩摩羅什憩此。覆其履土中出。其樹三月。開如桃花。八月結實。狀如小棗。殼中皆黃土。

華川南少華山。蒼雲嶺。古松五。號五將軍。今四株圍數人。高數丈。

成縣東柯谷。唐杜甫姪佐居此。所居後爲寺。有樹稱子美樹。

涇州王母廟。有古木數株。不腐而滑。莫知其名。

空洞山。中峯寺北半里。古松六。

靈臺縣至定寺。左離山。唐牛僧孺別墅。有銀杏。連抱數圍。根結二畝。

鄜州北開元寺。有白松。奇古。明張著詩。葉墮銀釵細。花飛香粉乾。山門煙雨裏。渾作玉龍看。

安定縣南六十里。神木山。古樹千株。樵採不敢入。人以爲神。又縣七十里。高柏山。有古柏。

中部縣北黃帝橋陵。多古木。

神木縣西十五里。楊家城內神松二。

涼州衛東三百十里。松山。上多古松。

莊浪衛東百二十里。大松山。山多大松。又東百里。小松山。

浙江

錢塘縣西山上天竺寺。長生僧舍。梅二。並合抱。西溪水興寺。大綠萼梅二。

海寧縣東北四十里。洛塘古廟。銀杏一。圍三人。唐許遠手植。華而不實。枝向西北。

臨安縣西五十里。天日山。斷崖塔院。大杉一。又華蓋松。高七丈。中峯大師悟道處。口西南中峯塔院。

大杉一本二幹。化城寺側。一松。根在崖下。頂高走路。僅二尺許。俯視如齋。陰可三畝。牧童戲其上不動。口觀音崖。檜樹長丈餘。懸崖外。歷三十年不加長。下覆小觀音座。僧云禱雨輒應。

餘杭縣西南十八里。大滌山洞霄宮。大杉二。相傳唐昭宗景福二年。闕丘先生以孟攜自天臺者。圍二丈。高三十餘丈。葉雖凋滅。枝益堅。口徑山寺門古松。口可陰十畝。又木蘭一。並奇古。

於潛縣南四十里。牧嶺古松。盤錯奇怪。有兄弟各欲訟於有司。夜憩其下。質明。相顧而悔。各息。因名木長官。

昌化縣西北六十里。千頃山。龍湫西一娑羅樹。初夏花開。香聞數里。

嘉興縣東三十六里。圓通寺。銀杏二。唐時物。

海鹽縣城南永祚寺。銀杏二。數百年矣。天將雨。輒出雲。雨霽雲復歸。又歸安縣東。

震澤普濟寺。古柏。數千年物。能爲神。

長興縣東南大雄寺。陳高祖故宅也。梁天監中。手植檜。今中裂爲四。枝垂陰半庭。堅如金石。口鐵佛寺。有六朝銀杏樹。

湖州天聖寺。六檜。云齊梁物。

海鹽縣西南十八里。秦駐山。廟前飄松一。斬而復生。不由栽種。黃穀里雜存。

德清縣西南天寶橋西。左顧亭。孔愉放龜處。二大枯木。可千年。挺立不朽。

吉安州。鳳亭鄉。岳武穆將壇。一像樹。大數圍。莫敢犯。

紹興府天衣寺。有舞松一株。相傳爲晉人手植。

高橋口口口口有古樹一本。五大幹。倒臥橋側。

項里口口口口項羽所避處。有廟。古樹圍二人。

秦望山府城東南四十里。古松一。

雲門山寺城南三十里。盤古社木。大數圍。晉唐間物。

曹娥江府城東南七十里曹娥廟。古檜二。又山茶樹。千年外。止如拱把之半根奇峯。折取一花者。其手自懸於樹。因勒石示戒。

餘姚縣口九里。宋石將軍廟。樟樹可數抱。口岳林寺古柏。口口口縣南二十里。桃花嶺下。有大桃樹。約數圍。

新昌縣南。南明山。月峽古松。唐人植。

天臺縣桑州驛。古樟。圍十人。口天臺山萬壽寺。古杉十二。各百圍。相傳羅漢所植。口羅漢嶺古檜十餘。大數圍。口歇脚寺。牡丹二本。高丈許。每放五百餘花。華頂峯。石罅有木瓜。花時一蛇盤其上。至落實。供大士。乃去。號爲護聖口資福寺。怪松。大數圍。高不過四五尺。枝葉翔舞於水面。舞狀類鳳。根盤類龍。萬歷癸巳年。摧于溪水。口天臺山菩提樹。相傳西天梵修遺種。花葉如柿。結子爲珠。十百中。必一二顆如羅漢佛頭云。他處所無也。口楓樹嶺。上古楓。高二十餘丈。大可數十圍。其中空。可容數百人。

永嘉縣象浦驛古樟。圍十人。石羊山穴中。枯木狀如石羊。色如黛豬。

平陽縣西南。崑山絕頂。二古木。冬夏常青。

建德縣。橋山。相傳絕頂有羅浮橘一株。熟時風墜。得者云仙山橘。

桐廬縣東五十里。嚴陵釣臺崖上。香木一株。高丈餘。圍三寸許。歲長一寸。太監黃敬採買江浙。一日欲犯之。不能得。

蘭谿縣。口口口古柏。明太祖嘗駐師其下。口黃湓大溪古檜一。其大合抱。高數丈。歲春夏。溪漲始發葉。如漲後不葉。必復大水。

眞覺寺。智者大師塔上松。不下數百年。偃蹇如虬龍。

東陽縣南六十里。淮岩山。道旁有岩。可容數十人。旁有連理木。其大百拱。浦江縣。東明山之梅花泉。有老梅如龍。橫蹲泉上。

開化縣口口口銀杏一。其實從幹上墜腫處剖出。云胎生銀杏。取其旁幹。接他本。仍實於枝。
麗水縣南十里。白雲山。照陽廟。古樟。靈根千年。不榮不稿。柯萌時出殿外。
雲和縣大杉。嘗緝圍之。合十九丈。徑六丈四尺。遠望百里外。

江西

南昌府孛應廟。古槐。唐崔隱士手植。口翌聖觀二松。相去五尺。合爲一幹。名爲義松。西山成通寺。古
婆羅樹。其下貯樓三楹。口枯木樓。口許旌陽手植桂。

建昌縣北五里。冷水觀。壽松。一名挂劍松。相傳許遜掛劍於此。甚怪。宋寶慶初。知縣曹爾亭其側
曰。千歲靈根。口縣治南。壽樟。初邑人李左司公懋。仕於朝。宋高宗嘗問樟公安否。對曰。枝葉婆娑。
四時常青。項安世作壽樟亭記。

鉛山縣北十里。鵝湖山。唐義公道場。手植羅漢松。

九江府城南二十五里。廬山白鶴觀。大松。徑丈餘。口山西大林寺。寶樹二。一如蓋。一如塔。靈巖異常
。德安縣崑崙山。元陽觀。牡丹。根枝連抱。云玉仙所遺。

彭澤縣南。陶狄二賢祠。有山茶。大盈抱。二月三日祭時。花特盛。好事者分種之。竟無一活。口縣南四
十里。仲芳湖上。狄梁公廟。有柏八株。不腐。相傳公被誣。減死貶彭澤令。囚三人。值除夕。許還家。五
日就獄。其踰期者。一喪母。一風阻。事聞。天后異而釋囚。因率男女五百人祠之。柏八章。相傳因傍餘
枝所生。

建昌府城西南十里。麻姑山。殿後七星杉。圍二三丈。高切雲漢。橫列七株。故名。

撫州府城東北清遠鎮。禪居東山。有壽樟一幹。圍三尋。

清江縣署古松五。

安福縣東三十里。福聖院。唐仙女吳彩鸞來游。手植二樹。曰。羅漢柏。歲花。口實。口縣西百里神楓。形如神面目。歲旱。封以泥。則雨。

高安縣署有偃松。口城西南四十五里。集仙觀古柏三。許真君遜手植。有丹井。

萍鄉縣檀樹五。客以六十緡貨之。將伐。一夕生龍鱗。遂輟。口縣治南寶積寺。羅漢松。黃山谷手植。

萬載縣口六里。慈化寺。普菴道場也。倒栽松。圍可三人。根皆在上。枝幹下垂。枯枝如鐵。虱霜不摧。青翠欲滴。

墨潭下陂。有六樹同根。各四五圍。離立。可置二席。

湖廣

武昌城西。黃鶴山。仙棗亭。多棗。有一樹半榮半枯。云古仙所植。

漢陽城東北。大別山。太平興國寺。有柏。俗傳禹治水時所植。其根盤曲。直至柏泉寺井下。因名。今柏根尚存。

襄陽城南七里。峴山有晉柏。其柯幹如鑽石。

均州南百二十里。太嶽太和山。古杉。大十圍者。至成林。口擲梅。相傳真武神。折梅枝寄擲樹上。仰天誓曰。吾道若成。花開果實。竟如其言。今樹存。

華容縣觀音寺。玉蘭樹。高一丈餘。遠如玉山。

荊門州靈鷲山。祖帥洞。深數里。有樹數株。葉如冬青。實如紅柿可愛。名曰仙果。觀音崖。娑羅樹。大二十餘尺。口太陽山寺。娑羅樹一。口東嶽觀。銀杏二。大可數抱。嘉靖三十五年。伐其一。

巴東縣署萊公柏。寇準爲令時。手植三株。

岳州西南洞庭湖。君山上。崇勝寺。古銀杏。大可數圍。腹中半焦。僧云。此秦始皇火樹。衡山縣西二里靖居岩。有羅漢果樹。口西三十里。衡山絕頂。有千年松。鄱縣康樂鄉神農氏陵。有二杉。一榮一枯。大

數十圍。高不能測。根節如鐵石。乃異人所植。莫敢剪伐。又龍爪樟。亦大數十圍。武陵縣德山寺。古桂二。各大十數圍。

甯遠縣南六十里。九疑山。舜廟北。煉丹觀。蕭韶杞林兩峯間。有松穿石白而生。枝柯拳曲。如伏龍狀。又沙樹十二。其大七八圍。次五圍。縣官某嘗鋸其小者。大風雷。死三人。沅陽城北。紫陽觀。有三色檜。宋徽宗嘗賜金牌曰。圓通神靈老柏。張來詩。亭亭古柏不知年。天寶以前蒼舊傳。

郴州城北彬江口。曹王寨山。其巔有石若鼎。在大石罅中。歲久石合。兩耳出石外。有柏樹生貫石耳中。桂東縣五十里。萬王城內。富桃李。就啖之。味甚甘。而不可攜。或私藏之。必失歸路。

四川

四川布政司公署。故漢先主遺宮。柏二百本。堂前古桂一。圍四人。花時日掃數斛。成都城內。西南江濱廟。有六樹。傳自隋唐。高十餘丈。圍約三四尋。挺直如矢。無他柯幹。巔上生枝葉若棕櫚狀。膚龍鱗而葉鳳尾。實大於棗。歲仲冬。有司祭而始採。諸葛武侯廟。古柏圍四尺。唐末漸枯。不敢伐。宋乾德五年。丁卯。五月。枯柯復榮。

灌縣西北二十六里。灌口山。有古樹圍八九丈。上有寄生木。亦大數圍。云秦物。土人稱紫柏。口縣西南五十里。青城山。天師栗。似栗而小。獨房。可治風癩。相傳道陵手植七十株。在上清宮。牡丹高十丈。歲周一甲。始花。

彭縣玄妙觀。桂二。四時清陰。覆地十餘丈。西浦國留觀。大楠木蔭車數百。仙人遯君手植。

羅江縣吳氏塋有柏。圍數十尺。中空外曲。若蒼龍狀。枯而復榮。

蒼溪縣東南二十五里。雲臺山有大柏。中空可坐數人。亭其側曰魁柏。劍州西八十五里。延福寺有巨木。一雙羊。色白。時來其下。近則香。

廣元縣北張道陵祠。有伏鬼井。道陵植枚井旁。今爲喬木。

梓潼縣北十五里。七曲山文昌祠。二晉柏。大幾三抱。

富順縣甘氏園。木黃葛。依石而生。方條忽拱。

永州縣有松化爲石。今尙斷節及根。

銅梁縣南五十三里。巴嶽山。木連樹高五六丈。葉如梗楠。花如茵蔯。出山則不植。

重慶城東北二百八十里。溪上有古木。盤屈如交龍。曰交龍。

涪州荔枝灘。荔枝十八株。猶唐所進楊妃者。今存其三。圍可四人。

夔州府治東。白帝城之西。有木如桂。高三丈。相傳公孫述櫻桂。斫之出血。枯而不朽。眉州治西南三

蘇祠。古榆一。相傳蘇老泉故居。所手植。至榮茂。文廟紫荆。二。宋時植。

嘉定州治東。九頂山。兌說峯下。大楠三株。其麓清音亭。異柏四。曰葉細如剪。曰膚反如片。曰垂絲如

柳。曰蠟刺如毛。又洗墨池松四。偃蓋如車輪。又海棠有香。其本合抱。錢眉縣楠木坪。石楠文杏。各大

數圍。高十丈餘。又山半有老僧樹。初枯而中空。有僧坐化其內。樹復活。

大邑縣西八十里。鳳凰山。有紫柏。十圍。根盤巨石上。號騎鯨柏。

邛州有變色木芙蓉花。先白。次練。次緋。次紫。文宮花園有之。

合江縣南五里山。上有天符葉如荔枝。長而有紋。如蟲蝕篆。不知何木。或以爲劉真人仙蹟。

納溪縣楠木洞。二楠大不盈數寸。高丈餘。葉亦扶疎。雖千年如弱植。

江安縣三清觀。松二。高十數丈。

黎州安撫司廳東。梨一。高九丈。圍九人。州人取其枝以接菓。相傳唐僧三藏。游西域經此。值梨杖處

云。他日州治在此。果如之。曰城東十里龍池祠內。枯槎三株如龍形。觸之則風雨暴至。

福建布政司。後堂有大樹合抱。榕樟纏生。蔚然十雲白。嘉樹堂。

福州壺江在海上。多烈風。面白崖之上。有椿一株。翠蓋亭亭。榕葉槐身。經年無鳥跡。雖風作不脫其葉。二年結子如紅葇。曰仙椿。

閩縣東十里。東山之松塢。有松。宋初物。錢昱題松身曰。景致福神仙。心幽道亦玄。惜聞出來世。松老不知年。

侯官縣鷄籠山西。爲鳳岡。並種荔枝。大者十圍。高三十丈。皆閩王王審知所植。口城北百八十里。雪峯山離月池旁。有古杉。閩王王審知。與雪峯大師。手植。皆數十圍。又雪峯道場有枞樹。藏樓三楹。曰枯木樓。

羅源縣山路旁。石岩下覆古樹。虬枝蒼蔚。其上石刻蘇舜元才翁。所賞樹名。

永福縣。東北口口里。方廣岩。徐君壇。古杉。高與岩齊。仙人福州徐登。東陽趙君炳。競術。君炳倒植花林莊。登埋棋子田中。涌土成壑。植牛杖其旁。旋生枝葉。今老樹尙存。晉江縣城北雪山。宋時泉州治在其麓。宋韓國華爲守。生琦於此。生時。治前榕樹悉花。花如攀枝。今樹尙在。又城東鸚鵡山。承天寺塔。植榕樹。絕無矢污。榕根盤礴。無復使出石闌外者。

南安縣西。九日山。延福寺。有無名木。宋時木也。而莫識其名。王十朋詩。一木蒼然老更奇。昔將名與世人知。我來不具知名眼。深愧平生未學詩。福泉山有徐道菴。菴前檉木合抱。紹興三年。水出其中。或以瘞病。

永春縣。樂山東臺。有橋一本。橋實隨人取。袖歸卽變蛇蛟。人號東臺仙橋。

泉州城中。承天寺菩提樹一本。大十餘圍。高數十丈。

建甯行都司。元平章陳友定舊署。多大樟。皆十數人合抱。一樹中空。可坐五六人。槎枿下垂。儼如岩洞。不知爲樹也。口城南三里開元寺。瓔珞松二。

建陽縣西北七十里。雲谷道中。有數松詭異。石碣曰戰龍松。朱晦翁書。

崇安縣圃。宋令趙抃手植梅。邑人碑之。銘曰。召有棠。葉有柏。清獻梅。碑以石。

浦城縣口口村中。銀杏一株。世傳仙人擲樹枝於上。其枝垂下生。每果熟。樹腫成大塊。破之。可得二三斗。多至擔餘。形視凡果差小。味則相同。

尤溪縣西南百七十里。分枝嶺。界泉之德化。上有大樹。南北分向。分縣境。

歸化縣羅漢寺。有樹名羅漢。結子如嬰兒。

莆田縣福平山鳳山寺前。有大木。乃甘棠亦榕槭樸三木。合爲一幹。蓋其初鳥食二樹之實。遺矢一樹中。若寄生然。久之合爲一樹矣。輪困蔽虧。參漢連午。東西不見。

仙遊縣。楓亭驛。荔枝樹六株。皆參天。味最甘。口大旗山石瀨。有一樹婆婆如榕。國有大故。樹輒先悴。人名知國樹。

漳州鎮海衛。榕樹。幹大如一間屋。陰三十餘丈。翠屏山之麓。有大小二洞。洞口桃三株。不根土壤。對峙石壁上。高不及三尺。歲結碧桃數十顆。

光澤會仙岩。石斗岸上。有朱桃。熟時即墮。人莫能得。

平和縣三平山。樟樹。云唐義中禪師。初入山卓錫而立。化而爲樟。今尙存。
福甯州龍泉菴。榕樹。其中可盤坐五六人。枝梢寄生。大可數一圍。

廣東

廣東城內。光孝寺。菩提樹。梁天監元年。梵僧智藥三藏。自西天竺移植。今圍數抱。高十餘丈。經冬不凋。葉之筋脈細緻如絹。廣人每用此爲燈爲花。

南雄府城東三里。三松臺。其地隆然。高阜上有松三株。蒼翠如蓋。

潮州府治東。金城山。韓文公植一木。今不識其名。但稱韓。土人視其花之疎密。以下登科多少。去祠十餘步。種之輒死。有題文公祠云。韓木有情空谷暖。鱸魚無種海潭清。是也。

廣西

桂林府南門。榕樹一。唐總管李靖所植。歲久根蟠。分而爲二。

貴縣城內陸續井。曰乾和中。刺史劉傳古。植橘一株。

慶遠府城北山大岩。唐仙人陸禹臣。嘗手植桃榴於左各一。又淨瓶植榕樹。凡二。四葉。至今不凋。

橫州馴象衛。殷指揮園。鐵樹。高三四尺。幹葉紫黑。葉小類石楠。周年乃花。花四瓣。紫白色。如瑞香。累月不凋。吸之草氣。王濟日詢堂手鏡。

雲南

雲南府城西南三十里。太華山寺。山茶八株。高四五丈。香閣前古椿。圍二丈。蒼幹入雲。千餘年物。府城南昆明池。山茶亦大。

安甯州西岸曹溪寺。曇花一樹。相傳自西域來。扶疎百尺。綠紫白花。移植他處。終不復活。溫泉側有無名樹。僅四五尺。蟠根石岸。四時不凋。亦不長。楊用修。有瑤草蟠千年之語。今距用修百年矣。形質如故。不知其何木也。

江川縣北二十里。雙龍鄉有古樹。不知其名。春苗葉。自南則旱。自北則雨。自東自西則風雨時。禾黍登。四圍並發。則饑饉旱澇。驗之不爽。亦不知助於何代也。

太和縣上關和山之麓。有樹高七八丈。葉如桂。花白色。每朵十二瓣。應月數。遇閏加一。相傳仙種。更無別本。土人因其地。名之曰和山花。

白崖川。曰曰善提樹。高四丈。

臨安府。曰曰荔枝二樹。並合抱。

武定府城西五里。獅山上小池旁。羅漢松一。大數十圍。霜柯鐵幹。世所罕見。

金齒衛城東北八十五里。瀾滄江。其南三十里。有萬箭樹。段氏時。蒲蠻出沒經此。過者射其樹以厭勝之。至今猶然。高丈餘。鏃如蝟刺。

貴州

貴州金雞驛東。十餘里。松樹山。山石如臺。高數千餘尺。上五松。自漢以來。至今不改柯。馮元成集談遷曰。余輯古木在今者。据地志及文志紀咏耳。秦蜀閩粵滇黔中。地多深阻。歷代探木。輒致異材。而徵文考獻。自恨寒儉。誠爲寸朽。貽笑鄧林也。

穀

仙稻。宋大中祥符五年。求之占城。分給江淮間者。嗣旱。熟。

江西建昌府。產銀珠米。宋時太守沈造嘗獻。

金華香杭。梁開平中。赤松壇道士。周口獻。松澗西杭米於錢武肅王。曰此實仙種。三秋穗重香澁。止五十區。鼠則野狸逐之。雀則蒼鷹逐之。王密遣張思敬往視。果然。遂賜紫衣錢帛。明初沿宋制。歲貢香米三千擔。太祖曰。我訪知間擇圓淨者。用黃絹袋盛貯。封護進呈。今後同秋糧送納。不須歲貢勞民。自此遂絕。金華府志

平涼番麥。一曰西天麥。苗葉如薔苳而肥。短末有穗如稻。而非實。實如塔。如桐子大。生節間。花垂紅絨在塔末。長五六寸。三月種。八月收。平涼府志

襄城縣。上產芒大麥米。大麥亦可釀酒。漢書。揚州有桃花米。卽今秦州紅也。爲下品。米豆。雷州府思靈島出。枝葉似柳。花如烏豆。一種之後。數年生實。淮南子。豆之美者有米豆。

四川山峽產雲南稗。一曰鷹爪稗。以形似名。亦播種畦植。與五穀爭植。東南所無也。

竹

杭州餘杭縣之洞霄宮。竹葉。採之或不露骨。云無骨箬。

嚴州越王竹。聞人聲。則縮入沙中。

延平府劍津西。山有朱竹數頃。按朱竹。世未之聞。元時宋仲溫在試院卷尾。以硃筆掃之。故張倫雨有偶見一枝紅石竹之句。管夫人嘗畫懸崖朱竹。楊廉夫題曰。網得珊瑚枝。躑躅貧營谷。明年錦棚兒。春風生而目。蓋畫中朱竹。不謂實有之也。

鄱陽人言山中產異竹。高一餘丈。其徑盈尺。截而爲笛。往往得泉甚甘。山人亦多壽考。陶安學士集袁州奉鄉縣羅霄山。晉葛洪修煉處。壞生二竹。風動如掃。人謂之掃壇竹。又岳州平江縣幕阜山。一名天岳山。上有仙壇。瑞竹同本異幹。隨風掃地。名爲掃壇竹。

均州西南薤山。孤竹三莖。歷三年一筍生。一筍甫成。則一竹枯。代謝不已。

茶陵州。真仙洞。有竹節長一尋。徑數尺。名曰雲英。

廣州增城縣東南二十三里。祝山產娑羅竹。圍三四尺。性至堅。土人取以爲弓。

衡州衡山有萬年竹。

惠州羅浮山。有巨竹十圍。節長二丈。曰龍葱竹。

平樂府平樂恭城二縣。出筋竹。可作衫。充暑服。

峽州宜都縣飛魚口。產紅竹。大者不過寸許。鮮明可愛。又有竹。斜節如龍鱗。山園中間有之。不多得。

長韭

浙江象山縣東南百餘里。大海中韭山。產大韭。徧地爲然。

四川邑梅峒長官司南八里。昔有人遺韭種山頂。韭長丈許。四時茂盛。民多食之。

彭侯芋

福建連城縣。蓮峯山。產彭侯芋。葉大如盤。冬夏不枯。過年子落崖下。人難取。取以播種。亦不能熟。舊傳彭侯所種。

甘藷

甘藷。俗名紅山藥也。徐玄扈相國曰。近年有人在海外。得此種。海外人。亦禁不令出境。此人取藷。蔴絞入汲水繩中。遂得渡海。因此分種。移種。略通閩廣之境。俗名番藷。蔓地生。形員而長。味甚甘。山藷爲劣。蓋中土諸書所言藷者。皆山藷也。今番藷。撲地傳生。枝葉極盛。若於高仰沙土。深耕厚壅。以旱則汲水灌之。無患不熟。閩廣人賴以救饑。其利甚大。農政全書

朱藷產呂宋國。被野連山。不待種植。夷競食之。萬歷中。閩人移蔓以歸。種之。數日卽榮。瘠鹵沙崗皆可植。糞之加大。泉人資以充饑。何鏡山先生喬遠有番藷頌。

荔枝

弘治壬戌。沈石田有白茆顧氏。種荔枝成樹。詩云。常熟顧氏自閩中移荔枝數本。經歲遂活。石田使折枝驗之。翠葉丸丸。然不敢信也。以示閩人。良是。因作新荔篇。

按吳地荔枝難種。往聞吾西湖馬太僕三才墓舍。有荔枝樹垂實。爲俗子伐去。偶見沈氏詩。後人獨不爲繼美耶。

龍眼荔枝二種。廣東止於韶州。南雄則無。福建止於福州。至延平則無。大都近海之郡則生。不近海不生。閩俗。女子將嫁男家。先一年送荔枝紅。

獨本葱

馬湖府產獨本葱。宋眞宗罷獻。

羅漢菜

南昌西山羅漢菜。因靈觀尊者。自西域持至。葉如豆苗。蘄州三角山亦出。雜以葷卽無味。

人參

遼陽東二百餘里。山深林密。不見天日。產人參。採者以夏五月入。裹三日糧。搜之最難。或徑迷斃人。萬歷中。遼東李都督如松。嘗餽某侍郎一本。重十六斤。形似小兒。海鹽姚叔祥記。

地黃

懷慶地黃。蓋藉濟水灌畦而肥也。不知密縣東北一帶。旅生甚繁。苗時懷人用青蚨買去。每斤值五六文耳。計其所獲。畝鬻千金而饒。密縣志

琪樹

琪樹垂條如弱柳。結子如明珠。三年子乃一熟。每歲生者相續。一年綠。二年碧。三年紅。綴條上。璀璨相間。產天臺桐柏宮石橋等處。

佛手柑

佛手柑。一名飛穰。鈕滔母。孫瓊。與定夫人書。此中果有胡桃飛穰。

薔薇露

薔薇露。出大西洋國。如牡丹花。露晶瑩。芬芳襲人。澤體膩髮。經年不滅。

大內瓜子

大內多異物。歲一閱視。出之於廷。有瓜子長五六寸。闊稱之。不知何地所產。其瓜當大於屋。此古來史冊所未聞也。袁貴妃父祐記。五堂齋記。

文林郎

濟南文林郎果。本草云。出勃海。如李如林檎。其樹自河中浮來。得之者爲文林郎。故云。

不灰木

檉子經野火燒死。根不灰。色白類龍骨。

萬歷己丑春。諸城東鄉。人言廬山東麓崖塌出龍肉。又曰龍骨無數。邑人驚愕。後識者曰。不灰木也。其長莫竟。滿潤皆是。色白而軟。非木也。可以燃燈。類於龍骨。故訛傳耳。齊地記曰。東武城東南有盧水二。側有勝火木。方俗音曰檉子。其木經野火燒死。炭不滅。故東方所謂不灰之木也。

君子樹

君子樹似松。曹爽樹之於階。廣志

木威

廣西宜州木威似柃欄。葉間有實。穠生似檳櫨。廣東蓋號爲烏欖。邕貴間謂波斯欖。其葉兩廣人用作雨衣。柔靱密緻。勝青油也。

血樹

血樹似芭蕉。如血。根幹紫黑色。高者七八尺。雲南臨安有之。

塔松

峨眉山塔松。狀似杉而葉剝細。亦不見高。重重偃蹇如浮塔。山頂尤多。

椿實

鉅野縣郊外紅樹一枝。蓋椿實也。與餘者不同。湯士瞻靜遠堂集椿木實。香可噉。

陰陽柏

海鹽橫山崖孝廉培元家廳事前。二柏。殆百年。專左花右實。予聞而特過之。真奇種也。按陳繼儒太平清話。南渡時。高麗進陰陽柏二株。僅二尺許。高宗以賜王陶。陶植之永懷寺。高與殿齊。每歲左花則右實。右花則左實。

紅豆樹

南京牛首山東北鄭太監墓。有紅豆樹。

順棘

長清縣豐齊鎮北。古城棘刺皆順而不鉤。世傳宋藝祖微行過此。長清縣志

猿草

山海經曰。大隗之山。其陰多鐵。美玉青瑩。有草焉。其狀如蒼而毛。青花而白實。其名曰猿。服之不夭。

。可以已腹痛。今亦存其名耳。併美玉青瑩。皆烏有也。密縣志

松羔

秦地松樹彌望。山中尤多。其小者曰松羔。以木稱羔。與羊羔之羔義同。楊士驥玉堂書記

金剛纂

天目山金剛纂樹。長不滿三四尺。多屈曲。雖春夏亦無葉。每觸其枝。曳裾不前。夷緬國有是種。相傳劉其末以漬水。水必毒。飲者立死。安古州志

雲南大侯州。產金剛纂。其色青。狀如刺桐。性最毒。

赤籐

赤籐產緬甸。朱色可爲杖。

孝陵海棠

孝陵海棠。獨結實。外香中酸。

指甲花

指甲花。五六月開。花細而黃。類木犀。中多須苗。香亦絕似。葉染指甲。其紅過於鳳仙。稽含南方草木狀。胡人自大秦國移植南海。日詢堂手鏡

婆樹木花

婆樹木葉似海桐。又似楊梅。花紅白色。三四月盛開。備紅紫白諸色。叢葉並蒂。大可尺許。出四川峨眉山。

木蓮

峨眉山木蓮。四季葳蕤若繡。

旱金蓮。五臺山出。瓣如池蓮。較小一圍。而色如真金。挺生墮地。相傳是文殊勝蹟也。

娑羅樹花

天臺山娑羅樹花。一名鶴翎。出華頂峯。以多經風霜。樹不高大。樹數十枝。枝千餘頭。頭六七葉。經冬不凋。花如芍藥。香如茉莉。唐天寶初。安西道進娑羅樹。

唐婆鏡

唐婆鏡。一名羞天花。一名倒垂蓮。本草所謂鬼臼也。其花背日。與蜀葵相反。

舊葡萄花

牛首山鄭太監強墓。有舊葡萄花。

滇茶

御史鄧鍊論滇茶十德。色之豔而不妖。一也。樹之壽經二三十年者。猶如新植。二也。枝幹高竦。有四五丈者。大可合抱。三也。膚紋蒼潤。黯若古雲氣。嶙嶙。四也。枝條黝糾。狀似麀尾。龍形可愛。五也。蟠根獸攫。輪囷離奇。可馮而几。可藉而枕。六也。豐葉森沉叢茂。七也。性耐霜雪。四序常青。有松柏之

操。八也。次第開放。近月方謝。每朵自開至落。可歷旬餘。九也。採入瓶中。水養之十餘日。顏不變。半含者亦能自開。十也。

昆明池山茶。見吳人葛一龍四憶詩。

玉女花

沁水縣韓王村玉女祠。有樹每歲再花。春赤秋黃。人不之識。張大理五典載之縣志。大理長孫都督道潛。遂名曰玉女花。蓋今人耳目短隘。或他處有是花。具其名。未可知也。曹縣青山之士神祠。縣志云。樹古不知其名。蘊秀才元謂南人過之。云樸也。夫樸爲下材。猶隔于淺識。況其他乎。孔林之楷。子貢所植。卽吾鄉黃棟。嫩葉可茹。俗名茶娘也。子年五旬。因過丹陽。摘芽同舟人語及。有省否。則終其身不知楷爲何木矣。

勞山牡丹

膠州勞山。明霞洞宮。白牡丹一本。非近時物。豪家匡氏移去。而匡氏敗。有白衣人見夢于道士曰。我今來矣。果舊坎復甃。至今存。匡氏之種萎。高相國記延安府膚施縣南四十里。牡丹山。曰花原山。多牡丹。樵者以爲薪。又縣西牡丹川。牡丹特盛。又宜川縣東二十五里。牡丹原。

沈萬三牡丹

南京都察院河南道署中。牡丹單紅。爲國初沈萬三物。

延州紅

延州杜甫川西三十里。曰花原頭。其山高五里。口二十里。千餘年來。土人種牡丹幾偏。至折爲薪。故

名花原。牡丹譜。所謂延州紅也。

海棠

大足縣百昌州也。海棠獨香。故又名棠國。唐有大足年號。郡邑以年號名者種種。如仁壽崇慶之類。郭子章蜀草

金蓮寶相花

南京鷄籠山。五顯廟。金蓮寶相花。一曰優鉢羅花。開必四月八日。至冬而實如鬼蓮蓬。去衣。其核中則金色佛一尊。

紫金蓮

金鄧縣嵩山法王寺。紫金蓮開中秋一月。云神光說法時。從地湧出。移他處。即槁。

轎頂花

隨州大洪山。有岩花菜。轎頂花。他方所無。李維禎大洪山記

普舍樹

施州普舍樹。四時開百種花。惟覃氏子教歌舞其下。花乃自落。

素馨茉莉

陸賈南行記。南越五穀無味。百花不香。獨有二花。不隨風土而變。素馨茉莉也。

特產

閩中紅茉莉。蜀中紫綉球。楚中紅梨花。燕中黃石榴。天臺黃海棠。白海棠。白紫薇。碧桂花。白玫瑰。洛陽芍藥。皆特產。他地所無。

益都方物略記。有赤鴨芋。止言可口。不言其花。予里佃人偶種得花。開以日中。花成條。若歲小粟。香如蓮。色如百合。亦若葵而稍淡。先有臺。如荷包之花。綻而臺破。見鄭以偉詩中。

袁石公。盛稱湘湖蓴菜美。不知湘湖無蓴。皆從西湖採去。以湘湖水浸之。蓴菜經宿則愈肥。凡湖泉水皆可浸。不必湘湖也。今人但知湘湖之蓴。又因石公言。謂非湘湖浸不佳。皆耳食者耳。見李流芳集中。有蓴菜歌。

廬山紫芝

晁無咎鷄肋集。舊說廬山有紫芝田百畝。人莫得見。偶於開元棲賢林中。步二日。各得一枝。正枝如玉。云云。噫。紫芝可植。所少晁無咎其人耳。

木瓜

木瓜。出汲縣。爾雅曰。楸。木瓜也。衛人所賦。木瓜卽此。

芍藥

灤陽芍藥芽。代茗飲。曰瓊芽。先朝進御。見黃潛集中。

不出宮菊

宋徽宗藝菊。有小朵銀色者。不令分種于外。禁中名曰。不出宮。菊譜所謂御愛菊也。

菊實

盛弘之荊州記。穰縣芳菊被岸。水樹甘美。菊紫短葩大。太尉胡廣。恆汲飲此水。又收其菊實。傳植京師。穰。今內鄉縣。楚寶。

菊譜

趙俊谷先生時春。菊譜序曰。菊之爲華。冬培根。春莖苗。孟夏分植。仲夏而迄。季夏再取其肆。又植之。終夏而止。至秋大盛。伐其條肆。以培其花。迄秋而大成。初冬大發其美。既欲其久存。或苦後之。惟幕之。蓋終一歲之勤焉。其名著于月令。餐于靈均。紀于本草。盛於南陽。陶潛籬之。杜甫叢焉。幽人騷客。率以發詠。至宋人譜之而大備。色之殊者。或如墨。或崇及尋丈。色品繁阜。宜隰及圃。中者宜原野。下者蔓衍丘陵。皆華而不實。其植以根。枝蔭之。根成而暢。晚乃見其白面。內苞作筒。外瓣單者。香甘。宜醇酒。卻風濕。養老壽。本草杜甫詩所謂甘菊也。開以伏日。而色紫紺。結子卽種。而不根蓼。世號六月菊。今吾郡乃雁門西河高山多有之。菊之贅也。華之不植。而灌漑者或萬數。僅如大小錢。但可釀麵。不足稱也。受培植而藝工者。子其身。保其葉。翹然上生。其端有微葉。乃參之。而又子其枝。保其葉。倏然扶搖。其端有微葉。又參其巨莖。而伐其細苞。參三以應陽九。亦菊性也。率以微葉冒端者爲微。否卽口糾。藝者必審於此。故花大及二寸餘。小者猶當十錢。參二之而不可遇者。或至再倍。身洪大者。如大小指可枝。單者猶二三尺高。率及人肩眉。渡之最盛者也。糞必熟薄。而兩數均平之。溉以二五日。陽地以涼溉。陰地以溫溉。溫泉洪河之波。溉最良。良獸之腥尤宜溉。幣之陳油宜糞。分植而未根蓼。宜陰。或蓋冒之。樹蔭之。溉以葉舒爲微。率既溉之。或以壺水如針孔者雨之。俟可肆宜移諸陽。皆上品也。其下者亦居陰寒。冬除其霜霰。或曰此北方平原法也。寒甚失陽。上品花或否。南方炎

洲有雪乃開。或至中冬。大抵菊凌霜耐寒。亦稟中和之氣焉。糞生米泔輒生蟲。腦麝六畜之賤。藝工動作之疏。率能敗菊。於法當除。黃。中央土。正色。菊本黃。上品。大黃菊。正黃金鶴屋。黃幅赤心。二品畏寒。多覆之赤金盤。黃赤玉繡球。淡黃黃鵝毛。御愛黃。俱千葉來黃中品。火煉黃。黃幅纖佛面黃。俱千葉蜂窩黃。一名金荔枝。一名萬卷書。葉筒幅單黃金錢。單黃金簪頂。一名遠枝嬌。幅單纖黃下品。硬幹赤。南方火。正色。絳紅紫以淺深別也。非加服之間色也。上品絳紅袍。正紫紅鵝毛。海東紅。早紫。俱千葉初紫晚紫。茄花。中品狀元紅。一曰舊朝服。初紅晚黯黃。下品金眼凹。單紅幅黃筒白。西方金。正色。凡色白者。皆靚潔而香。菊爲甚。皆可釀酒。入藥。上品平白。雙幅黃纈半青心白。千葉微青白鵝毛。千葉細尖白蜂窩。卽菊銀鶴頂。單白幅淡黃金盞銀臺。單白幅正黃筒粉色。得人之正色。青且麗者也。上品銀鶴頂。紅纈白幅荔枝紅。白纈幅漸作淺深大粉息。千葉中品玉蘭友。小粉息千葉虞美人。雙幅粉黃筒纈。八月菊。粉翻千葉八月蜂窩。粉幅筒纈。

蘭

蘭有紫黃碧三種。又四川霧中山。產亦蘭曰冬蟬。黃蘭曰玉蟬。紫蘭曰金蟬。宋末鄭所南。畫蘭不根土。曰今日此土非我有也。雖憤語。而天臺山產風蘭。鹿角蘭。俱不土而活。

宋政和五年。正月。密州產蘭。彌漫山谷。或附木石。或出平地。有一本數十花。層疊高丈餘。五色咸備。密縣志

蘭有蒲蘭線蘭各種。保定縣志

棉花

潁州志。紅棉花青棉花俱間產。

禹貢。兗州厥貢擘絲。厥篚織文。揚州。厥貢島夷卉服。厥篚織貝。註。謂兗地宜桑。織文者。綉綺之屬。卉服。今木棉。而織貝爲木棉之精好者。曰桑絲。曰木綿。維兗與揚之島夷作貢。彰矣。古之所謂綿者。

絲綿也。古之所謂布者。臬布也。故唐人稅法。每丁。歲輸絹或綾緇共二丈。棉三兩。輸布者麻三斤。宋林勳作政。本書匹夫之貢惟絲與棉。非蠶鄉則貢布麻。夫以綿而繫之絹。以布而繫之麻。則綿爲絲綿。布爲臬布也。明矣。元學士王磐序農桑撮要之書云。木棉種於陝右。輟耕錄云。閩廣多種木綿。紡績爲布。蓋木棉出於南夷西域。宋元間。始傳閩廣。關陝至。明時乃盛。

茅

苞茅出沅江。一莖三脊。

瀛州青茅草可爲筆。

河南新鄉縣魯包村仙茅。世傳西域僧所獻。唐明皇服之有驗。至今江南人呼娑羅參。嚴州釣臺地。止生白茅。無他產。郎瑛詩。乾坤留節氣。草木顯清風。

仙草

雲南蒙自縣。有仙草。葉圓枝細。其葉乾之一二年。醃以井泉。或氣呵之。復鮮茂如故。

不死草

柳州產苴草。俗呼不死草。狀如茅。高一二尺。食之令人多壽。暑月置盤筵中。蠅蚊不近。物亦不速腐。戰國策。楚人獻不死之藥卽此。

真仙洞草

茶陵州真仙洞。深十里許。有草一本。枝高三十丈。狀如芭蕉。

觀音篋觀音燭

俱那衛樹

延平尤溪縣之雙峯山。生異草二種。一如婦女束髮篦。名觀音篦。一如樵燭。可灌油照夜。名觀音燭。俱那衛樹。高七八尺。枝脆葉狹而長。花紅。根似玉簪花而小。曾師建閩中記。南方花有北地所無者。闍提。茉莉。俱那衛。皆出西域。盛傳閩中。北地雖植。不能活也。

夢花草

綏甯縣產夢花草。其莖如藤。其花黃白。叢條如綫。有疇昔得夢而遺忘者。紐之即寤。見一統志。嘉興包公刻先生汝楫。令綏甯。嘗訪之士人。不知也。

虞美人草

四川雅州。和夷壩。生虞美人草。歌曲其草自舞。

羅漢絲

衡山天掌峯。生草。兩莖相纏。垂頭如繖。俗名羅漢絲。

通靈草

成化時。邑人孫暉守潯州。斷藤峽有草名大藥。治金創撲損神效。孫人珍之。孫歸移種而萎。弘治三年三月。忽生後圃。孫曰。思之二十年。不圖復見。名通靈草。今不傳。或有之。無知其名者。

相連草相離草癡漢藥

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

衛輝府。治前有獸曰抵詭。說文云。此獸其性忠直。

桃拔

西域諸國。烏弋有獸桃拔。一云符拔。似鹿。長尾。一角者或爲天鹿。兩角者或爲辟邪。安息有大鳥爵。其頸身似鷹。蹄似橐駝。色蒼。舉頭高八九尺。張翅丈餘。食大麥。曾以大鳥卵獻漢。卽此鳥卵也。條枝亦有大鳥卵如甕。大月氏出一峯橐駝。謂脊上有一峯也。

毘耶

瓊州。臨高縣西市毘耶山。有獸似犬。里人呼爲毘耶。

裴休

眉山有獸。送客。呼以裴休則應。

騰豺

廣東肇慶府。西北十五里。騰豺嶺。以產騰豺故名。騰豺。沐猴類。頭正方。貌類人。髮長尺餘。嘗覆面。欲有所睨。輒搖頭。以兩手披之。

獅

天順中。西番獻獅子。道死。獻其皮。錦衣衛指揮僉事。喜信使其人上書。求通開西域。西苑獅日食一羊。西域胡人主之。白衣纏首。帶衣綠。支正三品料。

鹿

南京靈谷寺。太祖手書第一禪林。鹿百十為羣。其懸銅牌者。國初所畜。

犬

雲南縣南二十里。木山寺。有木犬。貴客至。木犬自吠。

俗說犬豕獨產。不利。爾雅。犬生三摠。一師。一獫豸。豕生三縱。二師。一特。郭璞注。猪生子豨多。故別其少者之名。又致富奇書。犬生一子。其家三年內。大發。

羊

山西羊有八角。至四角。六角。為常。

松潘出六角羊。土人云。羊與鹿交。故六角。

白兔

虎。鹿。兔。皆年千歲。滿五百歲者。其毛色白。萬歷中。有船商。自暹羅攜白兔歸閩。售四百金。每季而育。其種日蕃。蓋另一類。生即白色。崇禎中。浙直徧有之。直三四金。

鼠

詩。相鼠有體。人而無禮。陸機云。河東有大鼠。能人立。交前大脚於頭上。跳舞善鳴。相。地名。按地志。相州與河東相隣。則知相州有此鼠。詩人蓋取譬焉。又密縣開腸山。周圍三里。產香鼠。惟經人行之路。則抱蒿莖棘枝而死。或樵牧者偶遇之。亦不能多得。黃花鎮。禮鼠。色如貂毛而淺。冬聚榛實於穴。作歧穴貯之。多至三斗。其榛實。皆美好倍常。山氓多掘取之。鼠失榛實。牝牡皆窄脰。樹枝懸死若溢。鎮將閱之。雖厲禁不能止。

麟

麟。爾雅釋。麋身。牛尾。馬蹄。一角。春秋所獲麟也。大麋。一角。牛尾。卽漢武郊雍所獲麟也。不角者麒麟。宋仁宗嘉祐二年交趾所進。二麒麟。牛身象耳狗足魚鱗。所食草木。皆中國無有。

豪蕘

山海經。華山西七百里。曰高山。出豪蕘。今平涼羌高山六盤是也。豪蕘狀如蕘。毛似刺蝟而大。可以爲簪。黑上白下。甚美。弩之能射物以自衛。嘉靖以前多有。平涼府志

馬

平涼苑馬寺。置二監。監七苑馬政。開城苑。荒熟地。三萬六千四百七十頃四十三畝。縱一百二十里。橫八十里。碑標二十九樹。額軍七百人。原馬并駒二千六百三十八匹。

廣甯苑。荒熟地。二萬五千八百八十頃五十三畝。縱五十里。橫一百里。碑標十五樹。額軍五百人。原馬并駒二千五百五十六匹。

黑水苑。荒熟地。萬一千六百二十七頃九十六畝。軍民地相交。碑標十五樹。額軍二百七十六人。原馬并駒一千四百匹。

安定苑。

清平苑。荒熟地。二萬五千九百一十頃三十一畝。縱七十里。橫四十里。碑標二十二樹。額軍五百四十二人。原馬并駒二千四百七十四匹。

萬安苑。原缺

武安苑。荒熟地。二千九百五十七頃四十三畝。額軍四百四十六人。原馬并駒千九百四十九匹。

長樂監。轄廣富。開城。黑水。安定。四苑。靈武監。轄清平。萬安。武安。三苑。其以下原缺

幽冥

東岳

博物志。東岳主召人魂魄。其始不過謂東岳。樹木爲魂。蓋以五行象類言之耳。非有他也。昧者不之察。遂謂人死。魂皆歸東岳。岳神將治其生時善惡而罪福之。

文昌

俗云。南斗注生。北斗注死。故以北斗爲司命。而文昌者。斗魁戴匡六星之一也。俗以魁故祠文昌以祈科第。因其近斗也。故亦稱文昌司命云。傅會甚矣。至以蜀梓潼神爲文昌化身。又可笑也。五雜俎
梓潼神。清河張巨老之子。名亞。字儒美。周後七十三代。世爲大夫。未嘗酷虐吏。西晉末。丁未歲二月三日生。載化書。廟在劍州梓潼縣。
梓潼縣有善卷祠。一曰惡子。民歲上雷杵十枚。歲盡不復見。云雷公取去。

三官

三官之名。古不經見。始見於張魯傳中。魯以三官教行于蜀之鶴鳴山。凡人有所祈禱。則書其事狀爲三。一焚于山上。謂達于天官。一瘞于山下。謂達于地官。一沈于水中。謂達於水官。其祝日。以正月之望爲上元節祝天官。七月之望爲中元節祝地官。十月之朔謂下元節祝水官。後妄人撰爲三官經。謂陸氏子娶龍女。生三子。俱有神通。一天官。一地官。一水官。

羅者洞

枝江縣西南羅者洞。卽春秋羅子再遷之地。居民凶知。託以神怪。楚記。

靈濟昭烈王廟

廣德州城西。橫山有祠山廟。神吳興張勃也。一云武陵龍陽人。生西漢末。游若雲之間。自長興之荆溪。盤河至廣德。功半遁于橫山。人祝之。夫人李氏廟。在州東二里。曰昭妃廟。

象山縣志。唐末忽有一石香爐。立而附于人口。吾姓莊名穆。祠山昭烈大帝也。當廟食此山。以福斯民。衆驚訝。教諭梁宗明。率衆立廟祀之。今日莊穆廟。噫。一祠山昭烈也。姓名互異如此。

崇善王陳頊

錢塘皇亭山頊爲半山祠。崇善王會稽陳頊。晉時使卜斷臂不屈。卜壯而歸之。歷仕四州。食邑會稽。葬皇亭山。有女弟避寇出洞。不欲乞食。絕粒死。屢有靈顯。或曰碧霞元君碑云。弘治時。遣使祭之。穆宗禱祠茲山。

支明夫人

天台山東壁嶺。專支明夫人廟。周顯德二年建。神本婦人。屢嘗見怪。配以支明。龍王遂釋。

瘧使司

瘧鬼姓彭。兄弟三人。游于廣漠之野。古帝王裔也。凡運劣者。遇之輒病。病時直呼其名。卽止。今太原郭守詢。呼之有驗。作瘧使司記。

輪迴所

天啓乙丑。沁水故縣鎮蕭味道。疫死。再日甦。云冥司誤攝司日輪迴所。其嫂變黃牛。其脅白。債何騰蛟殼八斗。尋嫂沒。何氏產犢。數月斃。售皮得穀八斗。

碧霞元君

漢明帝時。西王孫富國奉符縣善士石某妻金氏。於中化元年。甲子。四月十八日子時生。名玉葉。貌端而性穎。三歲解人倫。七歲聞法。禮西王母。十四歲。感母教。入山得曹仙長。指入天空山黃花洞脩道焉。天空蓋泰山。洞卽石室處也。三年丹就。元精發而光顯。遂依于本山焉。

李諤瑤池記。黃帝建岱嶽觀。嘗遣女七人。雲冠衣羽。修奉香火以迎西崑崙。繇是考之。則玉女必黃帝遣七女中之脩而得仙者。後世因之祠于山。高誨玉女考。

嶽頂玉女汝側。故有玉女神像。泉源壅濁。宋真宗東封。泉忽湧澈。故祀之。馬端臨通考。又稗史。漢時仁聖帝前。有石琢金童玉女。至五代殿圯。石像仆。至唐。童泐。玉女淪于地。至宋真宗封泰山還次御帳。滌于池內。一石人浮出水面。出而滌之。玉女也。命有司祀之。封天仙玉女碧霞元君。後祠日加廣。

聖女祠

林縣東南三十里。下洹村聖女祠。相傳高歡之女。母嘗養病于此。母亡。其女三人。願殉其葬。天彰其德。以爲洹水神。每災害。禱之輒應。

玄武神

黃帝之子昌意。娶蜀山氏女生高陽氏。陶七河之津。是爲玄帝也。役御百神。召至雷電。乘結元之車。周旋八外。鑄羽山銅爲寶鼎以獻于神峯。陶貞白。與楊許諸仙往來。親得其說而紀之。朱公安游太和山記。太和山巔真君殿。殿可三口許。俱銅質。沃以黃金。棟柱門屏翹甍並具。其像與四天兵。皆銅。精工踰

漢壽亭侯

江東刻關廟會文五十篇。侯靈批評為序。論文以抽發性靈為主。陳明卿無夢園集歸安昆山關侯廟。潘少保印江季馴。建。門額曰武安王廟。殿額曰漢壽亭侯。關公廟。旁署羽書。出鸞筆。又題柱曰。昭昭與日月爭光。悠悠共乾坤不老。

海鹽吳尚書中偉。先任貴州學使。公署前有侯祠。以其障而徙之。加閭麗焉。已吳坐堂上。有銀甲三人直入不為動。俄子婦疴疾死。第無如尚書何也。沈太學世治說云尚書面語者崇禎丙子。二月朔。流寇攻桐城。卜于關廟不利。僦神衣斫其右臂。及攻城。斫者死焉。賊完像懺罪。

壬午十一月十九日。夜。淄川翰林詩講孫之澥。夢神禦北兵。及兵至。知縣史能仁巡南門。父老言神像汗如雨。事聞于朝。

癸未正月朔。河西務關廟。僧夢神禦敵久。馬生蟻虱。求整刷。驗之良然。吾甯南門內關廟扁。未了英雄。出鸞筆。

丁亥正月三日。仁和臨平鎮。戊主寓東大橋之關廟久矣。是日小卒。忽作神語。責數其罪。戊主怖謝。請修廟。小卒素不知書。至是手疏里人名。釀建揭旗以募。或書國號即裂之。但書神號而已。戊主因避他舍。其事予友人目視。

周凱

東甌周凱。吳晉間人。時橫陽永甯安固。三邑地皆斥鹵。凱開導三江。悉注於海。因射箭退潮而沒。民為立廟。曰仁濟廟。至今存司歲祭。

雷廟

予友姚榮夫。爲高州幕官。高去雷陽三百餘里。自言親至其地。見所謂雷公者。爲予言甚詳云。其地雷聲特異。雖時小殷。屋瓦皆震。如近在簷宇間者。若迅雷。必連擊數人。雷之神曰陳文王。有廟甚威。犯者必死。廟門建二高標。每欲發聲。或享祭時。必有紅白二鳥。飛集標上。怒氣勃然。無不沮喪。廟中人云。廟後山有所窟也。皆藏土中。出則行天。其言如此。榮夫曰。一日郊行。忽數夫舁一物至。狀類豚。體有斑點文。問之。曰此所謂雷公也。俗謂之士豬兒。舁將何之。曰往瘞之耳。董穀雷公傳攷雷廟。在雷州城西南八里。陳大建二年。州民陳氏亡子。家畜異犬九耳。每獵。卜其耳動多少。爲所獲數。一日九耳皆動。旣而獵得一卵。圍尺餘。捧歸舍。忽震雷山榜開。得一兒。兩手有文。左曰雷。右曰州。及長名陳文王。登第。爲本州刺史。沒後。靈大著。州人祀之。自五代至 國朝皆加封。祈禱無不應。其名雷州。自唐貞觀元年。或曰城南十里許。有擊雷水。州因以名。

白眉神

教坊供白眉神。朔望用手帕。針線刺神面。禱之甚謹。謂撒帕着人面。則或溺。不復他去。白眉神。卽古洪涯先生也。花鎖志

李衛公廟

安吉州李衛公德裕廟。宋政和二年三月四日。廟中隕石云。歲豐之兆。熙甯甲寅。嘉定己卯。元泰定己丑。三月乙巳。明成化辛丑。八月甲辰。俱隕石。殿像無一損。安吉州志

諸葛武侯廟

洛川縣。諸葛武侯廟。規制閎麗。相傳宋曹武惠彬過之。以偏霸撤其廟。闕下石不可去。刻云。知吾心腹事。惟有宋曹彬。武惠神之。下拜。烝嘗加虔。石置龕中。并祀武惠。又田者得複瓦。脩尺有一寸五分。

博四寸。形如常瓦。獨兩層中空。枕之。值更輒鳴。怪而碎之。內篆孔明行軍枕。字徑寸。高平馮吏部養志。時宰洛川。藏瓦之半。

岳武穆廟

山陰王方伯泮。嘗過湯陰。勒詩岳祠中。意寓微諷。還里以示郡守蕭良。久之。隣人某被冥攝。見籍注方伯毀謗先賢。蕭良爲證。奪壽。亡子孫。墨書。其他善事。朱書也。隣人驚悟。走語方伯。果然乃改前詩。馳刻湯陰之祠。雖壽終。亡子。自泮朱氏說。

嘉靖初。錢甯死後。魂游崔駙馬家。作聲曰。謀反非罪。許宸濠宴駕迎立。雖然數也。秦檜欲殺岳飛。不合助言。冥司問七次凌遲。今三次矣。問在宋何人。不肯言。召天壇道士遣之去。王文輝庭聞述略。

晏公廟

晏真人。名北海。宋元祐時晏坊人。牧牛至旗面山。遇二仙奕石上。侍閱良久。各授桃食之。後羽化。鄉人立真源堂奉焉。凡蝗蝻水旱。祈之有應。

歸化縣志

臨江府。清江縣北三十里。清江鎮。晏戊仔。宋初爲文錦堂局長。因疾歸。登舟卽尸解。人以爲神。立廟祀之。有靈異於江湖。國朝封平浪侯。按兩晏公。今郡縣多祀。晏公或清江晏氏耶。

蕭公廟

新淦縣北四十里。大洋洲人蕭伯軒。宋咸淳間。死爲神。立廟元朝。以其子祥叔合祀。本朝遣官諭示永樂中。其孫天任卒。屢著靈異。亦祀於此。詔加封水府靈通廣濟顯應英祐侯。臨江府志

秦和蕭蘭芳歿。鄉人奉爲小神。永樂中裔孫大任。復以神顯。啖白石一拳。坐逝。遺骸貯木桶中。置廟

東廡。江湖榜人崇之。太監鄭和下西洋。奉神命。封平浪侯。烟霞小說夫英祐侯一人耳。名籍互異如此。曷從而訂之。質叔向以臺駘。問賈生於宣室。當有其人。敬識於末。

宋相公廟

富陽縣紅山宋相公廟。宋口甯宗時尙書。棄官修道。咸淳二年。成神。今其後人。皆習曠厭之術。

利濟侯

金元七。前元長洲民。世出一人。生有神助。專拯熱溺之患。年四十上下死。輒著靈異。今其地曰金家莊。陸乘覽勝記談一曰有二子。痘夭。因願沒身爲神。救危痘。七月七日赴周涇河死。顯口國初。金元七總營。萬歷初封專筦痘司。

東華洞仙

東華洞主人郭維貞。固始人。宋李隱莆田之壺公山。不仕元。杜門學道。因葬焉。其家奉一仙曰郭東華極靈。後莆田周吉。崇禎庚辰進士。授懷甯令。左兵充斥。仙爲書符封卻之。問後福。書云此人乃岳武中宮第七子降凡。日後有封侯之職。是仙能書畫。

宮亭神

宮亭神甚靈。有婢名如願。客有所求。叩如願卽獲。又能于湖心分風。使上下各得順風。故劉剛詩云。回艦乘派水。舉棹遂分風。

神樹

正統二年六月乙亥。雲南晉甯州學正。楊茂上言。城外塔墩有大樹。頗怪異。居人祈禱輒應。因號塔墩聖母。曰神樹。永樂中。大風折其樹。軍人陳福海。鋸以爲板。內有神像。戴冠執簡。容貌如畫。人皆驚異。立祠以祀。加封號。上以淫祀非禮也。其止。弗聽。實錄。

雪冤紀異

祭酒汪偉曰。南台侍御。萃亭沈霽子公。正德戊寅。秋七月。奉命按視屯田於江北。未至全椒三里。縣人訴訟牒。隨而訴者幾輩。君點數而目識之。既而失其一。詰諸左右。左右謾應曰。蓋講而散者也。至縣座行臺。訴者入。沈見三人焉。隨宜處分之。末一人蓬首跣足。衣敝甚。乃道中所見而復失者。君問之。若何許人。應曰全椒。何名。曰小羊。訟何事。曰有冤也。有牒乎。曰無有。沈叱之使起。因忽不見。急索之弗獲。然是時。亦君獨見之而與之言。左右莫見也。君知爲妖。大駭。雨汗嘔痢交作。縣令孫贊入問疾。君語之故。因詢之曰。縣中得無有冤乎。對曰。往年有顧景祥者。爲其弟景原景昭所害。及其子計兒。事適敗露。殆非是耶。意景下有。小。祥字。半爲羊耳。君疾隨亦良已。遂竟其獄。則小羊者。景祥乳名也。豈不大異哉。

貞婦著靈

正德丁丑歲。黃巖結訟者。夜泊清風嶺下。內數人妄議貞婦。因誦詩詞。以資謗讟。卽時風雨暴作。舟覆而死。頗有褻冒者。遂有奇禍。見蔡潮重修清風廬記。

百老屯

正德十三年。車駕出居庸關。駐蹕。有白鬚翁百人迎駕。近則無所見。因名屯曰百老。

劉兆元

上海劉兆元任懷慶推官。臥疾。見女子旁侍。以家婢令取茗。恍惚不見。遂引告。卒於家。嘉靖間事。

曾銑

江都曾石塘鏡。諸生時。搆文苦思。嘗步入叢塚間。見岸鬼語河鬼曰。若何時得脫。曰。明旦菜備代我矣。石塘明旦候之。果菜備將浣足。阻之。夜聞鬼語曰。本得代。奈曾砍頭。誤我。

楊繼盛

嘉靖戊午。四月。三殿災。人見楊椒山。巾青縞服。雙眸炯炯。憑午門西角檻。若指揮撲滅狀。踰時方隱。

王秋英

嘉靖甲子。福清諸生。韓夢雲瘞石湖山遺骸。夜麗人至云。王秋英。字澹容。楚人。元末從父官。值寇擾。崖死。感德相就。輒數日一至。多吟詠。明年寒食祭墓。卽出見。同歸生子。萬歷癸巳。以緣盡。泣別。

土神陰譴

吾寧石井村某。怙訟。寓杭城十三彎巷。醉而洩土神祠前。已悔而禮謝。及訟勝。賽飲而酣。謂神費我。燕一札於爐。當訴汝城隍廟。蓋戲也。夜夢神曰。汝自褻白禳。於我何預。卽訴于城隍可也。汝狂悖。關公行撻汝二十矣。明發懼不出。晚。巷見輦上人傳呼。過者避入酒肆。所懸牌。適觸之墮輦上。怒之。逮酒家。誤及某。撻二十。則通判關世教也。

屍齣

洛川縣某死。戚屬夜侍。各假寐。屍忽蹶起。偏吸諸人。其一驚走掩戶。屍追出。格於戶。相抵。詰且入集。噉以犬血。屍始仆。不浹月。受吸者相繼沒。高平李養志吏部說。吏部塔兒語。

海甯袁花鎮。祝俊卿。父沒。宗越方酌奠。屍忽躍起。諸人咸日俱死。父尚在孝廉。朱近脩說。

周如砥

卽墨周礪齋祭酒。少讀書東郭精舍。舊有崇。公獨宿不懼。夜忽一縞衣少艾。立燈下。久之不去。叩以功名如券。且期末年一見。及卒之前歲。往往遙見之。

蕭觀察

江右蕭口口任浙江按察使。亡子。而斃其應嗣者。有感友來候。徑三衢。其故嗣求附行。雖知其鬼。不能卻也。因入杭之官舍。出曰大門見拒。乞楮錢若干。許之。見其隱鼓中。亡何蕭下世。嘉興沈德先主事。記其名。

陳夢璇

閩人陳夢璇。官粵東。江陰。來舟悞觸。篙工跽懇。陳氏悍奴。遽推溺之。行里許。晴空忽晦。有神如雷公狀。立舟上。責奴曰。爾宿愆深矣。嘗一事善。得延喘。今枉溺人。難逭也。掉岸上灼死。舟人大怖。神又諭以亡恙。且曰。茲地許某善人也。可訪之。遂齋。夢璇如其言。訪許某。

延安地飯

萬曆壬辰。修延安府城。坎地多孟飯。人啖之。亡恙。

王立穀

萬曆戊午。新淦令。臨海王立穀。入覲。十月十八日。宿荻港。二青衣夜攝至帝所。冕旒正坐。旁席二人。侍衛猶悍。主坐曰。爾丙辰八月命盡。今猶齋戒力也。爾何違之。示以簿。詳注年月。至丙辰八月而空。卽下獄。在坐者起。請勘其破戒後事。階兩巨篋。俱縣牘。并平日戲筆在焉。各騰氣。青黑白赤不一。吏簡聚之。先青黑。次白。白聚而青黑色漸縮。次聚赤。則青色隱。黑色寢微。主座視赤者。所刻金剛般若好生編。及社倉卷也。餘不盡見。主座曰。常損明延年。猶使抉目而寤。聞鷄鳴。家人守視。不能舉目。卽乞休。持誦歲口日愈。王自有記。立穀丙午貢士。

楊鐸

嘉興楊鐸。始萬曆壬午榜。僉廷讓也。登庚戌進士。任吉安司理。左遷免歸。癸丑。臥疾。夢冥召。懇以對門易鐸代。冥隸許之。亡何易鐸死。始大怖。賜其喪而火之。亡何。易氏妻呼市中。謂我易鐸也。爲楊氏借陷。今返魂。無歸所矣。奈何。楊聞之。度不免。命髡緇以殯。

沈婿烏鳴

海鹽沈某。貧亡賴。聽野烏啁鳴。各效之。酷肖。人因以侑酒。有徽買挈之姑蘇。偶鳴于線店中。富子遣僮市線。久不至。訶之曰。肆主聽人禽鳴。故遲。找我非遲也。富人問所爲。禽鳴者述其狀。亟召試之。大悅。留家監。所有空舍。素多鬼。以寢之。明旦未起。家監抉戶入。沈某猶鼾也。曰。夜若白衣人。謂盡以遺物相付。家監大駭。坎室中。窖金俱鐫沈某及富人女名。蓋富人亡子。止一女。遂以壻沈。

葦舟

崇禎乙亥。予館海鹽橫山張氏。其邑寓李洪宇。先年莫趨橫山。中道有舟鼓棹而來。求附載。登之。行里許。心動。亟登岸。因足抵其舟。半覆。疑之。遂他宿。或曰。此安得舟也。且往視登處。則巫者縛葦爲舟。

列鼓幟半覆者也。李迄今亡恙。李又云。賊曹李。恃勇亡賴。嘗於西鹽倉擊私鹽者。始而角。已舟漸縮。如鴨。異之。抱歸。時婦暴卒。移刻而甦。問之云。我登舟。爲惡少年所黜。幸奪免也。

朱大紱

崇禎庚午。李水心司理嗣京。預閩闈。比舍郎同年郭夢言。口於二十一夜。同聞戶外哭聲。冤抑嗚嗚。不能出諸口。明日搜朱大紱卷。其表有鬼哭非無因語。驚爲異事。李自有記。

婁東冥判

太倉徐坤素齋。誦崇禎癸酉六月二日夢攝冥府事。百日。每夕鞠問。九月二十日事竣。刊有婁東冥判。

沈招遠

癸酉。仁和沈招遠。桐鄉錢汝邁。並麟經。出金華令項人龍之門。招遠力薄。寄徑錢氏。遂抑二佳卷於乙榜。其一忿死。而招遠疾。皆若對簿狀。寤而走錢氏曰。事發矣。第向詒兄。實于金附進。今被陰譴。兄坐累斥。弟與項師不可活也。明年果並沒。汝邁以他事除名。

張耀采

乙亥。正月望日。日口口參政張耀采。卒於刑部獄中。甲戌是日。史部考功員外郎弓省矩。自縊。適滿歲。耀采眼見之。

神燈

己卯。正月念二夜。神燈見海寧郭店鎮。可二十刻。

郟城神譚

辛巳。山東旱蝗。郟城有神降曰。七月二十二日水至。八月望。寇至。及七月果水溢。人因信寇至。扶挈南走宿遷。迄八月無恙。

徐銘

華亭徐銘口。乃進士徐銘經之兄。辛巳疾沒。且殯。忽開目曰。異哉。有陽必有陰云云。口遂甦。人問其故。曰。吾至冥司。見來牒爲公勾事。後計開有罪犯人七名。首陸彥章。張侍郎鼎。次開應死平人口百口十名。身預焉。名上書聖門弟子。凡諸生皆然。人名著某人子。或著某人弟。防懼攝也。末名唐鉉。亦華亭人。時游關中。從卒欲往卒。主吏曰。客死最重。此人當沒於家。當俟之耳。主吏冠服如驛宰狀。銘口未幾下世。唐鉉聞之。不敢歸。越口口還里。果卒。包長明記。

豐縣逃鬼

壬午。北兵陷豐縣。有二人被劄狂奔。或叩之曰。城破以訴城隍神。問神安在。曰逃沛縣。時沛縣堅守。

邯鄲鬼

崇禎五年。流賊犯邯鄲。殺童祀神。後冤鬼宵啼。路鮮行人。或曰生畏賊。死猶是也。以賊嚇之。可止。後復啼。衆大呼曰。賊至矣。自是寂然。諺云。鬼怕惡人。豈其然歟。

蔣國華

江陰蔣國華。花塘里人。性質樸。先是天啓丙寅。年二十六。夢青衣童子。引謁城隍神。及岳相東平王。

。隨詣東嶽廟。地皆青碧。至今庚寅。三月十八日。經將家橋。見大父呼之。赴冥司攝事。急歸浴而臥。土神促程。鬼卒掖上馬。馬躍而醒。亡何仍往。經大城坊。曰幽冥橋。渡橋入東門。曰善慶關。福德門。至東嶽都相東平王府。曰都察司。入揖。至岳廟。卽丙寅所見者。殿左右七十二司。造冊所曰盤錄司。冊有六。曰善惡。曰生死。曰殺僇。曰無端。曰荒蕪。曰瘟疫。冊各四帙。每司造冊吏十二人。總管十二人。因朝帝。令覆冊。分詣各司。國華領左箱第十三憲察司。天下郡縣城隍神。俱金樸頭候門。冥官仍進賢冠青錦袍。冊書順治七年。國華派冊訖。因謁閻羅天子。命判官檢國華壽。尙二十一年。閻羅則宋韓魏公琦也。辭出。童子送之登舟。及岸而醒。二十日早。又見大父促冊期。二十七日。入冥如期。二十八日。則荒蕪瘟疫無端三冊竣。江陰城隍神蔡口奏縣重困不堪疫。帝不許。又限生死善惡殺僇三冊。五月十一日竣。至二十九日復甦。五月朔又入冥。印疫單在東平王處。名氏下詳疫狀。印訖下城隍神。三日復甦。

顧曠

邑諸生顧曠。住橫涇河。丙戌九月。館陳氏。午倦憩。攝入冥司。閱籍。乃唐謝小娥後身也。其籍青函鈴印。詳載履歷。近蹟十五歲不注。鑷原名義。年二十二。嘗獨吳氏子錢。增歲一。明年諱女子某私事。增福一歲。又明年收糧。重其衡。減歲一。其增減類如此。凡不經意之事。悉載焉。寤以語人甚詳。予別有記。

臨江府志。謝小娥。不知何許人。父爲廣州兵官。部押金銀入京。攜家附舟過蕭灘二里許。遇賊被害。小娥溺水獲免。且附魚舟而出。行乞於市。後爲鹽商李員外家傭奴。娥見其酒器皆父物。悟向盜乃李也。心銜之。俟生日。舉家酣醉。持刀盡殺之。事聞命以官不受。願爲尼。乃建寺居之。卽報恩寺是也。相國李紳有傳

朱之椅

東里朱之椅。同予補諸生。膺貢。訓導海鹽。丁亥十月卒。戊子十月降箕云。以八事見錄天曹。成小神。問休咎。多奇中。今其家立祠。

郭基

金陵郭基無壞。性黷直。崇禎戊寅。應試句容。有檄以玉兔山司瘟廟都總。公代之。辭不往。檄者求暫允。徐往可也。試訖回家。語家人治後事而沒。是夕廟之鐘鼓有聲。示夢羽士。塑其像。

張生

仁和張生口父玄。有家學。好牡丹亭。西樓夢等劇。館橋司鎮尹師東家。嘗外酒歸。聽擊竹聲。啓之。見豔女攜燈。相狎將曙。珍贈而別。生有詩。半庭新月青燈外。一種私情翠幙中。記其實也。後放之。蓋越女停柩。其所贈皆殉具。

歌鬼

嘉興某生。月下清歌。忽後有和者。同調契洽。延之家飲。仍歌如初。夜分而寢。鷄鳴其人即去。不及別。又扣門詰之。曰我實非人也。亂後如我輩甚多。今後毋宵行放歌。或妨他輩耳。

庚寅六月。或徵優於嘉興城。晚舟行二十里。抵舍。座客四集。演劇數閱。優覺寒色。有識上客故編脩屠象美給事李毓新諸公者。俱前沒。駭之。亟振金鼓。則四無居人。乃故相呂文懿公墓。庖鱉三四頭。尙懸松上。

說鬼錄

張真人家有說鬼錄。

豐沛鬼

丁酉。夏秋間。豐沛蕭碣多鬼。衣冠雜途中。或相問答。語卽引去。迷死。聞者戒途。

黑龍潭神

張秋鎮北。黑龍潭。其水深綠。有工人三。中夜聞呼聲云。某宅修偶門。先付銀五錢。可卽往。乘月行。有二人先候之。及潭側。謂吾當挾汝勿碍也。正挾時。墮潭中。覺衣履不濡。宮室偉麗。引入後堂。脩輯掖門。有老人深目長鬚。布帽綠衣。出問之。各勞一金。凡半月畢工。又貸千錢。遣前二人送出。天明。行人見三人臥沙上。語其家。各挾歸。

城隍神

南京城隍神。孫策。北京城隍神。于謙。杭州城隍神。周新。

松潘尺骸

蕭山來憲副口口云。松潘凌城隍。得人數千百。皆長一尺許。衣冠自三代以下皆具。

嶽塔

漢郊祀志。大山川有嶽山。小山川有嶽塔。山嶽而有塔。則嶽可以謂之婦翁矣。世俗之稱謂。未必不以是。又因嶽山。而轉太山耳。元黃密

子路

成化間。河內縣學居民。於文廟櫺星門內。及先師殿前。牧日聚其中。忽見一人頰而黑。手持木器。怒而責之。卽入殿中。隨視。乃十哲中子路也。後其人竟疾不起。舊有碑記。今剝落不可讀。而斷碣尙存。夫以聖賢安份之地。爲愚民蓄產之場。誠不得道其罪。然子路乃顯靈而朴之。意當時剛毅之氣。歷千百世未歇。而亦以見鬼神之英爽。不可禦也。夫敬而遠。聖人訓之矣。河內縣志

太原高自卑。太學。嘉靖十四年知咸縣。嘗丁祭。齋宿。夜夢仲夫子。持戟入廟受享。臨祭。忽聞一主覆於龕。高曰。此必仲夫子主也。視之果然。一時咸驚。

蔡元定

建陽縣象岩山。蔡季通誦書處。堂曰顯慶。紹興辛巳。季通於堂中推演子孫世數。未有數終輪奐。猶有代御史尹仁爲政。噓之旬。成化丙申。巡按尹仁入閩。夜夢一老人來見。叩姓名。蔡元定也。至建陽。訪蔡家譜。見顯慶堂推演詩。不覺竦然。卽捐俸爲建傳心堂。晉江蔡元偉曰。周子出。則知數學者邵堯夫。朱子出。則知數學者西山。

山西諸生某。丁酉臨闈。其僕病。生初場出。病僕曰。主人且捷。我在場。相周旋也。生未信。病僕言闈舍事。果不妄。次場亦知之。生曰果捷。某人有女。吾當以配若。病僕曰。吾隸也。彼則溫室。何能誦之。生曰。果捷。吾力能得之。爾何虞焉。至末場出。病僕曰。主人除名矣。蓋望曰。天神考陽罵。謂主人設心惡。已更他人名也。果驗。

妖異

藏經志怪

廂之精名曰椅。衣青衣。持白杖。知其名。呼之者除。不知其名則死。又築室三年不居。其中有滿財。長

二尺。見人則掩面。見之有福。又築室三年不居。其精名忽。長七尺。見者有福。又築室三年不居。其中有小兒。長三尺。見之則掩鼻。見之有福。又火之精名曰必方。狀如鳥。一足。以其名呼之則去。又木之精名鼓侯。狀如黑狗。無尾。可烹而食之。又千載。木其中有象。名曰賈誦。狀如豚。有兩頭。烹而食之。如狗肉味。又有山林。下有川泉。地利之間生精。名曰必方。狀如鳥。長尾。此陰陽變化之所生。又玉之精名岱委。其狀如美女。衣青衣。見之以挑匕刺之。呼其名則得之。又金之精名曰倉嚙。狀如豚。居人家。使人不宜妻。以其名呼之則去。又火之精名曰罔象。其狀如小兒。赤目黑色。大耳長爪。以索縛之則可得。烹之吉。又故門之精名曰野。狀如侏儒。見之則拜。以其名呼之宜飲食。又故澤之精名曰冕。其狀如蛇。一身兩頭。五采文。以其名呼之。使取金銀。又故廢丘墓之精。名曰亡。狀如老役天。衣青衣而操杵好舂。以其名呼之。使人宜禾穀。又故道徑之精。名曰忘。如野人行歌。以其名呼之。使人不迷。又故車之精名曰寧野。狀如韞車。見之傷人目。以其名呼之。不能傷人目。又在道之精。名曰作器。狀如文。善眩人。以其名呼之則去。又故臼之精名曰意。狀如豚。以其名呼之則去。又故井故澗之精。名曰觀。狀如美女。好吹簫。以其名呼之則去。又絕水有金者。精名侯伯。狀如人。長五尺。五采衣。以其名呼之則去。又臺屋之精。名曰兩貴。狀如赤狗。以其名呼之。使人目明。又左右有山石。水生其澗。水出流千載不絕。其精名曰善。狀如小兒。黑色。以其名呼之。使取食。又三軍所戰之精。名曰寶滿。以狀如人頭。無身。赤目見轉。以其名呼之則去。又故水石之精。石慶忌。狀如人乘車蓋。一日馳千里。以其名呼之。則可使人水取魚。又丘墓之精。名曰狼鬼。善與人鬪。不休。爲桃弧棗矢。羽以鷄羽射之。狼鬼化爲飄風。脫履捉之。不能化也。又故市之精。名曰問。其狀如罔。而無手足。以其名呼之則去。又山之精。名曰鼓。以其名呼之則去。又夜見堂下有兒披髮走。物惡之。名曰滑。以其名呼之。則无咎。又百歲狼化爲人。女曰智女。狀如美女。坐道旁。以丈夫曰。我無父母兄弟。若丈夫娶其妻。經年而食人。以其名呼之則逃走去。又故溷之精。名曰卑。狀如美女而持鏡。呼之知魂。則去。

孟椒魯汶。髫年讀書於學宮東廡。夜有美姝。喚開門。汶用劍斬姝。逾松樹下。後發藏視之。乃斃狐也。後膺貢。任萬年主簿。鋤強扶弱。卓有政績。全椒縣志。

金龍邵氏

嘉靖初。盱眙縣石壩集。邵氏。嘗有妖竊甕水。每伺之。不得。一日晨起。見中雷。火光燁燁。欲騰而上。主人以田器擊之。鏗然墜地有聲。視之。金龍首大於五斗釜。乃驚愕。急以布數十。裹而痊之。禱神。畢出之。赤金也。其身尾俱銅錢。其家今富。盱眙縣志。

龍女

海寧許村。南五里龍王塘。初有女汲於河。得浮卵。吞之。因娠。仍生卵。棄之。化爲龍去。復時候其母。留龍鬚爲筆。遇旱以筆書符。投龍王潭中。其符浮于臨平山之巔。立雨。後令君取其筆。遂絕響。

毛女

袁州萍鄉縣。東五里毛仙山。昔有人過此山。逢一人徧體有毛。言詞異常。後不復見。宋朱晦翁嘗問驛吏云。狐魅所爲。遂題詩云。人言毛女住青冥。散髮吹簫夜夜聲。却有游童解端的。向儂說是野狐精。

潼關老人

潼關兵巡道署。制頗宏壯。後牆叢篁茂密。嘗有老人。深衣博帶。出與人交語。人不爲異。嘉靖中。南充王南岷廷口任。其地。一日呼入書室。語以爾旣出見人。若非精靈。必係神怪。知我未來事乎。答曰。公名位在某架第幾冊書內。公檢視之。則涑川王公廷相集也。公異之。乃遷署潼水西。以其地爲察院。其年洪水堂宇漂盡。無復叢篁。異不復見。王公果總憲。朱明虹說。

舟葉

廣西宋君佐。署當陽縣學。云沙洋市人。偶見水中一舟。載人遠來。可二三十。登岸則舟乃大荷葉也。人方駭之。而舟人至一大家求食。與錢不應。毀瓦書墁。與之角。則自殘其體。其人終不能傷。遂沿門擾之。官府亦無如之何。月餘。不知所往。承天府志。

龍眼怪

秀水屠憲副叔方。孝廉時。見二爛襖流內室。侍女皆怖。屠躍起。執之。爲龍眼核。屠用明記。

琵琶亭怪

嘉興沈昭明德。宿九江之琵琶亭。午夜浸空。同輩五六十人。有眇丈夫。握衣露臂。徧印諸人之面。惟不及孝廉明經。沈手拒之。覺腥滑。次夜裏刀以待。越再宿。刀中其臂。血流奔岸。亡何。面印諸人皆瘡。

關揚

大同公館。相傳有祟。使客多寓外舍。縣令關揚。不信。夜列宰燕炬。迨夜分。一婦步月階下。關叱曰。果冤乎哉。宜訴我。婦忽自空入。縞衣領緣間。簇針如蠟。炬頓滅。僅燼一蠟。婦逡巡欲前。遽麾之。卽隱。關就寢。席爲針刺。屢拂如故。起移床。而壁間紙動。揭之則複壁也。關引刀秉炬而入。有物相撲。刀舉炬熄。且見白狐死壁下。

妖履

桐鄉嚴簡津。讀書茗上。深夜獨坐。有麗人扣戶。入之。詰所自。云宅眷也。嚴疑其祟。凝坐至漏盡始去。

。明日告歸。抵舍。夜夢麗人貽以弓履。果得之枕上。雙繡紅灼。嘗出之示客。

贛榆妖

吳興朱口司理淮安。署贛榆縣事。暑夜命僮摩足。俄若針刺。視之非僮也。少婦也。伴任之。且摩且寐。刺漸深。醒又僮也。仍寐。且叢刺。驚起。又老婦也。朱命燭。又叢刺。怒甚。見老婦入壁。破其壁。老婦立自如。朱折几撞之。相格鬪。稍倦。妖倚牆而立。朱舉椅抵妖于墻。不可脫。僮刃其背。白毛如綫。蓋狐孽也。

立志充

山西懷來道。右布政。諸城立志充。公署有樓多祟。閉久矣。立特登之。積塵累寸。其妖冠進賢。服金緋。凡六七人。或排衙鼓吹。或宴樂。如此不一。嘗簡立稱都臺。其墨淡。留數日。字滅。立計迫。縱射之。妖拍案笑。接其矢。乃縱獵犬。發銃。斃數十人。冠緋者預焉。妖雖絕。而立以通賄。營開府。事泄下詔獄。棄市。

魯府童子

崇禎癸酉。夏日。魯世子以派。忽見一童。南髻藍衣朱履。行日中。杳不見影。世子急尾之。忽歧爲二。相盼卽失之。邑人吳大行本泰。使魯府。有詩。

素娥詩

長安鎮人。某。讀書臨平山中。晝值歌伎。作歌伎琵琶詩。矜誦不已。俄縞麗叩門。詢之曰素娥。留坐歎其佳詠。某媿謝。求和。素娥朗吟曰。故側雲鬟尚帶羞。聲聲猶唱八甘州。歌來無力眉常歛。彈到傷心

指半柔。腸斷花前絲繡怨。魂銷月下夢陪愁。惹人無賴輕歸去。今夜誰能伴錦綉。某戲請伴。笑許之。拉往其處。室具俱白。宿數夕。送之曰。如念我。可時至也。某自此詩思日進。秘不示人。瑄昌論說

魚妖

湖州烏程。董威。故尚書份之裔。蒼頭某頗饒。庚寅夏。有物空中求飲食。韋則見禍。懼而享之。則黑氣如雲。飲啜甚壯。屢索不已。某以告威。威亂後。好養生家言。釀以羽士。俄擲磚石詬怒。而洞庭山隱士施亮口。生有道行。召治之。雖遁而不絕。某乃訴之城隍神。詬怒如故。威言於烏程令劉壘口。清執最有聲。遂齋沐告城隍曰。陰陽各有所司。何得縱妖擾民。妖月餘來。云我求食。無大罪。今城隍釋我矣。爾其奈我乎。威因檢道藏有曰。凡妖魅。爲符咒所不及治者。製桃弓柳箭伺其至射之。如其法始絕。蓋太湖魚妖也。

徐氏妖

邑諸生。徐仁振。故太守伯徵子。家西鄉。庚寅七月朔。步庭除。拾書曰。歲在戊子。仲秋月。中秋夜。予坐書齋。見月缺。紗窗玩賞無已。幾無何不覺困憊。爲睡魔纏擾。夢至徐似翁家。直入新樓下。見其室燦爛。徘徊久之。少選。主人出。叙論。握手。揖我與坐。主人東向坐。予西向坐。相與道賓主之誼。甚懽。主人因言曰。予宅非凡地。下有玉鯉魚金鱗而赤尾。其泉直通大海。予先君以爲善。卜居於此。予聞主人言。方且驚且異。且信且疑。俄而地裂。有魚出焉。化爲黃龍而去。是時予駭甚。始信其言之不誣。忽聞戶外喧然。猛然而至。詢之。則諸公子射也。予亦起人人叢。視決勝負。但見諸兒操弓挾矢。其仲子連發十矢。合式者三焉。旁有鳴鑼者。七聲緩。三聲亟。於是諸賓客觀鄰觀者蓋如堵云。懽笑倍常。予亦驚覺。已月轉中庭矣。特予自思之。予之與似翁。素無相識。且不通姓氏。無故而遇我以寤寐。豈其後予與似翁終非陌路。而姑於今日天作之合耶。抑予之後有興者。而姑借似翁示顯應耶。否則似翁

家之事。無關於予。予何故而得此南柯一夢也。予亦不詢其事之有無。姑記以爲後日之驗。應思發矢之人。似翁太守號也。仁振以呈太守。謂黃龍句慮禍。燬之。弟誼振手錄焉。是月十三日誼振卒。或龍飛去。十矢三中其兆云。而妖記特奇。從太守塔吳口口寄示者。

浮提國

海外浮提國。其人皆飛仙。好游行天下。至其地能言土人之言。服其服。食其食。極意與人同樂。欲返國。頃刻可萬里。萬歷間。葉侍御按江西。有司言市上一羣狂客。善黃白。極飲娛樂。市物甚侈。多取珠玉綺繒。償之過其直。滿用金錢不甚惜。及抵暮。忽不見。詰其逆旅。衣囊俱無。有請大索。侍御不許。召至前。果能江石土語。手持一石如水晶。可七寸許。舉之案上。上下前後。物物入鏡中。照極毛芥。又持一金鏤小函。中有經卷。烏楮綠字。如般若語。覽畢則字飛。願獻此二者。侍御却而遣之。明日遂不復見。平湖沈長水先生集

宋氏烏巢

蘭溪山何宋氏。烏巢於樟。其鳴似云何相傳樹應越州。有男子探巢。得千金。謂越州者。紹興也。因賈紹興。投逆旅。解裝。飯于市。且縱步。忘逆旅姓氏。失其處。僅腰微貲而返。則烏啼如初。仍探之。得大鏹五十金。上有字。此金贈與送金人。男子又持往紹興。隔年餘矣。值舊逆旅出其故囊。男子曰。此天以賜若。吾自有五十金也。備道其事。締好致富。首行疑有誤。

豕言

仁和橋司領村人。畜豕。將召屠。令妻飼其餘豕。忽聞人語聲。察之。一作徽人音。一作蕭山音。一作松江音。妻驚卻。告其夫。夫走聽。果然。其家亦亡恙。

瘞孩復甦

澤州原天順。八歲。被市人毆死。訟官驗。瘞數日。有狼啣出仍活。

鷄子中魚

嘉興項氏口家。剖鷄子。中有魚。躍於地。忽不見。

鵲啣兌馬

雲南黑井。鹽課提舉司。竈三百五十三丁。每丁帶耗費月納銀三兩八錢一分九厘。司官婪蝕。每丁加一毫。馬重三錢一分八厘。上官不問。萬歷六年。新安汪雲秀。來提舉。如前例。忽一鵲啣兌馬飛去。復置一馬。又啣去。雲秀懼而欲裁之。僚吏不可。因循半載。事發抵罪。

天書

崇禎丙子。西安縣市人王氏。忽雷雨中。偶觸產室。雷雨遂霽。塔上有天書。二子不孝。他日重治。八字。似行書。徑二尺餘。似以積沙成之。滌不能去。頃之自滅。

象山妖異

嘉靖三十七年。三月。有妖祟六人。一老嫗。四爲媳。一爲女。至邑之梁氏托宿。舉家俱無所見。惟一幼子婦。見而逐之。相與叙禮。延入內室。問答唧唧有聲。供茶畢。婦啓曰。尊客宅居何處。老嫗答曰。家居不遠。世與宅上有舊戚。今歲各當遣女翁。往嘉蘇買物。家乏主。特來相倚。婦唯唯。備告於姑。姑疑婦爲祟所惑。具牲體賽之。老嫗等怒責之曰。事急依人。吾非鬼祟爲禍者。何以生物食我。令婦熱而進。

之。盤盂盡空。夜邀婦同宿。無異生人。如此者半月餘。始去。既而人詰其婦。云老嫗雖耄。而容儀修潔。不凡。其婦女數人。則世間所絕見者。竟不知其爲何怪云。

隆慶二年。九月五日申時。有紅鷹。將葉明家十歲兒。自東門攫至天字號觀風亭上。其父急禱趙元帥。奔追獲歸。及詢其故。兒荷趙元帥鐵簡擊鷹。始得活。

華歷三十年。五月二十二日。縣城中妙華堂。忽有異人。胸背各懸一鏡。手執紅棍。肩負紅袱。兒童爭視之。遂化青煙而去。以上俱象山縣志

陽武泣聲

嘉靖三十二年。三月。陽武縣西北門外。白晝無人。聞有如悲泣狀。凡三日。時云鬼哭。是歲河溢。其旁厲壇。衡漂朽棺枯骨。不計其數。陽武縣志

雷神書

萬歷十五年。六月。獲嘉辛豐里人。王好仁。妻帥氏。挽兒乳哺。忽雷震死。所存僅皮。骸齒輒消盡。兒無恙也。皮有雷神書二行。鄉人莫識。

叢贅

沐英

沐英。祖籍饒州樂平縣。李姓。先墓在大汾潭。洪武二十八年。沐春乞遣將代鎮。親詣樂平致祭。八月進封春黔國公。不許擅離。

蘭溪金訓導曰。沐英。祖徽州績溪人。專掉舟。歲莫值地師失路求渡。因問其淪落狀。閱之。留于

家。春初雪。地師偶步。奇其地。歸問沐氏。曰。此族人某山也。若得之。易易耳。吾屋三間。彼欲之。索直三百金。故不果。如舊屋。則山歸我矣。於是成券。果得山。且爲擇葬。矚曰。行當有大禍。願不發也。尋爭渡斃人。戍定遠。

徐達

徐中山祖墓在豐城同曹水。南向。曰二八居士墓。
中山王墓。在鍾山不封土云。細竹下卽是。像白晳而厚。面目不甚雄偉。

李文忠

李岐陽墓規制遜於中山。石馬一存。其左蔓草間。尙未畢工。

替身出家

本朝自太子諸王降生。俱剃度幼童替身出家。不知何所緣起。意者沿故元遺俗也。野獲編

翰林官

翰林叙銜在官下。元時卽然。他官品在官上。詞林稱閣臣。堂翁老先生。閣臣不論首次俱綬。掌院不綬。翰林學士班僉都御史上。出道雙棍。值政府不避。講讀學士班僉都御史下祭酒上。日講官軟靴短衣。便於洪對。展書官短衣跣御案西。大司禮立案左。先展書。以案高。展書官不便也。

良鄉帶

京官俱繡服。惟行人司在京。青素角帶。出至良鄉。易補服銀帶。號良鄉帶。

御槍

高皇帝御槍二。藏南京午門樓上。大者幾盈握。脩可丈六尺。小者脩殺四之一。圍殺亦如之。蓋馬稍也。

多學

平涼華亭縣多學。洪武間監察御史。巡按山東。其子孫改爲黨氏。

從征日記

巢縣俞通口初。以親軍宿衛。出入行間。終鞏昌衛指揮使。世襲。年六十二。著從征日記四帙。藏於家。未刻。述國初事異於常聞。山陰朱燮元備兵隴右。得錄本。今佚。

僧道不衣綾羅

洪武二十八年。正月。校尉賴謙。見神樂觀道士陳丑。道衣青紵絲襖子。在街上執之。以僧道止許穿紬絹。不許穿綾羅也。有旨以神樂觀樂舞生釋之。予兩匹官絹。壓驚。

鎮海衛指揮

常遇春幕客上官口。專掌書記。遇春薨。口上思及上官氏。召其二子入。分姓上口授鎮海衛指揮。官口授山西口衛指揮。

又常遇春紅旗千總薛口。從征陳友諒。以三百人受圍。上高望救出之。薛首已隕。猶執紅旗不仆。上拍其背曰好兒子。甚苦。始仆。常熟許子洽記。

蒲壽庚子孫

太祖禁泉人蒲壽庚子孫。世不得齒於士。蓋罪其先世。導元傾宋也。宋端宗至泉州。招撫使蒲壽庚來謁。張世傑分淮兵二千五百人。命壽庚將海舟以從。壽庚閉城門拒命。與州司馬田眞子。上表降元。帝遂如湖州。

綠幘

蔡邕獨斷云。漢武帝幸館陶公主家。召見董偃。偃着青構綠幘。按 明制。綠幘最賤。係教坊人所戴。或董偃本賣珠兒。從其賤也。

葉好文留犢

洪武五年。山西葉好文。任交河令。治行爲時第一。升知定州。初以一牛駕車。抵任後。產一犢。比去任。留犢與民。

徐杲廝

洪武間。指揮徐杲廝。出兵河套。地名梧桐樹。一日午間。有大星墜於河中。火發延岸上。營中軍有傷者。後徐氏父子以事被誅。杲徐氏獨應之也。抑別有所應而不知耶。

勅主簿

洪武十一年。三月二十九日。勅聞喜縣主簿郝伯祥曰。縣屬府州。於民爲切近。必得上循國法。下悉民情。長於撫字者。以任佐貳之職。郝伯祥今授將仕郎。平陽府解州聞喜縣主簿。爾尙恪盡乃心。使政平

訟理。民安物阜。斯爲稱職矣。爾其懋哉。

喪麻

喪服用麻布。取其賤惡。古未有棉布也。棉布始自漢。北方麻布貴。棉布賤。又喪家雖隆。冬必以麻。非禮也。

畚客

盤瓠之餘。錯處於虔漳潮之間。以盤藍雷爲姓。汀人呼爲籓藍婁。籓藍婁。汀人稱之曰畚客。

學錄直講

國初。上幸太學。學錄象山應元徵。進講大學平天下章。賜錦衣白金。

黃麟題聯

日月光天德。山河壯帝居。相傳解學士題殿門者非也。洪武中。莆田黃麟伯厚。以文學薦。對大廷。稱旨。賜第一人。授翰林。應奉冬至祀圓丘。御制門聯云。大明日月光天德。洪武山河壯帝居。麟伴狂。踢仆之。上怒。麟奏曰。此陳後主句。天朝效之。不既羞乎。上曰爾使易之。麟口占曰。乾坤一統歸洪武。日月雙輪照大明。上稱善。

六鰲縣誤

俞憲登科考。弘治己未科。三甲進士。林文煥。福建六鰲縣人。按漳浦縣二十三都。立鎮海衛。轄陸鰲玄鐘銅山三千戶所。則縣字誤也。又海寧縣志。永樂十二年。貢生沈常。銅瀝縣丞。今銅瀝縣無考。

胭脂匠

宋元來胭脂匠。其法黃蠟火化注水中。澄數次。絕無渣滓方用。遠近無能造者。日貨十數金。後爲僕人傳方。始廣有焉。安陽張氏風範。

南京不打五更

宋時大內五更絕。梆鼓徧作。謂之蝦蟆更。以禁聞而百官入。所謂六更也。明初。南京不打五更云。太祖常夢人求還地。許之五更頭。遂遲其刻。

外道留勅

往時布按二司。如提學備兵屯鹽分守巡俱不繳勅。得傳其子孫。近例。事竣始繳。見郭子章蜀草。

崖山紀功石刻

元。張弘範崖山紀功石刻。題滅宋年月。口明。廣州守閩縣林洋。改刻曰。宋太傅樞密院使張世傑死節於此。

成化中。廣東提學敘事。晉江趙瑤詩。忍奪中華與外夷。乾坤回首不勝悲。鐫功勒石張弘範。不是胡兒是漢兒。

僞夏陵宮

甯夏賀蘭山之東。數冢纍纍然。卽僞夏所謂嘉裕諸陵是也。其制度倣鞏縣宋陵而作。人有掘之者。無物。

賀蘭山。崖壁險峭。延亘五百餘里。上有顏寺百餘。并夏人故宮遺址。自來爲居人畝獵樵牧之場。弘治八年始禁之。以上俱寧夏鎮志

甯夏鎮大城。宋景德間趙德明內附。遷興州。卽今城也。周十八里。高三丈六尺。池深二丈。廣一丈。城樓六。角樓四。壯麗雄偉。可容千人。韋州在靈州城南四十里。蠡山在城西二十里。

庫喝

延安宜川縣西北。川南爲漢。北爲蕃。蕃通漢人。以香火爲庫喝。

邢冕

新野邢冕。洪武初進士。除江甯主簿。勵志清苦。婦張氏。躬執杵爨。太祖徵行至其宅。親見。翌日朝。召冕出班加賞。因開其軍伍。

乘馬石

北人門外俱例乘馬石。戰國策。趙武靈王云踐石以上者。今同。

尺

周一尺。當今浙尺八寸。當織染所。欽降金星牙尺六寸四分。

知縣本貫

金華府志。永康知縣。呂兼明。呂文燧。俱本縣人。仙居縣志。洪武四年。邑人任繼先。除仙居知縣。時法令嚴峻。繼先畏之。六年。歸隱於下黃。其教職任本貫。頗多。不載。

獲嘉麥秋

獲嘉縣。麥秋時。男子樵麥中野。以網包盛之。毋論鄉城婦女。及隣境老幼。率尾樵者後。競拾遺穗。多獲者至斗計。莫禁也。獨從網包中採取。謂之抱包。卽甚少。立見諍語。此大有古風。蓋詩人所謂寡婦之利者。此也。

實錄

高廟實錄。一百八十四卷。諸臣列傳特詳。

文廟實錄。一百三十卷。載諸臣字里科甲轉歷如由狀略。見其爲文。善者無大褒。惡者無深貶。而勸懲之意亡。

漕艘

相傳國初漕艘。太祖命焚其一。秤得鐵釘若干。按宋許元初爲發運判官。舟多報破釘。鞠之數。蓋陷於木中不得稱盤。故可以爲奸。一日元至舫場。命拽新造之舟。縱火焚之。火過取其釘。鞠稱之。比所破。財十分之一。自是立爲定額。

蘇松田額

蘇州各屬田土。九萬二千九百五十九頃五十畝五分三厘。秋糧米二百三萬八千三百二十三石五升一石七勺。松江各屬田土。四萬二千四百七十七頃二畝三分八厘。秋糧米九十三萬九千二百二十六石二斗三升二合七勺。

潘陽三使日本

浦城潘陽。三使日本。永樂中以行人出使日本。回獻德化書。永樂大典成。陞禮部郎中。轉鴻臚少卿。再使日本。還陞江西參政。落職。洪熙初。起南兵部主事。宣德間復除鴻臚少卿。復使日本。

張泌

永樂初。光祿寺卿潁州張泌。最被寵遇。清江彭銘以畫名。上命繪泌像。開面方具。亟命取視之。賞其肖似。首首至再。今其家藏有賜像。并角端圖。潁州志

狀元母

馬鐸母卓氏。李騏嫡母葉氏先亡。繼母黃氏。俱封安人。

御史乘騾

舊制。御史陸路止乘騾。宣德十年。九月壬辰。行在兵科給事中朱純。言巡按邊方。或遇警。與總兵鎮守等官會議。不免遲誤。乞予馬匹。以便其行。從之。

經筵

凡天子初御經筵。例。閣臣二員進講。並大學首章。或易或尚書之首條。

審錄

凡內臣曾奉命審錄者。蒸輒畫壁寫像南向。法司堂官隅侍。御史與曹郎。引囚聽訊。以爲榮觀。

鐘

本朝。帝后初喪。每寺。各聲鐘三萬杵。

學魁

凡儒學輒書魁字。廬陵縣學明倫堂前。刻宋文天祥所書魁字。方廣丈餘。

安南試錄

安南試錄。四場。制義。論。策。詩。賦。

展書官

程伊川先生。論經筵第三劄子。貼黃。竊聞講官在御案旁。以手指書。所以不坐。欲乞遣一人指書。講官稍遠御案坐講。按本朝經筵日講。俱有展書官。又司禮監內臣持牙籤指講處。

北狩

大同曹安家。有巨几一座。英宗北狩。還得所御也。昇此至陽和。總兵曹安易以輿。留几於家。

王越

潯城威寧伯王越。父邑掾也。年七八歲。值縣丁祭。籠免者因窺兔。兔逸。時越稱神童。縣官賞以詩。矢口曰。我今放汝上廣寒。慎弗遺跡到人間。慙慙寄與嫦娥信。丹桂留枝待我攀。

鄞縣屠中丞大山。子本峻。作中丞年譜。某月日。訪故威寧伯王越於山中。即日逝去。夫襄毅計聞。遣餘姚王伯安治葬。今日。蟬蛻羽化。雖未及赤松。視韓擒虎之爲閻羅多矣。聞襄毅薨後。或遇之於太山。後其孫往太山迹之。晚遇老人指曰。去此不遠。從燈竿下往。可也。望燈竭蹶。良久。夜半抵家矣。則

向之老人。蓋卽襄毅也。

萬歷中。醒神翁詭王越。又天啓切。方士詭羅洪先。燕齊怪誕之習。豈足信乎。崇禎時。術者某游燕齊。有壯色。捧茗甌者子也。反白首。謂不好道易老。或伺之。則白首者。父耳。

董朴

麻城董損齋朴。少魯鈍。目不能數行。隣人惜之。語其父曰。郎君不慧。奈何苦之。曷不令牧耶。父忿之。命工畫牧豎於座右。苦志力學。比長而慧。登成化甲辰進士。終江西布政司參政。

楊志陳金坡稿

鄞縣楊文懿志。陳金坡稿中。無錫華孺人墓表口誌。又言孺人卒時。其族謂孺人之行儷矣。蓋節以一惠。而以賢孝稱之。於是誌之。書題與爲傳者皆如之。獨孺人不能從。蓋節以一惠者。周人之諡法也。在禮生無爵。則死無諡。爵則大夫是也。魯莊公誅縣賁父。檀弓載之。曰士之有誡自此始。記失禮之由也。後世士而私諡。若陳文範陶靖節。君子猶或議之。而況婦人乎。婦人從夫之爵而已。諡惟后夫人得之。雖大夫之妻未聞有諡。而況士民之婦乎。然則族稱婦人。而節以一惠。過矣。宜孺人之不從也。

陸氏占產

鄞人張瑄。總督漕運。時常席臥郵舍。語侍吏曰。若等有異聞乎。吏曰。里中陸氏。奸而橫。侵其隣鄭氏。盡其產。撤其居。立園宅。所餘惟嘉樹一本。陸氏晚得子而暗。數歲游於庭。忽指樹曰。樹乎。爾猶在耶。家人大驚。已而復暗不語。問誘之。不出聲。稍長。荒淫驕傲。靡所不爲。家罄乃死。張文定瑄營堂集

端宏名宦

當淳端廷赦。巡按兩浙。其大父宏。故浙左轄。諸生議舉名宦。杭州守婁志德曰。此厚道也。顧其孫將以巡方至。而吾儕舉之。如公論何。行俟去後圖之。及去。竟寢。杭州府志

崇禎丁丑。閩縣陳瑄。守嘉興。其大父日休。以貢士司諭海寧。在萬歷初。事遠聲杳。諸生追祠之名宦。此與端宏事正類。時無婁守。見古今人相去多矣。又天啓中。潘汝禎撫浙。潘舊令瑞安。及瑞安令來謁。問吾舊祠何如。令出不意。強對曰。小民感佩。廟貌日度。出語人曰。舊祠不知在何所。今惟有重創耳。

應聲病

弘治間。杭人裴師召。頗有文行。一日腹語事頗驗。師召恥之。數月不出。遇山東人言其實。其人曰。向病比求死。道見異草。卽拾之。忽植一草。腹語之勿食。吾意昏之。物卽洞下而愈。遂斃草。得之南高峯。將食。果腹止之。食刻許。腹雷鳴。下大虫如矢。狀如蛇。疾良已。杭州府志

馮蓋齋給諫。每發言。腹中輒有聲應之。遂告病。卜居南京。楊守極用小藍煎水飲之。卽吐其虫。金陵瑣事

先輩書刺

弘治間。邑人祝虛齋孝。以主事。佐治吳淞水利。華亭侍郎顧清來刺云。辱與顧清拜。單刺博二寸。縱四寸。字大如指。微黃。有花影。又虛齋寄人書。亦黃。折柬式如前。面有花紋。二事。並目覩。又嘉靖間。許給事相卿寄弟書。直名十弟。相卿。

武宗微行

應天金明府應祥。家長千里。武宗南巡。值迎春日。微行。見其家大樹集鳥。突入而彈之。諸臣皆微服

以從。

朱氏書間

寶應朱氏家乘。有書間錄。載正嘉間。友人所遺凌谿射陂兩先生書。稱號。連牘不作客柬。如楊一清自名石淙病叟一清拜。升之先生道契。蓋先輩也。景前溪司成。竟稱賜頓首凌溪先生年大執事。今薦紳通問。名刺尺牘外。又有駢啓。萬歷末駢啓外。又小啓。其詞略簡。凡三副楮。一全簡。浮飾之極。士大夫專覓人供應。如百函並發。劉穆之直當疲死。何暇理他務耶。

新城王氏

山東新城王氏。先世有王叟。與其嫗。力田稍自給。有貧措大夜盜其廩。扼其吭而燭之。故某齋長也。憐之曰。勉旃勉旃。吾夫婦終不暴君之短。因出黃梁與之。人無知也。新城王氏七世祖。鰥居。一日天大晦冥。良久既霽。於塵室中得一好女子。年十八九。云外國人也。乘車遇風。忽然飄墜。遂爲夫婦。今王氏。百年科名。貴盛無比。謝肇淩五雜俎

金史。有國子學齋長。予少時。猶見廣文。呼廩生曰齋長。

字說

嘉靖前。諸公文集。多有某人字說。蓋猶行冠禮也。故以字重。其後雖淵儒碩學。見之字說者寥寥。古道陵夷。亦其一端。

原潔

胖城原潔。成化辛丑進士。歷官戶部郎中。督餉大同。以羨餘還所司。忌者以藥瘖其音。因致仕。蔬布

以終。

林濟民

汝陽林濟民。弱冠時。母病篤。命娶婦。入門。母卒。濟民哀毀逾禮。葬。廬於墓。服闋。始合。卷。鄉里稱之。成化丙午。鄉薦。教諭漳浦。以身率人。陞贛榆知縣。

密箴

晉江蔡清密箴。欲爲一世經綸事。止熟數篇緊要書。口格天之功。興於衽席。溺身之悔。誤於詞章。

虎枕銘

江西左布政使。岳池馮訓。正德二年進士。嘗任興化知府。作虎枕銘。太守抵方壺。適多警。虎三日兩授首。鼠狗足評乎。太守徵其方之將。請裁骸作枕。而寢其鞞。銘曰。非爾鞞。吾何枕。非爾鞞。吾何寢。起視海岱。吾安吾朕。中疑有誤。

余禕令箴

鄱陽余禕。正德口口貢士。任清流知縣。陞建寧府同知。尋卒。清流人立去思碑於東門。其作令箴曰。先生制爵。子男同位。羸秦變法。縣邑是設。千室其民。百里其地。上應天皇。下分王治。孔門稱口。路勇求藝。漢室傳賢。循良豈弟。卓彼先覺。猶或難之。抑余何人。而忝職斯。坐堂鳴琴。盛德無爲。德旣不足。勞瘁奚辭。片言折獄。至明所推。明旣不逮。詳慎是宜。撫字之實。惻怛至誠。赫赫洋洋。得非虛聲。

薛天華左戒右箴

廣東右布政使。晉江薛天華。作左戒曰。毋通要路書。以務養節。則俯仰不瀆。毋預塵紛事。以養寂則外內不擾。毋徇末俗態。以務養高。則志行不羣。毋受非禮餽。以務養廉。則彼已不失。毋妄竇從以務養交。則戚黨不棄而善彙集。毋苟出言語。以務養德。則靜操不爽而口過息。毋逐戀嗜好。以務養神。則和倪不伐而天氣全。毋厭薄遲鈍。以務養量。則機心不熾而真性得。毋譏訕世短。以務養福。則不伎人以見直。而鬼責消。毋虛邀時譽。以務養誠。則不矜己以見賢。而潛德進。毋妬嫉雋能。以務養才。則不設阱以誣善。而有獎藉之功。毋欣羨法勝。以務養尚。則不競侈以蠹俗。而右由禮之漸。作右箴曰。遇暴上。思以禮臨之則不可犯。臨頑民。思以仁悟之則不可仇。御羣小。思以嚴遠之則不起侮。統列屬。思以正率之則不傷威。寮友有過。思隱規而公掩之。則忠不失厚。庶民有議。思修靜而密弭之。則謗不至叢。受纖介之私。思以欺君爲懼。則勤公益。至明一分之祿。思以報主爲心。則舉職益謹。怨者人。所易懼。思精白以任之。則廷有分謗之士。難者人所易避。思口實以徇之。則朝有仗義之臣。卽有口喜。思畏義以制之。則無佞實之賞。設有暴怒。思觀理以忘之。則無溢法之罰。

易刻

伏羲氏八卦。象各三畫。三代因而重之。爲六十四卦。文王命名作彖。周公作爻。孔子一翼。說敍雜象傳象傳繫詞文言也。宋朱元晦始定今易。爻次彖。象次爻。文言次乾坤。分上下篇。終繫詞說敍雜傳。國初易刻今程子易傳。朱子本義。成化日本化教諭成矩。單刻本義。今遵之。

張孟元

安陽張孟元。天順乙卯貢士。終南京職方郎中。孟元還里。徒行訪人。不敢乘馬。云城中冠帶乘馬者。自廉使賈公迎憑始。副使馬公卿勸乃翁乘輜。曰寧步行。不取人恥。張氏風範。

副廣文

廣文例不祠。而崔後渠。洵詞。有威縣重修陳教諭祠記云。陳子名燧。莆田人。成化丙午。以詩來教授。著講義。日勵士。師聖賢。却其束修之問。凡四年。遷教國子云云。

十老會

弘治初。夏邑有十老會。參政金醞。副使楊德。知縣劉恭。朱鑑。劉銓。縣丞劉安。教諭因賢。口官朱理。醫官王淳。口官徐銘威。每會。弈棋彈琴賦詩。時形圖繪。夏邑縣志

女節

弘治正德初。良家恥類娼妓。自劉長史更仰心警效之。漸漸因襲。士大夫不能止。近時冶容。尤勝於妓。不能辨焉。風俗之衰也。安陽張氏風範

犒市

北邊犒貢胡。茶一斤。直六金。布一匹。直四金。緞紵直三十金。太僕市馬。專給京軍。互市馬。給邊。凡官市皆駕。駿足必私買。

總督體統

藩憲見巡撫都御史。有常儀。自韓雍總督兩廣。極威重。三司官至庭。跣伏謁。唐珣繼之。仍其禮。左布政龍溪林同曰。公昔福州府守。且長揖上官。况方伯耶。亦長揖。珣不懌。以事挫之。不爲動。

雲南三天子

雲南人。謂沐國公中天子。撫臺東天子。按臺西天子。以公署相次也。土人尊其土司。多稱天子。或呈

守令云。天子爺。千歲爺。夷習如此。昔田州岑猛。播州楊應龍。上官輒責其帝制。亦拘於漢法。未諳其俗也。華亭包爾庚。守羅定州。有投牒云。千歲爺。杖而遣之。

香稅

泰安州。泰山碧霞元君祠。均州。太和山真武祠。俱官徵香稅。給諸司俸。涿州娘娘廟亦有稅。

北新關稅

宋黃震東發志提幹。趙宗英墓云。淳祐九年。秋。予始居行都北新關稅。田君穆。騷人也云云。觀此今杭州城北新關稅。雖始成化時。南宋亦有之矣。

武廟賜詩

武廟南巡。至鎮江。幸楊一清第。作七言絕句。見車駕三幸錄。又王九思作刑部左侍郎咸寧張鸞墓志云。戊辰三月。廷試進士。充讀卷官。是時纂修資治通鑑成。得賜。又御制寫懷回文諸詩。

朝儀

外吏入覲。春正月。天子郊祀畢。越旬日。御奉天門視朝。諸司始奏事。方岳守令咸趨御橋南。跽免冠。俛伏待罪。刑部尙書。率左右侍郎上御街北。跽讀彈文。繼而科道皆有彈文。各推老成一人。北面跽讀大意。言方岳守令等。若弗能事事。宜真之法。以示懲勸。天子咸口出德音。特宥之。以勉圖後效。於是各頓首謝。呼萬歲。出。翌日早。具公服謝午門外。然後吏部以黜陟上聞。

御史出差。以都察院題定。命下之日。必兩人並跽。傳制云。東邊的起去。蓋國初臺班聽特主。今雖題定。猶徇其例。外官候吏部注選考科。堂吏呼曰。進士官打躬。舉人官不許打躬。於是乙榜聞之。深自

色沮。此例或起嘉靖間。意以前。科貢掾史並用。何軒軒乃爾。又吏部直房有坐机。止坐甲榜。如乙榜羣集。一甲榜至。並起避。不但班役呵之矣。

行人司藏書

翰林院國子監。雖藏書。俱不及行人司。以行人出使。例攜書歸。各輸公署。

薩琦變俗

閩縣侍郎薩琦廷。書上世色目人。至侍郎喪葬。遵朱文公禮。變其俗。

觀場儒士

嘉隆前。學使臨場。大考諸生。又大考儒士。錄之入闈。不售得附學。其不願者棄去。故人稱觀場儒士。萬歷猶大考儒士。然鮮中棄者。後大考儒士絕矣。

古醋

延平府城東北報國寺。五代唐時建。初開山。僧嘗留醋一缶。經數百年。色味不變。

酒

桑落酒。秦人訛桑爲喪。改稱秦酒。徐宗伯學謨曰。予憶十五年前。京師貴人席。最珍喪落酒。當是時。已多避忌。亦未聞避桑作何稱者。而今秦酒之名。爲補者誰哉。痛乎人情。蓋習軟媚。世江河下矣。且桑落酒名極雅。本無所觸犯。而且易之。又何有於他事哉。可發一嘆。海隅集

瓊州人。醞酒不用麴蘗。有木曰嚴樹。搗其皮葉。浸以清水。以粳釀和之。或取石榴葉花和釀醞之。數

日成酒。能醉人。

杜進

嘉靖初。臨穎杜進。任九江通判。於三年夏四月朔。見兩頭蛇不殺。曰修短豈彼尸之哉。越十四日疾卒。見雀後渠墓志中。

陳紫峯論學

晉江陳紫峯先生琛。字思獻。蔡文莊高第也。官南京吏部考功郎中。歸養母。起歷貴州江西提學僉事。並不赴。四方從學甚衆。其言曰。道一也。無高深大小顯微遠近精粗常變同異。自吾人所見。則有高深大小顯微遠近精粗常變之殊。此所以有難知易知。有可以語有不可以語。苟能一曰豁然。則剛風上搏不爲高。南極下入不爲深。茫茫載地不爲大。涓涓穿石不爲小。鬼神屈伸往來不爲微。草木榮悴開落不爲顯。經濟乎四海九州不爲遠。致慎乎闔門衽席不爲近。聖賢制禮作樂之本不爲精。童子灑掃應對之節不爲粗。周公誅兄不爲不弟。石碣殺子不爲不慈。大禹之家傳。不爲德衰于堯舜。湯武之放伐。不爲得罪于夷齊。陸象山之主靜。不爲枯寂。朱晦翁之分析。不爲破碎。周濂溪專授太極於二程。不爲私學。二程不授太極于諸子。不爲各教。蓋太極渾然。事事物物。無不各具。吾人耳目所見。有常有不常。心思所測。有得有不得。此高深大小顯微遠近精粗常變異同所繇分。而學者之進入。不容無難易。教者之指引。不容無差等也。

陳祠仆像

丹陽宋陳少陽東先生祠。鐵鑄汪伯彥。黃潛善。赤體跽庭下。長可三四尺。泥苔滅膝。推不可動。嘉靖戊戌。南安鄭普。以無錫令爲南戶部郎。舟泊祠下。登堂瞻拜。畢。守祠者出紙筆求聯句。普題云。一片

忠肝。千古綱常可托。荒庭虜膝。平生富貴何爲。二像應筆而仆。頭抵頑石。石爲斷。時張黃門選。黃二守希雍在焉。咸駭異之。

劣考稱師

洪侍郎朝涉。督學四川。真大雷譚啓劣等。啓登嘉靖壬戌進士。知晉江縣。至則脩弟子禮甚恭。後巡撫勞堪。誣執朝選按察司獄。啓時正爲副使。嘆曰。吾師被搆。吾不能救。而尙仕哉。卽解組歸。

相國父不祀鄉賢

晉江王遵嚴先生。作同安楊憲副逢春墓志銘云。在崑山。邑有故相。嘗欲奉其父祀於鄉賢祠。邑子論有異同。君持之。故相滋不悅。按故相。則頗文康鼎臣也。位極鼎軸。鄉議難徇。今半綸崛起。輒靡然趨之。萬歷中。錢塘機戶傅時。冒錦衣百戶。其先人某祀鄉賢。時敗。追奪。崇禎中。吾當吳中彥。先以布衣納貲武英殿中書舍人。其大父璧。故贈御史。亦祀鄉賢。中彥敗。追奪。二贈君雖未叢垢。然警宗之祭。政自宜慎。

方太古

王陽明先生。過錢塘。山人蘭溪方太古。享之脫粟野藪。明日。陽明報如山人。方曰。野人爲野人。固當。公徹侯。而野具。得非情耶。陽明爲笑謝。

胡僖神助

蘭溪胡副使僖。性惡殺生。嘉靖口省試。寓潘氏園。羣蟻數十萬。聚于室。童子欲火之。胡不忍。徙于他所。暨入棘。三書義至乙夜而就。蟻戢戢筆端不可逐。久之。始別搆四經義。思忽全涌如泉注。蟻亦絕。

不見。遂高薦。主司謂公四經義。殆神助也。

詹傑

休甯詹傑。松山。年八十二。屬末疾。晨有黃冠叩門曰。吾欲游白岳。願一見而翁。傑見之。則曰。吾有藥。可以益子七齡。而子未能服也。命取盂水置案。出瓢中末。少許。內之。水忽涌熱。凡百餘沸。而藥自團爲二。如梧桐子顆。搏之墜於石。復盂之。曰。扁家廟七日而發也。贈以一緡錢。一襲衣。不受。出中門。忽不見。滿七日啓扇。則異香襲鼻。水半耗矣。將服之。疑其非常。復扇之。後十餘日疾大發。更啓藥。失矣。

季宗道

常熟西門內。虞山言子游墓。或云嘉靖時明府季宗道。瘞鶴。以子游土人。不可無坏土。故飾之。言子游塋申詳。同子游子曰仕衛。以上俱許子洽說。

藏金變石

諸暨路增。鋤山中。得大鐵可五十金。鑄有字。方晨臥。見四人奔語曰。非爾物也。問所歸。曰。汝兄物也。時兄對寢。急授其兄。兄亦枕臥。明晨兄弟謀釀於神。視金色漸變如石。其字如鮮。以示市人。猶大鐵也。

三過鄖陽

秦州徐蕃。孫女適沈良才。徐沈並鄖陽巡撫。從大父。從父。從夫。凡三至鄖陽。父嵩。浙江按察副使都御史。

王恩民棄妖書

雲南臨安。王得民買屋城外。庭鑿魚池三尺許。起石版。有小方塘。四週甃甃。一小几。几上有書一小冊。開視兵書也。未載採戰引魂二方。得民試之殊效。其引魂方。於婦人則呪一物與食。其婦夜即至。於女子。則得其生時呪之。無不驗。其弟諸生恩民。借閱溺之。恩民戊辰進士。位中丞。人謂棄此書之功也。

盛端明同鄰

廣東揭陽。盛尚書端明。起宅。鄰人質成。辭曰。我先世舊鄰。一旦舍我去。何所稱兄弟乎。

曾氏譜

嘉靖初。山東曾氏。口合譜江西過杭州。宿仁和嚴氏。疾卒。嚴氏得其譜。改冒曾。今立先賢曾子祠。

慶成王百子悞

晉府慶成王鍾鑑。子四十四。長子奇蹟襲封。外一早夭。二廢庶人。餘四十人。封鎮國將軍。女四十九人。孫百六十三人。曾孫五百十人。見玉牒。王元美皇明盛事述云。慶成王百子。悞也。鍾鑑謚溫穆。獻徵錄。悞端順王奇蹟。

張太宰遜弟

仁和張元洲瀚。其弟濂。先發解。登第。嘗赴人席。時輩羣向濂揖。元洲笑曰。舍弟年長。又元洲婦。初怒其以斥場屋。未免室誦。元洲走靈隱寺僧舍。倦臥一榻。時僧新沒。方接散無費。故其徒暫出。而元

洲不知也。須臾鬼入視。呼曰。此人乃張天官耳。

故宦優免

華亭顧文傳宗伯讀曰。鄉先輩。任公勉之。沒未葬。里長編其子弘爲養馬夫。教授張公以白太守。上處葉公冕。葉大書榜於門曰。今後均徭。故官子孫。一例優免。

嚴世蕃養子

嚴世蕃。分宜相嵩之螟蛉子。見趙時春作王與齡行狀。

總兵撻知縣

嘉靖丁酉。梁震爲陝西總兵。之平涼。迎劉都督。知縣王詡。素廉能。謁惟長揖。震筆之二十。諸學諸生。聞與震辨。震縱僮搏之。各毀髮敗面。平涼府志

駱文盛

嘉靖辛丑。編修武康駱文盛。分考禮闈。其從兄孝廉錦。以屢困公車。欲編修免入。庶得應試。編修不聽。錦引避。志甚。尋卒於家。勉其子力學。安知後人不詞林也。錦孫從字。萬歷乙未進士。歷南京禮部尚書。

張烈

華亭張烈。官都水主事。微時。作三字銘。不能詐。寧守之以直。惟其然。故無悖於德。不能諂。寧守之以貞。惟其然。故無傷於誠。不能貪。寧守之以廉。惟其然。故無愧於天。寶日堂

張二郎辭官賞

上海張二郎。勇鸞善泗水。嘉靖末。太守方廉募之偵倭。斬級。賞銀寄庫。支四食。事平錄功。世百戶。賜官妓。並辭不受。行乞。宿岳廟。廉後撫吳。召予庫金。仍辭。以乞終。上海縣志功成不受賞。長揖大將軍。如張二郎。鶉結乞食。尤奇。

金傑棄官

嘉靖戊午。江寧令蘭溪金傑。由貢生。性恬憺持正。不事鞭撻。裁省供億。致忤上官。任半載。一夕謁上官。授吏以印。竟去。不知所適。家人號泣。倉皇而歸。後聞隱九華山學仙。江寧縣志。

張承

安陽張承伊嗣。教諭南宮。善詩。與盧柟謝榛善。所著石湖集。柟嘗題四溟書舍云。石湖詩。如蒼山老人。奇丰峻骨。四溟詩。如金閨冶婦。雜繪錯錦。張承曰。丁巳余教諭魏縣。盧仲木寫詩。余告以詞畫俱弱。戊午。與謝子獻寫詩。子訝詞畫更弱。嗚呼。豈知二兆爲死之兆。所言爲仲木之絕筆也哉。

孫思聰

嘉靖四十五年。春甘露降。項城縣典史孫思聰宅槐樹。甘香殊常。未幾。思聰卒於官。

東洋行縣

福建東洋行縣。在寧德縣十五都。嘉靖辛酉。倭難作。東洋民乘亂恣掠。以其地僻民頑。設一縣。縣令林時芳。申建行縣於周墩。分主簿一員。驻扎其處。賦稅就其徵收。

朝鮮慕王元美汪伯玉

朝鮮史。史曹參判。尹根壽子固。同子進士昭。至京云。小邦極慕王元美。汪伯玉集。卽童子。皆能授讀。隨有詩懷兩先生云。大海雄文迴紫瀾。齊盟狎主有新安。平生空抱投鞭願。悵望南雲不可攀。

十友

武康編脩。路文盛兩溪。書款。山寺十友。蒼髯翁。松。抱節君。竹。冰雪主人。梅。晚香居士。藥。懷素子。水仙。碧菜道人。菖蒲。秋江逸客。木芙蓉。月露主人。梧桐。幽芳處士。闕。雲華仙。蓮。嘉善鐵庵相。士。傳十友。茶。醒友。鷗。閑友。雪。潔友。菊。貞友。石。介友。松。高友。蘭。芳友。香。清友。竹。篆友。其一。蓮花。淨友。蒲團。禪友。塵尾。談友。柱杖。老友。青氈。舊友。紙帳。夢友。孤鴻。遠友。落日。西友。寒蛩。吟友。楓葉。紅友。其二。

田千秋葬像

蒲州千秋好學。善擊劍。嘗鑄銅像。鑄己名氏葬之。語人曰。使千百年以後。人得之卽神仙也。

海鹽燄火

海鹽人。善製庭燎。元夕特盛。吾縣硤石西山廣福寺。有宋碑勒。名曰監海鹽縣激浦鎮兼燄火公事某。夫庭燎。細事耳。見於帶銜。亦見前代綜數處。

汀人善舟

汀州九龍灘險激。舟人世居灘上。習水性也。精其業。舟人入灘。例倩最能者爲護。護一舟下。反謹其

次者。世業。亦勳姓。又僅數人。誓不外傳也。

販海

閩粵入顯販海。今延及浙直。自太倉崇明出洋。載淡水。人日給六甌。泊島亦可汲。或未易泊。抵日本對馬島。應或早彌島。將至。舟聲三炮。島人出逐。登貨於邸主。延款一日。聽島主定直。華人多雜居者。亦好花木書籍。

王希周自刎

嘉靖辛酉。和平知縣。閩縣王希周。蒞事三月。有東壩張德傑所寓人。已行。通判王佳。以縱盜治德傑死。日以東壩人藪盜。欲屠之。希周不聽。夜勒開門發兵。希周度不能止。拔劍自刎。佳乃已。

吳承恩報仇

吳江。吳邦棟。大司寇劾菴公山之幼子。以諸兄聯第。意營秋試。爲怨家所訐。少年惶急。飲鴆死。邦棟仲子承恩。壯而憤其事。誓必報。陰結力人某刺殺之。人無知者。數年後。力人與婦語。婦呼曰。爾不嘗以吳王孫殺某氏乎。隣人訟于官。承恩下獄。論後得釋。雖事不以正。其志足矜也。

汪在前

歙縣汪在前。父炎。承平湖。忤太守徐口口下之獄。在前以諸生視橐餽。日伏謁求解。不爲禮。是年丁卯。在前舉南闈。戊辰成進士。任嘉興司理。其去橐餽時。未隔歲也。太守郊迎。素好貨。至是廉潔。士民傳誦。爲一時之奇。士固不易皮相哉。徐敗官去。在前遷南京刑部主事而止。蓋兩相構云。

丁賓

嘉善丁清惠賓。嘉靖甲子。鄉試。隆慶辛未進士。名稍後。鄉同年支大綸先登第。性矜倨。至丁所。見進士福曰。四十名外。不成進士。答曰。尙有下第諸公。箠令句容。父戒之曰。汝此行。紗帽人說好。我不信。吏巾說好。我益不信。卽青衿說好。亦不信。惟瓜皮帽子說好。我乃信耳。治句容六年。入覲。謁江陵師相於朝房。師相曰。聞吏績甚著。答曰。更三年尤好。師相曰。迂闊。吏部因不考選。江陵見單曰。句容不當遺。選御史。

錢若賡

鄞縣錢若賡太守。初鄉舉。家人烹雞。失其首。及聯捷。烹雞立候。又失之。時以爲異。自臨江守下獄死。家人召箕判曰。若要出。待天突。果天啓初。釋。

梁邦瑞

駙馬都尉邦瑞。尙穆宗永熹安公主。素患衄血。選時。潛然血下。司禮馮保受賄。禮部尙書徐學謨阿其意。俾病夫進選。陷公主媼居。見通政司右參議梁子琦疏中。

邱樞遣子婦

隆慶辛未進士。諸城邱侍郎樞之子。早夭。嫁其婦。華亭陸給事樹德。問及駭之。侍郎曰。噫。柏舟之咏。錄於聖人。懷清之臺。築於天子。此河岳間氣。可概望之人人乎。

高儀尊師

儀塘高儀。文端相國。父。業染。兒時戲污染籍。手錄不遺。吾寧朱舜臣。適見之。最以力學。因受業焉。躡冠。登巍科。終身事師甚謹。有蒼頭至朱氏稍恣。時舜臣教諭金壇卒矣。文端方大宗伯。遺書教諭。

子。痛自剜責。

陸樹聲

華亭陸平泉先生。以侍郎予告。南還。值孝廉舟。競前。其僮曰。我相公官不止此。陸徐呼其僮。入舟諭曰。相公他日不爲我官。但我前日。曾經爲相公官。

江陵票簿

萬歷初。江陵張文忠票簿。歲積寸許。旨極簡切。嘉善錢寒菴。史官時特彙錄之。後入相。頗得其力。

劉臺

臨川湯顯祖。甲申見遞北驛寺。詩多感。故侍御劉臺附題其後。江陵罷事侍郎出。冠蓋悲傷并一時。爲問遼陽嚴譴日。幾人曾作送行詩。

湯顯祖

湯義仍。舉隆慶庚午鄉試。以文著。鄉人姜曰宰宣城。萬歷丙子。義仍過訪。宿口寺。識梅鼎祚禹金。得交沈孝廉懋學。嘗同課寺中。有楚客。角巾葛服。通候。問里氏。曰江陵張某。今相國父行也。疑之。然不敢忤。留飲且贖焉。客辭曰。二孝廉入京。相國期一晤。意頗懇切。至期並寓燕。前客果來。勸謁相國。各未決。客曰。第訪我。相國自屏後覘之耳。沈獨往而退。客又至。語沈曰。相國善足下文。謂福薄耳。招義仍。終不往。尋沈雋南宮。對策進士第一。義仍下第。然深服江陵之知人。能下士。爲語常熟許子治云。

禁殺牛

萬曆初。巡城御史楊四知。禁殺牛。榜宣武門外。多回夷世業。萬家鼓噪。總憲亟令收榜乃定。夫禁殺牛。未爲非也。羣習難改。故善治者。貴因勢而利導。毋拂衆以就功。又郴州獠人。雖竊一雞必抵命。嘉靖末。某官欲改行漢法。獠人立表倡變。太守南安陳學伊檄仍其俗。乃靖。

申其學

日照申其學。田明經。令睢寧。呈開府李世達。築城未得決。亡何。開府。經其縣。城且半就。驚其何自。對曰。不費官。亦不煩官。開府詰之。曰。令來時。邑故多沮洳。菱稿也。而務閒無事。民與廁徒。飽食坐臥。廢棄可惜。日課之樵。久之。菱稿山積無所用。用之陶。得甃以巨萬計。度爲城有餘。獨少灰與工食。今賣菱及甃。就矣。開府太息。助米千石。再過之。樓櫓具備。事在萬曆癸未。

王國光

萬曆壬辰。前太子太保吏部尙書。陽城王國光。里居。有婺婦李氏。或勸國光娶之。未行。時國光年高。亦不介意。會有他故。氏自刎。陽城令口口口故。噉國光。謂其偏脅死。實非也。巡按喬壁星疏聞。削國光籍。所樹石坊。俱糊名。不敢露。北人遵令如此。南人雖削籍。門額坊表如故也。錢塘太常少卿陳三謨。以江陵黨削籍。又坐殺人罪城具。其賜一品服坊。則吏科都給事中時也。至今存。

姚弘謨迎事生母

秀水姚少宰弘謨繼文。嘉靖癸丑進士。父訓導口卒官。母更適。依祖母劉氏。至成立。登第後。迎母歸養。克盡孝道。人方之范布文。

元輔家幹

張居正奴。游守禮。原缺二十一字。申時行奴。宋九原。三衛經歷。不曾仕一日。卽貶封。

海瑞

海忠介巡撫江南。華亭徐文貞階。家居。子僕積橫。訟牒山積。謀于珥筆。並不稱意。崑山某。年十九。最後至。見各案俱不視。第曰揚湯止沸。不如釜底抽薪。文貞聞而善之。詢其策。對曰。相公柄國久。願假尺一之書。走長安故人足矣。勿與此曹子角勝也。卽如其言。致書馮保。又賄給事嘉興戴鳳祥等。劾罷中丞。徐氏之訟熄。操縱旣熟。其後凡異彼者。俱以孔方撓之。烏程董氏亦然。

周天球

長洲周公瑕先生。師事文太史徵明。設象中堂。歲祀之。萬曆乙未九月卒。年八十二。無子。

邵虎菴

錢塘邵山人虎菴。善吟繪。讀書山中。有隱操。郡丞新建喻楓谷為。欲見之不得。怒奪其山。虞淳熙詩。老作閒民不負租。不濠不澗路應迂。叩門雙騎傳呼急。一片紅塵山已無。按楓谷擅聲藝苑。傾慕緇衣。而事同伐木。所以鑿壞踰垣之寥寥也。

續吳郡文

宋季。洞庭山鄭虎臣。選吳郡文萃。積四帙。虎臣卽殺似道者。萬曆時。吳郡錢穀。續吳郡文萃。凡二十帙。未付梓。今佚不存。

吳稼澄

孝豐吳稼澄。翁晉父維嶽。巡撫貴州。世稱詩人。嘗訪仁和沈工部伯含朝煥。有解帶對人之句。曠之。因謁選。授南京光祿寺典簿。遷雲南口州判官。晚號玄蓋山人。易簣日。命服山人之服如故。官非其志也。

嚴訥

常熟嚴文靖相國。家居。有老儒候之。詔相國曰。先生自視。與孔子何如。相國駭遜。老儒曰。非謂道德也。第論名位。相國曰。宜尼僅魯司寇。僕忝冒多矣。老儒又曰。老先生何如周公。承國益駭遜。老儒曰。當周公初造。又值流言。不如老先生作太平宰相。又曰。老先生何如伏羲氏。相國駭不能答。老儒曰。今日某卜祈伏羲氏。聞相國召。舍之而來。真過之矣。相國大笑。

楊春元

駙馬都尉楊春元。固安人。尚榮昌長公主。極有家範。貴而能孝。富而能禮。每召客。親視鼎俎。子光燮。錦衣衛。帶俸任都督。光臯。光旦。俱錦衣都指揮使。並讀書守禮。有父風。父卒于京。哀毀不勝。扶視歸葬。徒步百餘里。廬墓。母喪。七日不食。衣不解帶者三月。竟羸瘠而亡。

王述古笏記

禹州王述古。萬曆己丑進士。官刑部員外郎。作笏記。示歸德沈相國鯉。欲於祝壽日對仗宣讀。以免曠稅。然後起。歸德不可。令述古作奏自上。述古難之。鄆縣相國沈一貫良作揭進。不報。

陸平泉論風俗

棠邑許繩齋維新。侍郎。前守松江。問風俗信於陸宗伯平原。宗伯曰無風俗。許訝之。宗伯曰。公倡於上爲風。吾儕效於下爲俗。天下豈有風俗。

郴州象裔

萬歷初。貴池蔡太守言。郴州古有庫葬處。林木蒼蔚。犯卽見祟。守歲祭。問之土人。云某姓爲象夫人之後。衣冠未替。侑祀祇役。稱姑祖陵。數千年荒裔。猶叨國惠。

耿楚侗馮慕岡講學

或問耿楚侗先生定向。以天命之性。先生方欲擬解。其人曰。意公自言其性耳。先生爲之懼然。馮慕岡先生維京。會友於白下。凝然相對。或曰馮公何無講。座下曰。此人渾身是講。

林兆恩

莆田林兆恩。以艮背之法。教人療病。從者雲集。博極羣書。著三教會編若干卷。老得心疾。顛狂逾年乃死。今金陵有祠二。蓋其徒崇奉之也。○兆恩嘗師作小仙。

祝世祿

江右祝世祿無功。解褐當塗令。有馬指揮家逞壞。見窖金甚富。相傳故宋賈似道遺園也。窖衡三丈。長口十丈。深若干。事聞於官。承尉等爭往。無功獨不至。後按臺侈其事。上之朝。知無功不往。獨薦及。談遷曰。吾因祝無功事。而有感於近日也。崇禎壬午冬。有賈舶私販日本。携人參值十萬金。登吾甯海岸。將赴嘉興。土人利之。告邑令劉憲模。往捕之。盡收其橐。囚私販者數人。不以聞上官。賈人訴各臺。憲模報數先後多寡不一。又分參饋上官。如司理宋璜。卽百二十斤。實不能半。而初時捕役者乾沒不

與焉。其賈多者。人。陽城張藐山先生。時以大司農改總憲。或求先生東浙撫董象恆。爲諸賈地。先生不可。曰。利至十萬金。勢必上聞無益也。吾不敢預點墨。已而撫按果奏上。憲模免官。前予在坐。親聆之。先生歎服其遠見。政與祝無功事同。

朱中丞誤奏反詩

朱鴻謨開府。吳中。時關白多警。太倉王士驍等。羣習弓矢。或訐其反。搜捕手札。君實有心追季布。蓬門無訐作朱家。爲左據。鴻謨奏上。事下兵部。兵部口口口口伍袁萃。告尙書石星曰。此拜月亭傳奇中語。何得作反案。出坊本示之。尙書釋然。

馮少墟會約

萬曆丁酉。十二月。長安馮少墟先生。關中會約云。冠婚喪祭。當以會典家禮爲主。至於冠禮。久已不行。尤望諸公亟倡之。士大夫於每年正月六日。各携餅菓四器。酒一尊。同至公所。拜一拜再。二拜以見相答。已會中散。有年高步履不便者。公除餅菓四器。酒一尊。送至其家。非不得已事。不可不到。一彼此往拜。正用單帖。後輩與前輩用折柬。前輩用單柬答後輩。途遇前輩。下車立道左。候過方登車。一彼此往拜。務相見。不可概以不在辭。如談久。隨便出一餅一果。不必設宴。一彼此稱呼。或字或號。不必稱翁。惟後輩與前輩。仍用翁字。

梅衡湘論友

公安袁小脩中道。客長安。以學道未契。汲汲求友。麻城梅中丞衡湘國楨。寄書曰。貫城之旁。有日中之市焉。雖無奇瑰異物。而抱所欲者。各恣取以去。求友亦若是耳。公欲於此處求友。顯靈宮。古柏婆娑。委地作虬龍形。東使門外。奈子花如錦幄。可容二十餘人。晉陽菴中。有唐錫觀世音相。沙窩水。葛道。

士。隄。順城門守門。老中官射。亦不佞數十年內所得友也。公倘欲之。便以相贈。

朱氏世祀主司

靳水朱康侯。口口進士。大父方伯軫。口口嘉靖壬子鄉舉。房考滁州學正。全州李口口總裁衡州知府。德清蔡汝楠。監臨御史績溪胡口口。癸丑成進士。房考吏部主事泰和楊口口。主考大學士華亭徐階。侍講學士高安放口口。康侯兄知府長期。嘉靖甲子鄉舉。房考承天推官絳州孫口口。總裁憲副汲縣潘口口。監臨御史長垣徐口口。萬曆甲戌成進士。房考兵部主事崑山陳口口。主考大學士全州呂調陽。侍講學士高昌王口口。從兄口口萬曆壬午鄉舉。房考武昌推官長州褚口口。總裁按察僉事上海王口口。監臨御史常熟錢岱。康侯舉萬曆己酉。房考行人靳水郭口口。主考左諭德龍溪蔣口口。右諭德河津趙口口。庚戌成進士。房考洗馬渭南南口口。主考侍講學士宣化肅雲舉。侍郎王圖。並世祀於家。

趙御史論囚

萬曆壬辰進士。趙蘊菴口口以庶常改御史。嘗論囚。有禁卒。以獄逸代死。先一日獲囚。刑部不及聞。御史臨決。同同年李騰芳云何。李曰。當疏明其事。候旨。庶不枉不欺。竟阻於同事。殺禁卒。亡何御史死。

郭達

密縣郭達伯羽。萬曆丙子貢士。歷官真定同知。幼聘姚氏。偶失明。議退婚。達指天誓曰。我不娶。彼何歸。遂完娶。生子六。

蕭如薰杜文煥

萬曆時。蕭如薰。杜文煥。並西陲名將。能詩。有集行世。聊紀其一。新秋呈霽色。寒草正丰茸。杞樹珊瑚果。闔山翡翠峯。出郊分虎旅。乘障息狼烽。坐乏舒籌策。天威下九重。蕭如薰秋征朔方才喜淨胡塵。又見邊聲急震隣。雜虜橫行如烈火。諸軍堅壁似雲屯。纓冠義切寧違命。蹈刃心惟肯愛身。獨捷三師先報車。保全疆場報楓宸。杜文煥定西捷詩

盜俠

沁水竇牛。以父尉遷安。往候。遂還。出天津。值盜割筊。見殘簡薄之。生曰。遷安尉。安能厚耶。今且何以歸也。盜感悟引還家。貽百二十金。贈小黃幟。令道警。出示之。自是畏途示幟。彼悍少曰。自大兄所來乎。生得返里。其兄游河南。語此事於逆旅老人。老人曰。後輩草草何足道。因叩之。老人曰。少作此伎倆。今髮種種矣。無足問也。隨問客能射乎。客引強弓。而且赤。老人拓弓如輕綿。射飛鳥命中。客賦服。老人曰。平平耳。更截柳梃各二尺。置樹端。發鏗矢必中裂。又立木寸餘。矢俾木平過。又不仆。老人投弓而嘆。休矣日薄西山。可奈何。客今後如道警。第述某名氏。猶及免也。

曇陽子

王文肅家幹。曰五曰七。通敏敢任。並致厚費。文肅女字徐少參廷棟子。未行。子天。時王家有白狐。出沒作皮語。雲篆。或靜室枯坐。諸真駢降。非無因也。文肅迂而神之。侈言其事。聞於兩宮。俄而狐隱不復出。靈響遂絕。母朱夫人計窮。而王七獻計。爲紹興某生。密捐千金。以女歸之。某歸後。單門驟侈其奉。且女容止不凡。隣人挑之不可。或脅以無端。女吐實曰。我太倉王相國女也。聞於朱夫人。相國族父孝廉。號曰兼吾。其人強忍自任。朱夫人卽召其女置孝廉家。而通書相國。亡何相國報命。第聞孝廉室內泣聲。俄寂如也。又累月。紹興某生來。同至者五人。亦延款。亡何。並不見其出。則孝廉意也。王元美作曇陽太師傳。做唐人南岳魏夫人傳。四明樓熄指其妄。鄞縣屠儀部隆上城隍神祖之。後曇陽

子祠。爲雷擊毀。

王世貞

王元美先生。每夙興。燭下盥櫛。輒閱諸行狀。隨草一志傳。又成一詩。出報謁。肩輿頗敝。旁列書供。覽。所坐書室。設大缶四。隨事札記分投之。經月一理。夜客四人。嘗侍飲。有某別號性怩。嘗投繯求題。云伎所贈者。先生卽曰。鬱陶思君爾。其捷趣類此。

王問伯。士麟先生之長子也。先生與王文肅。非同宗。特契洽。嘗共讀恬澹觀中。兩家子弟比於雁行。萬歷壬午。問伯解額第一。成進士。文肅子辰玉。嘗過之。值其內櫛。不卽出。意不快。會選庶常。文肅當國。謂瑯琊素不以詞林重。問伯遂不預。雖文肅無所私。實辰主意也。故問伯怨望。及文肅還里。伺其起居。輒示東林諸公。絀于羣口矣。

司汝霖

巡撫福建右副都御史。江陵司汝霖。本汶上張林子。數歲失母。江陵司鏜。督運過汶上。與林善。乞爲子。年二十二。登隆慶戊辰進士。歷文選郎中太常卿。鏜再受封。後復姓。改名汝濟。卒年五十三。遺書曰。闕府非卑僚。半百亦長也。惟生我之劬勞。吾慚負于天地。

文在茲

萬歷口陝西初場。督學口口口閱諸生試卷。揭何龍圖第一。文在茲呈七義。謂文宗誤矣。必我也者。非龍圖也。督學溪然之。果在茲第一。乙榜首龍圖。次舉龍圖又第一。

無賴妄奏

萬歷丹徒張昱。奏其叔占收第一祖宗高宗駙馬培賜物。又第二祖蔡京丞相女盜物。并發吳慶封溷土衆寶物萬萬。湯顯祖若士詩。天帝詒諾一字間。宜和遺事莫紛紛。獨憐千載惟埋客。不到延陵季子墳。按金史宣宗興定三年十月癸未。平陽判官完顏阿刺左箱。譏察霍定和發宋蔡京故居。得二百萬有奇。准格遷賞。穢相封殖。祇供後人官幣。又供後人註墨。何不將六州鐵。鑄其身於銅山金穴間耶。

有司重聽

嘉興推官段鏤重聽。巡臺嘗問幾令郎。白外郎二十四人。滿室笑之。又無錫知縣謁學使。學使曰。曠臺于貴縣有說。答曰。已喻。明日進硯。問其故。悞曠臺爲硯臺也。尋免官。

雙乳

嘉善錢士晉。守大名。有諸生兄弟四人。貌各相似。問之。同乳。二人生正月。二人生臘月。俱歲內。記其髮偏全。

徐大相論魯綬

萬歷口吏部郎徐大相。先以國子助教。論稅監魯綬不報。綬內懼。進瑤異若干。列几上。上欲受之。適中宮至。問所自。中宮曰。國子先生論人。當不差。奈何受之。上卽麾出。中宮去。旋受之。

許會元稿

周安許懈子遜。辛丑南宮第一。先是下第南還。道賈。桐鄉祈某在昆陽。適值之。贖五金。子遜貽制義三百首。內食不厭精全稿。祈應試錄之。拔高等食廩。又易義。售姑蘇酒家六瓶。後冠禮闈。梓人購得之。

梅花詩百首

屠儀部隆長卿。求友人侍兒。令卽席賦梅花詩百首。長卿援筆立成。因歸之。長卿佻達不羈。先因宋西甯家。狎飲罷官。常游西湖。泊舟西陵橋。詞客滿座。語及前言。忽曰宋夫人。真絕色也。衆爲之匿笑。又曰。吾一夜可度男女十人。歛縣吳德符充。時在座。爲子言之。

趙文懿墓銘

崑山顧文坡聞雍。志蘭溪趙相國志早。墓簡隨嚴潔。大有古法。不似諛墓之習。銘曰。公初激昂。時宜勇也。公晚委蛇。道宜漸也。公學至偉。巍科猶細也。公用未究。久相猶促也。生焉顯靈。沒永靈也。

張九德

萬歷己酉。松江守張九德。同知楊勳。俱甯波人。張守嘗出郡治門。見治前大書一酉字。畢滿一場。賊而返。楊問其故。以實答。並不解其故。後四十年乙酉。松江陷。

虎入城

萬歷丙辰。七月晦。虎夜入杭州錢塘門。且逐之。踰城出。不能獲。湯隣初先生機曰。虎反爪爲虐。虎入城。主酷吏肆威。

偶然詠

韓求仲太史。敬。嘗入內。問妾今日何衣緋。曰偶然。何更換一書曰偶然。兩言可念。姚叔祥士麟。遂賦一絕。袖裏紅綃裏一編。偶然應答語新鮮。若教更問郎何似。嫁得郎來亦偶然。

冥衣

嘉興通判某北人也。嘗過市。見紙神等問之。曰冥衣也。心怪之。邑邑成疾。傳史卒取冥衣來。隸卒以呼名醫也。召劉巽峯。通判曰焚了。時以爲笑。

榜豐縣

孝豐縣令。其諱孝宗。每榜示曰豐縣。又福建龍巖縣北四十里。孝山縣。官始至。則祭之。謂孝凶名。或莫乃人。知縣黃廷圭。改曰壽山。自是不祭。而皆無恙。

攜李詩人

萬曆間。攜李詩人頗盛。姚叔祥起備書。丘遂本天甯寺僧空梵也。遂于岳氏。走補嘉善諸生。仍被斥。以詩游薦紳間。陳無功本隄郡守。勉侍史積資。官泉州府經歷。沈藻明德本吳氏舍人。並能詩。不諱其所出。明德家。設恩主思我吳公之神位。每遇人輒自稱名。殷東臯曰曰本村農。車水。手、綿紙書。陳眉公過問。則後漢書也。因勉之成名。

卑稱

府衛州縣佐貳首領官。見通判以上。皆稱老爺。與奴僕無異。萬曆間。濟南歲貢生王之翰。選口口主簿。見上官。一呼老爺。遽感心疾。見人輒曰。孝子慈孫。百世不改也。竟死。趙州選貢宋弘業。選州同知。上疏求與州縣正官。俱稱上官爲大人。奉旨下部准迪行。弘業見巡撫。遂稱老大人。巡撫怒而笞之。十五。憤恚病死。見家宰趙南星疏中。

許令典

邑人許太守同生令典。萬歷丁未進士。嘗徙官淮安教授。壬子分考四川畢。出游。見都人婚車餘從白衣冠。問其故。曰孔明卒時。蜀人俱服素。遠者遂以爲俗。不之更也。曰孔明孝。

太守往廟灣周氏。適新進士盛服。縱擠許墜下。從者指爲太守也。許叱曰。此處安得有太守。問其故。曰。我不代伊父母教他。

陳心得

萬歷己未冬十一月。崇德知縣陳心得。廨舍失火。延燬軍器庫。傷於火藥卒。今立祠。

臂紋

秀水陳居一太史萬言。嘗欠伸。左臂隱隱有文。旋膚理。若勳出文。中起寸許。長過之。乃玉筋篆一進字。卽以朱塗其文。用楮印倒篆數紙。鈎畫宛然。晡而稍平。見太史自記。

印綬放花

鄞縣董侍郎光宏。筮仕日口退食。案上印綬忽開放如清蓮花。良久始合。尋右遷。凡三放花。至侍郎。

趙南星

趙儕鶴太宰。以葉相國孫口上書言事。對人曰。葉臺山有孫。魏見泉無兒。時魏廣微來訪。辭之。魏曰。我卽人可輕。家亦可輕乎。亡何。魏因失廟祀見攻。

魏廣微

魏廣微父元貞。以清直名。廣微雖世學。經術疏略。同烏程朱文肅國禎在閣。河南上玉璽。擬聖諭一道。

各具草。魏云。人君得天下易。得玉璽難。文肅諷其改。魏曰。某得意在此。末年媚瑞之旨。駢四僮六。多元城黃立極。平湖施鳳來。二公筆。

陳長祚

長樂陳尚書長祚。以葉相國之師。致八座。相國解印。或規其引退。陳曰。雖年迫懸車。而少子求蔭殺。欲少慰之。辟如驢馬。非不願息。無奈人鞭其後耳。

汪文言

歙縣汪文言。以待兒事縣令施天峻。見幸。充庫吏。蝕帑事敗。逃入京。久之。黃緣太監王安。安時直東宮。因善中書舍人嘉善魏大中。侈附羽翼。自云本武生。大中轉掖垣。於諸公前詔爲其人。密託訪。隨委隨應。蓋上交冠蓋。下接胥吏。故於投合益巧。而僥倖正類。感慨以發舒其意。車馬如市。苞苴日進。轉應星回。大中中書善傳愧。大中劾罷。而吏部都給事中。關原許。阮大誠。同縣。左光斗恐其反覆。仍計出之。改用大中。各致隙。大中中書兩句疑有誤字。

括銅

天啓初。太僕寺少卿徐卿伯。括南都廢銅四十七萬餘斤。輸北京。二十九萬八千餘斤。留鑄錢。俱大內各官。銅窰銅溝等物。

黃尊素

餘姚黃御史白菴。微時。有友人承某。懸館致之。夕嘗酣歌。令君曹谷聞之。問于承。承言其實。命成之。後勿復爾。黃酣歌自如。承去聯捷。已嘗進御史。當連魏。敗名。

銀錢分定

建德鐵工某。欲往池州。過七井山。其上曠寂。忽見白金無萬數。作四堆。某熟視駭異。叩首曰。雖神呪。如隻力何。且追暮。先袖二鐮。行十餘里。宿村舍告之。約共取。晨往俱壘土也。袖金入池州。尋罄矣。嘉興李同知芳。家梅溪里。賫甲邑中。偶門外遺一錢者。類穢物。心疑之。俄行者拾去。遺問。則一惡錢也。同知嘆以我之富。一惡錢亦不可妄得。令易之以示後人。

天啓初。海鹽橫山張氏。蒼頭楊隨龍。春日鋤麥。得瘞金若干。俱刊楊隨龍名。其主徵之不應。被榜自經。訟及主人。大挫其產。亦累死。以阿堵物。主僕俱斃。故知管甯揮鋤不顧者有以也。

佞佛殊報

硤石鎮屠者曰渡海禮普陀洛迦山。同舟客某。雖積虔。以眩疾不輟葷。素卜于神不許。因循者六旬。兀且卜之利。至是登舟。謂風疾。備脯少許。俄觸風。長年徧詰諸客。其人無以應。奈何以吾故。貽患諸君乎。但乞登岸從之。時抵暮。荒山榛莽分必死。良久見山上有燈。意人跡。窮其所往。值途入告之故。途人謂我舟便。挈抵普陀。迅帆乘風。味爽告泊。禮佛下山。而前舟方至。賊問其繇。則佛力所祐。屠者能說客姓名。

天啓丙寅。太倉王氏航普陀。且至。風覆之。盡溺。

崇禎口口正月。大風雪。寒甚斷舟。香客或飢凍死。

丁丑口月。杭州天竺山。香舍夜火。吾縣斜橋口氏旅宿。以鑰其門。焚死。

名刺

詞林以兩雍爲外任。祭酒通刺司業。稱寅弟。還詞林。不復稱寅。

給事謁內閣。投刺稱晚學生。答稱知生。御史稱職名。答稱友生。萬歷末。葉向高人相。並答知生。崇禎末。左都御史李邦華。奏改御史。投刺如給事。蓋聞之黃湘。云奉旨。不知果否。

平湖趙無聲先生維寰。侍教辨曰。世俗士大夫投刺皆名。但繫京秩卽止。稱侍不用數字。於是有以銅臭掛名京銜。而日不識一丁者。公然效尤。以蒙于鄉里。則曰京官體態如是。予謂不然。侍以分言。臣于君則侍。子孫於祖父伯叔則侍。子弟于師則侍。其在交遊。惟于達尊稱侍則可。平等交。何侍爲。若教則無往不可。自聖賢以及芻蕘工瞽。苟有一言合道。一事可法。雖王公大人。亦將折節請益。而以區區腐鼠。遂爲天下無可受教見解。亦何陋也。此例想起於隆萬間。吾宗約之兄云。鄭淡泉先生。官銓部時。通刺吾相。稱侍教生不稱眷。以非至戚也。先生去今未遠。要見爾時古道尙存。今同省皆稱眷。眷本足。又益以通家。而獨斬一教字。蓋驕浮日熾。古道蕩然矣。此不當責之諸銅臭。咎在吾黨。志復古者。請遠衆。獨持之何如。

通家子弟

萬歷乙亥。留都部曹諸人。極一時盛。且脩先輩故事。易子而課。旬爲一會。各因所至。考其最殿而摩礪之。禮部蒲州馮竹坪公子擢謙。年十六。勞謙纔七歲。兵部則興業何鐵橋公子右雍。獲鹿曹嗣山子應徵。應名。名年十四。徵年十二。而雍與勞謙同歲。河源李斗野子樹植。年十歲。武進史禹門子志實。少樹植二年。而吏部涇陽維涇坡孫獻瑞。亦七歲矣。又狀元俞邦揆年十八。羽林前衛李承忠年十七。蓋諸公教諸子。館客之子也。駢問禮萬一樓集

書法

邯鄲淳曹娥碑真蹟。今在太倉王文肅家。包長明說
陳叔度與曹能始論畫曰。有友工書。尙未絕俗。奈何。曰筆未拙耳。拙則不俗。

嘉興助教李曙巖原中曰。凡人書法。濃筆多天。淡筆多壽。

茅筆

陳白沙先生。自製茅筆。作大小書。傳于世。人莫能效之。

產異

萬歷丁未。吳縣石湖陳某妻吳氏。產白魚。後又過期不產。一日請治平寺僧。誦經祈祐。忽產一胞。剖之。一銅法馬也。重十兩。鐫萬歷二十六年置。

徐州吳端妻。初生子。歷五十四日。忽嘔三角物數。澹之。乃銀二錢四件。五六日連嘔數斗。合之得大錢七十五。皆有年號。

朱國盛朱積遞誚

天啓時。工部郎中華亭朱國盛。黨逆魏。歷加尙書銜。魏氏敗。國盛除名。鄉人朱積因宿怨。同陳子龍輩。上書刺之。輒稱逆黨。積登崇禎癸未榜。選庶吉士。從李自成。邊歸。國盛誚爲順黨。題楹曰。寬著肚皮包世界。掙開眼孔看時人。

沈灌

烏程沈文定相國。南司業時。魏忠賢以事至。重其才辨。厚禮之。且薦於同年巡撫口口。贈遺過望。忠賢感之。天啓初口口相口科給事中。惠世揚以太學門生來謁。勞閣人沈光一緡。三日。終不爲通。世揚志。首攻文定去。

熊廷弼

輔臣丁紹軾。馮銓上私刻像遼東傳。因殺熊芝岡。丁卒時。見熊索命。又王化貞同熊臨訊。在道輒賄市人。頌王冑熊。

朱國祚

王司寇紀。論沈淮削籍。初。朱文恪擬旨未苛。上自改重。時旨出。人多疑文恬愴怨。司寇曰。秀水長者不至是。乃烏程構我耳。

毛文龍

天啓丙寅六月。金人遺毛文龍書曰。古國家興亡。皆天運循環。其將亡也。必災異屢降。各處兵起。其將興也。必天然護祐。勳而成功。南朝運終。死數未盡。天使喪亡。將軍豈能球之乎。良禽擇木而棲。賢臣擇主而事。韓信陳平。棄楚而歸漢。劉整呂文煥。棄宋而歸元。此皆默識天時。擇主而事。名垂後世。自古天生帝王。不念仇隙。祇論功德。管仲。桓公之仇也。不殺而相之。遂成霸業。敬德。太宗之仇也。不殺而將之。以有天下。今將軍縱竭力辦事。君臣皆迷。反受禍患。南朝氣運已盡。時勢已盡。悔之不及。文龍不報。

董應舉屯田

董應舉奉屯田之命。給帑金若干。亟於成事。出價買田。業主包租。董去任即廢。蓋墾荒可久。今本熟田。何以永賴。錢相國寒菴說。

顧秉謙

顧相國宴魏忠賢。窮珍極異。覓奇錯四十盤。令吏四十人。頂獻。上紅簽書某味出某地。又自然其鬚曰

。本宜認子。但不用我白鬚兒。命二子台碩台砥稱孫。立勞二百金。壽忠賢文自稱通家晚生。二子稱門孫祝。

樊良樞

天啓丁卯四月。浙江學使南昌樊良樞。自口口還杭州。登江岸失印。三日或得之司前石獅口中。尋出試衢州。投劾去。

箕仙

天啓二年。五月。杞縣趙太守彥復。游百泉書院。有客召箕云。淮陰侯也。以遼事。判曰。好將國事與君籌。將士無心欲解謀。幸得天心猶未泯。還看英武定神州。又問又判。云云。其自咏曰。當年初構未央愁。日月無光水倒流。敢謂漢恩原自薄。已令楚客作俘囚。青山不掩英雄骨。白日難銷天地憂。我欲爲君論往昔。青衫濕透淚還流。

戊子。山陰白洋朱氏。以亂召箕。問避地之所。在鄉乎。曰不可。在城乎。曰不可。然則城鄉間乎。又不可。展問其故。曰不在劫中人。無可無不可。

魏忠賢

太監魏忠賢。籍沒後。崇禎二年七月晦。吏科給事中李遇知。巡視內庫。同各省估諸物。抵文武官俸。有花梨木。烏木。雕花彩。黑彩漆。黑漆螺甸。各項大椅二十五。上有龍文鳳彩萬壽等字。問之內監云。神宗皇帝寶座。逆賢家籍出。又諸臣上壽錦幢。崔呈秀祝壽文二篇。顧秉謙壽六十壽文一篇。張瑞圖慶榮壽序一篇。黃立極疊承恩綸序一篇。馮銓祝上壽上公俚言百韻。沈惟寶生祠記一首。張宏德祝壽壽詩一篇。馮銓詩曰。德稟乾坤秀。身依日月光。惟山寬濺髮。瀛海大汪洋。甲代名方大。於功性自昌。

嶽靈生伯甫。苗裔出高陽。文武人稱傑。經綸世待匡。器含商采潤。胸富甲兵強。偉略高伊呂。雄才壓
 管商。粉榆超漢苑。運會際軒唐。已識天顏喜。還知夢寶良。楓宸心胥切。禁苑姓名彰。玉佩趨長樂。金
 貂傳未央。袍分仙仗彩。袖惹御爐香。疏附明離照。周旋互震陽。前星初摺摺。幻海已泱泱。羽翼商山
 手。鷹揚渭水祥。龍飛時放墊。鵬運遂搏羊。博望真師友。承華賴贊襄。風雲應契合。魚水恰相當。輔導
 歸仁術。謨謀得智囊。鼎湖口再起。玉几命重揚。堯舜當我世。早夔佐吾皇。瑞國星舍合。令譽斗山昂。
 曉日通丹陛。春風滿玉堂。儒臣開竹簡。元老展青箱。雉尾雲排扇。鸞鶴羽列行。同占卿月皎。共仰客
 星芒。刻表尊公望。帷籌仗子房。謨猷規聖學。紀法震乾綱。大有時方泰。中興衆所望。英才初榮拔。宵
 小或顛狂。晉筆希鳴鳳。盈廷起沸塘。玄黃將易色。同異各胥戕。不有風雷震。幾令宇宙荒。燭龍開朗
 耀。魍魎息披猖。求舊存耆耆。維新洗肺腸。關門等上聖。重治法前王。黔首沾膏潤。穹玄賜福禳。苞鸞
 儀穎洛。寶輿見臨漳。部奏清河瑞。家藏棲畝糧。天人同叶應。中外體安攘。文若擎天柱。靈鰲駕海梁。
 純忠扶社稷。壯志掃樓槍。時下修刑政。軍興只棟樑。雁門無豕牧。雉堞固金湯。挾纊從天府。投膠自
 上方。律帥遵約略。驕虜敢鳴張。九載遁逃寇。一朝思啓疆。羽書連上苑。烽燧達長楊。更有機關巧。番
 來犖殺旁。虺蛇生肘腋。胡越隔蕭牆。先計潛相應。梟心未可量。公車頻領畫。鷓坐獨徬徨。非得宗臣
 力。焉能薄海康。運籌先俎豆。決勝溢疆場。太伯隨旌指。昆吾早劍鋒。有奸皆鼠竄。無賊不頭搶。麟閣
 分彪炳。雲臺共激昂。有功必上賞。口口德宜償。肝土口家業。分茅在帝鄉。山河延奔葉。閭閻盡冠裳。
 與漢推平虜。平拜實破羌。匪夷來弁服。甌脫化蠶桑。九塞威靈赫。三朝典盛襄。梯航歸玉帛。瞻視肅
 巖廊。頓口茅茨地。室容荆棘口。經營勞勞畫。樽節備周詳。桐梓共挺栢。櫻楠在棟梁。子來仍勿亟。農
 事更無妨。宸極端竟冕。中天起闔闔。百靈咸受職。萬國盡趨跽。口口龍蟠去。斯于虎拜颺。嘉猷高且
 爽。大國闡姬姜。帶礪申盟誓。威儀異壁璋。上公崇特進。七廟儼蒸嘗。玉綸褒口渥。雕弓頌什煌。曾庸
 先後意。史冊萬年芳。畏壘多尸祝。江濱徧芻蕘。承恩宏甲第。開宴沃春觴。嘉瑞生芝圃。輕裘解鶴氈。
 撮飯貞孟月。晴旭送餘涼。譯國餘玄雀。瑤池下彩鳳。上台輝煜煜。南極映蒼蒼。鼎熟珍香味。口口頤沈

瀋漿。大官頒御饌。笙響振幽篁。雅樂登歌繞。和聲係占鐙。玳筵青玉案。丹餌紫瓊霜。王母蟠桃日。安期大棗觚。添籌勤海客。托戟列朝郎。壯志千秋樹。箕疇五福章。羣情勸九錫。獨坐引雙黃。元宰無窮壽。朝家有道長。嗟予才朽落。念我學口涼。樽散原無用。粉榆徒自捨。明公垂顧盼。溝斷被青黃。知己稱奇造。禔躬竊慙惶。有懷惟鏤結。消渴欲膏肓。虛負雲天義。安能寢食遑。啣環恩莫報。結草德難忘。齋沐通魚雁。虔誠戒宮篁。願言千紀壽。長進九霞觴。

黃汝亨

杭州西湖。立魏忠賢祠。賜名永恩。浙撫潘汝禎倡之。祠始成。郡人黃憲副汝亨。臥疾不可起。魏氏敗。有奏汝亨以入祠釵論。被詬辱忿死。則流聞之悞耳。中書舍人新安吳懷賢幕客程于古。偶閱邸報。塗抹之。蒼頭怨懷賢。訐於東廠。捕下獄。懷賢承之。掠死。崇禎初贈官。禍不自斃。歿預其祭。人事真不可測。

余煌

會稽余太史煌。事親篤孝。既顯貴。父幼美。自期進取。不拜封命。俄歲試下等。太史適家居。令赴學代朴。勉如命。宗戚中阻。改令少子往。自是謝逢掖。受章服之榮。

天鑒錄

錦衣口口胡岐山。太監胡良輔從子也。寓京口往。來吳越。刺探陰事。德清蔡奕琛。以置海寧中書吳忠彥家。嘉興岳和聲。虞廷陞。合謀作天鑒錄。謂東林枉做小人。不贏東林。得爲君子。列名分注。凡五百七十人。品目三日夜。書成。託浙撫後牆把總口密致之逆賢。以把總其心腹也。又五千金。託岐山壽崔呈秀。謀薦起忠彥。

郭之琮

蒲州郭之琮。萬歷甲辰進士。歷宣大總督。常述夙生輪迴之苦。本蜀人。讀書山寺中。撥爐灰得二十五金。蓋老僧所藏。致憾死。書生亦沒。割作馬。其主富人。卽老僧也。被騎箱脅。痛過鞭笞。後轉生某氏。出胎方浴。自喜爲男子。舒手連生曰好。其家怪之。立溺死。又生郭家。念前死。九歲不言。偶讀一壽文。父駭問。因詳其故。自是夙語經史。居官記前因。勸人惜馬。

孫承宗

先帝好脩飾言貌。孫愷陽相國嘗面論兵餉云。肚子裏飽可戰。上曰。何其粗也。問引疾。溫旨宣諭曰。好出來了。

閣揭

閣揭。萬歷前。不數進。事關重大。命元輔祕啓。多所嘉納。先帝時。屢瀆視爲故事。不復經意。

先帝儉德

午日例賜諸臣蜀扇。崇禎時寢之。

待漏向憩內臣直房。例餽例酬一緡。上禁之。俱露坐松林下。賜大臣上樽。發之或江南白酒。蓋中宮

蘇人。故多吳釀。

周彧

嘉定伯周彧。樸謹。諸子粗鄙。雖貪恣大。不如田氏。嘗飲吳駿公太史。太史問宮中異兆。曰有之少。時

某嫗來。命出拜之。某嫗遽仆地。今想之。或不足當其拜耳。

田弘遇

左都督田弘遇。故博徒亡賴。走淮安。納中軍官。爲御史房可壯所撻。免歸天津。多養女。御史吳阿衡巡城時。納其女。云貴妃女弟。阿衡坐事下獄論死。因田氏力得釋。楊嗣昌本兵。迎合田氏。推阿衡邊才。歷總督薊遼。飲酒好婦女。戎備弛廢。嗣昌言其不可。阿衡疏辨。有云臣繼妻。卽 皇貴妃之胞妹也。又云。臣陽痿不舉云云。給事中葛樞糾其借援宮掖。語極穢褻。亡何。敵入牆子嶺。是日總鎮太監鄧希詔誕辰。阿衡及諸帥各往賀。不及備。甫宴。萬騎踰嶺矣。阿衡起坐。率裨將出禦。勢莫可遏。走一村堡。被圍數十重。越二日而陷。其家在鎮亡恙。弘遇挾勢黷橫。朝貴造請。權出嘉定周氏上。辛巳。來江南。過金陵。收子女珍異亡算。故太學吳興茅元儀妾楊宛。本吳娼也。善琴書。弘遇至茅氏。求出見。卽昏以歸。壬午。道臨清。幾陷敵。潛免。八月。貴妃薨。稍斂戢。明年。奏進其少女。年十四。有殊色。從楊宛學琴。曲不再授。先帝納之。數日不朝。弘遇善誘致富人鬪葉子。接坐決勝。左右陰爲地。富人心慚。手博。竟大負。至數千金。弘遇立置馬廐下。責進。不少貸。凡傾數十家。金陵太學某。悞餌其碯。一日罄產五千畝。亡何弘遇卒。明年長安陷。田氏逃民間。今爲貴家妾。

陸完學

大司馬太倉陸完學協理戎政。再蔭錦衣。時太監曹化淳提督。或問其方略。曰。自去自來。梁上燕。相親相近。水中鷗。專事唯諾。竟得善去。費縣張四知代之。郊餽。請教。曰。有四字相贈。行所無事耳。費縣初不以爲然。已悉如其言。所批牘。輒曰。照行。一日語吳駿公太史曰。行所無事。貴鄉陸曰翁見教。甚得力。吳曰。國之大事在戎。何云行所無事。費縣無以對。未幾內閣。

周道登

吳江周相國。性木強。不好矜飾。一日侍朝默笑。先帝見之。詰其故。不對亦不謝。既出。華亭錢相國尤之。曰：「已笑矣。奈何。」上自此寢疎。計問。僅祭壇。予半葬。典禮雖薄。猶同官幹護之。

綸命

百官地封告勅。屬詞臣。贈官告勅。屬中翰。崇禎初。贈高攀龍詰命。許士柔擅撰。被免。凡京營河漕撫按鎮巡等勅書。俱累朝成稿。不易一字。或當增改。經閣臣題允。始得命。長山劉相國鴻訓。以惠安伯張慶臻提督京營。勅書擅增數字。下獄。戊代州。

張翥

華亭侍郎張翥初。學行著稱。夫人陸氏頗妬悍。侍郎苦之。沙門達官有道術。侍郎以夙命問。令持咒口口口度誦半載。當自悟也。至期。恍覺前生戀伎某。登第負之。轉生陸氏。

起居注

上初命史官紀注。後召對。漸任喜怒。慮未可示後。罷之。口口講六人。專司起居。已執政。多奉密諭。不欲外聞。仍起居注。

錢謙益

常熟張漢儒。本縣簿佐史也。陳侍郎必謙。筮仕初入幕。後忤意。榜曰。革退張漢儒不許復入。漢儒恥之。已隣人失雞。嘗及漢儒。以隣屋爲罌給事式相也。漢儒通刺自白。罌不納。曰：「陳氏逐客。何刺爲。」漢儒恚甚。入京欲許必謙。會邑人陳屢。以家累逃京師。怨錢侍郎謙益。速其訟。語漢儒曰：「陳益。我無大瑕隙。宜先及牧齋也。」又訟師單良臣。常上牧齋六字訣。曰：「款曹。和溫。脅張。款曹。」謂司禮太監曹化

淳也。和溫。指烏程相國。脅張。指漢儒。良臣。隨自泄于履謙之子。履謙改爲激溫。脅朱。朱蓋撫寧候國弼也。撫寧方參烏程。卽上揭化淳。化淳大懼。不欲居款。遂盡發烏程怒牧齋事。而下漢儒履謙。并武舉王番。立枷死。番屋本陶氏。後歸錢氏。納價又折之。恨極訴京師。

何吾騶

香山何象岡相國。以未腰玉。不如意。錢塞菴曰。毋妨。雖未腰玉。人視之同爲閣老。何犀玉之異。嶺南巨宦。何太宰熊祥。黃宗伯士俊。何相國吾騶。陳侍郎子壯。並鉅富。於桑梓不甚稱也。香山專販海。侍郎至窟盜。御史李雲按劾子壯。朝儀不悅。例轉雲鴻。

程國祥

程國祥。清望素著。入相後。頗迎上意。啓其瑣屑。始搜民間房稅。

虞山後輩

常熟楊子常壽。初以太倉張采。張溥。謁錢牧齋。時同社溥其文。已采登第。溥又出宜興周相國。牧齋反囚之通相國。

李長庚

李夢自太宰。朝罷。例揖閣臣。時方更選法。太宰述近意。倪鴻寶云云溫相國體仁曰。此事老先生自主。與倪鴻寶無涉。

傅冠

崇禎戊寅六月。劉宇亮。傳冠。直內閣。是日直經筵。傳敷陳剴暢。進退詳雅。上退入煖閣。諸臣尙侍立傳。上方酌定枚卜諸臣。及出門。知傳等大拜。

楊嗣昌

武陵相國本兵時。丁丑觀政進士。二十六人。各受以楊襄毅傳集。云方略。嘗曰今日盜賊。須十而埋伏。法殲之。否則我東馳西驚。徒團走見困。而欲增兵。先議餉。議餉必加派。彈一二年之力。庶可蕩平。進士斂縣洪天擢曰。老先生策甚善。雖民方有限。果一二年蕩平。有何不可。若猶未也。民力坐困。將若之何。本兵色動。大不懌。

平鳥劉興教兵潰。上中夜召本兵問計。對曰。毛文龍牽制建州。有名無實。文龍死。留鳥兵無益。不如撤之。今未撤而潰。于我非有損也。明日本兵以語朝中。

翰林編修楊廷麟。論楊嗣昌庸臣非奸臣。嗣昌大恨之。謂奸猶可也。乃庸我乎。出廷麟兵部主事。監軍。嗣未旬有疑誤。

我備

戊寅。烽火徹於京師。大司馬登城。見單騎。驅難民二三百人繞城而走。命開門發兵擒之。將獻俘。訊之則胡婦也。職方口口郎笑曰。且未獻俘。待吾輩用過。始吐氣。

工曹繕械。且不給。忽命備狗籠一千。時有言猶犬最警。令發城司夜。不虞掩襲。從之。宋以羅江狗爲笑。世故未嘗乏也。

中府僉書謝弘毅。嘗侍班。召對詞臣。某遽出奏火器不可不備。上志曰。朕未嘗問及。爾對云何。某叩謝。

作文法

粵東某生。謁太倉張太史溥。其歷試草曰。因緣簿。游塗所著曰。山水志。俱就質。且懇作文法。太史曰。毋炫奇也。如因緣簿仍名歷試草。山水志仍名南游草。斯得之矣。

王思任

山陰王思任。恃才傲物。崇禎口口冬。諭停刑。是日曾徐九一汧於朝房。九一笑曰。此盛德事。可謂瑞冬。王號東王答曰。此亦九死一生。鄉人張汝懋。其門生也。過其家。聞鞭朴聲。張曰。命奴市鴨子。云主人不在。鴨子安得有主人。王笑曰。篋子爲之奴。鴨子獨無主人乎。

夢有字

崇禎癸未。五月。上夢有一人書有字。以語內臣。或曰。此大有之祥。俄會極門上疏言。陛下夢後。諸臣某某以爲祥。臣竊以爲非利。蓋有字。則大明去其半矣。云云。

上怒甚。兵下科郭曰。跡其人不得。又下錦衣衛帥。略養性跡之不得。霍達曰。此卽賊奸細也。

武備

崇禎時。杭州各城軒廠。撫臣某命兩旁各砌三尺餘。限其闔。蘇州城塗以石灰。以是言備。徒供識者一噓。

張次仲

張元帖曰。今人沽名釣譽。輦金輿帛。竭精殫智。終無所成。而古人或一事之悞。一言之出。往往流傳於後。反或不磨。所以人貴自立耳。

元帖論樂之質。手舞足蹈。如伍員鞭尸。黃香扇枕。老萊子戲采。皆是此意。

心竅

庚辰。山西大饑。人相食。剖心。其竅多寡不等。或無竅。或五六。其二三竅爲多。心大小各異。

周延儒再召

宜興再召。都督杜文煥日章。趨其家。告曰。相國聞命。例疏辭。而今事亟矣。寇胡交訐。勢不兩顧。其關係在松山之師。稍有蹉跌。大事去矣。相國疏辭。卽宜附密奏。撤師松山。回守關門。蓄力併銳。猶可支也。若待相國入朝而圖之。度行程三四月。則松山墜矣。關門豈能獨禦哉。上待相國厚。言之必聽。幸速爲計。宜動漫應之。殊不致意。及入朝。東帥果潰。而九塞之精銳盡矣。都督以語吳駿公。深用。追歎。日章博通經史二氏。善五七言律。

吳駿公太史。嘗請事宜興。如兵食河漕等。當若何。宜興但曰。有督撫等任之。並無他語。滑縣魏紹梁。井研陳河。接朝士。並曲謹。未嘗涉時事。井研卽瑣語。輒左右顧始發。實皆寒暄酬應語也。

孫傳庭

中丞傳傳庭。勤王。獨不召見。自疑懼。託耳聾。求免。上不許。陰令撫按道府偵之。各稱其聾。先是過易州。所部兵頗恣橫。辱學正口口之弟。適按臣委學正伺報。于是學正報。某日授某人與某人。非聾者。按臣以實聞。下傳庭獄。撫道府諸臣。俱落職。

曹文衡

劄送總督曹文衡。旣削職。樹坊于里。忤縣官。手搏其面。縣官大怒。杖之二下。下獄。

阮正中陰德

丙子海鹽訓導口口阮正中。恬潔自勵。署桐鄉縣事。三月積千金。爲吳給事麟徵所重。得補壽昌。浹歲始四千金。意覬溫州同知。時巡臺金壇鄧鋤。出壽昌隣宦某之門。以八百金壽隣宦某。鄧鋤許之。尋卒。未及薦。正中嘗候隣宦某。某爲其索負。苦無措。正中曰。某非求債者。慮丈人介意。特相慰藉。事之不諧。命也。願勿再及。某宦原乙榜。窮老止一孫。命出叩謝。俄巡臺來。又某門生。泣告其事。巡臺曰。此足徵壽昌賢。特疏薦。徵拜口科給事中。正中辭巡臺。巡臺曰。公隱德。非人所及。始如某宦之力也。又餉以三百金。不受。

白楹園石

聊城進士白楹。治園于臨清。瑩二石。致白章丘。頗幽麗。德州謝太宰陞。求之不與。謝方典銓。補楹盧氏令。被寇死。濟寧楊士聰詩。與寄烟轡組適意。禍胎花甸香歸魂。

科第陰德

隨州程鐸。崇禎戊辰進士。授惠州推官。庚午。分考閩闈。撒棘語門人曰。吾輩進身。雖藉文字。而積德尤爲之本。予記公車時。舟泊一渚。是夕北岸某家失火。有婦裸奔投水。予呼僮救之入舟。恐僮輩有他意。坐守徹夜。解衣衣之。凌晨歸其家而行。是婦見疑于夫。謂僮生。逐之。適懷妊不能明也。還母家。後舉子。岐癡可愛。少卽補諸生。雋鄉榜。戊辰同禮闈。初場稿畢。拍案叫絕。俄燭蕊燼其角。自度不中格。未瞻真。步于號房。見隔坐老孝廉枯坐。舉稿授之。記其名。乃程鐸也。鐸因得雋。成進士。少年來訪。懇問素履。漫以前事應之。少年泣拜曰。公真長者。吾母長誦其事。無路訪覓。今借以七藝報。于願足矣。乃述母見逐之故。其冤始白。故知陰德灼灼不爽也。備敘顛末。以爲門人訓。

鄆縣邵仲陟。己卯。館袁化祝氏。赴秋闈。寓婦意挑之。仲陟不應。侍女問餽茗餌。悉却之。或婦自至。避不接。且戒祝氏童。勿以語人。仲陟竟登榜。

吳培昌

華亭吳培昌。宰仁和。黷貨。時歲饑。借完漕。貸富民五萬金。半私其橐。營薦五千金。內召還里。即被豸繡。謂西臺掇之耳。兄事攜李吳昌時。同舟而北。志意驕溢。癸未。四月。河南道御史吳履中。同嘉興曹溶。恰事中長沙廖國遴。松江楊枝起。平湖馬嘉植。等。集松棚下。履中曰。將來罪人玷臺矣。公等何不糾之。問其人。曰吳仁和也。各言其黷貨。以隣近未便糾。國遴又他對。時侍御史大興甯承助。以堂考次等常調。國遴諷履中睿忠之。履中遂語承助曰。君授職來。曾被考乎。曰前被考未實授。履中曰。君能論吳培昌。則臺端生色矣。承助唯唯云。渠事未詳。枝起。溶。請任之。枝起列事狀。溶草疏。以承助名上。得旨。下培昌撫按勘理。培昌道德州。見報駭懼。亟反。昌時怒言路。謂此非逐培昌。乃逐我也。兼程入京。偵其事。陰代宜興揭言路。喜中人。往往不識而借陷。如吳培昌事。甯承助何曾稔之。實枝起。溶。等嗾使。陛下試召問。則立破矣。上尋召府部大臣對訖。手勅召承助。承助不知所出。上曰。爾糾吳培昌。能誦其奏乎。承助惘然。上曰。即未全誦。事可悉也。承助勉敘一二。上曰。奏不自出。當指其實。承助服而退。各責回奏。承助趣枝起。溶。商之。承助回奏。培昌穢跡甚著。臣謹當糾。第路遠未詳。訪之枝起。溶。非有他也。章上不問。枝起。溶。亦回奏不問。而昌時憾三人甚。托給事中常熟時敏。伺三人起居。三人謂敏同土。傾心告之。且求為昌時地。不知敏賣三人於昌時也。會推孫晉大同巡撫。昌時嗾宜興揭國遴等有私。國遴。枝起。下獄。溶。解官聽勘。而三人尙乞援昌時。其見賣久矣。

熊開元

嘉魚熊開元。乘陽姜琛。言事下錦衣獄。密旨。欲令都督駱養性死之。養性私語同鄉廖國遴。國遴阻之。母殺言官。行疏散之矣。明日疏上。果緩其獄。月餘。國遴與同官曹良直。飲酒。語及之。良直曰。駱受

密旨。安得少泄。不俟且以聞。國遴初不爲意。良直果疏上。留中。養性聞劾。大恐。幾欲自裁。已絕無耗。一日。上手書詔勳武射。并及都督。略養性益大恐。射得三矢。賜茶。養性不敢受。奏臣服罪久矣。囚述前事。上不問。始自安。

董象恆

雲間董中丞象恆。撫浙。有綏靜之德。城累被逮。甲申三月。許囚納贖。董購浙省在京者疏救。既輸金。旨未下。輒出獄。又浙人焚香迎於司寇門。其人爭金相詰。東廠伺符之。欲以聞。董卽夜。潛入獄。

兵疫

癸未夏秋間。畿內大疫。營兵半空。大司馬以餉匱。竟不補。至誤國。

蝗蟲秀才

庚辰辛巳間。山東大蝗。許收蝗五丁石。補諸生。時呼蝗蟲秀才。

佛災

庚辰二月十九日。杭州錢塘門昭慶寺火。銅像燦盡。東廡伽藍三像。土隅如故。屋雖燬。神製無一損。豈佛之靈。不及伽藍耶。始有不可解者。初萬曆間。賜大藏經。嘉興尙書岳石帆元聲。見經籤零落。奉入嘉興金明寺。求善手整之。得不燬。

弔沈何山詩

秀水朱侍郎大啓。弔烏程沈尙書濱。尙書亡子。客至不具賓禮。感賦一絕。術士俱傳不死方。臨期一著

費商量。無生無死原無用。莫向留人字子房。

武塘詩

嘉善進士徐遠。負錢相國子錢。囚責進。遠致相國書。附以詩。得好休時使好休。蘆花滿地燕飛秋。黃鸝唱晚日西落。幾見門前水倒流。相國返其書。題曰。馮君滿用一帆風。波復堆波滿眼中。莫笑寒巖無暖氣。三春花柳細成空。

孝陵碑石

辛巳。孝陵重立神烈山碑石。戶部給石價四千金。石出宜興山中。實七百金。

劉宗周不捐俸

劉念臺先生工部侍郎時。烏程倡百官捐俸助馬。先生獨否曰。朝廷以此養廉。不宜自薄。

市蔭

烏程朱文肅相國國楨。同年僉事朱汝器。雅相厚。非族也。文肅薨。少子中書舍人紳。利汝器子謙之金。許廢敍。而紳以劾郡守朱大受疏六上。大受發其私。又文肅祖墓在長興。守者朱國彬盜宰木。見罪。冒族父名許紳市蔭。下紳刑部獄。死。紳嘗買伎俞楚煙。以糶歸。

借屍脫囚

崇禎五年。高平典史。張口口悅囚婦許氏。借丐婦屍爲許氏。陰匿於官舍。秩滿還富平。隸人發其事。逮張至。抵死。

南內盜

辛巳十二月。南京大內西宮火。以盜利其銅。火之。
壬午四月。盜祕色鑿器五百件。

收生婦

庚辰九月癸未。收生婦。王氏孫男李化龍。王化姪。錢天祐。俱有與官。帶總旗。兵部知道。

清豐義士

壬午。北兵陷清豐。執知縣馬中驥。諸生某力救之。非令君也。乃歌者。中驥果以歌免。某被殺。

沈允臨書屏

姑蘇參議沈長倩卒。幼子與徐太史勿齋所議姻。或惡長倩。以徐館選。必絕婚得之。長倩拈古事書屏曰。長慶中王起。知貢舉。欲以白敏中爲狀元。嫌其與賀拔基往還。密令親知致意。敏中躍出。悉以實告曰。一第何門不可致。奈何輕絕至交。相與盡醉。起聞之曰。我比祇得敏中。今當更取賀拔基矣。

梁州杰

梁州杰。故嘉善丁清惠公賓。奴產子。朱姓。入塾補諸生。以黠滑忤主。除名。出亡。遇山西梁某。父事之。挈歸。冒梁氏籍。登辛未進士。應咸陽曹縣令。好貨。謫死揚州。州杰初第刻槁。瞽跛北面而朝之。其文有曰。謹具田間大老。奉中天子親家。時以爲笑。

陳美發

上庠陳木生太史。居鄉豪選。賈徑閭里。壬午家大疫。止一幼孫。召餘姚醫者史繼燭。吏至門。若神鞭其背。謂彼黷橫。不當療也。因仆地而蘇。幼孫殤絕。

陸員外贈妾東

嘉興梅溪里李明嶽。無子。平湖陸員外嗣端澄源。贈以燕姬。東曰。北地佳人。盈盈甫笄。東方才子。鬢髮有鬢。割我下陳。侍卿中幄。鵝柳之長條初折。梅溪之遠黛方新。紅拂善相李郎。麋麋俊眼。黃衫俠助霍女。洵是奇緣。拜姑婢身乍分明。敝姊妹心休見別。豪豈同於換馬。喜或媿於乘龍。曉發棠舟。只台漫歌河畔柳。夕開油壁。想應歡見畫中人。陳媛咏舊宮詩。我不更逢山下。杜老賦新婚別。君其倦問水濱。時欲遊粵。聊採微芹。以充合卷。願言種玉。用慰推雲。

王介人還妾

乙酉九月。梅溪里王翊。謂妾張氏。蓋難婦也。明年丙戌擾。還其故室。作滿庭芳詞。題帕贈之。九月沐袞。三春香袖。客遊多負蛾眉。一魂自守。掩抑待歸期。私惜閑情半枕。宵征肅。星影相宜。殘酒柔聲附耳。片刻倩郎陪。窺窗今未幾。旋傷邊次。對眼看離。念堂前去燕。故壘重樓。珍重紅樓小帕。沾餘清。檀氣維聞新詞與能將好夢。寄我數行啼。中多誤字。

江南邊聲

癸未春。夜飲張嶽山先生留署中。聞行歌者。歎曰。此邊聲也。乃在江南乎。今思其言。卽早有伊川之料。

三區方略

南昌黎博菴元寬。督學兩浙。癸酉七月。大考諸生。策問三區方略。多不能對。蓋吾浙參將四。各分一區。曰浙西。曰寧紹。曰金衢。曰溫台。時浙東悉海盜。

馬玉

燕伎馬玉。擅美北里。山陰余狀九熈欲娶之。偶朱錦衣席上侑飲。歌琵琶記中。滿城中許多公與侯。何須羨狀元。余意頓阻。

陸澄源刺黨

山陰都諫陳爾翼。黨逆魏。除名。于錢塘西湖。候陸員外澄源。問近况。云有甥女。陳曰。君遂作公公矣。員外漫聲唱曰。公公一日登九五。福自天來大。此劉瑾傳奇語。陳慚而去。

薦侑

崇禎末。士大夫苞苴。輒千百金。苦于費重。專用黃金美珠人參異幣。時都門嚴邏。而徑竇愈廣。癸未。大計。錦衣衛南鎮撫司。僉書。山陰朱壽宜。爲鄉戚寄進。累羨餘八千金。世事可知矣。

都諫娶娼

雲間許都諫譽卿。娶王修微。常熟錢侍郎謙益。娶柳如是。並落籍章寧。禮同正嫡。先進家範。未之或聞。

巡臺私從

巡按向獨身赴任。祖制。行李八十斤。出不馬。食不鵬。今遺規漸盡。惟單行如故。崇禎丁丑。邑人葛

徵奇按廣東。携一庖人。弘光初。沂州彭遇颺按浙。至攜全家。

鄭芝龍

鄭芝龍。少亡賴。走日本。小名鳳姐。年二十一。從李旦還閩。航海行劫。嘯聚頗衆。同輩二十餘人。莫適爲長。各約投甌于海。不沒者爲雄。獨鄭芝龍投甌不沒。衆因推戴。常值颺舟覆。及風息。舟之貨俱在。按宋福州鄭廣。以海寇授職。對郡寮吟曰。鄭廣有詩上衆官。文武看來總一般。衆官做官却做賊。鄭廣做賊却做官。滿座慚噤。不謂今鄭氏。萬倍于廣也。

誦經滅蝗

本兵楊嗣昌。請誦法華經滅蝗。

追封母后菩薩

崇禎十三年。追封孝元貞皇后曰。智上菩薩。孝純皇太后劉氏曰。顯仁九蓮菩薩。

癸未選館

癸未九月。望。廷試貢士。傳臚訖。以守令闕人。命進士咸觀政一月。閣臣請館選。奉高皇帝位于閣中。示其無私。非制也。嘉善沈澹預選。俄易魏學濂。魏學濂壬午舉南榜樹旗于門。顧孝廉之名義。紹忠節之家聲。私印曰一門忠孝。

海鹽陳梁弔子一詩。扁舟弔子一。無言意黯然。手持一端葛。爲致阿母前。子一曾過我。貽我絕命篇。竟口置不讀。一讀淚涌泉。初念死卽死。轉念誰能堅。責人莫太苛。子一亦優焉。如子一者。高車何軒軒。

華亭李雲弔子一詩。亂世身名可自由。恨君不及鄭台州。劇秦新論何曾草。月旦家評總世仇。

錢幣

崇禎時。錢法日壞。薄小如鵝眼荇葉。南京禮部右侍郎。錢寒菴人相。攜戶部夾鑄錢若干。欲上之。爲烏程所阻。

癸未冬。錢法侍郎曰。請禁萬曆泰昌天啓錢。止行崇禎錢。而崇禎錢少。一時苦之。都市常曰。拿崇禎來。或應曰。崇禎能有幾日。識者知其非祥。

降級

崇禎末。中外官。降級甚多。仍降遷如故。帶降級字。惟守令必開復得轉。咸歎淹滯。巡按山東監察御史陳曰。降九級。書奏云。巡按山東監察御史。降三級。又降三級。又降三級。臣某。松江知府方岳。貢歷十四年。歷降三十口級。夫御史七品。降九級。郡守四品。降三十口級。幾無容地。而猶衣豸橫金也。章服不足榮。功令不足畏矣。六朝時。降罰白衣領職。豈謂是乎。

訓儲

先帝好學不輟。其訓儲亦然。一日宮中有慶暫假。語閣臣曰。東宮又荒疏四五日矣。見忠節麟徵家誠要語。

閱武

先帝力能開勁弓。外解弓弩。多駁回。所頒行間。皆不能用。造甲每利矢陷之。駁回。於是甲或厚一分有餘。過重難堪。玉堂筆記

孝陵樹

崇禎十年。修孝陵。凡樹萬有二千九百五十七株。刪枯樹五百八十六株。

後湖

崇禎四年。修後湖冊庫。柱刊匠人名氏。十年不壞。始免議。

陳際泰

臨川陳大士。深於經術。盡日可草制義三十首。選貢。庚午舉於鄉。甲戌成進士。授行人。年六十五。猶善酒御內。辛巳。送金谿蔡相國之喪。卒于家。

撫州人因大士之教。生徒立業。俱尙迅敏。辛巳嘉定侯廣安喇曹。視學江右。正考儒童訖。仍大收。限試七義。稍欠。則加杖有差。他郡少者數人。多或數十人。惟撫州九百餘人。忠其衆。特簡七日。曰日月星辰。曰鼉鼉蛟龍。曰鳥獸魚鼈。曰干戈戚揚。曰麻纒絲絮。曰江淮河漢。曰梓匠輪輿。共錄四十人。以額實不勝收也。其減責者僅二八。

凌駟

李建泰。王錫袞。丙子主南畿試。時各省卷磨勘。各有停革。建泰等計必不免。遂自語禮部。以凌駟桑芸停科。芸年二十一。駟稍長。命下。駟除名。停芸三科。駟不能還。訴建泰。生雖不敏。奈何以駟塞責也。建泰語阻。許館之。殆百金。且任其完復。庚辰不復至。壬午收籍。癸未成進士。建泰出師。上問贊募者誰也。舉駟。任兵部職方主事。建泰爲順賊所執。偉其貌。知李姓。拜稱皇叔。閉深殿中。賊去。清人大肉。開殿得建泰。仍相之。與涿州不合引去。而建泰之督師也。山西口口爲裨將。幾被俘。賊

之。至是誣告建泰通叛。逮入京。鞫之不實。某坐誅。建泰得宥。嗣事弘光朝。拜御史。巡按河南。至歸德。度不支。夜自經。

王漢

澤縣王漢。丁丑進士。嘗與同年包長明詩陳大士云。先兄已無辜。恐身亦不良死。大士曰。曹操赤壁之戰。足下且爲荀文若何也。王應考其編

丹銀

沁水張都督道潛。好方術。謂母客俱給人。偶平陽人傳方。試之並驗。都督欲授余。余不應。又有小方。日得一鑲。吳興茅止生雜。請其法。遂廣作之。謂余不妄作者。傳之。日佐薪水可也。余辭曰。寒士命厄。正惟是半菽不充。藜藿無措。若日享一鑲。則腹且果然。豈上天見困之意哉。嘗見稗官家言。吳人某好丹。偶延方士某試作黃白。殊驗。特宴之。方士某纒舉箸頤脫。此事往往多陰譴。僕雖長餓。不願聞也。

金箔

宋杭州周承裕。私鑄金爲箔。鄭仁澤市千枚。轉鬻他州。事敗。全家徙配。轉運使陳堯佐言仁澤情同罰異。不可懲奸。乃定轉賣者。減造者一等。著爲令。田汝成

按秦漢以前。餽賜多黃金。江左後白金盛行。宋人謂黃金之耗。在于佛像。夫佛像固足耗。而今日之耗。莫大于屏幃榜署箋箴飾之類。歲耗不可勝計。如金陵蘇杭製扇徧天下。其糜金箔何限。恐佛像不足當其十一也。推此一端。律以宋事。庶乎有警。

時敏

初餘杭大滌山洞中。有異人寓焉。不知其年月。云吳人也。嘗出遊。值筆賈。爲吳中故人。相話舊云。能見訪入洞。初黝暗。勿自阻。卽得達矣。常有以少報。久之。筆工尋山洞。如其言深入。劃然天開。見異人坐石牀。延接甚至。謂子貧。或外人託問未來事。可以助給朝夕也。於是屢往來焉。常熟時敏子。亦託筆工致問。云功名歷歷。第甲申三月十九日。切勿在京師。敏成進士。除海寧令。對所善諸生。若輩游宦。亦囑以甲申三月十九日切勿在京師。因述前指。敏調安陽。又調固始。邑婺婦某擁貲數十萬。居鄉時寇警。招之入城。令捐助。先後不贊。迨寇逼。驅婦出城被難。因籍其家。已遷口部主事。給事吳昌時。求預考選。召對。上臨門手注御史。出語人曰。貓頭補子。豈人所著。則宜與密揭改兵料給事中。甲申正月調金華守。上書自明。又得留。尋從賊。除巴縣令。御史蘇京除四川防禦使。敏卽修謁。盛飾短後衣。長跪。已遁歸。昔鄭相如告鄭虔曰。天寶十三年。逆臣僭亂。當得僞官。願守忠節。時開元三十年也。後安祿山返。虔陷賊。署中水部郎中。虔念其言。稱疾求攝。事平。虔減死。貶台州司戶。夫天寶十三年。與今之甲申三月同。二子獨不能預避之耶。亦何貴于前知。司戶亡論。敏且外遷。適當其幸。至上書乞留。豈非溺于津要。附宜與未足。轉于附賊矣。

吳之俊五議

南渡初。口口諸生吳之俊。上史相國五議。

漕糧兩石。而運一石。今湖廣江西順流而下。浙直一水之使。俱數日可達京倉。漕糧在湖廣。令楚鎮撫對支。在徐泗淮揚。與淮揚鎮撫對支。在九江安慶。與江西對支。某地鎮撫。在某地對支。或對支隣近盈餘。卽解京倉。在昔水耗。緣途運維難。京倉存積數年。故有鼠雀朽腐之額。今糧本年支銷。所存京倉幾何。過口令。一之耗足矣。對支可無耗也。浙直兌例。每缸正米三百三十石。凡百加九石八斗十斛三尖。一缸口糧四十金。行糧十六金。每石蘆席車脚茶果常例之費。二錢有餘。而湖廣江西。耗有加六加七之異。使費倍之。說缸小脩三年。大修五年。大造又外帶六十石。每石水脚一錢五分。耗米加一之

五。更無他費。則今日四省運糧京倉。途近軍便。較之遼糧。可以類推也。白糧三石而運一石。獨蘇松太嘉湖五府有之。共二十萬千七百。例耗米三斗春辨二斗六升。本色四斗。折色四斗。折銀二兩。嘉湖水脚。每石六錢。雜項之費不與焉。今奉旨明年改折。二年正額外。即餘米十萬有零。以佐軍興。九邊已絕。口口來年。南京概給新引。兩淮乃五錢六分。兩浙每引四錢。浙鹽計四十萬引。淮鹽浮額八十餘萬引。除湖廣河南殘破。少行約三四十萬引。每引又庫價二錢三分。淮浙可得四五十萬。補正供之不足。

松江綢布三匹而致一匹。今宮寺不過數百人。所需幾何。官布亦便。綢布十有餘萬。編番解戶。諒助貼價。折可十萬。

大派改造。祖制。十年一派。係浙直福建。八府。並廣德州。供織上用。如金花緞大紅錦每匹至二。餘金。又鋪墊一兩九錢。共計十八萬匹。又細造六千匹。如虎豹緞每匹七金。鋪墊一兩二錢。口口口口口皇上發極。例有口口團花亦應動支二十餘萬。更有龍袍。妃服。綾紗。黃白絹。並鋪墊等項。共三百萬之額。或動支于四司料價。或動太倉料價。或出正倍額辨。不一而足。再如天啓問題加邊餉七百六十萬。剿練二餉。浙直廣福江西五省。亦約一百四五十萬。而問馬折價。河工。見存典稅。雜稅。金花。及十庫茶蠟顏料藥材。諒酌上供。猶可變通二百餘萬。東南財賦。現在千萬有餘。而漕米幾三百萬。不與也。

顧錫嘒

崑山顧宗伯瑞屏。乙酉九月。父被難航海至溫州。入閩。隆武朝。加太子太師。仍禮部尙書。命聯絡浙直士籍。十一月復至溫州。因募兵乏餉。欲徵漁稅。巡撫盧若騰。總兵丹陽賀君堯。爭魚稅成隙。而君堯部下毆諸生。至諸生洶洶。宗伯遂疏參盧賀兩公。丙戌三月。宗伯復命。宿江心寺。君堯夜遣人殺之。

趙庚

吳江趙庚。字渙之。崇禎甲戌進士。隆武時。文選主事。遭亂。祝髮爲僧。遠游天台。習禪學。豪不顧家者二年。子遣候。或言其子應省試。曰此多事。已鄉舉。曰又多事。終無所囑。時吳江某村廟。流言武當真武之神駐節焉。香火驟溢。改創神宇。其僧積鐵數萬。趙氏子孝廉溥利之。許于巡臺秦世禎。謂有張角之孽。事下蘇州同知。口或走天台邀庚還家。阻其子。庚不得已。同二僧來。過平望。值風附覆。救出。庚俄坐逝。陸禹時記。

獨足鳥

新安陳文遠。崇禎中。遊于山陝間。西北有鳥大如鳩。獨足。千百爲羣。每集處。不旬日流寇入寇。號爲吾家鳥。時射食之。味腴。又嘗見空中飛銀。大小不一。相擊撞有聲。人以石中之。亦墮地。餘不知所往。

朱積離魂

華亭朱積。以庶常述南。常疾甚。魂冉冉自榻出。升屋上。若前列雙燭。身東向。燭卽東。身西向。燭卽西。竟日。魂徐下。入所寢之東南隅。見身隱于榻。並榻臥者不知爲何人也。如是三日。忽欲溲。借臥者溲焉。時扶掖甚苦。久之魂登榻並臥。又不相屬。少間同年某。移飲榻次。約明年燈夕偕游。答之曰。我願甚。但未知彼許我否。同年駭別。魂離二十七日始合體。而愈。因歷歷爲包長明述之。

修志

范石湖吳郡志成。欲刻。時有求附其事于籍而弗得者。譁曰是非石湖筆也。守憚莫敢辨。亦弗敢刻。以

書藏諸學宮。見汴人趙汝談序中。崇禎初。海甯教諭平湖趙無聲雜糞。以修我縣志見忌。濱行。柬予曰。不佞故以痴癡。爲不知者所詬厲。不意世間亦復有如不佞者。亦更有如不佞之知兄者。德不孤。必有隣。信矣。

傭養

有賈江北者。募二傭背其裝。先行。各與一金。嘗午飯旅舍。忽失二傭。意其遁。出傭券示舍主。舍主曰。無妨。彼非傭也。本兄弟。俱諸生也。俄至問之。值母生日。資力金爲壽。上一觴耳。惜失其名氏。周公員記

逸詩

丙戌六月七日。攜李屠用明走幽橋村。值木鐸老人。挂 太祖高皇帝聖諭牌。因絮語道側。雪涕而別。似毘陵人。舟泊有兒鼓柁。用明詩紀之。不載。

學使李際期。試金華諸生。或題牘曰。滿州衣帽滿州頭。滿面威風滿面羞。滿眼干戈滿眼淚。滿腔忠憤滿腔愁。

誕日疏

戊子正月。嘉善錢相國誕日。釋衍門正志。備齋疏曰。竊以久莫久于無量壽。奚誇上古之椿。永莫永于一刹那。好納須彌于芥。蓋謂仁者必靜。靜則爲常。吉士多求。求止于道。若夫善願善禱。總屬虛譽之事。不驚不崩。亦是過情之願。斯尚不可質諸諸正人君子之前。又曷敢昭告大覺世尊者耶。但願身雖幻有。借假可以消真。時雖駛流。不遷卽是常住。仲尼之欲無大過。猶須假我數年。顏子之殆其庶幾。故在不違三月。况乎。黑業多而白業少。尤宜更事懺摩。人心危而道心微。顯用克勤精一。孰謂延齡非

進德之基。而攝生非薄德之地也。茲者歲添一算。乃宜喜宜懼之交關。事且百叢。覺爲人爲己之相間。人則慶鄉老而兼國老。我則憂未解天下之倒懸。人或慶爵尊而暨齒尊。我則憂難慰蒼生之缺望。略弛刻責。便墮自寬。財失思維。遂憐昏弱。由是希良馬之視鞭影。直爾長驅。效野口之去尾牙。猛然大奮。幸爾落日之方可想。會且形就而神和。觀河之見不殊。何妨年變而月化。伏願自今已後。寒威徹骨。梅花識天地之心。和氣滿懷。穀種播聖神之德。已用諸河之水。不消口吸西江。既略夜半之星。何俟身藏北斗。試看春風澹蕩。象牙點點雲雷華。秋水澄清。珊瑚枝枝海波月。

人瑞

歸化縣。晏景生。洪武壬戌年。百有二歲。

台州楊小彭。年百二十一歲。喻尙書時有詩。

永康徐伯敦。嘉靖戊午。百有三歲。郡守李口問其故。曰無他。第寡欲耳。

莆田林貴生。宣德丁未卒。嘉靖己丑年。百有五歲。朱永崇。吳大猗。陳居蹠。各年百歲。義烏陳世泰。萬歷戊寅年。百有六歲。或題其門。壽域天開。眼見六朝盛事。老人星現。躬逢百歲中秋。

長樂郡庠後圃者。生弘治癸亥年。一百歲。老亡子。五雜俎

慈谿劉伯祥。嘉靖辛酉鄉舉。隆慶辛未進士。歷江西按察副使。年百有八歲。

尉氏趙宗。年百有二歲。

密縣樊福。年百有十四歲。

丹陽劉伯淵。嘉靖戊戌。八月生。戊午鄉薦。己未登第。和海澄。憂去。起補臨川。又憂去。歷什邡湘陰甯陽餘杭。屢罷屢任。不滿十月。以生母沈氏。告終養。崇禎十年。伯淵百歲。兵部侍郎王業浩以聞。命補近縣。滿歲卽褒封。于是授英山縣知縣。三月。卽地封。餘姚杜一。年百三十八歲。尙爲人賃舂。萬歷口口有司存恤。

崇禎三年。四月。詹事口黃士竣。言親齡望百。求省侍。許之。仍令有司存問。
崇禎丁丑。休寧孫元新。年百三歲。見陳眉公像贊。
丁丑。五月。進士鄧明臣。言其祖必信。嘉靖戊戌生。今百歲。令下部旌禮。

私諡

秦和蕭尙仁。洪武中。以賢良召。卒。門人私諡貞固先生。

宣城貢信之。一名悅世。稱南湖先生。私諡貞恪。

湯谿胡榮希華。居家孝友。門人私諡文莊先生。

浦江鄭洵。營代兄濂死。私諡貞義處士。又鄭淵仲涵。徵君。私諡貞孝處士。

崑山殷奎孝章。咸陽教諭。私諡文懿先生。

東陽馬濂原清。官山東按察副使。鄉人私諡孝廉先生。

宣城陳迪。禮部尙書。殉難。郡人私諡靖獻先生。

瑞安卓敬。戶部侍郎。殉難。宣德中劉球作傳。私諡忠貞。

鄞縣王用賓。舉文學。授休寧訓導。太祖試鍾山雨霽及參鶴二賦。命供奉翰林。以教授卒。門人私諡

清節先生。

義烏王祿。有學行。門人私諡孝莊先生。

金華劉履垣之。洪武中。私諡貞恭先生。

崑山龔翊大章。以金川門卒。避靖難。去之。門人私諡安節先生。

黃巖應宗祥尙履。諸生也。好學工詩文。門人私諡文貞。

吉水解晉。私諡文毅。見胡儼祭文中。

仙游鄭照孔昭。正統間。以監生令安遠。韓巡撫雍稱廉官第一。卒。鄉人私諡清介。

蘭州段堅可久。景泰甲戌進士。南陽知府。成化甲辰卒。年六十六。門人私謚文毅。

華亭張琦仲圭。黃縣訓導。子口貴。贈尚書。學者私謚貞孝先生。

無錫秦旭景暘。父嘗讀論語君子以敬。曰此萬金良藥也。行己接物。一以爲準。及卒。友人李舜民等。私謚貞靖先生。

海鹽祝萃口口成化甲辰進士。廣東左參政。門人私謚文慎先生。

福寧劉鐸彥振。成化中。歲貢生。訓導仙居。歸養母。喪葬如禮。有雁來巢。及卒。學正閔鶚私謚曰貞孝。

福寧盛仕春仁仲。弘治中。訓導泗州。耽書至忘食。淹貫百氏。有失則悔。書以自艾。年八十一。鄉人私謚文柳先生。柳字疑誤

閩縣何廷議。南安府同知。鄉人私謚夷穆。

閩縣鄭餘慶。定海知縣。卒官。定海人。私謚曰恭孝。

秦和王轟九達。文端公直。五世孫。少遊王文成之門。嘉靖中。教諭莆田。本師說而不遺格物。卒官。門人私謚貞穆先生。

高要崇德子脩。早出陳白沙之門。廉介有氣節。舉于鄉。知沙縣。諭民十事。隣士就教。延禮之。廣諸生額。卒官。士民聚哭。私謚古廉先生。

海甯衛指揮使。王佐。私謚康毅。見徐咸論議。

金華陸震汝亨。正德口口進士。兵部郎中。諫南巡。杖卒。門人私謚忠定先生。

華亭何震汝元。官口教諭。嘉靖中有司祠之。私謚口口先生。

華亭馮梅。性至孝。母浦氏。疾累月。每夜籲斗求身代。母獲瘥而海以瘁卒。里人私謚苦孝先生。

吳縣杜瓊用嘉。篤孝純德。有司屢薦。輒辭。年八十餘。門人私謚淵孝先生。

吉安曹嶼東石。正德戊辰進士。官建昌知府。門人私謚文節。

江都葛澗。以諸生編國朝人物若干卷。私諡正學先生。

慶陽李夢陽。卒。門人私諡文毅先生。

南陽王鴻漸。口口口口進士。官四川按察使。私諡貞惠。

山陰汪應軫子宿。口口口口進士。官江西按察僉事。私諡清憲先生。

尉氏左國瓊。正德丙子貢士。有文行。門人秋諡貞孝。

鄆陵鄭友諒誠甫。膺貢。麻哈州知州。門人私諡簡定先生。

無錫王問子裕。嘉靖戊戌進士。廣東按察僉事。退居湖上。翰墨自娛。門人私諡文靜先生。

漢陽張緒文倫。嘉靖進士。南京吏部員外郎。家居講學。友人私諡介肅先生。

瑞州胡用賓其佐。門人私諡誠行先生。以子維霖貴。贈浙江按察使。

慈谿顏鯨應雷。嘉靖丙辰進士。官太僕口口鄉人私諡正道先生。

海鹽徐州德安。才識超卓。所著匡章論。均田議。華山移賦。私諡穎發先生。

王來子長。力學性剛。早卒。私諡直敢先生。王文祿集

海鹽吳昂德翼。官口口左布政使。私諡文愨先生。

徐獻忠。官奉化知縣。王文美。私諡曰貞憲。

銅梁李口號柏山。膺貢。任奉新縣丞。好讀書。友人張佳胤。私諡恭懿。

慶雲楊粹夫。歲貢。任玉田訓導。卒官。門人私諡靖節。慶雲縣志

高郭黃秉石。福左府長史。口口恭王甚禮之。父可大。口口推官。恭王私諡順德。

南城鄧元錫口貢士。薦授翰林院待詔。門人私諡文統先生。

陽城張慎言。萬歷庚戌進士。太子太保。南京吏部尚書。私諡端整。

嘉善錢士升。萬歷丙辰進士。禮部尚書。兼東閣大學士。私諡文貞。

嘲錢牧齋

或謂虎邱生公石上。嘗贈太宗伯錢牧齋。蘇東坡之作。入詩紛紛。意至濶。純歸此日。又相逢。黑頭已白。羞江總。青史何曾用蔡邕。昔去幸寬沉白馬。今來應悔賣盧龍。最憐攀折庭邊柳。捺亂春風問阿儂。錢公出處好胸襟。山斗才名天下聞。國破從新朝北闕。官高依舊老東林。

夢卜

國初。龍溪林弼元。凱元。至正進士。授郡幕。洪武二年。徵脩元史。舊名唐臣。以國禁改。出知豐城。誣逮。太湖口。夢木人口眼俱動。意恐不免。後御筆休問。休。於字爲木人。而問字。草書如動像。弼終登州知府。

黃巖林侍郎一鶚。任江西布政。中元日晝寢。夢享婦人祭。覺所享尚在喉間。并里舍。歷歷在目。命隸跡訪。果某坊老婦祭夫也。問祭品。及婦忘辰所服。具如夢中。忘辰。卽公生日也。

弘治中口趙琥。計借。夢得詩。風光在閨中。謂必登第。竟乙榜。授閩中教諭。

餘杭李春芳。通經力學。夢廷對第一。頗自負。竟困秋闈。明年丁未狀元。與化李春芳也。同名氏。

蘭溪趙志高。久潦公車。偶夢唐狀元汝楫。程探花文德。來訪。俱鄉郡先達也。婦笑其老孝廉妄覲。隆慶丁卯北上。邑令餞諸孝廉。獨趙不速。明年戊辰。榜眼及第。

嘉善丁賓。夢謁拜程明道先生。後宰句容。入上元公署。拜折竿祠。果如夢中。又隆慶辛未成進士。初過濟寧。榜人懇勸加等。云夜夢人呼我迎工部。驚寤無所見。已夢烏帽者登舟。其公乎。果歷南京工部尚書。

福清葉相國向高。少時禱於石竹山。夢人語之曰。事君能致其身。不省所謂。再求明示。遂再語曰。腰繫是白玉帶。

仁和鍾化民。父夢其官至洛陽橋。初令惠安。脩洛陽橋。得舊碣。曰維新。卽公字也。意應之。後開府河南。卒。

上海夏景華。萬曆辛卯秋試畢。夢人令裹銀五分。出東門。值某色衣者陰投之。求捷。景華雖不以爲然。姑戲之。所裹銀紙。書姓名求捷。果值某色衣者。投其袖中。彼不知也。其人晚解衣。得銀云云。亦笑而置之。其人適書榜。主司拆卷云。夏景華。未定也。其人遽書上。遂不易。又陽城李養蒙。丁酉山西登榜。亦略同。俱戲爲之。非有意也。

萬曆癸卯。漳州陳口。夢福州林汝椿榜三十一名。已次之。初場連席。因告之。汝椿果雋。陳不錄。丙午登第。俱三十。

泌水張銓。計偕時。夢判事。歷大馬司而止。既司理保定。夢官舍曰兩是亭。設座三。爲楊貞肅繼宗。許忠節達。揖公曰。虛一以待。然須他日。今少有疑事相煩耳。出案牘判畢。目送於門曰。後會有期。醒而記有鬼訴人殺之。判曰。鬼殺人。人殺鬼。足相當矣。擢御史。以屯馬按漢中。修諸葛武侯祠。未及勒石。公子道潛夢武侯求紀。以告。公撰記財半。稿未就。

陽城張愼言。萬曆庚子夏。忽夢社友王仁同捷。以仁入棘而非其才。丙午。張登榜。值報者王仁。因悟前夢。庚戌廷試。夢有憐君千里桃花客。愧我三家村裏人之句。果第三甲出身。御史。時忤璫。戍肅州。夢紅梨花爲歸期。崇禎初。賜環。道河東。兵使餞之。演紅梨花傳奇。不覺追歎。

上虞周夢尹中丞。徵時。禱仙姑洞。夢贈絕句。三年到此媿無功。栽得桃花滿院紅。任罷不堪收拾去。一齊分付與東風。後令永新。署壁前令刊所作。

嘉興高斗光。夢捷報其名。方自幸。報者又云非也。君乃道素。當在後。因改名道素。己未進士同榜。嘉祥高斗光。

平湖徐在中。禱于少保祠。夢少保語以關聖同宮。後守廣州。逮入京。五月十三日乘市。相傳關侯誕辰也。

嘉興張駿徵。夢入宮闕如王者。則闔羅天子也。出見作禮。求師其子。辭母老不聽。乃以公子治春秋。非我習也。召吏按籍。始責攝者。慰駿徵出。甲戌成進士。

肥城書佐刁守宗。夢閻羅王取八十人。寫七省輪迴冊。分黃黑。總數十萬人。八旬而畢。送萊州。謂中丞從治。四月二十日已刻蒞任。守宗以驢往。城門千人。部校三四十人。准闕正將旗鼓。軍容甚盛。導馬八匹。入公署。見中丞於內室。几列二書。劍一研。中丞報書治裝。飲棗豆湯。卽檄豐都之任。各神郊迎三十里。進臺投冊。守宗以語人。不信。四月十六日午刻。中丞中毆卒。

蒲州韓承宣。筮仕陞城。邀其姻王衷一往。衷一夢韓印其衣領。及濟南陷韓以人雜。果印其衣領。逃歸。

沁水王廷讓。崇禎庚辰進士。初夢薰花置席。又同故僕王斗語。不以爲意。及登第榜。鴻臚寺報名。見左如蘭。王斗生。次之。始悟。

鄂縣包文燁。崇禎庚午。初場偶倦。夢韋馱神曰。文雖佳。以啖牛炙。投文廟中矣。懇救。許遲三科。壬午始捷。以遺才第一領試牘。爲風颳去無可跡。欲另騰卷。方過他所。有老嫗從樹上拾之。嫗夢神語。此貴人物也。完好如故。

沁水孫如玉。夢壬午天榜。首陰隲科三人。行德科四人。才用科屯田科各若干人。詳著素履。倉卒間。止記第四人韓姓。又榜暴戾恣睢若干人。貪淫無度若干人。詳著如前。如硃筆書脩字如玉。列貪淫中。驚寤。是科第四人果韓姓。

濟寧陳孟脩家。闖將軍廟側。崇禎時。回子數十人。謀毀其廟。厚市旁屋。孟脩獨不受。謀復之。被毆辱不自覺痛。旬餘體平。夢周倉曰。與爾二羊皮。及起。傷目始瞭。嗣後孟脩弟臥廟旁。聞將軍語周倉曰。爾礮刃。我將僂諸囚。亡何諸囚以他事鬪死。乙酉清人開科。孟脩夢周倉促試。果聯捷。

嘉善陳舒。癸未歲。夢神付七題。而身所衣冠。非所制也。清朝己丑南宮。七藝俱出宿構。

萬曆六月戊午。夏。予赴都試。道宿舟中。夢人大朝。帝臨殿。東宮皇孫以次左立。問安邊之策。或請南遷。予方欲爭之。俄飛塵蔽天。云京城陷。頃刻潰散。不知所向。曉以語同人。各笑其妄。甲申聞變。追憶前夢。雖草野不足道。未始無驗也。

硃墨預兆

東陽趙明欽。萬曆乙酉鄉舉。明年成進士歸娶。乙卯主試貴州。還途聞鄰婦哀慟。且跡之。其夫故諸生忌日也。下世年月日。正趙生期。怪問其所遺書。出其稿。卽趙聯捷之試墨。

廣德戈應試。崇禎庚午登科。歸拜舅氏。纔沒。見懸梁遺稿。啓視與朱墨不異。復應試易名簡。辛未進士。

夷堅志。溫陵葉文鳳。登進士。官天台簿。遇生日于邸舍假寐。夢人請喫麻糍。既覺。聞鄰婦啼哭。問之曰。亡兒忌日。作麻糍祭享感泣耳。文鳳問其所業。曰業詩。命取其舊業視之。與葉及第程文一字無訛。因拜媪爲生母。奉之別所。今再見于趙氏云。

排調

平湖某輸粟納監。且買姬。或戲之曰。偏房花燭夜。銀榜掛名時。豐吏部南出坊。游妓館。題之曰虫二。謂風月無邊也。

余同麓文敏。過蘇。申瑤泉文定家。留飲。設魚羹。戲曰。這魚有丁。文敏笑而頷之。已侍兒趣別。余曰且住。待中時行。各隱其名以戲也。

吳瀛海禮嘉。沈大若一中。同年相善。瀛海邀沈觀燈。沈指鯉燈曰。此鯉雖佳。恐非瀛海中物。俄沈求去。吳引滿勸曰。水酒不堪大嚼。再進一鍾。

平海沈萃。顧少所細羽童。補功曹。歷長沙衛經歷。沈歷蘇州守。陸員外嗣端。改唐詩嘲之。鶴唳雲冠宮樣妝。春風一曲度爲娘。師公見慣渾閑事。惱亂蘇州刺史腸。

海鹽吳少白。刊詩一帙。序曰。先君號少白。旣不能文。又不能詩。曷足少哉。予之少也。非少先君之白也。乃少太白之白也。云云。有蘇州雪詩。玉皇昨夜買私鹽。故把鵝毛細細旋。今日虎邱山上望。一個

蘇州通麵煎。題虎云。胡他胡他又胡他。兩眼銅鈴怕殺他。

婺人有縣丞行四十。秀才行二十七。子行三十六。聘啓云。四十縣丞。非廿七秀才之所敢仰。二八嬌娥

。正三六新郎之所宜求。上三句疑有脫誤。

平湖令劉士瑗。以匠誣冤。不之直。被斧傷指。邑紳候問曰。樂只君子。民之父母。

萬歷壬辰狀元。侯官溫正春。由龍谿教諭。或增四喜詩曰。十年久旱逢甘雨。千里他鄉遇故知。和尚洞

房花燭夜。教官金榜掛名時。

嘉興朱仲表嘲尼詩。不惜風流世所傳。一生隨處覓姻緣。超昇已出平康巷。解厄還登波若禪。節按木

魚移此日。歌翻虎鳳想當年。一心未絕紅樓夢。春夜猶思醉管絃。海濱陳某楹帖。三十步聊葺以居。一

二件足耕而食。或改之曰。三分錢。聊曰生財。一二妾。足稱好色。

太學某訪伎。通刺眷侍教生。伎報刺眷侍教旦。

子友王介人。有招飲者。視其刺。則王介臣也。僕誤報之。介人賦一絕句云。君是鬚鬚我面麻。姓名舉

止不曾賒。西家受柬東家醉。只爲當年一字差。

海鹽朱同知學忠。口口進士。題天甯寺僧舍曰。存通臺。或請其義。笑曰。賊禿轉音也。烏程沈聖岐。萬

歷口口進士。游狹邪間。題香篆堂。友人問所出。曰千人日。个个弄。

讀杜工部詩。入門高興發。侍立小童清。此君亦有外癖。爲之一笑。

人有咏杜詩。子璋髑髏血模糊之句。而愈瘡者。乃子美有三年猶病瘡。一鬼不消亡之句。豈其詩不自

靈乎。鄭以偉杜吟。

鍾伯敬詩。桃花少人事。吳門朱隗曰。李花終日忙乎。譚友夏詩。秋聲午夜真。朱隗又曰。甲夜乙夜。秋

聲尙假乎。

前定

龍潭饑甚。販參遼東。寓撫順城。萬曆戊午四月。臨發。待治一金壺。逆旅知建州當有變。趣之南隣。酒餞醉甚。宿焉。詰旦城陷。南隣客俱殺。本邸獨全。而饗某以宿南隣不免矣。蓋建州之謀預定。北邸以大駟。與之通也。

乙酉閏六月。北兵破嘉興。大殺掠。縫人吳某居城隍廟前。同三人夜伏神座下。見侍像進簿唱名。某人被某殺。至吳某云。殺于黃偉。駭甚。質明兵入。迎謂來者。非黃偉乎。首兵曰。我非也。次日黃偉因獲吳。問何以知我。告之故。歎曰。我徐州人。于爾或宿業。若甘心焉。冤報何時已乎。卽神前解之。拜稱兄弟而去。

山陰范明隆。貴州副總兵。罷歸。值鼎革。張存仁鎮浙。以明隆父任邊東都司。時同明隆讀書。丙戌。下浙東。聘至。論舊不異疇昔。令通謁。巡撫蕭起元方殺南將。忽記明隆亦浙東人。立召斬之。明隆實非南將。又忘爲存仁故人也。存仁大慟。賻三百金。使不因存仁夙好。何至誤羅其網哉。

激浦所。百戶王雲達。遭亂。同婦磨菽乳自活。弟某無賴。以百戶名。官浙東。浙東敗。張存仁按名捕百戶。斬于市。婦某氏。給配營卒。義不從。自經。其弟尙存。

同庚

永康程京兆正誼。義烏虞御史懷忠。同嘉靖庚子九月四日子時生。同隆慶辛未進士。同司李。內召懷忠入西臺。忤時宰。出守袁州。仍謫潛山。邑邑死。正誼以刑曹歷大京兆。八十。

萬曆癸丑會元。宜興周延儒。天啓乙丑會元。無錫華琪芳。崇禎戊辰會元。嘉善曹勳。俱生萬曆某年某月某日。其時地小異。先後冠南宮亦奇。

內承運庫

正德三年。睢州劉淮。以孝廉入太學。歷事兵部。時同年詹伯齡。亦歷事內承運庫。遞庫中有象牙一。

長三丈。重七百餘斤。蠟暴二。圍如鵝卵。長三丈。東方朔桃核半枚。大如人掌。鱗皮一。大小珊瑚樹八九枝。次日余同詹進觀之。果然。鱗皮已蛀。闊可七八尺。桃核中鑄東方朔桃核。五大金字。劉淮聞見錄

朝鮮使臣夷人寫早朝詩

正德四年。元日候朝。辰時。上還未出。時有朔日日本安南三國。陪臣候朝。其一人畫地作字云。花迎佩劍星初落。柳拂旌旗露未乾。又一人書云。日色纔臨仙掌動。香煙欲傍袞龍浮。余同劉宗敬觀之。良久宗敬曰。此夷人寫早朝詩。有意笑中國嘉祝之晚也。衆憬然。劉淮

南曲

海鹽腔。始元澈浦提舉楊氏。
崑山腔。始邑人魏良甫。



新文化書社